



नवधम्मकाहो

# NĀVĀDHAMMAKAHĀO

[*The Sixth Āṅga of the Śvetāmbara Jain Canon*]

critically edited

by

M. V. VAIDYA,

M. A.

Fergusson College, Poona

---

1940

---

POONA

*First Edition*

[ Price :-- Indian : Rs. ~~five~~  
Foreign : Shillings 7/6; \$ 2.00 ]

---

Printed by Lakshman Narayan Chapekar at the Aryasanskriti Press,  
198(17) Sadashiv, Tilak Road, Poona 2, and published by  
Prof. N. V. Vaidya, M.A., Fergusson College, Poona 4.

## PREFACE

The present edition was undertaken two years back. When I undertook it, I had no idea that the text alone would cover so many pages. Again, owing to the out-break of war, the cost of paper has gone very high, and I had, therefore, to give up the idea of adding notes, index and commentary for the present. The Commentary, however, will be printed soon, and issued separately.

The editor acknowledges his indebtedness to the University of Bombay, for the substantial financial help it has granted towards the cost of the publication of this book.

I must also acknowledge with gratitude the help that I received from Prin. R. D. Karmarkar, M. A. from time to time. His advice and help were very useful to me on more than one occasion.

I have also to thank my students Mr. S. L. Hirve, B. A. and Mr. S. S. Deshpande, B. A. for doing most of the copying work. To Mr. Chapekar and Mr. Vaze, of the Ārya Sanskriti Press, and to Mr. Barve of the Āryabhushan Press, my thanks are due for having done the work neatly and satisfactorily.

I only hope that the work would be of some use to those who are working in the field of Prākritis, and Jain Literature.

Fergusson College, }  
Poona 4

N. V. VAIDYA.

---



## INTRODUCTION

The present edition of Nāyādharmakahāo is based on the following five manuscripts from the Bhandarkar Oriental Research Institute :—

C. No. 124

32  
1869 - 70

SIZE.—10" by 4 $\frac{3}{8}$ ". EXTENT.—155 Folios, 13 lines to a page ( sometimes 15 lines ); 40 to 45 letters to a line.

DESCRIPTION.—Country paper thick and greyish, Devanāgarī characters with पृष्ठात्रास; big, legible and good hand-writing; condition on the whole good; complete; extent 5500 ślokas. AGE.—Old.

BEGINS.—Fol. 1<sup>b</sup> श्रीजिनाय नमः ॥ तेणं कालेणं तेणं समएणं चंपा नामं नयरी होत्था । वन्नओ । तीसे णं चंपाए नयरीए etc.

ENDS.—Fol. 155<sup>b</sup> सच्चदुक्खाण ( णं ) अंत ( तं ) काहीति ॥ एवं खलु जंवू निक्खेवगो ॥ दसमस्स वग्गस्स दसमो वग्गो सम्मत्तो ॥ छ ॥ १० एवं खलु जंवू समणेणं भगवया महावीरेणं आयगरेणं ( तिथगरेणं ) सय( यं )स( सं )बुद्धेणं पुरिसोत्तसेणं पुरिससीहिणं जाव संपत्तेणं धम्मकहाणं अयमद्वे पन्नत्ते ॥ धम्मकहासूय( क् )खधो समत्तो दसहिं वग्गेहि नायाधम्मकहाउ समत्ता ॥ छ ॥ इति श्रीज्ञाताधर्मकथा समाप्ता ॥ १५००

D. No. 126

193  
1871 - 72

SIZE.—9 $\frac{7}{8}$  in. by 4 $\frac{3}{8}$  in. EXTENT—103 + 1 = 104 folios; 15 lines to a page; 60 letters to a line.

DESCRIPTION.—Country paper rough, tough and greyish; Devanāgarī characters with occasional पृष्ठात्रास; small, legible and very fair hand-writing; complete; extent 5750 ślokas. AGE.—Samvat 1625.

BEGINS.—Fol. 1<sup>b</sup> तेणं कालेणं तेणं समएणं चंपा etc.

ENDS.—Fol. 103<sup>c</sup> सच्चदुक्खाण etc., upto धम्मकहाओ as in No. 124 followed by सम्मत्ताउ । छ । इति श्रीज्ञाताधर्मकथांगसूत्र समाप्तः ॥ छ etc. ग्रंथाग्रं श्लोकसंख्या ५७५० ॥ छ ॥ संवत् १६२५ वर्षे श्रावणमासे शुक्लपक्षे सप्तमीदिने शुक्रवासरे ' सारंगपुर ' नगरे पटनार्थं पंडितश्रीश्रुतनिधानस्य ॥ छ etc.

A No. 127

192  
1871-72

SIZE.—10 in. by  $4\frac{3}{8}$  in. EXTENT.—221-1+2+2-2=222 folios; 11 lines to a page, 34 letters to a line.

DESCRIPTION.—Country paper thick, rough and greyish; Devanāgarī characters with occasional पृष्मात्राः; big, quite legible and elegant hand-writing. AGE.—Old.

BEGINS.—Fol. 3<sup>a</sup> तं जहा । णाया [ णिय ] धम्मकहाउ । पढम [ ण ] स्स भंते सुय ( क् ) खंधस्स समणेण etc.

ENDS.—Fol. 221<sup>a</sup> सव्वदुक्खाणं etc., upto नायाधम्मकहाओ as in No. 124 followed by सम्मत्ताउ । छ etc. श्रीज्ञाताधर्मकथांग छठ(ट्ट)मंगं सम्मत्तं छ । ग्रंथाग्रं ५६२७ [ ७ ] ( ५६७७ ? ) छ etc. Then we have in a different hand :—ग्या ( ज्ञा ) नाभ्यासी वरद्धमानं सएस करणिपरीग्रह उपरथी ... मोषगरणकी ... वेचवाथी लेइ जई पाछी ... ते अरीहंत सिद्ध ... ..

B No. 128

790  
1895-1902

SIZE.— $10\frac{1}{4}$  in. by  $4\frac{3}{8}$  in. EXTENT.—193 folios; 11 lines to a page; 40 letters to a line.

DESCRIPTION.—Country paper rough and white; Devanāgarī characters with पृष्मात्राः; big, legible and good handwriting; AGE.—Samvat 1661.

BEGINS.—Fol. 1<sup>b</sup> ओ नम ( : ) सर्वज्ञाय ।  
तेणं कालेणं तेणं समएणं चंपा etc.

ENDS.—Fol 193<sup>a</sup> सव्वदुक्खाणं, etc., up to छठमंगं सम्मत्तं as in No. 127 followed by छ ग्रंथाग्रं ५२५० ॥ छ । etc., भम्र etc., जलाद्रक्षे etc., संवत् १६६१ वर्षे भाद्रपदमासे कृष्णपक्षे द्वादशि तिथौ बृहत्प ( स्प ) तिवासेरे शक्तिपुरस्थाने दुनी १८७ चंदलिखितं etc.

E. No. 129

430  
1882-83

SIZE.—10 in. by  $4\frac{1}{4}$  in. EXTENT.—147-3=144 folios; 11 lines to a page; 48 letters to a line.

DESCRIPTION.—Country paper thin and greyish; Devanāgarī characters with occasional पृष्मात्राः; bold, clear, and beautiful hand-writing; Extent 6000 Ślokas.

AGE.—Samvat 1686.

AUTHOR OF THE COMMENTARY.—Abhayadeva Sūri.

BEGINS.—(text) fol. 4<sup>a</sup> णं बुद्धिविज्ञाणेणं । तस्स सुमिणस्स अथाग्गह करेइ । २ ता धारिणिं देविं ताहि जाय हियय etc.

—(Com.) fol. 4<sup>a</sup> एवं खलु ति । एवंरूपादुक्तफलसाधनसमर्थात्स्वप्नाहारकपुनर्ज-  
निय्यसीति संबंधः etc.

ENDS.—(text) fol. 147<sup>a</sup> सच्चदुक्खानमेत.....एवं खलु जंबू etc.,  
upto जाव ठाणं संपत्ताणं as in No. 124 followed by छ । धम्मकहासुय (क्)  
खंधो सम्मत्तो । छ दस्सिहि व(ग्गे)हिं नायधम्मकहासो सम्मत्ताओ ॥ ग्रंथाग्रं ६००० ॥  
शुभं भवतु ॥ संवत् १६८६ वर्षे भाद्रवा सुदि ५ दिने ॥ श्री 'विकानेर' मध्ये लिपितं.

(Com.) fol. 141<sup>b</sup> अत एव वरकवर्जितेति etc., up to सिद्धेयं, followed  
by the lines :—प्रत्यक्षरं निरूप्यास्य ग्रंथमानं विनिश्चितं ।

अनुष्ठभां सहस्राणि त्रीणि सप्त शतानि च ॥ १२ (१३ ?).

[ Vide :—The descriptive catalogue of MSS. at the B. O. R. I. compiled by Prof. H. R. Kapadia, M. A. Part I. Pages :—113 to 125. ]

Out of these, MS. C is the best. It is written in a uniformly beautiful hand and is very accurate. MSS. A and D were collated only for five chapters, but it was found that they did not give any independently good reading. MS. A is written shabbily and MS. D is spoiled, as many folios have stuck together, and the ink has spread. So MSS. C, B. and E alone were collated for the text.

A word of explanation is necessary for giving all the variants at the end. Practically all the variants are merely orthographical. There are hardly any variants that change the sense. That clearly shows that the traditional text has been faithfully handed down. The 'त्' श्रुति, which is a characteristic of some MSS., is absent in MS. C.

N. B. Sūtras (41) and (42) on pages 50, and 51, should be numbered as (42 A), and (42 B) respectively. As the error was detected too late, it was thought advisable not to disturb the order.

There are many imperfections in the present edition. An index, for instance, is absolutely necessary for these texts. But for various reasons I could not add it to the present Volume. I intend, however, to get it published in some Journal.

# ॥ नायाधम्मकहाओ ॥

ॐ नमः सर्वज्ञाय ।

(1) तेणं कालेणं तेणं समएणं चंपा नामं नयरी होत्था । वण्णओ ।

(2) तीसे णं चंपाए नयरीए बहिया उत्तरपुरत्थिमे दिसीभाए पुण्ण-  
भदे नामं चेइए होत्था । वण्णओ ।

(3) तत्थ णं चंपाए नयरीए कोणिए नामं राया होत्था । वण्णओ ।

(4) तेणं कालेणं तेणं समएणं समणस्स भगवओ महावीरस्स अंते-  
वासी अज्जसुहम्मे नामं थेरे जाइसंपन्ने कुलसंपन्ने बल्लरुवविणयनाण-  
दंसणचरित्तालाघवसंपन्ने ओयंसी तेयंसी वच्चंसी जसंसी जियकोहे  
जियमाणे जियमाए जियलोहे<sup>३</sup> जिइंदिए जियनिहे जियपरीसहे  
जीवियासामरणभयाविप्पमुक्के तवप्पहाणे गुणप्पहाणे एवं चरणकरण-  
निग्गहनिच्छयअज्जवमद्वलाघवखंतिगुत्तिमुत्तिविज्जामंतवंभवयनयनि-  
यमसच्चसोयनाणदंसणचारित्तर्पहाणे उराले घोरे घोरव्वए घोरतवस्सी  
घोरवंभचेरवासी उच्छ्रद्धसरीरे संखित्तविउलतेउल्लेसे चोदसपुव्वी चउ-  
नाणोवगए पंचहिं अणगारसएहिं सद्धिं संपरिवुडे पुव्वाणुपुर्व्वि चर-  
माणे गामाणुगामं दूइज्जमाणे सुहंसुहेणं विहरमाणे जेणेव चंपा नयरी<sup>०</sup>  
जेणेव पुण्णभदे चेइए तेणामेव उवागच्छइ २ त्ता अहापडिरुवं उग्गहं  
ओगिण्हित्ता संजमेणं तवसा अप्पाणं भावेमाणे विहरइ ।

(5) तए णं चंपाए नयरीए परिसा निग्गया । कोणिओ निग्गओ । धम्मो  
कहिओ । परिसा जामेव दिस्सिं पाउव्वभूया तामेव दिस्सिं पडिगया । तेणं  
कालेणं तेणं समएणं अज्जसुहम्मस्स अणगारस्स जेहे अंतेवासी अज्ज-  
जंबू नामं अणगारे कासवगोत्तेणं सत्तुस्सेहे जाव अज्जसुहम्मस्स थेरस्स  
अदूरसामंते उड्डंजाणू अहोसिरे ज्ञाणकोटोवगए संजमेणं तवसा  
अप्पाणं भावेमाणे विहरइ । तए णं से अज्जजंबूनामे जायसद्धे जाय-

संसए जायकोउहल्ले संजायसड्डे संजायसंसए संजायकोउहल्ले उप्पन्नसड्डे उप्पन्नसंसए उप्पन्नकोउहल्ले समुप्पन्नसड्डे समुप्पन्नसंसए समुप्पन्नकोउहल्ले उट्ठाए उट्ठेइ २ जेणामेव अज्जसुहम्ममे थेरे तेणामेव उवागच्छइ २ अज्जसुहम्ममे थेरे तिक्खुत्तो आयाहिणं पयाहिणं करेइ वंदइ नमंसइ २ अज्जसुहम्मस्स थेरस्स नच्चासन्ने नाइदूरे सुत्तसूसमाणे नमंसमाणे अभिमुहे पंजलिउडे विणएणं पज्जुवासमाणे एवं वयासी—जइ णं भंते ! समणेणं भगवया महावीरेणं आईगरेणं तित्थगरेणं सयंसंबुद्धेणं पुरिसुत्तमेणं पुरिससीहेणं पुरिसवग्घेणं पुरिसवरगंधहत्थिणा लोगुत्तमेणं लोगनाहेणं लोगाहिणं लोगपईवेणं लोगपज्जोयगरेणं अभयदएणं सरणदएणं चक्खुदएणं मग्गदएणं बोहिदएणं धम्मदएणं धम्मदेसगेणं धम्मनायगेणं धम्मसारहिणा धम्मवरचाउरंतचक्कवट्ठिणा अप्पडिहयवरनाणदंसणधरेणं वियट्ठउमेणं जिणेणं<sup>५</sup> जाणएणं तिण्णेणं तारएणं बुद्धेणं बोहएणं मुत्तेणं मोयगेणं सव्वण्णेणं सव्वदरसिणा सिवमयलमरुयमणंतमक्खयमव्वावाहमपुणरावत्तियं सासयं ठाणमुवगएणं पंचमस्स अंगस्स अयमट्ठे पन्नत्ते, छट्ठस्स णं भंते ! नायाधम्मकहाणं के अट्ठे पन्नत्ते ? जंबू त्ति अज्जसुहम्ममे थेरे अज्जजंबूनामं अणगारं एवं वयासी—एवं खलु जंबू समणेणं भगवया महावीरेणं जाव संपत्तेणं छट्ठस्स अंगस्स दो सुयक्खंधा पन्नत्ता, तंजहा—नायाणि य धम्मकहाओ य । जइ णं भंते ! समणेणं भगवया महावीरेणं जाव संपत्तेणं छट्ठस्स अंगस्स दो सुयक्खंधा पन्नत्ता तंजहा—नायाणि य धम्मकहाओ य, पढमस्स णं भंते ! सुयक्खंधस्स समणेणं जाव संपत्तेणं नायाणं कइ अज्झयणा पन्नत्ता ? एवं खलु जंबू ! समणेणं जाव संपत्तेणं नायाणं एगूणवीसं अज्झयणा पन्नत्ता, तंजहा—उक्खित्तणाए संघाडे अंडे कुम्मे र्यं सेलगे । तुंबे र्यं रोहिणी मल्ली मायंदी चंदिमा इ य ॥१॥ दावद्वे उदगणाए मंडुंके तेयली वि य । नंदाफले अवरकंका आइन्ने सुंसुंभा इ य ॥२॥ अवरे र्यं पुंडरीए नायए एगूणवीसइमे ।

(6) जइ णं भंते ! समणेणं जाव संपत्तेणं नायाणं एगूणवसिं

अज्झयणा पन्नत्ता, तंजहा—उक्खित्तणाए जाव पुंडरीए त्तिं यं, पढमस्स णं भंते ! अज्झयणस्स के अट्ठे पन्नत्ते ? एवं खलु जंबू ! तेणं कालेणं २ इहेव जंबुहीवे दीवे भारहे वासे दाहिणद्धभरहे रायगिहे<sup>१</sup> नामं नयरे होत्था । वण्णओ । गुणासिलए चेइए । वण्णओ । तत्थ णं रायगिहे नयरे सेणिए नामं राया होत्था । वण्णओ । तस्स णं सेणियस्स रत्तो नंदा नामं देवी होत्था सुकुमालंपाणिपाया । वण्णओ ।

(७) तस्स णं सेणियस्स पुत्ते नंदाए देवीए अत्तए अभए नामं कुमारे होत्था अहीण जाव सुरुवे सामदंडभेयउवप्पयाणनीइसुप्पउत्तनय-विहिन्नु ईहापोहमग्गणगवेसणअत्थसत्थमइविसारए उप्पत्तियाए वेण-इयाए कम्मियाए पारिणामियाए चंडव्विहाए बुद्धीए उववेए सेणियस्स रत्तो बहुसु कज्जेसु य कुंड्वेसु य मंतेसु य गुज्जेसु य रहस्सेसु य निच्छएसु य आपुच्छणिज्जे पडिपुच्छणिज्जे मेढी पमाणं आहारे आलं-वणं चक्खू मेढीभूए पमाणभूए आहारभूए आलंवणभूए चक्खुभूए सव्वकज्जेसु सव्वभूमियासु लद्धपच्चए विइण्णवियारे रज्जधुरचित्तए यावि होत्था । सेणियस्स रत्तो रज्जं च रट्ठं च कोसं च कोट्टागारं च वलं च वाहणं च पुरं च अंतेउरं च सयमेव समुपेक्खमाणे २ विहरइ ।

(८) तस्स णं सेणियस्स रत्तो धारिणी नामं देवी होत्था जाव सेणि-यस्स रत्तो इट्ठा जाव विहरइ ।

(९) तए णं सा धारिणी देवी अन्नया कयाइ तंसि तारिस-गांसि छक्कट्ठगलट्ठमट्ठसंठियखंभुग्गयपवरवरसालभंजियउज्जलमाणिक्कणग-रयणथूभियविडंकजालद्धचंदनिज्जूहकंतरक्कणयालिचंदसालियावि<sup>१</sup>भंति—कलिए सरसच्छं<sup>१</sup>धाऊवलवण्णरइए वाहिरओ दूमियघट्टमट्ठे अविंभत-रओ पसत्तिसुविलिहियचित्तकम्मे नाणाविहपंचवण्णमणिरयणकोट्टिमतले पडभं<sup>१</sup>लयाफुल्लवल्लिवरपुप्फजाइउल्लोयचित्तियतले चंद<sup>१</sup>णवरक्कणगकलस-सुणिम्मियपडिपुज्जियसरसपडमसोहंतदारभाए पयरगलंवंतमणिमुत्तदा-मसुविरइयदारसोहे सुगंधवरकुसुममउयपम्हलसयणोवयारमणहियय-निव्वुइयरे कप्पूरलवंगमलयचंदणकालागरुपवरकुंदुरुक्कतुरुक्कधूवडज्जंत-

सुरभिमघमघंतगंधुद्धयाभिरामे सुगंधवरगंधिए गंधवट्टिभूए मणि-  
 किरणपणासियंधयारे । किंवहुणा ? जुइगुणेहिं सुरवरविमाणवेलंववर-  
 घरए तंसि तारिसगंसि सयणिज्जांसि सालिंगणवट्टिं उभओ विच्चोयणे  
 दुहओ उन्नए मज्जे णयगंभीरे गंगापुलिणवालयुआउहालसालिसए  
 उयचियखोमदुगुल्लपट्टपडिच्छायणे अत्थरयमलयनवतयकुसत्तलिवसीह-  
 केसरपच्चुत्थए सुविरइयरयत्ताणे रत्तंसुयसंदुए सुरम्मे आइणगरूय-  
 वूरनवणीयतुल्लफासे पुव्वरत्तावरत्तकालसमयंसि सुत्तजागरा ओहीर-  
 माणी २ एगं महं सत्तस्सेहं रययकूडसंनिहं नहयलंसि सोमं सोमा-  
 गारं लीलायंतं जंभायमाणं मुहमइगयं गयं पासित्ता णं पडिबुद्धा ।  
 तए णं सा धारिणी देवी अयमेयारूवं उरालं कल्लाणं सिवं धन्नं  
 मंगल्लं सस्सिरीयं महासुमिणं पासित्ता णं पडिबुद्धा समाणी दट्टतुट्ठा  
 चित्तमाणंदिया पीइमणा परमसोमणस्सिया हरिसवसविसप्पमाण-  
 हियया धाराहयकलंवपुप्फगं पिव समूससियरोमकूवा तं सुमिणं ओ-  
 गिण्हइ २ सयणिज्जाओ उट्टेइ २ पायपीढाओ पच्चोरुहंइ २ त्ता अतुरिय-  
 मचवलमसंभंताए अविलंवियाए रायहंससरिसीए गईए जेणामेव  
 से सेणिए राया तेणामेव उवागच्छइ २ त्ता सेणियं रायं ताहिं इट्ठाहिं  
 कंताहिं पियाहिं मणुन्नाहिं मणामाहिं उरालाहिं कल्लाणाहिं सिवाहिं  
 धन्नाहिं मंगल्लाहिं सस्सिरीयाहिं हिययगमणिज्जाहिं हिययपल्हाय-  
 णिज्जाहिं मियमहुररिभियगंभीरं सस्सिरीयाहिं गिराहिं संलवमाणी २  
 पडिचोहेइ २ त्ता सेणिएणं रत्ता अच्चमणुन्नाया समाणी नाणामणिकणग-  
 रयणभत्तिचित्तांसि भद्दासणंसि निसीयइ २ त्ता आसत्था वीसत्था सुहा-  
 सणवरगया करयलपरिग्गाहियं सिरसावत्तं मत्थए अंजलिं कट्ठु सेणियं  
 रायं एवं वयासी-एवं खलु अहं देवाणुप्पिया ! अज्ज तांसि तारिस-  
 गंसि सयणिज्जांसि सालिंगणवट्टिं जाव नियगवयणमइवयंतं गयं  
 सुमिणे पासित्ता णं पडिबुद्धा । तं एयस्स णं देवाणुप्पिया ! उरालस्स  
 जावं सुमिणस्स के मन्ने कल्लाणे फलवित्तिविसेसे भविस्सइ ।

(10) तए णं से सेणिए राया धारिणीए देवीए अंतिए एयमट्ठं सोच्चा

निसम्म हट्ट जाव हियए धाराहयनीवसुराभिकुसुमचंचुमालइयतणुऊस-  
 वियरोमकूवे तं सुमिणं उग्गिण्हइ २ ता ईहं पविसंइ २ अप्पणो साभा-  
 विणं मइपुव्वएणं बुद्धिविन्नाणेणं तस्स सुमिणस्स अत्थोग्गहं करेइ २ ता  
 धारिणिं देविं ताहिं जाव हिययपल्हायणिज्जाहिं मियंमहुररिभिय-  
 गंभीरसस्सिरीयाहिं वग्गूहिं अणुवूहेमाणे २ एवं वयासी-उराले णं  
 तुमे देवाणुप्पिए ! सुमिणे दिट्ठे । कल्लणे णं तुमे देवाणुप्पिए सुमिणे  
 दिट्ठे । सिवे<sup>१</sup> धन्ने मंगले सस्सिरीए णं तुमे देवाणुप्पिए सुमिणे दिट्ठे ।  
 आरोग्गतुट्ठिदीहाउयकल्लणमंगलकारए णं तुमे देवी<sup>२</sup> सुमिणे दिट्ठे ।  
 अत्थलाभो देवाणुप्पिए ! पुत्तलाभो देवाणुप्पिए । रज्जलाभो भोगं-  
 सोक्खलाभो ते देवाणुप्पिए ! एवं खलु तुमं देवाणुप्पिए नवण्हं मासाणं  
 बहुपडिपुण्णाणं अद्धट्ठमाण य रीइंदियाणं वीइक्कंताणं अम्हं कुलकेउं  
 कुलदीवं कुलपव्वयं कुलवाडिंसंयं कुलतिलकं कुलकित्तिकरं कुलवित्तिकरं  
 कुलनंदिकरं कुलजसकरं कुलाधारं कुलपायवं कुलविवद्धणकरं सुकुमाल-  
 पाणिपायं जाव दारयं पयाहिसि । से वि य णं दारए उम्मुक्कवालभावे  
 विन्नायिपरिणयमेत्ते जोव्वणगमणुप्पत्ते सूरे वीरे विक्कंते वित्थिण्णाविपुल्लं-  
 वलवाहणे रज्जवई राया भविस्सइ । तं उराले णं तुमे देवी सुमिणे  
 दिट्ठे जाव आरोग्गतुट्ठिदीहाउकल्लणकारए णं तुमे देवी ! सुमिणे दिट्ठे  
 त्ति कट्ठु भुज्जो २ अणुवूहेइ ।

(11) तए णं सा धारिणी देवी सेणिएणं रत्ता एवं वुत्ता समाणी हट्ट-  
 तुट्ठा जाव हियया करयलपरिग्गहियं जाव अंजलिं कट्ठु एवं वयासी-  
 एवमेयं देवाणुप्पिया ! तंहमेयं अवित्तंहमेयं असंदिद्धमेयं इच्छियमेयं  
 पडिच्छियमेयं इच्छियपडिच्छियमेयं सच्चे णं एसमट्ठे जं तुव्वे  
 वयंहं त्ति कट्ठु तं सुमिणं सम्मं पडिच्छइ २ ता सेणिएणं रत्ता  
 अव्वणुत्ताया समाणी नाणामणिकणगरयणभत्तिचित्ताओ भद्दासणाओ  
 अव्वुट्ठेइ २ ता जेणेव सए सयणिज्जे तेणेव उवागच्छइ २ ता सयंसि  
 सयणिज्जांसि निसीयइ २ ता एवं वयासी-मा मे से उत्तमे पहाणे  
 मंगले सुमिणे अन्नेहिं पावसुमिणेहिं पडिहम्मिहिं त्ति कट्ठु देवयगुरुजण-



संवद्वाहिं पसत्थाहिं धम्मियाहिं कहाहिं सुमिणजागरियं पडिजागर-  
माणी विहरइ ।

(12) तए णं से सेणिए राया पच्चूसकालसमयांसि कोडुंवियपुरिसे  
सद्दावेइ २ त्ता एवं वयासी-खिप्पामेव भो देवाणुप्पिया ! वाहिरियं  
उवट्ठाणसालं अज्ज सविसेसं परमरम्मं गंधोदगसित्तसुइयसंमज्जिओव-  
लित्तं पंचवणसरससुरभिमुक्कपुप्फपुंजोवयारकलियं कालांगरुपवरकुंदु-  
रुक्कतुरुक्कधूवडज्झंतमघमघेतगंधुद्धुयाभिरामं सुगंधवरगंधियं गंधवट्ठिभूयं  
करेह कारवेह य २ एयमाणन्तियं पच्चप्पिणह । तए णं ते कोडुंविय-  
पुरिसा सेणिएणं रत्ता एवं वुत्ता समाणा हट्ठतुट्ठा जाव पच्चप्पिणंति ।  
तए णं से सेणिए राया कहं पाउप्पभायाए रयणीए फुल्लुप्पलकमलकोमलु-  
म्मिलियंमि अहापंडुरे पभाए रत्तासोगप्पगासकिंसुयसुयमुहगुंजद्वंघु-  
जीवगपारावयचलणनयणपरहुयसुरत्तालोयणजांसुमणकुसुमजलियजलण-  
तवणिज्जकलसहिं गुलयनिगररूवाइरेगरेहन्तसस्सिरीए दिवायरे अह-  
कमेण उदिए तस्स दिणकरकरपरंपरावयारपारद्वंमि अंधयारे बालायव-  
कुंकुमेण खइयव्व जीवलोए लोयणविसयाणुंयासविगसंतविसद-  
दंसियंमि लोए कमलांगरसंडवोहए उट्ठियंमि सूरे सहस्सरस्सिमि दिण-  
यरे तेयसा जलंते सयणिज्जाओ उट्ठेइ २ त्ता जेणेव अट्ठणसाला तेणेव  
उवागच्छइ अट्ठणसालं अणुपविसइ अणेगवायामजोगवग्गणवामहण-  
मल्लजुद्धंकरणेहिं संते परिस्संते सयपागसहस्सपागेहिं सुगंधवरतेह-  
माईएहिं पीणणिज्जेहिं दीवणिज्जेहिं दप्पणिज्जेहिं मयणिज्जेहिं विह-  
णिज्जेहिं सव्विदियगायपत्थायणिज्जेहिं अवभंगंएहिं अवभंगिं समाणे  
तेहचमंमंसि पडिपुण्णपाणिपायसुकुमालकोमलतलेहिं पुरिसेहिं छेएहिं  
दक्खेहिं पट्ठेहिं कुसलेहिं मेहावीहिं निउणेहिं निउणसिप्पोवगएहिं  
जियपरिस्समोहिं अवभंगणपरिमहणुव्वलणकरणगुणनिम्मंएहिं अट्ठि-  
सुहाए मंससुहाए तयासुहाए रोमसुहाए चंचव्विहाए संवाहणाए सं-  
वाहिए समाणे अवगयपरिस्समे नरिंदे अट्ठणसालाओ पडिनिक्खमइ २  
जेणेव मज्जणघरे तेणेव उवागच्छइ २ त्ता मज्जणघरं अणुपविसइ

२ त्ता समत्तजालाभिरामे विचित्तमणिरयणकोट्टिमतले रमणिज्जे  
 ण्हाणमंडवंसि नाणामणिरयणभत्तिचित्तंसि ण्हाणपीढंसि सुहनिसण्णे  
 सुहोदगोहिं पुप्फोदण्हिं गंधोदण्हिं सुद्धोदण्हिं य पुणो पुणो कल्लाणग-  
 पवरमज्जणविहीए मज्जिए तत्थ कोउयसएहिं बहुविहेहिं कल्लाणगपवर-  
 मज्जणावसाणे पम्हलसुंकुमालगंधकासायलूहियंगे अहयसुमहग्घदूसरयण-  
 सुसंवुए सरससुरभिगोसीसचंदणाणुलित्तगत्ते सुइमालावण्णगविलेवणे  
 आविद्धमणिसुवण्णे कप्पियहारद्धहारतिसरयपालंबपलंबमाणकडिसुत्तसु-  
 कयसोहे पिणिद्धगेविज्जे अंगुलेज्जगललियंगयललियकयाभरणे नाना-  
 मणिकडगतुडियथंभियभुए अहियरूवसस्सिरीए कुंडलुज्जोइयाणणे मउड-  
 दित्तसिरए हारोत्थयसुकयरइयवच्छे पालंबपलंबमाणसुकयपडउत्तरिज्जे  
 मुद्धियापिंगलगुलीए नाणामणिकणगरयणविर्मलमहरिहनिउणोविचामिसि-  
 मिसंतविरइयसुसिलिद्धाविसिद्धलद्धसंठियपसत्थआविद्धवीरवलए, किं  
 बहुणा ? कप्परुक्खए चेव सुअलंकियविभूसिए नरिंदे सकोरंटमल्ल-  
 दामेणं छत्तेणं धरिज्जमाणेणं चउचामरवालवीइयंगे मंगलजयसद्ध-  
 कयालोए अणेगगणनायगदंडनायगराईसरतलवरमाडंबियकोडुंबियमंति-  
 महामंतिगणगदोवारियअमच्चवेडपीढमदनगरनिगमसेट्टिसेणावइसत्थ-  
 वाहदूयसंधिवालसद्धिं संपरिवुडे धवलमहामेहनिगंगं वि<sup>१३</sup> गहगण-  
 दिप्पंतरिक्खतारागणाण मज्झे ससि व्व पियदंसणे नर<sup>१४</sup>ई मज्जण-  
 घराओ पडिन्निक्खमइ २ त्ता जेणेव बाहिरिया उवट्टाणसाला तेणेव  
 उवागच्छइ २ त्ता सीहासणवरगए पुरत्थाभिमुहे सन्निसण्णे । तए णं  
 से सेणिए राया अप्पणो अदूरसामंते उत्तरपुरत्थिमे दिसीभा<sup>१५</sup> अट्ठ  
 भदासणाइं सेयवत्थपच्चत्थुयाइं सिद्धत्थमंगलोवयारकयसंतिकम्माइं  
 रयावेइ २ त्ता नाणामणि<sup>१६</sup>रयणमांडियं अहियपेच्छणिज्जरूवं महग्घवर-  
 पट्टणुगयं सण्हबहुभत्तिसयचित्तठाणं ईहामियउसभतुरयनरमगरविहग-  
 वालगकिंनररुसरभचमरकुंजरवणलयपउमलयभत्तिच्चित्तं सुखचिय-  
 वरकणगपवरपेरंतदेसभागं अब्भितरियं जवणियं अंछावेइ २ त्ता  
 अत्थरग<sup>१७</sup>मउअमसूरगउच्छइयं धवलवत्थपच्चत्थुयं विसिद्धं अंगसुह-

फासयं सुमउयं धारिणीए देवीए भद्दासणं रयावेइ २ त्ता कोडुंबिय-  
पुरिसे सद्दावेइ २ त्ता एवं वयासी—खिप्पामेव भो देवाणुप्पिया ! अट्ठंग-  
महानिमित्तसुत्तत्थपाढए विविहसत्थकुसले सुमिणपाढए सद्दावेह २  
त्ता एयमाणत्तियं खिप्पामेव पच्चप्पिणह । तए णं ते कोडुंबियपुरिसा  
सेणिएणं रत्ता एवं वुत्ता समाणा हट्ठ जाव हियया करयलपरिग्गाहियं  
दसनहं सिरसावत्तं मत्थए अंजलिं कट्ठु एवं देवो तह त्ति आणाए  
विणएणं वयणं पडिसुणेंति सेणियस्स रत्तो अंतियाओ पडिनिक्खमंति  
२ त्ता रायगिहस्स नगरस्स मज्झंमज्झेणं जेणेव सुमिणपाढगगिहाणि  
तेणेव उवागच्छंति २ त्ता सुमिणपाढए सद्दावेति । तए णं ते सुमिण-  
पाढगा सेणियस्स रत्तो कोडुंबियपुरिसेहिं सद्दाविया समाणा हट्ठ जाव  
हियया ण्हाया कयवलिकम्मा जाव पायच्छित्ता अप्पमहग्घाभरणाळ-  
कियसरीरा हरियालियसिद्धत्थयकयमुद्धाणा सएहिं सएहिं गिहेहितो  
पडिनिक्खमंति रायगिहस्स नगरस्स मज्झंमज्झेणं जेणेव सेणियस्स  
भवणवडेंसगदुवारे तेणेव उवागच्छंति २ एगयओ मिळायंति २ सेणि-  
यस्स रत्तो भवणवडेंसगदुवारेणं अणुप्पविसंति २ त्ता जेणेव बाहिरिया  
उवट्ठाणसाला जेणेव सेणिए राया तेणेव उवागच्छंति २ त्ता सेणियं  
रायं जएणं विजएणं वट्ठावेति, सेणिएणं रत्ता अच्चियवंदियपूइय-  
माणियसक्कारियसम्माणिआ समाणा पत्तेयं २ पुव्वन्नत्थेसु भद्दासणेसु  
निसीयंति । तए णं सेणिए राया जवणियंतरियं धारिणिं देविं ठवेइ  
२ त्ता पुप्फफलपडिपुण्णहत्थे परेणं विणएणं ते सुमिणपाढए एवं  
वयासी—एवं खलु देवाणुप्पिया ! धारिणी देवी अज्ज तंसि तारिसगंसि  
सयणिज्जंसि जाव महासुमिणं पासित्ता णं पडिबुद्धा । तं एयस्स णं  
देवाणुप्पिया ! उरालस्स जाव सस्सिरीयस्स महासुमिणस्स के मन्ने  
कल्लाणे फलवित्तिविसेसे भविस्सइ । तए णं ते सुमिणपाढगा सेणियस्स  
रत्तो अंतिए एयमट्ठं सोच्चा निसम्म हट्ठ जाव हियया तं सुमिणं सम्मं  
ओगिण्हंति २ ईहं अणुप्पविसंति २ अन्नमन्नेण सद्धिं संचालेंति २ त्ता  
तस्स सुमिणस्स लद्धट्ठा गहियट्ठा पुच्छियट्ठा विणिच्छियट्ठा

अभिगयट्ठा सेणियस्स रत्तो पुरओ सुमिणसत्थाइं उच्चारेमाणा  
 एवं वयासी—एवं खलु अम्हं सामी ! सुमिणसत्थंसि वायालीसं  
 सुमिणा तीसं महासुमिणा बावत्तरिं सव्वसुमिणा दिट्ठा । तत्थ णं सामी !  
 अरहंतमायरो वा चक्कवट्ठिमायरो वा अरहंतंसि वा चक्कवट्ठिसि वा  
 गब्भं वक्कममाणंसि एएसिं तीसाए महासुमिणाणं इमे चोदस महासुमिणे  
 पासित्ता णं पडिबुज्झंति तं जहा—गयवंसहसीहअभिसेयदामससिदिणयरं  
 झयं कुंभं । पउमसरसागरविमाणभवणरयणुच्चय सिहिं च ॥१॥ वासुदेव-  
 मायरो वा वासुदेवंसि गब्भं वक्कममाणंसि एएसिं चोदसण्हं महासुमिणाणं  
 अन्नयरे सत्तं महासुमिणे पासित्ता णं पडिबुज्झंति । बलदेवमायरो  
 वा बलदेवंसि गब्भं वक्कममाणंसि एएसिं चोदसण्हं महासुमिणाणं  
 अन्नयरे चत्तारि महासुमिणे पासित्ता णं पडिबुज्झंति । मंडलियमायरो वा  
 मंडलियंसि गब्भं वक्कममाणंसि एएसिं चोदसण्हं महासुमिणाणं अन्नयरं  
 महासुमिणं पासित्ता णं पडिबुज्झंति । इमे य सामी धारिणीए देवीए  
 एगे महासुमिणे दिट्ठे । तं उराले णं सामी ! धारिणीए देवीए सुमिणे दिट्ठे  
 जाव आरोगगतुट्ठिदीहाउकल्लाणमंगलकारेण णं सामी ! धारिणीए देवीए  
 सुमिणे दिट्ठे । अत्थलाभो सामी ! सोक्खलाभो सामी ! भोगलाभो सामी !  
 पुत्तलाभो रज्जलाभो । एवं खलु सामी ! धारिणीदेवी नवण्हं मासाणं  
 बहुपडिपुण्णाणं जाव दारगं पयाहिई । से वि य णं दारए उम्मुक्कवालभावे  
 विन्नायपरिणयमित्ते जोव्वणगमणुप्पत्ते सूरे वीरे विक्कते<sup>०</sup> वित्थिण्णविउल्ल-  
 वलवाहणे रज्जवई राया भविस्सइ अणगारे वा भावियप्पा । तं उराले णं  
 सामी ! धारिणीए देवीए सुमिणे दिट्ठे जाव आरोगगतुट्ठि जाव दिट्ठे  
 त्तिकट्ठु भुज्जो २ अणुवूहेति । तए णं सेणिए राया तेसिं सुमिणपाढ-  
 गाणं अंतिए एयमट्ठं सोच्चा निसम्म हट्ठ जाव हियए करयल जाव एवं  
 वयासी—एवमेयं देवाणुप्पिया ! जाव जं णं तुब्भे वयहं त्तिकट्ठु तं  
 सुमिणं सम्मं संपडिच्छइ २ ते सुमिणपाढए विपुलेणं असणपाणखाइम-  
 साइमेणं वत्थगंधमल्लालंकारेण य सक्कारेइ सम्माणेइ विपुलं जीवियारिहं  
 पीइदाणं दलयइ पडिविसज्जेइ । तए णं से सेणिए राया सीहासणाओ

अव्भुद्धेइ २ ता जेणेव धारिणी देवी तेणेव उवागच्छइ २ ता धारिणिं देविं एवं वयासी-एवं खलु देवाणुप्पिए सुमिणसत्थंसि वायालीसं सुमिणा जाव एणं महासुमिणं जाव भुज्जो २ अणुवूहेइ । तए णं सा धारिणीदेवी सेणियस्स रत्तो अंतिए एयमद्वं सोच्चा निसम्म हट्ठ जाव हियया तं सुमिणं सम्मं पडिच्छइ २ जेणेव सए वासघरे तेणेव उवागच्छइ २ ण्हाया कयवलिकम्मा जाव विपुलाइं जाव विहरइ ।

(13) तए णं तीसे धारिणीए देवीए दोसु मासेसु वीईकंतसु तैइए मासे वट्ठमाणे तस्स गवभस्स दोहलकालसमयंसि अयमेयारूवे अकाल-मेहेसु 'दोहले पाउवभविट्था - धन्नाओ णं ताओ अम्मयाओ सपुण्णाओ ताओ अम्मयाओ कयत्थाओ कयपुण्णाओ कयलक्खणाओ कयविहवाओ सुलद्धे णं तासिं माणुस्सए जम्मजीवियफले जाओ णं मेहेसुं अव्भुग्गएसु अव्भुज्जएसु अव्भुन्नएसु अव्भुट्ठिएसु सगज्जिएसु सविज्जुएसु सफुसिएसु सथणिएसु धंतधोयरुप्पपट्टअंकसंखचंदकुंदसालि-पिट्ठरासिसमप्पभेसु चिकुरहरियालभेयचंपगसणकोरंटसरिसवपडंमरय-समप्पभेसु लक्खारससरसरत्तकिंसुंयजासुमणरत्तवंधुजीवगजाइहिं<sup>१</sup>ल्य-सरसकुंकुमउरवभससरुहिरइंदगोवगसमप्पभेसु वरहिणनीलगुलिं<sup>२</sup>यासुं<sup>३</sup>गचा-सपिच्छभिंगपत्तसासं<sup>४</sup>गनीलुप्पलनियरनवासिरीसकुसुमनवसदलसमप्पभेसु जच्चंजणभिंगभेयरिट्ठगभमरावलिंगवलगुलियकज्जलसमप्पभेसु फुरंत-विज्जुयसगज्जिएसु वायवसविपुलं<sup>५</sup>गणचवलपरिसं<sup>६</sup>किरेसु निम्मलवरवारि-धारापयलियपयंडमारुयसमाहयसमोत्थरंतउर्वरिउवरितुरियवासं पवासि-एसु धारापहकरनिवायनिव्वाविं<sup>७</sup> मेइणितले हरियगगणकंचुए पल्लविय पायवगणेसु वैल्लिवियाणेसु पसरिएसु उन्नएसु सोहग्गमुवागएसु वेभार-गिरि<sup>८</sup>पवायतडकडं<sup>९</sup>गविमुक्केसु उज्झरेसु तुरियपहावियपल्लोद्वेफेणाउलं सकलुसं जलं वहंतीसु गिरिनईसु सज्जज्जुणनी<sup>१०</sup>कुडयकंदलसिलिंध-कलिएसु उववणेसु मेहरसियहट्ठतुट्ठचिट्ठियहरिसवसपमुक्ककंठकेकारवं मुयंतेसु वरहिणेसु उववसमयजणियतरुणसहयरिपणच्चिएसु नवसुराभि-सिलिंधकुडयं<sup>११</sup>कंदलकलंबरांधद्धणिं मुयंतेसु उववणेसु परहुयरुंयारिभेय-

संकुलेसु उद्दाइंतरत्तइंदगोवयथोवयकारुण्णाविलविएसु उन्नयतणमंडिएसु  
 दहुरपयंपिएसु संपिंडियदरियममरमहुयरिपहकरपरिलित्तमत्तच्छप्पयकुसुमा-  
 सवलोलमहुरगुंजंतदेसभाएसु उववणेसु परिसामियचंदसूरगहगणपणट्ट-  
 नक्खत्ततारंगपहे इंदाउहर्वद्धचिंधपट्टमि अंबरतले उड्डीणबलागपंतिसोहंत-  
 मेहवन्दे कारंडगचक्कवायकलहंसउस्सुयकरे संपत्ते पाउंसमि काले ण्हायाओ  
 कयबलिकम्माओ कयकोउयसंगलपायच्छित्ताओ किं<sup>७</sup> ते वरपायपत्तनेउर-  
 मणिमेहलहाररइयउवचियकडगखुड्डुयविचित्तवरवलयथंभियभुयाओ कुंड-  
 लउज्जोवियाणणाओ रयणभूसियंगीओ नासानीसासवायवोज्झं चक्खु-  
 हरं वण्णफरिससंजुत्तं हयलालापेलवाइरेयं धवलकणयखचियंतकम्मं  
 आगासफलिहसरिसप्पभं अंसुयं पवरपरिहियाओ दुगुल्लसुकुमालउत्तरिज्जाओ  
 सव्वोउयसुरभिकुसुमपवरमल्लसोहियासिराओ कालांगरूपवरधूवधूवियाओ  
 सिरीसमाणवेसाओ सेयणयगंधहत्थिरयणं दुरूढाओ समाणीओ सकोरंट-  
 मल्लदामेणं छत्तेणं धरिज्जमाणेणं चंदप्पभंवेयरवेरुलियविमलदंडसंखकुंद-  
 दगरयअमयमहियेफेणपुंजसन्निगासचउचामरवालवीजियंगीओ सेणिणं  
 रत्ता सद्धिं हत्थिखंधवरगएणं पिट्ठओ २ समणुगच्छमाणीओ चाउरंगिणीए  
 सेणाएँ महया हयाणीएणं गयाणिणं रहाणिणं पायत्ताणीएणं सन्विड्डीए  
 सव्वज्जुईए जाव निग्घोसनाइयरवेणं रायगिहं नयरं सिंघाडगतिगचउक्क-  
 चचचरचउँ<sup>३</sup>मुहमहापहपहेसु आसित्तसित्तसुइयसंमज्जिओवलित्तं जाव  
 सुगंधवरगंधियं गंधवट्ठिभूयं अवलोएमाणीओ नागरजणेणं अभिनंदिज्ज-  
 माणीओ गुच्छलयाखक्खगुम्मवल्लिगुच्छोच्छाइयं सुरम्मं वेभारगिरिकडग-  
 पायमूलं सव्वओ समंता आहिंडेमाणीओ २ डोहलं विणयंति । तं जइ णं  
 अहमवि मेहेसु अब्भुग्गएसु जाव दोहलं विणिज्जामि ।

(14) तए णं सा धारिणी देवी तंसि डोहलंसि अविणिज्जमाणंसि  
 असंपत्तदोहला असंपुण्णदोहला असंमाणियदोहला सुक्का भुक्खा निम्मंसा  
 ओलुग्गा ओलुग्गसरिरा पमइलदुव्वला किलंता ओमंथियवयणनयणकमला  
 पंडुइयमुही करयलमलियव्व चंपगमाला नित्तेया दीणविवण्णवयणा जहो-  
 चियपुप्फगंधमल्लालंकारहारं अणभिलसमाणी कीडारमणकिरियं परिहवे-

माणी दीणा दुम्मणा निराणंदा भूमिगयदिट्ठीया ओहयमणसंकप्पा जाव झियाइ । तए णं तीसे धारिणीए देवीए अंगपडियारियाओ अट्ठिभतरियाओ दासचेडियाओ धारिणीं देवीं ओलुग्गं जाव झियायमाणिं पासंति २ एवं वयासी—किन्नं तुमे देवाणुप्पिए ! ओलुग्गा ओलुग्गसरीरा जाव झियायसि ? तए णं सा धारिणी देवी ताहिं अंगपडियारियाहिं अट्ठिभतरियाहिं दासचेडियाहिं य एवं वुत्ता समाणी ताओ चेडियाओ नो आढाइ नो परियाणाइ अणाढायमाणी अपरियाणमाणी तुसिणीया चिद्धइ । तए णं ताओ अंगपडियारियाओ अट्ठिभतरियाओ दासचेडीओ धारिणिं देविं दोच्चं पि तच्चं पि एवं वयासी—किन्नं तुमे देवाणुप्पिए ! ओलुग्गा ओलुग्गसरीरा जाव झियायसि ? तए णं सा धारिणी देवी ताहिं अंगपडियारियाहिं अट्ठिभतरियाहिं य दासचेडीहिं दोच्चं पि तच्चं पि एवं वुत्ता समाणी नो आढाइ नो परियाणाइ अणाढायमाणी अपरियाणमाणी तुसिणीया संचिद्धइ । तए णं ताओ अंगपडियारियाओ दासचेडियाओ य धारिणीए देवीए अणाढाइज्जमाणीओ अपरिजाणिज्जमाणीओ तहेव संभंताओ समाणीओ धारिणीए देवीए अंतियाओ पडिनिक्खमंति २ जेणेव सेणिए राया तेणेव उवागच्छंति २ करयलपरिग्गहियं जाव कट्ठु जएणं विजएणं वद्धावेंति २ एवं वयासी—एवं खलु सामी ! किंपि अज्ज धारिणी देवी ओलुग्गा ओलुग्गसरीरा जाव अट्ठज्जाणोवगया झियायइ । तए णं से सेणिए राया तासिं अंगपडियारियाणं अंतिए एयमट्ठं सोच्चा निसम्म तहेव संभंते समाणे सिग्घं तुरियं<sup>१</sup> चवलं वेइयं जेणेव धारिणी देवी तेणेव उवागच्छइ २ धारिणिं देविं ओलुग्गं ओलुग्गसरीरं जाव अट्ठज्जाणोवगयं झियायमाणिं पासइ २ एवं वयासी—किन्नं तुमं देवाणुप्पिए ! ओलुग्गा ओलुग्गसरीरा जाव अट्ठज्जाणोवगया झियायसि ? तए णं सा धारिणी देवी सेणिएणं रत्ता एवं वुत्ता समाणी नो आढाइ जाव तुसिणीया संचिद्धइ । तए णं सेणिए राया धारिणिं देविं दोच्चं पि तच्चं पि एवं वयासी—किन्नं तुमं देवाणुप्पिए ! ओलुग्गा जाव झियायसि ? तए णं सा धारिणी देवी सेणिएणं रत्ता दोच्चं पि तच्चं पि एवं वुत्ता समाणी नो आढाइ नो परियाणाइ तुसिणीया संचिद्धइ । तए

णं से सेणिए राया धारिणिं देविं सवहसावियं करेइ २ एवं वयासी —  
 किं णं तुमं देवाणुप्पिए ! अहमेयस्स अट्टस्स अणरिहे सवणयाए तां णं  
 तुमं ममं अयमेयारूवं मणोमाणसियं दुक्खं रहस्सीकरेसि । तए णं सा  
 धारिणी देवी सेणिएणं रत्ता सवहसाविया समाणी सेणियं रायं एवं  
 वयासी—एवं खलु सामी ! मम तस्स उरालस्स जाव महासुमिणस्स तिण्हं  
 मासाणं बहुपडिपुण्णाणं अयमेयारूवे अकालमेहेसु डोहले पाउब्भूए -  
 धन्नाओ णं ताओ अम्मयाओ कयत्थाओ णं ताओ अम्मयाओ जाव  
 वेभारगिरिपायमूलं आहिंढमाणीओ दोहलं विणेति । तं जइ णं अहमवि  
 जाव दोहलं विणेज्जामि । तए णं हं सामी ! अयमेयारूवंसि अकाल-  
 दोहलंसि अविणिज्जमाणंसि ओलुग्गा जाव अट्टज्झाणोवगया झियायामि ।  
 तए णं हं कारणेणं सामी ! ओलुग्गा जाव झियायामि । तए णं से सेणिए  
 राया धारिणीए देवीए अंतिए एयमठ्ठं सोच्चा निसम्म धारिणीं देवीं  
 एवं वयासी—मा णं तुमं देवाणुप्पिए ! ओलुग्गा जाव झियाहि । अहं णं  
 तहा करिस्सामि जहा णं तुव्भं अयमेयारूवस्स अकालदोहलस्स मणोरह-  
 संपत्ती भविस्सइ त्तिकट्ठु धारिणीं देवीं इट्ठाहिं कंताहिं पियाहिं मणु-  
 न्नाहिं मणामाहिं वग्गूहिं समासासेइ २ जेणेव बाहिरिया उवट्ठाणसाला  
 तेणेव उवागच्छइ २ सीहासणवरगए पुरत्थाभिमुहे सन्निसण्णे धारिणीए  
 देवीए एयं अकालडोहलं बहूहिं आएहि य उवाएहि य उप्पत्तियाहि य  
 वेणइयाहि य कम्मियाहि य पारिणामियाहि य चउव्विहाहिं बुद्धीहिं<sup>३</sup>  
 अणुचित्तमाणे २ तस्स दोहलस्स आयं वा उवायं वा ठिइं वा उप्पत्तिं वा  
 अविंदमाणे ओह्यमणसंकप्पे जाव झियायइ ।

(15) तयाणंतरं च णं अभए कुमारे ण्हाए कयवलिकम्मे जाव सव्वालं-  
 कारविभूसिए पायवंदए पहारेत्थ गमणाए । तए णं से अभयकुमारे  
 जेणेव सेणिए राया तेणेव उवागच्छइ सेणियं रायं ओह्यमणसंकप्पं  
 जाव झियायमाणं पासइ अयमेयारूवे अज्झत्थिए चित्तिए पत्थिए  
 मणोगए संकप्पे समुप्पज्जित्था — अन्नया ममं सेणिए राया एज्ज-  
 माणं पासित्ता आढाइ परियाणाइ सक्कारेइ सम्माणेइ आलवइ संलवइ



अद्धासणेणं उवनिमंतेइ मत्थयंसि अग्घाइ । इयाणिं ममं सेणिए राया  
नो आढाइ नो परियाणइ नो सक्कारेइ नो सम्माणेइ नो इट्ठाहिं कंताहिं  
पियाहिं मणुत्ताहिं औरालाहिं वग्गूहिं आलवइ संलवइ नो अद्धासणेणं  
उवनिमंतेइ नो मत्थयंसि अग्घायइ किं पि ओह्यमणसंकप्पे झियायइ ।  
तं भवियव्वं णं एत्थ कारणेणं । तं सेयं खलु ममं सेणियं रायं एय-  
मट्ठं पुच्छित्तए । एवं संपेहेइ २ जेणामेव सेणिए राया तेणामेव उवा-  
गच्छइ २ करयलपरिग्गहियं सिरसावत्तं मत्थए अंजलिं कट्ठु जएणं  
विजएणं वद्धावेइ २ एवं वयासी — तुव्भे णं ताओ ! अन्नया ममं  
एज्जमाणं पासित्ता आढाह परियाणह जाव मत्थयंसि अग्घायह  
आसणेणं उवनिमंतेह । इयाणिं ताओ ! तुव्भे ममं नो आढाह जाव नो  
आसणेणं उवनिमंतेह किं पि ओह्यमणसंकप्पा जाव झियायह । तं  
भवियव्वं ताओ एत्थ कारणेणं । तओ तुव्भे ममं ताओ एयं कारणं  
अगूहेमाणा असंकमाणा अनिणह्वेमाणा अपच्छाएमाणा जहाभूयम-  
वित्तहमसंदिद्धं एयमट्ठं आइक्खह । तए णं अहं तस्स कारणस्स अंत-  
गमणं गमिस्सामि । तए णं से सेणिए राया अभएणं कुमारेणं एवं  
बुत्ते समाणे अभयं कुमारं एवं वयासी — एवं खलु पुत्ता ! तव चुल्लाउ-  
याए धारिणीदेवीए तस्स गव्वमस्स दोसु मासेसु अइकंतेसु तइयमासे  
वट्ठमाणे दोहलकालसमयांसि अयमेयारूवे दोहले पाउव्वमवित्था — धन्ना-  
ओ णं ताओ अम्मयाओ तहेव निरवसेसं भाणियव्वं जाव विणेंति ।  
तए णं अहं पुत्ता धारिणीए देवीए तस्स अकालदोहलस्स वहूहिं  
आएहि य उवाएहिं जाव उप्पत्तिं अविंदमाणे ओह्यमणसंकप्पे जाव  
झियामि तुमं आगयं पि न याणामि । तं एएणं कारणेणं अहं पुत्ता !  
ओह्य जाव झियामि । तए णं से अभए कुमारे सेणियस्स रण्णो  
अंतिए एयमट्ठं सोच्चा निसम्म हट्ठ जाव हियए सेणियं रायं एवं  
वयासी — मा णं तुव्भे ताओ ओह्य जाव झियायह । अहं णं तहा  
करिस्सामि जहा णं मम चुल्लाउयाए धारिणीए देवीए अयमेयारूवस्स  
अकालडोहलस्स मणोरहसंपत्ती भविस्सइ त्तिकट्ठु सेणियं रायं ताहिं

इट्ठाहिं कंताहिं जाव समासासेइ । तए णं सेणिए राया अभएणं  
कुमारेणं एवं वुत्ते समाणे हट्ठुट्ठे जाव अभयं कुमारं सक्कारेइ संमाणेइ  
२ पडिविसज्जेइ ।

(16) तए णं से अभए कुमारे सक्कारिए सम्माणिए पडिविसज्जिए  
समाणे सेणियस्स रण्णो अंतियाओ पडिनिक्खमइ २ जेणामेव सए  
भवणे तेणामेव उवागच्छइ २ सीहासणे निसण्णे । तए णं तस्स अभय-  
कुमारस्स अयमेयारूवे अज्झत्थिए जाव समुप्पज्जित्था — नो खलु सक्का  
माणुस्सएणं उवाएणं मम चुल्लमाउयाए धारिणीए देवीए अकालडोहल-  
मणोरहसंपत्तिं करित्तए नन्नत्थ दिव्वेणं उवाएणं । अत्थि णं मज्झ सोहम्म-  
कप्पवासी पुव्वसंगइए देवे महिड्डीए जाव महासोक्खे । तं सेयं खलु मम  
पोसहसालाए पोसहियस्स वंभयारिस्स उम्मुक्कमणिसुवण्णस्स ववगय-  
मालावण्णगाविलेवणस्स निक्खित्तसत्थमुसलस्स एगस्स अवीयस्स  
दब्बसंथारोवगयस्स अट्टमभत्तं पगिण्हित्ता पुव्वसंगइयं देवं मणसीकरे-  
माणस्स विहरित्तए । तए णं पुव्वसंगइए देवे मम चुल्लमाउयाए धारिणीए  
देवीए अयमेयारूवं अकालमेहेसु डोहलं विणेहिइ । एवं संपेहेइ २ जेणेव  
पोसहसाला तेणामेव उवागच्छइ २ पोसहसालं पमज्जइ उच्चारपासवणभूमिं  
पडिलेहेइ २ दब्बसंथारगं दुरूहइ २ अट्टमभत्तं पगिण्हइ २ पोसहसालाए  
पोसहिए वंभयारी जाव पुव्वसंगइयं देवं मणसीकरेमाणे २ चिट्ठइ । तए णं  
तस्स अभयकुमारस्स अट्टमभत्ते परिणममाणे पुव्वसंगइयस्स देवस्स  
आसणं चलइ । तए णं पुव्वसंगइए सोहम्मकप्पवासी देवे आसणं  
चलियं पासइ २ ओहिं पउंजइ । तए णं तस्स पुव्वसंगइयस्स देवस्स  
अयमेयारूवे अज्झत्थिए जाव समुप्पज्जित्था — एवं खलु मम पुव्वसंगइए  
जंबुदीवे २ भारहे वासे दाहिणड्ढभरहे<sup>४</sup> रायागिहे नयरे पोसहसालाए  
पोसहिए अभए नामं कुमारे अट्टमभत्तं पगिण्हित्ता णं मम मणसीकरे-  
माणे २ चिट्ठइ । तं सेयं खलु मम अभयस्स कुमारस्स अंतिए पाउ-  
व्वभित्तए । एवं संपेहेइ २ उत्तरपुरत्थिमं दिसीभागं अवक्कमइ २  
वेउव्वियसमुग्घाएणं समोहणइ २ संखेज्जाइं जोयणाइं दंडं निसिरइ ।

तंजहा—रयणाणं वयरणां वेरुलियाणं लोहियक्खाणं मसारगल्लाणं हंस-  
गम्भाणं पुलगाणं सोगंधियाणं जोईरसाणं अंकाणं अंजणाणं रयणाणं  
जायरूवाणं अंजणपुलगाणं फलिहाणं रिट्ठाणं अहावायरे पोग्गले परि-  
साडेइ अहासुहुमे पोग्गले परिगिण्हइ २ अभयकुमारमणुकंपमाणे देवे  
पुंन्वभवजणियनेहपीइवहुमाणजायसोगे तओ विमाणवरपुंडरीयाओ  
रयणुत्तमाओ धरणियलगमणतुरियसंजणियगमणपयारे वाघुणियविमल-  
कणगपयरगवडिसगमउडउक्कडाडोवदंसणिज्जे अणेगमणिकणगरयण-  
पहकरपरिमंडियभत्तिचित्तविणिउत्तगर्मणगजणियहरिसे<sup>१</sup> पेंखोलमाणवर-  
ललियकुंडलुज्जलियवयणगुणजणियसोमरूवे उदिओ विव कोमुदीनिसाए  
सणिच्छरंगारकुज्जलियमज्झभागत्थे नयणाणंदे सरयचंदे दिव्वोसहिप-  
ज्जलुज्जलियदंसणाभिरामे उडलच्छिसमत्तजायसोहे पइट्ठगंधुद्दुयाभिरामे  
मेरुविव नगवरे वेउव्वियविचित्तवेसे दीवसमुद्दाणं असंखपरिमाणनाम-  
धेज्जाणं मज्झयारेणं वीइवयमाणे उज्जोयंतो<sup>२</sup> पभाए विमलाए जीवलोयं<sup>३</sup>  
रायगिहं पुरंवरं च अभयस्सं पासं ओवयइ २ दिव्वरूवधारी ।

(17) तए णं से देवे अंतलिक्खपाडिवन्ने दसद्धवण्णाइं सखिंखिणि-  
याइं पवरवत्थाइं परिहिए । एक्को ताव एसो गमो । अन्नो वि गमो —  
ताए उक्किट्ठाए तुरियाए चवलाए चंडाए सीहाए उद्धुयाए जयणाए  
छेयाए दिव्वाए देवगईए जेणामेव जंबुद्दीवे २ भारहे वासे जेणामेव  
दाहिणद्धभरहे रायगिहे नयरे पोसहसाला अभए कुमारे तेणामेव उवा-  
गच्छइ २ अंतलिक्खपाडिवन्ने दसद्धवण्णाइं सखिंखिणीयाइं पवरवत्थाइं  
परिहिए अभयं कुमारं एवं वयासी — अहं णं देवाणुप्पिया ! पुंन्वसंगइए  
सोहम्मकप्पवासी देवे महद्दीए जं णं तुमं पोसहसालाए अट्टमभत्तं  
पंगिणिहत्ता णं ममं मणसीकरेमाणे चिट्ठसि । तं एस णं देवाणुप्पिया ! अहं  
इहं हव्वमागए । संदिसाहि णं देवाणुप्पिया ! किं करेमि किं दलामि  
किं पयच्छामि किं वा ते हिर्यइच्छियं । तए णं से अभए कुमारे तं  
पुंन्वसंगइयं देवं अंतलिक्खपाडिवन्नं पासइ २ हट्ठतुट्ठे पोसहं पारेइ २  
करयल जाव अंजलिं कट्ठु एवं वयासी— एवं खलु देवाणुप्पिया ! मम

चुल्लमाउयाए धारिणीए देवीए अयमेयारूवे अकालडोहले पाउवभूए —  
 धन्नाओ णं ताओ अम्मयाओ तहेव पुव्वगमेणं जाव विणेज्जामि । तं णं  
 तुमं देवाणुप्पिया मम चुल्लमाउयाए धारिणीए देवीए अयमेयारूवं  
 अकालडोहलं विणेहि । तए णं से देवे अभएणं कुमारेणं एवं वुत्ते  
 समाणे हट्ठतुट्ठे अभयं कुमारं एवं वयासी — तुमं णं देवाणुप्पिया !  
 सुनिव्वुयवीसत्थे अच्छाहि । अहं णं तव चुल्लमाउयाए धारिणीए  
 देवीए अयमेयारूवं डोहलं विणेमि त्तिकट्ठु अभयस्स कुमारस्स अंति-  
 याओ पडिनिक्खमइ उत्तरपुरत्थिमे णं वेभारपव्वए वेजव्वियसमुग्घाएणं  
 समोहण्णइ संखेज्जाइं जोयणाइं दंडं निस्सैरइ जाव दोच्चंपि वेजव्विय-  
 समुग्घाएणं समोहण्णइ खिप्पामेव सगज्जइयं सविज्जुयं सफुसियं  
 पंचवण्णमेहनिणाओवसोहियं दिव्वं पाउससिरीं विउव्वइ २ जेणव  
 अभए कुमारे तेणेव उवागच्छइ २ अभयं कुमारं एवं वयासी —  
 एवं खलु देवाणुप्पिया ! मए तव पियट्ठयाए सगज्जिया सफुसिया  
 सविज्जुया दिव्वा पाउससिरी विउव्विया । तं विणेउं णं देवाणुप्पिया  
 तव चुल्लमाउया धारिणीदेवी अयमेयारूवं अकालमेहडोहलं । तए णं से  
 अभए कुमारे तस्स पुव्वसंगइयस्स सोहम्मकप्पवासिस्स देवस्स अंतिए  
 एयमट्ठं सोच्चा निसम्म हट्ठतुट्ठे सयाओ भवणाओ पडिनिक्खमइ २  
 जेणामेव सेणिए राया तेणामेव उवागच्छइ करयल जाव अंजलिं कट्ठु  
 एवं वयासी — एवं खलु ताओ ! मम पुव्वसंगइएण सोहम्मकप्पवासिणा  
 देवेणं खिप्पामेव सगज्जियसविज्जुयपंचवण्णमेहनिणाओवसोभिया  
 दिव्वा पाउससिरी विउव्विया । तं विणेउ णं मम चुल्लमाउया  
 धारिणी देवी अकालडोहलं । तए णं से सेणिए राया अभयस्स  
 कुमारस्स अंतिए एयमट्ठं सोच्चा निसम्म हट्ठतुट्ठ कोडुंबियपुरिसे  
 सहावेइ २ एवं वयासी — खिप्पामेव भो देवाणुप्पिया ! रायगिहं  
 नगरं सिंघाडगतिगचउक्कचच्चर आसित्तसित्त जाव सुगंधवरगंधियं  
 गंधवट्ठिभूयं करेह य कारवेह य एयमाणत्तियं पच्चप्पिणह । तए  
 णं ते कोडुंबियपुरिसा जाव पच्चप्पिणंति । तए णं से सेणिए राया

दोच्चंपि कोडुंबियपुरिसे सद्दवेइ २ एवं वयासी—खिप्पामेव भो देवाणुप्पिया ! हयगयरहजोहपवरकलियं चाउरंगिणिं सेणं सन्नाहेह सेयणयं च गंधहत्थिं परिकप्पेह । तेवि तहेव जाव पच्चप्पिणांति । तए णं से सेणिए राया जेणेव धारिणी देवी तेणेव उवागच्छइ २ धारिणिं देविं एवं वयासी—एवं खलु देवाणुप्पिए ! सगज्जिया जाव पाउससिरी पाउब्भूया । तं णं तुमं देवाणुप्पिए ! एयं अकालदोहलं विणेहि । तए णं सा धारिणी देवी सेणिएणं रत्ता एवं वुत्ता समाणी हट्टतुट्ठा जेणामेव मज्जणघरे तेणेव उवागच्छइ २ मज्जणघरं अणुप्प-विसइ २ अंतो अंतेउरंसि ण्हाया कयवलिकम्मा कयकोउयमंगलपायच्छित्ता किं ते वरपायपत्तनेउर जाव आगासफालियसमप्पभं अंसुयं नियत्था सेयणयं गंधहत्थिं दुरूढा समाणी अमयमहियफेणपुंसन्निगासाहिं सेयचामरवालीयणीहिं वीइज्जमाणी २ संपत्थिया । तए णं से सेणिए राया ण्हाए कयवलिकम्मे जाव सत्सिरीए हत्थिखंधवरगए सकोरेंट-मल्लदामेणं छत्तेणं धरिज्जमाणेणं चउचामराहिं वीइज्जमाणे धारिणीदेवीं पिट्ठओ अणुगच्छइ । तए णं सा धारिणीदेवी सेणिएणं रत्ता हत्थिखंध-वरगएणं पिट्ठओ २ समणुगम्ममाणमग्गा हयगयरहजोहकलियाए चाउरंगिणीए सेणाए सद्धिं संपरिवुडा महया भडचडगरवंदपरिक्खित्ता सव्विंढुए सव्वज्जुईए जाव दुंदुभिनिग्घोसनाइयरवेणं रायगिहे नयरे सिंघाडगतिगचउक्कचच्चर जाव महापहेसु नागरजणेणं अभिनंदिज्जमाणी २ जेणामेव वेभारगिरिपव्वए तेणामेव उवागच्छइ वेभारगिरिकडग-तडपायमूले आरामेसु य उज्जाणेसु य काणणेसु य वणेसु य वणसंडेसु य रुक्खेसु य गुच्छेसु य गुम्मेसु य लयासु य वल्लीसु य कंदरासु य दरीसु य चुण्ढीसु य दहेसु य कच्छेसु य नदीसु य संगमेसु य विवरएसु य अच्छमाणी य पेच्छमाणी य मज्जमाणी य पत्ताणि य पुप्फाणि य फलाणि य पल्लवाणि य गिण्हमाणी य माणेमाणी य अग्घायमाणी य परिभुंजमाणी य परिभाएमाणी य वेभारगिरिपायमूले दोहलं विणेमाणी सव्वओ समंता आहिंडइ । तए णं सा धारिणीदेवी तंसि अकाल-

दोहलंसि विणीयंसि संमाणियदोहला विणीयदोहला संपुण्णदोहला संपन्न-  
 डोहला जाया यावि होत्था । तए णं सा धारिणीदेवी सेयणयगंधहत्थि  
 दूरुद्धा समाणी सेणिएणं हत्थिखंधवरगएणं पिट्ठओ २ समणुगम्ममाण-  
 मग्गा ह्यगय जाव रवेणं जेणेव रायगिहे नयरे तेणेव उवागच्छइ राय-  
 गिहं नयरं मज्झंमज्झेणं जेणामेव सए भवणे तेणामेव उवागच्छइ २  
 विउलाइं माणुस्सगाइं भोगभोगाइं जाव विहरइ ।

(18) तए णं से अभए कुमारे जेणामेव पोसहसाला तेणामेव उवा-  
 गच्छइ २ पुव्वसंगइयं देवं सक्कारेइ सम्माणेइ २ पडिविसज्जेइ ।  
 तए णं से देवे सगाज्जियं पंचवण्णमेहोवसोहियं दिव्वं पाउससिरिं  
 पडिसाहरइ २ जामेव दिसि पाउव्मूए तामेव दिसिं पडिगए ।

(19) तए णं सा धारिणी देवी तंसि अकालदोहलंसि विणीयंसि  
 सम्माणियडोहला तस्स गवभस्स अणुकंपणट्ठाए जयं चिट्ठइ जयं आसइ  
 जयं सुवइ आहारं पि य णं आहारेमाणी नाइतित्तं नाइकडुयं नाइ-  
 कसायं नाइअंबिलं नाइमहुरं जं तस्स गवभस्स हियं मियं पत्थयं देसे  
 य काले य आहारं आहारेमाणी नाइचित्तं नाइसोयं नाइमोहं नाइभयं  
 नाइपरित्तासं ववगयचित्तासोयमोहभयपरित्तासा उउभयमाणसुहेहिं  
 भोयणच्छायणगंधमलालंकारेहिं तं गवभं सुहंसुहेणं परिवहइ ।

(20) तए णं सा धारिणी देवी नवण्हं मासाणं बहुपडिपुण्णाणं  
 अद्धुद्धमाण य राइंदियाणं वीइक्कंताणं अद्धरत्तकालसमयंसि सुकुमालपाणि-  
 पायं जाव सव्वंगसुंदरं दारगं पयाया । तए णं ताओ अंगपडियारियाओ  
 धारिणिं देविं नवण्हं मासाणं जाव दारगं पयायं पासंति २ सिग्घं तुरियं  
 चवलं वेइयं जेणेव सेणिए राया तेणेव उवागच्छंति सेणियं रायं जएणं  
 विजएणं वद्धावेति करयलपरिगहियं सिरसावत्तं मत्थए अंजालिं कट्टु एवं  
 वयासी — एवं खलु देवाणुप्पिया ! धारिणीदेवी नवण्हं मासाणं जाव  
 दारगं पयाया ! तं णं अम्हे देवाणुप्पियाणं पियं निवेएमो पियं भे भवउ ।  
 तए णं से सेणिए राया तासिं अंगपडियारियाणं अंतिए एयमट्ठं सोच्चा  
 निसम्म हट्ठतुट्ठे ताओ अंगपडियारियाओ महुरेहिं वयणेहिं विउळेण

य पुप्फगंधमल्लालंकारेणं सक्कारेइ सम्माणेइ २ मत्थयधोयाओ करेइ  
 पुत्ताणुपुत्तियं वित्तिं कप्पेइ २ पडिविसज्जेइ । तए णं से सेणिए राया  
 पच्चूसकालसमयंसि कोडुंवियपुरिसे सहावेइ २ एवं वयासी—खिप्पामेव  
 भो देवाणुप्पिया ! रायगिहं नगरं आसिय जाव परिगीयं करेइ २ चारग-  
 परिसोहणं करेइ २ माणुम्माणवद्धणं करेइ २ एयमाणत्तियं पच्चप्पिणह  
 जाव पच्चप्पिणंति । तए णं से सेणिए राया अट्टारससेणिएप्पसेणीओ  
 सहावेइ २ एवं वयासी—गच्छह णं तुब्भे देवाणुप्पिया ! रायगिहे नगरे  
 अठ्ठितरवाहिरिए उस्सुकं उक्करं अभडप्पवेसं अदंडिमकुदंडिमं अधरिमं  
 अधारणिज्जं अणुद्धुयमुइंगं अमिलायमल्लदामं गणियावरनाडइज्जकलियं  
 अणेगतालायराणुचरियं पमुइयपक्कीलियाभिरामं जहारिहं ठिइवडियं  
 दसदिवसियं करेइ २ एयमाणत्तियं पच्चप्पिणह तेवि करेति तहेव  
 पच्चप्पिणंति । तए णं से सेणिए राया वाहिरियाए उवट्टाणसालाए  
 सीहासणवरगए पुरत्थाभिमुहे सन्निसण्णे सयएहि य साहस्सिएहि य  
 सयसाहस्सिएहि य जाएहि य दाएहि य भाएहि य दलयमाणे २ पडि-  
 च्छेमाणे २ एवं च णं विहरइ । तए णं तस्स अम्मापियरो पढमे दिवसे  
 जायकम्मं करेति २ विइयदिवसे जागरियं करेति तइए दिवसे चंदसूर-  
 दंसणियं करेति २ एवामेव निव्वत्ते असुइजायकम्मकरणे संपत्ते वारसाह-  
 दिवसे विपुलं असणपाणखाइमसाइमं उवक्खडावेति २ मित्तनाइनियग-  
 सयण संबंधिपरियणं वलं च वहवे गणनायग जाव आमंतेंति तओ ण्हाया  
 कयवलिकम्मा कयकोउय जाव सव्वालंकारविभूसिया महइमहालयंसि  
 भोयणमंडवंसि तं विपुलं असणं पाणं खाइमं साइमं मित्तनाइगणनायग  
 जाव सद्धिं आसाएमाणा विसाएमाणा परिभाएमाणा परिभुंजेमाणा एवं  
 च णं विहरंति जिमियभुत्तुत्तरागयावि य णं समाणा आयंता चोक्खा  
 परमसुइभूया तं मित्तनाइनियगसयणसंबंधिपरियणं वलं च वहवे गण-  
 नायग जाव विपुलेणं पुप्फवत्थगंधमल्लालंकारेणं सक्कारेति सम्माणेति २  
 एवं वयासी — जम्हा णं अम्हं इमस्स दारगस्स गव्वमत्थस्स चेव समाणस्स  
 अकालमेहेसु डोहले पाउवभूए तं होऊ णं अम्हं दारए मेहे नामेणं मेहे ।

तस्स दारगस्स अम्मापियरो अयमेयारूवं गोणं गुणनिष्फणं नामधेज्जं  
करेति मेहे इ । तए णं से मेहे कुमारे पंचधाईपरिग्गहिए तंजहा — खीर-  
धाईए मज्जणधाईए कीलावणधाईए मंडणधाईए अंकधाईए अन्नाहि य  
बहूहिं खुज्जाहिं चिलाइयाहिं वामणिवडभिवव्वरिवउसिजोगियपल्हवि-  
इसिणिधोरुणिगिणिलासियलउसियं दमिलिसिंहलिआरविपुलिंदिपक्कणिबह-  
लिमुरंडिसवरिपारसीहिं नानादेसीहिं विदेसपरिमंडियाहिं इंगियचित्तिय-  
पत्थियवियाणियाहिं सदेसनेवत्थगहियवेसाहिं निउणकुसलाहिं विणीयाहिं  
चेडियाचक्कवालवरिसधरकंचुइज्जमहयरगवंदपरिक्खित्ते हत्थाओ हत्थं  
साहंरिज्जमाणे अंकाओ अंकं परिभुज्जमाणे परिगिज्जमाणे उवलालिज्ज-  
माणे रम्मंसि मणिकोट्टिमतलंसि परिमिज्जमाणे २ निव्वायानिव्वाघायांसि  
गिरिकंदरमल्लीणेव चंपगपायवे सुहंसुहेणं वड्डुइ । तए णं तस्स मेहस्स  
कुमारस्स अम्मापियरो अणुपुव्वेणं नामकरणं च पजेमणगं च एवं चंक-  
मणगं च चोलोवणयं च महया २ इड्डीसक्कारसमुदएणं करेसु । तए णं तं  
मेहं कुमारं अम्मापियरो साइरेगेट्टवासजायगं चेव गव्भट्टमे वासे सोह-  
णंसि तिहिकरणमुहुत्तंसि कलायरियस्स उवणेति । तए णं से कलायरिए  
मेहं कुमारं लेहाइयाओ गणियप्पहाणाओ सउणरुयपज्जवसाणाओ बाव-  
त्तरिकलाओ सुत्तओ य अत्थओ य करणओ य सेहावेइ सिक्खावेइ  
तंजहा — लेहं गणियं रूवं नट्टं गीयं वाइयं सरगयं पोक्खरगयं समतालं  
जूयं जणवायं पासयं अट्ठावयं पोरेकच्चं दगमट्ठियं अन्नाविहिं पाणाविहिं  
वत्थविहिं विलेवणाविहिं सयणविहिं अज्जं पहेलियं मागहियं गाहं गीइयं  
सिलोगं हिरण्णजुत्तिं सुवण्णजुत्तिं चुण्णजुत्तिं आभरणविहिं तरुणीपडिकम्मं  
इत्थिलक्खणं पुरिसलक्खणं हयलक्खणं गयलक्खणं गोणलक्खणं कुक्कुड-  
लक्खणं छत्तलक्खणं दंडलक्खणं असिलक्खणं मणिलक्खणं कागिणि-  
लक्खणं वत्थुविज्जं खंधारमाणं नगरमाणं वूहं पडिवूहं चारं पडिचारं  
चक्कवूहं गरुलवूहं सगडवूहं जुद्धं निजुद्धं जुद्धाइजुद्धं अट्ठिजुद्धं मुट्ठिजुद्धं  
वाहुजुद्धं लयाजुद्धं ईसत्थं छरुप्पवायं धणुव्वेयं हिरण्णपागं सुवण्णपागं  
सुत्तखेडं वट्टखेडं नालियाखेडं पत्तच्छेज्जं कडच्छेज्जं सज्जीवं निज्जीवं



सउणरुयं ति ।

(21) तए णं से कलायरिए मेहं कुमारं लेहाइयाओ गणियप्पहाणाओ सउणरुयपज्जवसाणाओ वावत्तरिं कलाओ सुत्तओ य अत्थओ य करणओ य सेहावेइ २ अम्मापिऊणं उवणेइ । तए णं मेहस्स कुमारस्स अम्मापियरो तं कलायरियं महुरेहिं वयणेहिं विउलेणं वत्थगंधमल्लालंकारेणं सकारेंति सम्माणेंति विउलं जीवियारिहं पीइदाणं दलयंति २ पडिविसज्जेति ।

(22) तए णं से मेहे कुमारे वावत्तरिकलापंडिए नवंगसुत्तपडिवोहिए अट्टारसविहिप्पगारदेसीभासाविसारए गीयरइयगंधव्वनट्टकुसले ह्यजोही गयजोही रहजोही वाहुजोही वाहुप्पमदी अलंभोगसमत्थे साहसिए वियालचारी जाए यावि होत्था ।

(23) तए णं तस्स मेहकुमारस्स अम्मापियरो मेहं कुमारं वावत्तरिकलापंडियं जाव वियालचारीं जायं पासंति २ अट्ट पासायवडिंसए कारेंति अब्भुगयमूसियपहसिए विव मणिकणगरयणभत्तिचित्ते वाउध्दुयविजयवेजयंतीपडागाछत्ताइच्छत्तकलिए तुंगे गगणतलमभिलंघमाणसिहरे जालंतररयणपंजरुम्मलिएव्व मणिकणगथूभियाए वियसियसयवत्तपुंडरीए तिलयरयणद्धचंदच्चिए नानामणिमयदामालंकिए अंतो वहिं च सण्हे तवणिज्जरुइलवालुयापत्थरे सुहफासे सस्सिरीयरूवे पासाईए जाव पडिरूवे । एगं च णं महं भवणं कारेंति अणेगखंभसयसन्निविट्ठं लीलट्टियसालभंजियागं अब्भुगयसुकयवइरवेइयातोरणवररइयसालभंजियासुसिलिट्ठविसिट्ठलट्ठसंठियपसत्थवेरुलियखंभनाणामणिकणगरयणखचियउज्जलं बहुसमसुविभत्तनिचियरमणिज्जभूमिभागं ईहामिय जाव भत्तिचित्तं खंभुगयवर्यरवेइयापरिगयाभिरामं विज्जाहरजमलजुयलजंतजुत्तंपिव अच्चीसहस्समालणीयं रूवगसहस्सकलियं भिसमाणं भिन्धिभसमाणं चक्खुल्लोयणलेसं सुहफासं सस्सिरीयरूवं कंचणमणिरयणथूभियागं नाणाविहपंचवण्णघंटापडागपरिमंडियगसिहरं धवलमिरीचिकवयं विणिम्मुर्यंतं लाउल्लोइयमहियं जाव गंधवट्ठिभूयं पासाईयं दरिसणिज्जं अभिरूवं पडिरूवं ।

(24) तए णं तस्स मेहस्स कुमारस्स अम्मापियरो मेहं कुमारं सोह-

णंसि तिहिकरणनक्खत्तमुहुत्तांसि सरिसियाणं सरिव्वयाणं सरित्तयाणं  
 सरिसलावण्णरूवजोव्वणगुणोव्वेयाणं सरिसएहिंतो रायकुलेहिंतो  
 आणिल्लियाणं पसाहणट्ठंगअविहववहूओवयणमंगलसुजंपिएहिं अट्ठहिं  
 रायवरकन्नाहिं सद्धिं एगदिवसेणं पाणिं गिण्हाविसु । तए णं तस्स  
 मेहस्स अम्मापियरो इमं एयारूवं पीइदाणं दलयंति - अट्ठ हिरण्ण-  
 कोडीओ अट्ठ सुवण्णकोडीओ गाहाणुसारेण भाणियव्वं जाव पेसण-  
 कारियाओ अन्नं च विपुलं धणकणगरयणमणिमोत्तियसंखसिलप्पवाल-  
 रत्तरयणसंतसारसावएज्जं अलाहि जाव आसत्तमाओ कुलवंसाओ पकामं  
 दाउं पकामं भोत्तुं पकामं परिभाँएउं । तए णं से मेहे कुमारे एगमेगाए  
 भारियाए एगमेगं हिरण्णकोडिं दलयइ एगमेगं सुवण्णकोडिं दलयइ  
 जाव एगमेगं पेसणकारिं दलयइ अन्नं च विउलं धणकणग जाव परि-  
 भाँएउं दलयइ । तए णं से मेहे कुमारे उप्पिं पासायवरगए फुट्टमाणेहिं  
 मुइंगमत्थएहिं वरतरुणिसंपउत्तेहिं वत्तीसइवद्धएहिं नाडएहिं विहरइ ।

(25) तेणं कालेणं २ समणे भगवं महावीरे पुठ्वाणुपुठ्वि चरमाणे  
 गामाणुगामं दूइज्जमाणे सुहंसुहेणं विहरमाणे जेणामेव रायगिहे नयरे  
 गुणसिलए चेइए जाव विहरइ । तए णं रायगिहे नयरे सिंघाडगतिग-  
 चउक्कचच्चरे महया बहुजणसदे इ वा जाव बहवे उग्गा भोगा जाव राय-  
 गिहस्स नगरस्स मज्झंमज्जेणं एगदिसिं एगाभिमुहा निग्गच्छंति । इमं च  
 णं मेहे कुमारे उप्पिं पासायवरगए फुट्टमाणेहिं मुयंगमत्थएहिं जाव  
 माणुस्सए कामभोगे भुंजमाणे रायमगं च आँलोएमाणे २ एवं च णं  
 विहरइ । तए णं मेहे कुमारे ते बहवे उग्गा भोगा जाव एगदिसाभिमुहे  
 निग्गच्छमाणे पासइ २ कंचुइज्जपुरिसं सद्दवेइ २ एवं वयासी -  
 किन्नं भो देवाणुप्पिया ! अज्ज रायगिहे नगरे इंदमहे इ वा खंदमहे इ वा  
 एवं रुहसिववेसमणनागजक्खभूयनईतलायरुक्खचेइयपव्वयउज्जाण-  
 गिरिजत्ताइ वा जओ णं बहवे उग्गा भोगा जाव एगदिसिं एगाभिमुहा  
 निग्गच्छंति । तए णं से कंचुइज्जपुरिसे समणस्स भगवओ महावीरस्स  
 गहियागमणपवित्तीए मेहं कुमारं एवं वयासी - नो खलु देवाणुप्पिया !

अज्ज रायगिहे नयरे इंदमहे इ वा जाव गिरिजत्ता इ वा ज णं एए उग्गा जाव एगदिसिं एगाभिमुहा निग्गच्छंति । एवं खलु देवाणुप्पिया ! समणे भगवं महावीरे आइगरे तित्थगरे इहमागए इह संपत्ते इह समोसढे<sup>१</sup> इह चेव रायगिहे नगरे गुणसिलए चेइए अहापडिख्वं जाव विहरइ ।

(26) तए णं से मेहे कुमारे कंचुइज्जपुरिसस्स अंतिए एयमट्ठं सोच्चा निसम्म हट्टतुट्ठे कोडुंविउपुरिसे सहावेइ २ एवं वयासी — खिप्पामेव भो देवाणुप्पिया ! चाउग्घंटं आसरहं जुत्तामेव उवट्टवेह जाव उवणेंति । तए णं से मेहे ण्हाए जाव सन्वालंकारविभूसिए चाउग्घंटं आसरहं दुरूढे समाणे सकोरंटमल्लदामेणं छत्तेणं धरिज्जमाणेणं महया भड-चडगरवंदपरियालसंपरिवुडे रायगिहस्स नयरस्स मज्झंमज्झेणं निग्गच्छइ २ जेणामेव गुणसिलए चेइए तेणामेव उवागच्छइ २ समणस्स भगवओ महावीरस्स छत्ताइच्छत्तं पडागाइपडागं विज्जाहरचारणे जंभए य देवे ओवयमाणे पासइ २ चाउग्घंटाओ आसरहाओ पच्चोरुहइ २ समणं भगवं महावीरं पंचविहेणं अभिगमेणं अभिगच्छइ तंजहा — सचित्ताणं दब्बाणं विउसरणयाए, अचित्ताणं दब्बाणं अविउसरणयाए, एगसाडियं उत्तरासंगकरणेणं, चक्खुफासे अंजलिपग्गहेणं, मणसो एगत्तीकरणेणं । जेणामेव समणे भगवं महावीरे तेणामेव उवागच्छइ २ समणं भगवं तिक्खुत्तो आयाहिणपयाहिणं करेइ वंदइ नमंसइ २ समणस्स भगवओ नच्चासन्ने नाइदूरे सुस्सूसमाणे नमंसमाणे पंजलिउडे अभिमुहे विणएणं पज्जुवासइ । तए णं समणे भगवं महावीरे मेहस्स कुमारस्स तीसे य महइमहालियाए महच्चपरिसाए मज्झगए विचित्तं धम्ममाइक्खइ, जहा — जीवा वैज्झंति मुच्चंति जहा य संकिलिस्संति । धम्मकहा भाणियव्वा जाव परिआ पडिगया ।

(27) तए णं से मेहे कुमारे समणस्स भगवओ महावीरस्स अंतिए धम्मं सोच्चा निसम्म हट्टतुट्ठे समणं भगवं महावीरं तिक्खुत्तो आयाहिणपयाहिणं करेइ २ वंदइ नमंसइ २ एवं वयासी — सहहामि णं भंते ! निग्गंथं पावयणं एवं पत्तियाभि णं रोएमि णं अब्भुट्ठेमि णं भंते !

निगथं पावयणं । एवमेयं भंते ! तहमेयं अवितहमेयं इच्छियमेयं  
 पडिच्छियमेयं भंते ! इच्छियपडिच्छियमेयं भंते ! से जहेव तं तुब्भे  
 वयह जं नवरं देवाणुप्पिया ! अम्मापियरो आपुच्छामि तओ पच्छा मुंडे  
 भवित्ताणं पव्वइस्सामि । अहासुहं देवाणुप्पिया मा पडिवंधं । तए णं से  
 मेहे कुमारे समणं भगवं वंदइ नमंसइ २ जेणामेव चाउग्घंटे आसरहे  
 तेणामेव उवागच्छइ २ चाउग्घंटं आसरहं दुरुहइ सहया भडचडगर-  
 पहकरेणं रायगिहस्स नगरस्स सज्झंसज्जेणं जेणामेव सए भवणे तेणामेव  
 उवागच्छइ २ चाउग्घंटाओ पच्चोरुहइ २ जेणामेव अम्मापियरो तेणा-  
 मेव उवागच्छइ २ अम्मापिऊणं पायवडणं करेइ २ एवं वयासी— एवं  
 खलु अम्मयाओ ! मए समणस्स भगवओ महावीरस्स अंतिए धम्मे निसंते  
 से वि य मे धम्मे इच्छिए पडिच्छिए अभिरुइए । तए णं तस्स मेहस्स  
 अम्मापियरो एवं वयासी— धन्नेसि तुमं जाया ! संपुण्णे कयत्थे कय-  
 लक्खणे । सि तुमं जाया ! जन्नं तुमे समणस्स ३ अंतिए धम्मे निसंते । सेवि  
 य ते धम्मे इच्छिए पडिच्छिए अभिरुइए । तए णं से मेहे कुमारे अम्मा-  
 पियरो दोच्चंपि तच्चंपि एवं वयासी— एवं खलु अम्मयाओ ! मए समणस्स ३  
 अंतिए धम्मे निसंते । से वि य मे धम्मे इच्छिए पडिच्छिए अभि-  
 रुइए । तं इच्छामि णं अम्मयाओ ! तुब्भेहिं अब्भणुत्ताए समाणे  
 समणस्स ३ अंतिए मुंडे भवित्ताणं अगाराओ अणगारियं पव्वइत्तए ।  
 तए णं सा धारिणी देवी तं अणिट्ठं अकंतं अप्पियं अमणुन्नं  
 अमणामं असुयपुव्वं फरुसगिरं सोच्चा निसम्म इमेणं एयारूवेणं  
 मणोमाणसिएणं सहया पुत्तदुक्खेणं अभिभूया समाणी सेयागयरोमकूव-  
 पगलंतविलीणगाया सोयभरपवेवियंगी नित्तेया दीणविमणवयणा कर-  
 यलमलियव्व कमलमाला तक्खणओलुग्गदुव्वलसरीरा लावणसुन्ननि-  
 च्छायगयसिरीया पसिडिलभूसणपडंतखुम्मियसंचुण्णियधवलवलयपव्वभ-  
 ट्टउत्तरिज्जा सूमालविकिण्णकेसहत्था मुच्छावसनट्ठचेयंगरुई पैरसुनिय-  
 त्तव्व चंपगलया निव्वत्तमेहे व इंदलट्ठी विमुक्कसंधिवंधणा कोट्टिमतलंसि  
 सव्वंगेहिं धसत्ति पडिया । तए णं सा धारिणी देवी ससंभमोवत्तियाए

तुरियं कंचणंभिगारमुहविणिग्गयसीयलजलविमलधाराए परिसिंचमाणा निव्वावियगायलट्ठी उक्खेवणत्तालविटवीयणगजणियवाएणं सफुसिएणं अंतेउरपरियणेणं आसासिया समाणी मुत्तावलीसन्निगासपवडंतअंसुधाराहिं सिंचमाणी पओहरे कलुणविमणदीणा रोयमाणी कंदमाणी तिप्पमाणी सोयमाणी विलवमाणी मेहं कुमारं एवं वयासी । -

(28) तुमं सि णं जाया ! अम्हं एगे पुत्ते इट्ठे कंते पिए मणुत्ते मणामे थेज्जे वेसासिए सम्मए बहुमए अणुमए भंडकरंडगसमाणे रयणे रयण-भूए जीवियउस्सासए हिययाणंदजणणे उंवरपुप्फं पिव दुल्लहे सवणयाए किमंग पुण पासणयाए । नो खलु जाया ! अम्हे इच्छामो खणमवि विप्पओगं सहित्तए । तं भुंजाहि ताव जाया ! विपुले माणुस्सए कामभोगे जाव ताव वयं जीवामो । तओ पच्छा अम्हेहिं काल-गएहिं परिणयवए वड्डियकुलवंसतंतुकज्जंमि निरवएक्खे समणस्स ३ अंतिए मुंडे भवित्ता अगाराओ अणगारियं पव्वइस्ससि । तए णं से मेहे कुमारे अम्मापिऊहिं एवं वुत्ते समाणे अम्मापियरो एवं वयासी - तहेव णं तं अम्मो ! जहेव णं तुब्भे ममं एवं वयह - तुमं सि णं जाया ! अम्हं एगे पुत्ते तं चेव जाव निरवएक्खे समणस्स जाव पव्वइस्ससि । एवं खलु अम्मयाओ ! माणुस्सए भवे अधुवे अणिर्यए असासए वसणसउवइवाभिभूए विज्जुलयाचंचले अणिच्चे जलवुव्वुय-समाणे कुसग्गजलविंदुसन्निभे संझव्वभरागसरिसे सुविणदंसणोवमे सडण-पडणविट्ठंसणधम्मो पच्छा पुरं च णं अवस्साविप्पजहाणिज्जे । से के णं जाणइ अम्मयाओ ! के पुत्तिं गमणाए के पच्छा गमणाए ? तं इच्छामि णं अम्मयाओ ! तुब्भेहिं अब्भणुत्ताए समाणे समणस्स ३ जाव पव्वइत्तए । तए णं तं मेहं कुमारं अम्मापियरो एवं वयासी - इमाओ ते जाया । सरिसियाओ सरित्तयाओ सरिर्वयाओ सरिसलावण-रूवजोव्वणगुणोववेयाओ सरिसेहितो रायकुलेहितो आणिर्यल्लियाओ भारियाओ । तं भुंजाहि णं जाया ! एयाहिं सद्धिं विउले माणुस्सए कामभोगे । पच्छा भुत्तभोगे समणस्स जाव पव्वइस्ससि । तए णं से मेहे

कुमारे अम्मापियरं एवं वयासी - तहेव णं अम्मयाओ ! जं णं तुब्भे ममं एवं वयह - इमाओ ते जाया ! सरिसियाओ जाव पव्वइस्ससि । एवं खलु अम्मयाओ माणुस्सगा कामभोगा असुई असासया वंतासवा पित्तासवा खेलासवा सुक्कासवा सोणियासवा दुरुस्सासनीसासा दुरूवमुत्तपुरीसपूयवहुपडिपुण्णा उच्चारपासवणखेलसिंघाणगवंतपित्त-सुक्कसोणियसंभवा अधुवा आणियत्ता असासया सडणपडणाविद्धंसण-धम्मा पच्छा पुरं च णं अवस्सविप्पजहणिज्जा । से<sup>१</sup> के णं अम्मयाओ ! जाव पव्वइत्तए । तए णं तं मेहं कुमारं अम्मापियरो एवं वयासी - इमे य ते जाया ! अज्जयपज्जयपिउपज्जयागए सुबहु हिरण्णे य सुवण्णे य कंसे य दूसे य मणिमोत्तियसंखसिलप्पवालरत्तरयणसंतसारसावएज्जे य अलाहि जाव आसत्तमाओ कुलवंसाओ पगामं दाउं पगामं भोत्तुं पकामं परिभाएउं । तं अणुहोहि तावँ जाया ! विपुलं माणुस्सगं इड्डिसक्कारसमुदयं । तओ पच्छा अणुभूयकल्लाणे समणस्स ३ जाव पव्वइस्ससि । तए णं से मेहे कुमारे अम्मापियरं एवं वयासी - तहेव णं अम्मयाओ ! जं णं तं वयह - इमे ते जाया ! अज्जग-पज्जग जाव तओ पच्छा अणुभूयकल्लाणे पव्वइस्ससि । एवं खलु अम्मयाओ ! हिरण्णे य जाव सावएज्जे अग्गिसाहिए चोरसाहिए रायसाहिए दाइयसाहिए मच्चुसाहिए अग्गिसामन्ने जाव मच्चुसामन्ने सडणपडणाविद्धंसणधम्मे पच्छा पुरं च णं अवस्सविप्पजहणिज्जे । से के णं जाणइ अम्मयाओ ! के पुठ्वि जाव गमणाए । तं इच्छामि णं जाव पव्वइत्तए । तए णं तस्स मेहस्स कुमारस्स अम्मापियरो जाहे नो संचाइंति मेहं कुमारं बहूहिं विसयाणुलोमाहिं आघवणाहि य पन्नवणाहि य सन्नवणाहि य विन्नवणाहि य आघवित्तए वा पन्नवित्तए वा सन्नवि-त्तए वा विन्नवित्तए वा ताहे विसयपडिकूलाहिं संजमभउव्वेयकारि-याहिं पन्नवणाहिं पन्नवेमाणा एवं वयासी - एस णं जाया ! निग्गंथे पावयणे सच्चे अणुत्तरे केवल्लिए पडिपुण्णे नेयाउए संसुद्धे सल्लगत्ते सिद्धिमग्गे मुत्तिमग्गे निज्जाणमग्गे निव्वाणमग्गे सव्वदुक्खप्पहीणमग्गे

अहीव एगंतदिट्ठीए खुरो इव एगंतधाराए लोहमया ईव जवा चावेयव्वा  
 वालुयाकवले इव निरस्साए गंगा इव महानई पडिसोयगमणाए  
 महासमुदो इव भुयाहिं दुत्तरे तिकखं चंर्कमियव्वं गरुअं लंवेयव्वं  
 अंसिधारव्वयं चरियव्वं । नो खलु कप्पइ जाया ! समणाणं निग्गंथाणं  
 आहाकम्मिए वा उद्देसिए वा कीयगडे वा ठवियए वा रह्यए वा  
 दुब्भिक्खभत्ते वा कंतारभत्ते वा वद्दलियाभत्ते वा गिलाणभत्ते वा मूल-  
 भोयणे वा कंदभोयणे वा फलभोयणे वा वीयभोयणे वा हरियभोयणे  
 वा भोत्तए वा पायए वा । तुमं च णं जाया ! सुहसमुचिए नो चेव  
 णं दुहसमुचिए नालं सीयं नालं उण्हं नालं खुहं नालं पिवासं नालं  
 वाइयपित्तियसिंभियसन्निवाइयविविहे रोगायंके उच्चावए गामकंटए  
 वावीसं परीसहोवसग्गे उदिण्णे सम्मं अहियासित्तए । भुंजाहि ताव  
 जाया ! माणुस्सए कामभोगे । तओ पच्छा भुत्तभोगी समणस्स जाव  
 पव्वइस्ससि । तए णं से मेहे कुमारे अम्मापिऊहिं एवं तुत्ते समाणे  
 अम्मापियरं एवं वयासी — तहेव णं अम्मयाओ ! जं णं तुब्भे ममं एवं  
 वयह — एस णं जाया ! निग्गंथे पावयणे सच्चे अणुत्तरे पुणरवि. तं  
 चेव जाव तओ पच्छा भुत्तभोगी समणस्स जाव पव्वइस्ससि । एवं खलु  
 अम्मयाओ ! निग्गंथे पावयणे कीवाणं कायराणं कापुरिसाणं इहलोग-  
 पडिबद्धाणं परलोगनिप्पिवासाणं दुरणुचरे पाययजणस्स नो चेव णं धीरस्स  
 निच्छियस्स ववसियस्स । एत्थ किं दुक्करं करणयाए ? तं इच्छामि णं  
 अम्मयाओ ! तुब्भेहिं अब्भणुत्ताए समाणे समणस्स जाव पव्वइत्तए ।

(29) तए णं तं मेहं कुमारं अम्मापियरो जाहे नो संचाइंति बहूहिं  
 विसयाणुलोमाहि य विसयपडिकूलाहि य आघवणाहि य पन्नवणाहि  
 य सन्नवणाहि य विन्नवणाहि य आघवेत्तए वा पन्नवेत्तए वा सन्नवित्तए  
 वा विन्नवित्तए वा ताहे अकामाइं चेव मेहं कुमारं एवं वयासी — इच्छामो  
 ताव जाया ! एगदिवसमवि ते रायसिरिं पासित्तए । तए णं से मेहे  
 कुमारं अम्मापियरमणुवत्तमाणे तुसिणीए संचिट्ठइ । तए णं से सेणिए  
 राया कोडुंविद्यपुरिसे सदावेइ २ एवं वयासी — खिप्पामेव भो देवा-

णुप्पिया ! मेहस्स कुमारस्स महत्थं महग्गं महरिहं विउलं रायाभिसेयं उवट्ठवेह । तए णं ते कोडुंबियपुरिसा जाव ते वि तहेव उवट्ठवेति । तए णं से सेणिए राया बहूहिं गणनायगदंडनायगेहिं य जाव संपरिवुडे मेहं कुमारं अट्ठसएणं सोवण्णियाणं कलसाणं एवं रूपमयाणं कलसाणं सुवण्णरूपमयाणं कलसाणं मणिमयाणं कलसाणं सुवण्णमणिमयाणं रूपमणिमयाणं सुवण्णरूपमणिमयाणं भोमेज्जाणं सव्वोदएहिं सव्व-  
मट्ठियाहिं सव्वपुप्फेहिं सव्वगंधेहिं सव्वमल्लेहिं सव्वोसहीहिं य सिद्धत्थ-  
एहिं य सव्विड्डीए सव्वज्जुईए सव्वबलेणं जाव दुंदुभिनिग्घोसणाइयरवेणं  
महया २ रायाभिसेएणं अभिसिंचइ २ करयल जाव कट्ठु एवं वयासी —  
जय २ नंदा ! जय २ भद्दा ! जय नंदा ० ! भद्दं ते अजियं जिणाहि ! जियं  
पालयाहि जियमज्झे वसाहि अजियं जिणेहि सत्तुपक्खं जियं च पालेहि  
मित्तपक्खं जाव भरहो इव मणुयाणं रायागिहस्स नगरस्स अन्नेसिं च  
वहूणं गामागरनगर जाव सन्निवेसाणं आहेवच्चं जाव विहराहि त्तिकट्ठु  
जय २ सद्दं पउंजंति । तए णं से मेहे राया जाए महया जाव विहरइ ।  
एण णं तस्स मेहस्स रत्तो अम्मापियरो एवं वयासी — भण जाया ! किं  
दलयामो किं पयच्छामो किं वा ते हियइच्छिए सामत्थे ? तए णं से मेहे  
राया अम्मापियरो एवं वयासी — इच्छामि णं अम्मयाओ ! कुत्तियावणाओ  
रयहरणं पडिग्गहं च आणियं कासवयं च सदावेहं । तए णं से सेणिए  
राया कोडुंबियपुरिसे सदावेइ २ एवं वयासी — गच्छह णं तुब्भे देवाणु-  
प्पिया ! सिरिघराओ तिन्नि सयसहस्साइं गहाय दोहिं सयसहस्सेहिं कुत्ति-  
यावणाओ रयहरणं पडिग्गहं च उवणेह सहसहस्सेणं कासवयं सदावेह ।  
तए णं ते कोडुंबियपुरिसा सेणिएणं रत्ता एवं वुत्ता समाणा हट्ठतुट्ठा  
सिरिघराओ तिन्नि सयसहस्साइं गहाय कुत्तियावणाओ दोहिं सयसहस्सेहिं  
रयहरणं पडिग्गहं च उवणेति सयसहस्सेणं कासवयं सदावेति । तए णं  
से कासवए तेहिं कोडुंबियपुरिसेहिं सदाविए समाणे हट्ठ जाव हियए  
ण्हाए कयवलिकम्मे कयकोउयमंगलपायच्छित्ते सुद्धप्पावेसाइं वत्थाइं  
पवरपरिहिए अप्पमहग्घाभरणांकिंयसरीरे जेणेव सेणिए राया तेणेव



उवागच्छइ २ सेणियं रायं करयलमंजलिं कट्टु एवं वयासी — संदिसह णं देवाणुप्पिया ! जं मए कराणिज्जं । तए णं से सेणिए राया कासवयं एवं वयासी — गच्छाहि णं तुमं देवाणुप्पिया ! सुरभिणा गंधोदएणं निक्के हत्थपाए पक्खालेहि सेयाए चउप्फालाए पोत्तीए मुहं वंधित्ता मेहस्स कुमारस्स चउरंगुलवज्जे निक्खमणपाउग्गे अग्गकेसे कप्पेहि । तए णं से कासवए सेणिएणं रत्ता एवं वुत्ते समाणे हट्ठ जाव हियए जाव पडिसुणेइ सुरभिणा गंधोदएणं हत्थपाए पक्खालेइ २ सुद्धवत्थेणं मुहं वंधइ २ परेणं जत्तेणं मेहस्स कुमारस्स चउरंगुलवज्जे निक्खमणपाउग्गे अग्गकेसे कप्पइ । तए णं तस्स मेहस्स कुमारस्स माया महरिहेणं हंसलक्खणेणं पडसाडएणं अग्गकेसे पडिच्छइ २ सुरभिणा गंधोदएणं पक्खालेइ २ सरसेणं गोसीसचंदणेणं चच्चाओ.दलयइ २ सेयाए पोत्तीए वंधइ २ रयणसमुग्गयंसि पक्खिवइ २ मंजूसाए पक्खिवइ २ हारवारिधार-सिंदुवारलिन्नमुत्तावल्लिप्पगासाइं अंसूइं विणिम्मुयमाणी २ रोयमाणी २ कंदमाणी २ विलवमाणी २ एवं वयासी — एस णं अम्हं मेहस्स कुमारस्स अच्चुदएसु य उस्तवेसु य पसवेसु य तिहीसु य छणेसु य जन्नेसु य पव्वणीसु य अपच्छिमे दरिसणे भविस्सइ त्तिकट्टु उस्सीसामूले ठावेइ । तए णं तस्स मेहस्स कुमारस्स अम्मापियरो उत्तरावक्कमणं सीहासणं रयावेंति मेहं कुमारं दोच्चं पि तच्चं पि सेयापीएहिं कलसेहिं ण्हावेंति २ पम्हलसूमालाए गंधकासाइयाए गायाइं ल्हेंति २ सरसेणं गोसीस-चंदणेणं गायाइं अणुलिंपति २ नासानीसासवायवोज्झं जाव हंसलक्खणं पडुसाडगं नियसेंति २ हारं पिणद्धेंति २ अद्धहारं पिणद्धेंति २ एवं एगावल्लि मत्तावाल्लि कणगावाल्लि २ रयणावाल्लि २ पालवं २ पायपलवं कडगाइं २ तुडिगाइं २ केऊराइं २ अंगयाइं २ दसमुद्दियाणंतयं कडिसुत्तयं २ कुंडलाइं चूडामणिं रयणुक्कंडं मँउडं पिणद्धेंति २ दिव्वं सुमणदामं पिणद्धेंति २ ददरमलयसुगंधिए गंधे पिणद्धेंति । तए णं तं मेहं कुमारं गंठिमवेडिमपूरिमसंघाइमेण चउव्विहेणं मल्लेणं कप्परुक्खगं पिव अलंक्रियविभूसियं करेति । तए णं से सेणिए राया कोडुंवियपुरिसे

सद्देवेइ २ एवं वयासी - खिप्पामेव भो देवाणुप्पिया ! अणेगखंभसय-  
 सन्निविट्ठं लीलट्टियसालभंजियागं ईहामियउसभतुरयनरमगरविहगवाल-  
 किन्नररुसरभंचमरकुंजरवणलयपउमलयभत्तिचित्तं घंटावलिमहुरमण-  
 हरसरं सुभकंतदरिसणिज्जं निउणोवियमिसिभिसेतमाणिरयणघंटियाजाल-  
 परिक्खित्तं अन्धुग्गयवइरवेइयापरिगयाभिरामं विज्जाहरजमलजंतजुत्तं  
 पिव अच्चीसहस्समालणीयं रुवगसहस्सकलियं भिसमाणं भिब्भिसमाणं  
 चक्खुल्लोयणलेस्सं सुहफासं सस्सिरियरूवं सिग्घं तुरियं चवलं वेइयं  
 पुरिससहस्सवाहिणीयं सीयं उवट्ठवेह । तए णं ते कोडुंबियपुरिसा  
 हट्ठतुट्ठ जाव उवट्ठवेति । तए णं से मेहे कुमारे सीयं दुरुहइ २  
 सीहासणवरगए पुरत्थाभिमुहे सन्निसण्णे । तए णं तस्स मेहस्स  
 कुमारस्स माया ण्हाया कयवलिकम्मा जाव अप्पमहग्घाभरणालंकियसरीरा  
 सीयं दुरुहइ २ मेहस्स कुमारस्स दाहिणपासे भद्दासणंसि निसीयइ ।  
 तए णं तस्स मेहस्स कुमारस्स अंबघाई रयहरणं च पडिग्गहगं च  
 गहाय सीयं दुरुहइ २ मेहस्स कुमारस्स वामपासे भद्दासणंसि निसीयइ ।  
 तए णं तस्स मेहस्स कुमारस्स पिट्ठओ एगा वरतरुणी सिंगारा-  
 गारचारुवेसा संगयगयहसियभणियचेट्टियविलाससंलावुल्लावनिउणजुत्तो-  
 वयारकुसला आमेलगजमलजुयलवट्टियअन्धुन्नयपीणरइयसंठियपओहरा  
 हिमरययकुंदेदुपगासं सकोरेंटमल्लदामधवलं आयवत्तं गहाय सलीलं  
 ओहारेमाणी २ चिट्ठइ । तए णं तस्स मेहस्स कुमारस्स दुवे वरतरुणीओ  
 सिंगारागारचारुवेसाओ जाव कुसलाओ सीयं दुरुहंति २ मेहस्स कुमारस्स  
 उर्भओ पासं नानामणिकणगरयणमहरिहतवणिज्जज्जलविचित्तदंडाओ  
 चिल्लियाओ सुहुमवरदीहवालाओ संखकुंददगरयअमयमहियफेणपुंजस-  
 न्निगासाओ चामराओ गहाय सलीलं ओहारेमाणीओ २ चिट्ठंति । तए णं  
 तस्स मेहकुमारस्स एगा वरतरुणी सिंगारा जाव कुसला सीयं जाव दुरुहइ २  
 मेहस्स कुमारस्स पुरओ पुरत्थिमेणं चंदप्पभवयरवेरुलियविमलदंडं  
 तालियंटं गहाय चिट्ठइ । तए णं तस्स मेहस्स कुमारस्स एगा वरतरुणी  
 जाव सुरूवा सीयं दुरुहइ २ मेहस्स कुमारस्स पुव्वदक्खिणेणं सेयं

रययामयं विमलसलिलपुण्णं मत्तगयमंहामुहार्कइसमाणं भिंगारं गहाय  
चिट्ठइ । तए णं तस्स मेहस्स कुमारस्स पिया कोडुंवियपुरिसे  
सदावेइ २ एवं वयासी—खिप्पामेव भो देवाणुपिया ! सरिसयाणं  
सरित्तयाणं सरिठ्वयाणं एगाभरणगहियनिज्जोयाणं कोडुंवियवरतरुणाणं  
सहस्सं सदावेह जाव सदावेति । तए णं ते कोडुंवियवरतरुणपुरिसा  
सेणियस्स रत्तो कोडुंवियपुरिसेहिं सदाविया समाणा हट्ठा प्हाया  
जाव एगाभरणगहियणिज्जोया जेणामेव सेणिए राया तेणामेव उवा-  
गच्छंति २ सेणियं रायं एवं वयासी—संदिसह णं देवाणुपिया । जं णं  
अम्हेहिं करणिज्जं । तए णं से सेणिए राया तं कोडुंवियवरतरुणसहस्सं  
एवं वयासी—गच्छह णं तुव्भे देवाणुपिया ! मेहस्स कुमारस्स पुरिस-  
सहस्सवाहिणीं सीयं परिवहह । तए णं तं कोडुंवियवरतरुणसहस्सं  
सेणिण रत्ता एवं दुत्तं सैतं हट्ठं मेहस्स कुमारस्स पुरिससहस्सवाहिणीं  
सीयं परिवहइ । तए णं तस्स मेहस्स कुमारस्स पुरिससहस्सवाहिणिं  
सीयं दुरूढस्स समाणस्स इमे अट्ठमंगलया तप्पढमयाए पुरओ अहा-  
णुपुठ्वीए संपट्टिया, तंजहा—सोत्थिय सिरिवच्छ नंदियावत्त वट्ठमाणग  
भदासण कलस मच्छ दप्पण जार्वं वहवे अत्थात्थिया जाव ताहिं इट्ठाहिं  
जाव अणवरयं अभिनंदंता य अभिथुणंता य एवं वयासी—जय २  
नंदा ! जय २ भद्दा ! जय २ नंदा ! भदं ते अजियं जिणाहि इंदियाइं  
जियं च पालेहि समणधम्मं जियविग्घो वि य वसाहि तं देव ! सिद्धि-  
मज्जे निहणाहि रागदोसमहे तवेणं धिइधानियवत्तकच्छे मद्दाहि य अट्ठ-  
कम्मसत्तू ज्ञाणेणं उत्तमेणं सुक्केणं अप्पमत्तो पावय वितिमिरमणुत्तरं  
केवलं नाणं गच्छ य मोक्खं परमं पर्यं सासयं च अयलं हंतां परीसह-  
चमूणं अभीओ परीसहोवसग्गाणं धम्मे ते अविग्घं भवउं त्तिकट्ठ पुणो २  
मंगलजयसदं पडंजंति । तए णं से मेहे कुमारे रायगिहस्स नगरस्स  
मज्झमज्झेणं निगगच्छइ २ जेणेव गुणसिलए चेइए तेणेव उवागच्छइ २  
पुरिससहस्सवाहिणीओ सीयाओ पच्चोरुहइ ।

(30) तए णं तस्स मेहस्स कुमारस्स अम्मापियरो मेहं कुमारं पुरओ

कट्टु जेणामेव समणे ३ तेणामेव उवागच्छंति २ समणं ३ तिक्खुत्तो  
 आयाहिणपयाहिणं करेति २ वंदंति नमंसंति २ एवं वयासी — एसंणं  
 देवाणुप्पिया ! मेहे कुमारे अम्हं एगे पुत्ते इट्ठे कंते जाव जीवियंउसांसए  
 हिययनंदिजणए उंबरपुप्फं पिव दुल्लहे सवणयाए किमंग पुण दंसिणयांएम् ?  
 से जहानामए उप्पले इ वा पउमे इ वा कुमुदे इ वा पंके जाए जले संवड्डिए  
 नोवलिप्पइ पंकरएणं नोवलिप्पइ जलरएणं एवामेव मेहे कुमारे कामेसु  
 जाए भोगेसु संवुड्डे नोवलिप्पइ कामरएणं नोवलिप्पइ भोगरएणं । एसंणं  
 देवाणुप्पिया ! संसारभउव्विग्गे भीए जम्मणंमरणाणं इच्छइ देवाणुप्पियाणं  
 अंतिए मुंडे भवित्ता अगाराओ अणगारियं पव्वइत्तए । अम्हे णं देवाणु-  
 प्पियाणं सिस्सभिक्षं दलयामो । पडिच्छंतु णं देवाणुप्पिया ! सिस्स-  
 भिक्षं । तए णं से समणे ३ मेहस्स कुमारस्स अम्मापिउहिं एवं वुत्ते  
 समाणे एयमट्ठं सम्मं पडिसुणेइ । तए णं से मेहे कुमारे समणस्स ३  
 अंतियाओ उत्तरपुरत्थिमं दिसीभागं अवक्कमइ सयमेव आभरणमल्ला-  
 लंकारं ओमुयइ । तए णं तस्स मेहकुमारस्स माया हंसलक्खणेणं पडग-  
 साडएणं आभरणमल्लालंकारं पडिच्छइ २ हारवारिधारसिंदुवारंछिन्न-  
 मुत्तावलिप्पगासाइं अंसूणि विणिम्मुयमाणी रोयंमाणी कंदमाणी विलव-  
 माणी २ एवं वयासी — जइयव्वं जाया ! घडियव्वं जाया ! परक्कमियव्वं  
 जाया ! अस्सि च णं अट्ठे नो पमाएयव्वं । अम्हंपि णं एसेर्व मग्गे भवउ  
 त्तिकट्टु मेहस्स कुमारस्स अम्मापियरो समणं ३ वंदंति नमंसंति २  
 जामेव दिसं पाउव्वभूया तामेव दिसं पडिगया ।

(31) तए णं से मेहे कुमारे सयमेव पंचमुट्ठियं लोयं करेइ २  
 जेणामेव समणे ३ तेणामेव उवागच्छइ २ समणं ३ तिक्खुत्तो आयाहिण-  
 पयाहिणं करेइ २ वंदइ नमंसइ २ एवं वयासी — आलित्ते णं भंते ! लोए ।  
 पलित्ते णं भंते ! लोए । आलित्तपलित्ते णं भंते ! लोए जराए मरणेण  
 य । से जहानामए केइ गाहावई अगारांसि ज्ञियायमाणंसि जे तत्थं भंडे  
 भवइ अण्णभारे मील्लगरुए तं गहाय आयाए एंगंतं अवक्कमइ — एसं मे  
 नित्थारिए समाणे पच्छा पुरा लोए हियाए सुहाए खेमाए निस्सेसांए

आणुगामियत्ताए भविस्सइ — एवामेव ममवि एगे आयाभंडे इट्ठे कंते  
 पिए मणुन्ने मणामे । एस मे नित्थारिए समाणे संसारवोच्छेयकरे भवि-  
 स्सइ । तं इच्छामि णं देवाणुप्पिएहिं सयमेव पव्वावियं सयमेव मुंडा-  
 वियं सेहावियं सिक्खावियं सयमेव आयारगोयरविणयवेणइयचरण-  
 करणजायामायावत्तियं धम्ममाइक्खियं । तए णं समणे ३ मेहं कुमारे  
 सयमेव पव्वावेइ सयमेव आयार जाव धम्ममाइक्खइ — एवं देवा-  
 णुप्पिया ! गंतव्वं चिट्ठियव्वं निसीयव्वं तुयट्ठियव्वं भुंजियव्वं भासियव्वं  
 एवं उट्ठाए उट्ठाय पाणेहिं भूएहिं जीवेहिं सत्तेहिं संजमेणं संजमियव्वं  
 अस्सि च णं अट्ठे नो पमाएयव्वं । तए णं से मेहे कुमारे समणस्स ३  
 अंतिए इमं एयारूवं धम्मियं उवएसं सम्मं पडिवज्जइ तमाणाए तह गच्छइ  
 तह चिट्ठइ जाव उट्ठाए उट्ठाय पाणेहिं भूएहिं जीवेहिं सत्तेहिं संजमइ ।

(32) जं दिवसं च णं मेहे कुमारे मुंडे भवित्ता अगाराओ अणगारियं  
 पव्वइए तस्स णं दिवसस्स पच्चावरणहकालसमयांसि समणाणं निग्गं-  
 थाणं अहाराइणियाए सेज्जासंथारएसु विभज्जमाणेसु मेहकुमारस्स दारमूले  
 सेज्जासंथारए जाए यावि होत्था । तए णं समणा निग्गंथा पुव्वरत्ताव-  
 रत्तकालसमयांसि वायणाए पुच्छणाए परियट्ठणाए धम्माणुजोगचित्ताए  
 य उच्चारस्स य पासवणस्स य अइगच्छमाणा य निग्गच्छमाणा य अप्पे-  
 गइया मेहं कुमारं हत्थेहिं संघट्ठेति एवं पाएहिं सीसे<sup>९</sup> पोट्टे<sup>१०</sup> कायंसि अप्पे-  
 गइया ओलंडेति अप्पेगइया पोलंडेति अप्पेगइया पायरयेणुगुंडियं करेति ।  
 एवं महालियं च रयणीं मेहे कुमारे नो संचाएइ खणमवि अच्छी निमी-  
 लित्तए । तए णं तस्स मेहस्स कुमारस्स अयमेयारूवे अज्झत्थिए ४  
 जाव समुप्पज्जित्था — एवं खलु अहं सेणियस्स रत्तो पुत्ते धारिणीए देवीए  
 अत्तए मेहे जाव समण्याए । तं जया णं अहं अगारमज्झे वसामि तथा  
 णं मम समणा निग्गंथा आढायंति परियाणंति सक्कारेति सम्माणेति  
 अट्ठाइं हेऊइं पसिणाइं कारणाइं वागरणाइं आइक्खंति इट्ठाहिं कंताहिं  
 वग्गुहिं आलवेंति संलवेंति । जप्पाभिइं च णं अहं मुंडे भवित्ता अगा-  
 राओ अणगारियं पव्वइए तप्पभिइं च णं मम समणा नो आढायंति

जाव नो संलवेंति । अदुत्तरं च णं ममं समणा निगंथां राओ पुव्वरत्ता-  
वरत्तकालसमयंसि वायणाए पुच्छणाए जाव महालियं च णं रत्ति नो  
संचाएमि अच्छि निमिल्लवेत्तए । तं सेयं खलु मज्झं कलं जाव जलंते  
समणं ३ आपुच्छित्ता पुणरवि अगारमज्जे वसित्तए तिकट्ठु एवं संपेहेइ २  
अट्टदुहट्टवसट्टमाणसगए निरयपडिक्खियं च णं रयणीं खवेइ २ कलं  
पाउप्पभायाए सुविमलाए रयणीए जाव जलंते जेणामेव समणे ३ तेणा-  
मेव उवागच्छइ २ तिकखुत्तो आयाहिणपयाहिणं करेइ २ वंदइ नमंसइ  
जाव पज्जुवासइ ।

(३३) तए णं मेहा इ समणे भगवं महावीरे मेहं कुमारं एवं  
वयासी — से नूणं तुमं मेहा ! राओ पुव्वरत्तावरत्तकालसमयंसि  
समणेहिं निगंथेहि वायणाए पुच्छणाए जाव महालियं च णं राइं  
नो संचाएसि मुहुत्तमवि अच्छि निमिल्लवेत्तए । तए णं तुम्हे मेहा !  
इमेयारूवे अज्झत्थिए जाव समुप्पज्जित्था — जया णं अहं अगारमज्जे  
वसामि तथा णं मम समणा निगंथा आढायंति । जप्पभिइं च णं मुंडे  
भवित्ता अगाराओ अणगारियं पव्वय्यामि तप्पभिइं च णं मम समणा नो  
आढायंति जाव नो परियाणंति अदुत्तरं च णं मम समणा निगंथा राओ  
अप्पेगइया वायणाए जाव पायरयरेणुगुंडियं करेंति । तं सेयं खलु  
मम कलं पाउप्पभायाए समणं ३ आपुच्छित्ता पुणरवि अगारमज्जे  
आवसित्तए तिकट्ठु एवं संपेहेसि २ अट्टदुहट्टवसट्टमाणसे जाव रयणीं  
खवेसि २ जेणामेव अहं तेणामेव हव्वमागए । से नूणं मेहा ! एस अट्टे  
समट्टे ? हंता अट्टे समट्टे । एवं खलु मेहा ! तुमं इओ तस्से अईए भव-  
ग्गहणे वेयङ्गुगिरिपायमूले वणयरोहिं निव्वत्तियनामधेज्जे सेए संख-  
उज्जलविमलनिम्मलदहिघणगोखीरफेणरयणियरप्पयासे सत्तुस्सेहे नवायए  
दसपरिणाहे सत्तंगपइट्टिए सोमे समिएं सुरूवे पुरओ उदग्गे समूसियसिरे  
मुहासणे पिट्ठओ वराहे अइयाकुच्छी अच्छिइकुच्छी अलंबकुच्छी पलंब-  
लंबोदराहरकरे धणुपट्टागइविसिट्ठपुट्टे अल्लीणपमाणजुत्तवट्टियपीवरगत्ती-  
वरे अल्लीणपमाणजुत्तपुच्छे पडिपुण्णसुचारुकुम्मचलणे पंडुरसुविसुद्धनिद्ध-

निरुवहयविंसतिनहे छहंते. सुमेरुप्पभे नामं हत्थिराया होत्था । तत्थ णं तुमं  
 मेहा ! बहूहिं हत्थीहिं यः हत्थिणिग्याहिं यः लोट्टएहिं यः लोट्टियाहिं यः कलभ-  
 एहिं यः कलभियाहिं यः सद्धिं संपरिवुडे हत्थिसहस्सनायए देसए पागट्ठी,  
 पट्टवए जूहवई वंदपरियट्टए । अन्नोसिं च बहूणं एकल्लणं हत्थिकलभमाणं  
 आहेवच्चं जाव विहरसि । तए णं तुमं मेहा ! निच्चप्पमत्ते सइं पल्लिए  
 कंदर्परई मोहणसीले अवितण्हकामभोगतिसिए बहूहिं हत्थीहिं यः जाव  
 संपरिवुडे वेयड्ढगिरिपायमूले गिरीसु यः दरीसु यः कुहरेसु यः कंदरासु  
 यः उज्जरेसु यः निज्जरेसु यः वियरेसु यः गहासु यः पल्लेसु यः चिल्लेसु  
 यः कडोसु यः कडयपल्लेसु यः तढीसु यः वियडीसु यः टंकैसु यः कूडेसु  
 यः सिहरेसु यः पव्वारेसु यः मंचेसु यः मालेसु यः काण्णेसु यः वणेसु यः  
 वणसंडेसु यः वणराईसु यः नदीसु यः नदीकच्छेसु यः जूहेसु यः संगमेसु  
 यः वात्रीसु यः पोक्खरिणीसु यः दीहियासु यः गुंजालियासु यः सरेसु यः  
 सरपंतियासु यः सरसरपंतियासु यः व्रणयरेहिं दिन्नवियारे बहूहिं हत्थीहिं यः  
 जाव सद्धिं संपरिवुडे बहूविहतरुपल्लवपउरपाणियतणे निच्चए निरुव्विगो  
 सुहंसुहेणं विहरसि । तए णं तुमं मेहा ! अन्नया कयाइ पाउसंवरिस्ता-  
 रत्तसरयहेमंतवसंतेसु कमेण पंचसु उऊसु समइकंतेसु गिम्हकालसमयंसि  
 जेट्टामूलमासे पायवधंससमुट्टिएणं सुकतणपत्तकयवरमारुयसंजोगदीविणं  
 महाभयंकरेणं हुयवहेणं वणदवजालासंपलित्तेसु वणंतेसु धूमाउलासु  
 दिसासु महावायवगेणं संघट्टिएसु छिन्नजालेसु आवयमाणेसु पोल्ल-  
 रुक्खेसु अंतो २ क्षियायमाणेसु मयंकुहियविणट्ठकिमियकंदमनईवियरग-  
 ल्हीणपाणीयंतेसु वणंतेसु भिंगारकदीणकंदियरवेसु खरफरुसअणिट्ठ-  
 रिट्ठवाहिं तीविहुमग्गेसु दुभेसु तण्हावसमुक्कपक्खपंयडियजिम्भतालुय-  
 असंपुडियतुंडपक्खसंधेसु ससंतेसु गिम्हउण्हावखरफरुसचंडमारुयसुक-  
 तणपत्तकयवरवाउलिभमंतदिन्नसंभंतसावयाउलमिगतण्हावद्धचिंधपट्टेसु  
 गिरिवरेसु संवट्टएंसु, तत्थ मियपसयसरीसिवेसु अवदालियवयणविवर-  
 निलालिग्रग्गजीहे महंततुंवइयपुण्णकण्णे संकुचियथोरपीवरकरे ऊसिय-  
 नंगूले पीणाइयविरसरडियसहेणं फोडयंतेव अंवरतलं पायदहरणं कंपयंते-

व मेइणितलं विणिस्सुयमाणे य सीयारं सव्वओ समंता वल्लिवियाणाइं  
 छिंदमाणे रुक्खसहस्साइं तत्थ सुवहूणि नोल्लयंते विणट्टरेट्ठेव्वं नरवरिंदे  
 वायाइद्वेव्वं पोए मंडलवाएव्वं परिब्भमंते अभिक्खणं २ लिंदनियरं  
 पमुंचमाणे २ बहूहिं हत्थीहिं य जाव सद्धिं दिसोदिसिं विप्पलाइत्था ।  
 तत्थ णं तुमं मेहा ! जुण्णे जराजज्जरियदेहे आउरे झंझिए पिवासिए  
 दुब्बले किलंते नट्टसुइए मूढदिसाए सयाओ जूहाओ विप्पहूणे वणदव-  
 जालापारद्धे उण्हेण य तण्हाए य छुहाए य परव्भाहए समाणे भीए तत्थे  
 तसिए उव्विग्गे संजायभए सव्वओ समंता आधावमाणे परिधावमाणे  
 एगं चं णं महं सरं अप्पोययं पंकवहुलं अतिथिणं पाणियपाए ओइण्णे ।  
 तत्थ णं तुमं मेहा ! तीरमइगए पाणियं असंपत्ते अंतरा चेव सेयंसि  
 विसण्णे । तत्थ णं तुमं मेहा ! पाणियं पाइस्सामि त्तिकट्टु हत्थं पसारोसि ।  
 से वि य ते हत्थे उदगं न पावई । तए णं तुमं मेहा ! पुणरवि कायं  
 पच्चुद्धरिस्सामि त्तिकट्टु बलियतरायं पंकंसि खुत्ते । तए णं तुमं मेहा !  
 अन्नया कयाइ एगे चिरनिज्जूढए गयवरजुवाणए सगाओ जूहाओ कर-  
 चरणदंतमुसलप्पहारेहिं विप्परद्धे समाणे तं चेव महइहं पाणीयपाए  
 समोयरइ । तए णं से कलभए तुमं पासइ २ तं पुव्ववेरं सँमरइ २  
 आसुरुत्ते रुट्ठे कुविए चंडिकिए मिसिमिसेमाणे जेणेव तुमं तेणेव उवा-  
 गच्छइ २ तुमं तिक्खेहिं दंतमुसलेहिं तिक्खुत्तो पिट्ठओ उच्छुभइ २  
 पुव्ववेरं निज्जाएइ २ हट्टतुट्ठे पाणीयं पियइ २ जामेव दिसं पाउव्वभूए  
 तामेव दिसं पडिगए । तए णं तव मेहा ! सरीरगंसि वेयणा पाउव्वभ-  
 वित्था उज्जलं विउला कक्खडा दुरहियासा पित्तज्जरपरिगय-  
 सरीरे दाहवक्कंतीए यावि विहरित्थी । तए णं तुमं मेहा ! तं उज्जलं  
 जाव दुरहियासं सत्तराइंदियं वेयणं वेदोसि सँवीसं वाससयं परमाउं  
 पालइत्ता अट्टवसट्टुदुहट्ठे कालमासे कालं किच्चा इहेव जंबुदीवे २ भारहे  
 वासे दाहिणडुंभरहे गंगाए महानईए दाहिणे कूले विंझगिरिपायमूले  
 एगेणं मत्तवरगंधहत्थिणा एगाए गयवरकरेणूए कुच्छिसि गयकलंभए  
 जणिए । तए णं सा गयकलभिया नवण्हं मासाणं वसंतमासांसि तुमं



पयाया । तए णं तुमं मेहा ! गव्ववासाओ विप्पमुक्के समाणे गयकलभए यावि होत्था रत्तुप्पलरत्तसूमालए जासुमंगारत्तपारिजत्तयलक्खारससरस-  
कुंकुमसंघवभरागवण्णे इट्ठे नियगस्स जूहवइणो गणियारकणेरूकोत्थइत्थी  
अणेगइत्थिसयसंपरिवुडे रम्मेषु गिरिकाणणेषु सुहंसुहेणं विहरसि । तए  
णं तुमं मेहा उम्मुक्कवालभावे जोव्वणगमणुप्पत्ते नूहवइणा कालधम्मणा  
संजुत्तेणं तं जूहं सयमेव पडिवक्कसि । तए णं तुमं मेहा ! वणयरेहिं निव्व-  
त्तियनामधेज्जे जाव चउदंते मेरुप्पभे हत्थिरयणे होत्था । तत्थ णं तुमं  
मेहा ! सत्तंगपइट्ठिए तहेव जाव पडिरूवे । तत्थ णं तुमं मेहा ! सत्तसइयस्स  
जूहस्स आदेवच्चं जाव अभिरमेत्था । तए णं तुमं अन्नया कयाइ गिम्हकाल-  
समयांसि जेट्ठामूले वणदवजालापलित्तेषु वणंतेसु धूमाउलासु दिसासु जाव  
मंडलवाएव्व परिव्वभंते भीए तत्थे जाव संजायभए वहुहिं हत्थीहिं य जाव  
कलभियाहिं य सद्धिं संपरिवुडे सव्वओ समंता दिसोदिसिं विप्पलाइत्था ।  
तए णं तव मेहा ! तं वणदवं पासित्ता अयमेयारूवे अज्झत्थिए जाव समु-  
प्पज्जित्था — कहिं णं मन्ने मए अयमेयारूवे अगिगसंभवे अणुभूयपुव्वे ?  
तए णं तव मेहा ! लेस्साहिं विसुज्झमाणीहिं अज्झवसाणेणं सोहणेणं  
सुभेणं परिणामेणं तयावरणिज्जाणं कम्माणं खओवसमेणं ईहापोहमगण-  
गवेसणं करेमाणस्स सन्निपुव्वे जाईसरणे समुप्पज्जित्था । तए णं तुमं  
मेहा ! एयमट्ठं सम्मं अभिसमोसि — एवं खलु मया अईए दोच्चे भवग्गहणे  
इहेव जेवुहीवे २ भारहे वासे वेयड्ढुगिरिपायमूले जाव तत्थ णं महया अय-  
मेयारूवे अगिगसंभवे समणुभूए । तए णं तुमं मेहा ! तस्सेव दिवसस्स  
पच्चावरण्हकालसमयांसि नियएणं जूहेणं सद्धिं समन्नागए यावि होत्था ।  
तए णं तुमं मेहा ! सत्तुस्सेहे जाव सन्निजाईसरणे चउदंते मेरुप्पभे नामं  
हत्थी होत्था । तए णं तुज्झं मेहा अयमेयारूवे अज्झत्थिए जाव समुप्प-  
ज्जित्था — सेयं खलु मम इयाणिं गंगाए महानईए दाहिणिहंसि कूलंसि  
विंझगिरिपायमूले दव्वगिगसंजायकारणट्ठा सएणं जूहेणं महइमहालयं मंडलं  
घाइत्तए चिकट्टु एवं संपेहेसि २ सुहंसुहेणं विहरसि । तए णं तुमं मेहा !  
अन्नया कयाइ पढमपाउसंसि महावुट्ठिकायांसि सन्निवइयांसि गंगाए महा-

नईए अदूरसामंते बहूहिं हत्थीहिं जाव कलभियाहि य सत्तहि य हत्थि-  
 सएहिं संपरिवुडे एगं महं जोयणपरिमंडलं महइमंडलं घाएसि जं तत्थ  
 तणं वा पत्तं वा कट्ठं वा कंटए वा लया वा वल्ली वा खाणुं वा रुक्खे वा  
 खुवं वा तं सव्वं तिक्खुत्तो आहुणिय २ पाएणं उद्धरोसि हत्थेणं  
 गेण्हसि एगंते एडेसि । तए णं तुमं मेहा ! तस्सेव मंडलस्स अदूरसामंते  
 गंगाए गहानईए दाहिणिल्ले कूले विंझगिरिपायमूले गिरीसु य जाव विह-  
 रसि । तए णं तुमं मेहा ! अन्नया कयाइ मज्झिमए वरिसारत्तंसि महावुट्ठि-  
 कायंसि सन्निवइयंसि जेणेव से मंडले तेणेव उवागच्छसि २ दोच्चंपि मंडलं  
 घाएसि २ एवं चरिमवासारत्तंसि महावुट्ठिकायंसि सन्निवयमाणंसि  
 जेणेव से मंडले तेणेव उवागच्छसि २ तच्चंपि मंडलघायं करोसि जं तत्थ  
 तणं वा जाव सुहंसुहेणं विहरसि । अह मेहा ! तुमं गइंढभावम्मि  
 वट्टमाणे कमेणं नल्लिणिवणविहवंगगरे हेमंते कुंदलोद्धउद्धुयतुसारपउरम्मि  
 अइक्कंते अहिणवगिम्हसमयंसि पत्ते वियट्टमाणे वणेषु वणकरेणु-  
 विविहदिन्नकयपसर्वघाओ तुमं उउयकुसुमंचामरकण्णपूरपरिमंडियाभि-  
 रामो मयवसविगसंतकडतडकिलिन्नगंधमदवारिणा सुरभिजाणियगंधो  
 करेणुपरिवारिओ उउसमंतजणियसोहो काले दिणयरकरपयंडे परिसोसिय-  
 तरुवरसिरिहरभीमतरदंसाणिज्जे भिंगाररवंतभेरवरवे नाणाविहपत्तकट्टतण-  
 कयवरुद्धुयपइमारयाइद्धनहयलदुमगणे वाउलिदारुणतरे तण्हावसदोस-  
 दूसियभमंतविविहसावयसमाउले भीमदरिसणिज्जे वट्टंते दारुणंसि गिम्हे  
 मारुयवसपसरपसरियवियंभिएणं अब्भहियभीमभेरवरवप्पगारेणं महुधारा-  
 पडियसित्तउद्धायमाणधगधर्गेतसहुद्धएणं दित्ततरसफुल्लिगेणं धूममालाउलेणं  
 सावयसयंतकरणेणं वणदवेणं जालालोवियनिरुद्धधूमंधकारभीओ आयवां-  
 लोयमहंततुंबइयपुण्णकण्णो आकुंचियथोरपीवरकरो भयवसभयंतदित्तन-  
 यणो वेगेणं महामेहोव्व वायणोल्लियमहल्लरुवो जेण कओ तेण पुरा दवगिग-  
 भयभीयहियएणं अवगयतणप्पएसरुक्खो रुक्खोदेसो दवगिगसंताणकारण-  
 ट्ठा जेणेव मंडले तेणेव पहारेत्थ गमणाए । एक्को ताव एस गमो । तए णं  
 तुमं मेहा ! अन्नया कयाइ कमेण पंचसु उऊसु समइक्कंतेसु गिम्हकालसम-

यंसि जेहामूले मासे पायवसंघससमुट्टिएणं जाव संवट्टिएसु । मियपसुपांखि-  
 सरीसिवेसु । दिसोदिसिं विप्पलांयमाणेसु तेहिं बहूहिं हत्थीहिं य सद्धिं जेणेव  
 से मंडले तेणेव पहारेत्थ गमणाए । तत्थ णं अन्ने बहवे सीहा य वग्घा य  
 विगा य दीविया अच्छा तरच्छा पारासरा सियाला विराला सुणह कौला  
 ससा कोकंतिया चिन्ता चिल्ला पुव्वपविट्ठा अग्गिभयभिद्धुया एगयओ वि-  
 ल्लधम्मणे चिट्ठंति । तए णं तुमं मेहा । जेणेव से मंडले तेणेव उवागच्छसि  
 २ तेहिं बहूहिं सीहेहिं जाव चिल्ललेहि य एगयओ विलधम्मणे चिट्ठसि ।  
 तए णं तुमं मेहा ! पाएणं गत्तं कंडुइस्सामीतिकट्टु पाए उक्खित्ते ।  
 तंसि च णं अंतरंसि अन्नेहिं बलवंतेहि सत्तेहिं पणोल्लिज्जमाणे २ ससए  
 अणुपविट्ठे । तए णं तुमं मेहा ! गायं कंडुइत्ता पुणरवि पायं पडिनिक्खे-  
 विस्सामि त्तिकट्टु तं ससयं अणुपविट्ठं पासासि २ पाणाणुकंपयाए  
 भूयाणुकंपयाए जीवाणुकंपयाए संत्ताणुकंपयाए से पाए अंतरा चेव  
 संधारिए नो चेव णं निखित्ते । तए णं तुमं मेहा ! तए पाणाणुकंपयाए  
 जाव संत्ताणुकंपयाए संसारो परित्तीकए माणुस्साउए निबद्धे । तए णं से  
 वणंदवे अड्डाइज्जाइं राइंदियाइं तं वणं ज्ञामेइ २ निट्ठिए उवरए उवसंते  
 विज्झाए यावि होत्था । तए णं ते बहवे सीहा य जाव चिल्ला य तं वण-  
 दवं निट्ठियं जाव विज्झायं पासंति २ अग्गिभयविप्पमुक्का तण्हाए य  
 छुहाए य परव्भाहया समाणा मंडलाओ पडिनिक्खमंति २ सव्वओ समंता  
 विप्पसरित्था । तए णं ते बहवे हत्थी जाव छुहाए य परव्भाहया समाणा  
 तओ मंडलाओ पडिनिक्खमंति २ दिसोदिसिं विप्पसरित्था । तए णं  
 तुमं मेहा ! जुण्णे जराजज्जरियंदेहे सिढिलवलितयापिणिद्धगत्ते दुव्वले  
 किलंते जुंजिए पियासिए अत्थामे अवले अपरक्कम्मे ठाणुकंडे वेगेण  
 विप्पसरिस्सामि त्तिकट्टु पाए पसारमाणे विज्जुहए विव रेवयगिरिपव्वारे  
 धरणितलंसि सव्वंगेहिं सन्निवइए । तए णं तव मेहा ! सरीरगंसि वेयणा  
 पाउव्वभूया उज्जला जाव दाहवक्कंतिए यावि विहरसि । तए णं तुमं मेहा !  
 तं उज्जलं जाव दुराहियासं तिन्नि राइंदियाइं वेयणं वेएमाणे विहरित्ता  
 एणं वाससयं परमाउं पालइत्ता इहेव जंघुहीवे २ भारहे वासे रायगिहे

नयरे सोणियस्स रत्तो धारिणीए देवीए कुच्छिसि कुमारत्ताए पञ्चायाए ।

(34) तए णं तुमं मेहा ! आणुपुव्वेणं गम्भवासाओ निक्खंतं  
समाणे उम्मुक्कवालभावे जोव्वणगमणुप्पत्ते मम अंतिए मुंडे भवित्ता  
अगाराओ अणगारियं पव्वइए । तं जइ ताव तुमे मेहा ! तिरिक्खजो-  
णियभावमुवगएणं अपडिलद्धसंमत्तरयणलंभेणं से पाए पाणाणुकंपयाए  
जाव अंतरा चेव संधारिए नो चेव णं निक्खित्ते किमंग पुण तुमं मेहा !  
इयाणिं विपुलकुलसमुग्भवेणं निरुवहयसरीरपत्तलद्धपंचिदिएणं एवं उट्ठाण-  
वलवीरियपुरिसगारपरक्कमसंजुत्तेणं मम अंतिए मुंडे भवित्ता अगाराओ  
अणगारियं पव्वइए समाणे समणाणं निग्गंथाणं राओ पुव्वरत्तावरत्त-  
कालसमयंसि वायणाए जाव धम्माणुओगाचिंताए य उच्चारस्स वां पास-  
वणस्स वा अइगच्छमाणाण य निग्गच्छमाणाण य हत्थसंघट्टणाणि य जाव  
रयरेणुगुंडणाणि य नो सम्मं सहसि खमासि तितिक्खसि अहियासेसि ?  
तए णं तस्स मेहस्स अणगारस्स समणस्स ३ अंतिए एयमट्ठं सोच्चा  
निसम्म सुभेहिं परिणामेहिं पसत्थेहिं अज्झवसाणेहिं लेसाहिं विसुज्झमा-  
णीहिं तयावरणिज्जाणं कम्माणं खओवसमेणं ईहापोहमग्गणगेवसणं करे-  
माणस्स सन्निपुव्वे जाईसरणे समुप्पन्ने एयमट्ठं सम्मं अभिसमेइ । तए  
णं से मेहे कुमारे समणेणं ३ संभारियपुव्वजाईसरणे दुगुणाणीयसंवेगे  
आणंदयंसुपुण्णमुहे हरिसवसधाराहयकयंबकं पिव समूससियरोमकूवे  
समणं ३ वंदइ नमंसइ २ एवं वयासी - अज्जप्पभिई णं भंते ! मम दो  
अच्छीणि मोत्तूणं अवसेसे काए समणाणं निग्गंथाणं निसट्ठे तिकट्ठु  
पुणरवि समणं ३ वंदइ नमंसइ २ एवं वयासी - इच्छामि णं भंते !  
इयाणिं दोच्चंपि सयमेव पव्वावियं सयमेव मुंडावियं जाव सयमेव आयां-  
रगोयरं जायामायावत्तियं धम्ममाईक्खंतु । तए णं समणे ३ मेहं कुमारं  
सयमेव पव्वावेइ जाव जायामायावत्तियं धम्ममाइक्खइ - एवं देवाणु-  
प्पिया ! गंतव्वं एवं चिट्ठियव्वं एवं भुंजियव्वं एवं भासियव्वं उट्ठाय  
२ पाणाणं भूयाणं जीवाणं सत्ताणं संजमेणं संजमियव्वं । तए णं से  
मेहे समणस्स ३ अयमेयारूवं धम्मियं उवएसं सम्मं पडिर्वज्जइ २ तइ

गच्छइ जाव संजमइ । तए णं से मेहे अणगारे जाए इरियासमिए  
अणगारवण्णओ भाणियव्वो । तए णं से मेहे अणगारे समणस्स ३ अंतिए  
तहारूवाणं थेराणं सामाइयमाइयाणि एक्कारस अंगाइं अहिज्जइ २ बहुहिं  
छट्ठमदसमदुवालसेहिं मासद्धमासखमणेहिं अप्पाणं भावेमाणे विहरइ ।  
तए णं समणे ३ रायगिहाओ नयरओ गुणसिलयाओ चेइयाओ पडि-  
निक्खमइ २ वहिया जणवयविहारं विहरइ ।

(35) तए णं से मेहे अणगारे अन्नया कयाइ समणं ३ वंदइ  
नमंसइ २ एवं वयासी — इच्छामि णं भंते ! तुव्भेहिं अब्भणुन्नाए समाणे  
मासियं भिक्खुपडिमं उवसंपज्जित्ताणं विहरित्तए । अहासुहं देवाणु-  
प्पिया ! मा पडिबंधं । तए णं से मेहे अणगारे समणेणं ३ अब्भणुन्नाए  
समाणे मासियं भिक्खुपडिमं उवसंपज्जित्ताणं विहरइ । मासियं भिक्खु-  
पडिमं अहासुत्तं अहाकप्पं अहामग्गं सम्मं काएणं फासेइ पालेइ सोभेइ  
तीरेइ किट्ठेइ सम्मं काएणं फासेत्ता पालित्ता सोभित्ता तीरेत्ता किट्ठेत्ता  
पुणरवि समणं ३ वंदइ नमंसइ २ एवं वयासी — इच्छामि णं भंते !  
तुव्भेहिं अब्भणुन्नाए समाणे दोमासियं भिक्खुपडिमं उवसंपज्जित्ताणं  
विहरित्तए । अहासुहं देवाणुप्पिया ! मा पडिबंधं । जहा पढमाए  
अभिलावो तहा दोच्चाए तच्चाए चउत्थाए पंचमाए छम्मासियाए  
सत्तमासियाए पढमसत्तरायंदियाए दोच्चं सत्तरायंदियाए तईयं सत्तरा-  
यंदियाए अहोरायंदियाए वि एगराइंदियाए वि । तए णं से मेहे अण-  
गारे वारसः भिक्खुपडिमाओ सम्मं काएणं फासेत्ता पालेत्ता सोभेत्ता  
तीरेत्ता किट्ठित्ता पुणरवि वंदइ नमंसइ २ एवं वयासी — इच्छामि  
णं भंते ! तुव्भेहिं अब्भणुन्नाए समाणे गुणरयणसंवच्छरं तवोकम्मं उव-  
संपज्जित्ताणं विहरित्तए । अहासुहं देवाणुप्पिया ! मा पडिबंधं । तए णं  
से मेहे अणगारे पढमं मासं चउत्थंचउत्थेणं अणिक्खत्तेणं तवोकस्मेणं  
दिया ठाणुकुडुए सूराभिमुहे आयावणभूमीए आयावेमाणे रत्तिं वीरा-  
सणेणं अवाउडेणं । दोच्चं मासं छट्ठंछट्ठेणं अणिक्खत्तेणं तवोकस्मेणं दिया  
ठाणुकुडुए सूराभिमुहे आयावणभूमीए आयावेमाणे रत्तिं वीरासणेणं

अवाउडेणं । तच्च मासं अट्ठमंअट्ठमेणं अणिक्खित्तेणं तवोकम्ममेणं दिया  
 ठाणुक्कुडुए सूराम्भिसुहे आयावणभूमीए आयावेमाणे रत्तिं वीरासणेणं  
 अवाउडेणं । चउत्थं मासं दसमंदसमेणं अणिक्खित्तेणं तवोकम्ममेणं दिया  
 ठाणुक्कुडुए सूराम्भिसुहे आयावणभूमीए आयावेमाणे रत्तिं वीरासणेणं  
 अवाउडेणं । पंचमं मासं दुवालसमंदुवालसमेणं अणिक्खित्तेणं तवो-  
 कम्ममेणं दिया ठाणुक्कुडुए सूराम्भिसुहे आयावणभूमीए आयावेमाणे रत्तिं  
 वीरासणेणं अवाउडेणं । एवं खलु एएणं अभिलावेणं छट्ठे चोदसमं २  
 सत्तमे सोलसमं २ अट्ठमे अट्ठारसमं २ नवमे वीसइमं २ दसमे  
 बावीसइमं २ एक्कारसमे चउव्वीसइमं २ बारसमे छव्वीसइमं २ तेर-  
 समे अट्ठावीसइमं २ चोदसमे तीसइमं २ पन्नरसमे वत्तीसइमं २  
 सोलसमे चउत्तीसइमं २ अणिक्खित्तेणं तवोकम्ममेणं दिया ठाणुक्कुडुए  
 सूराम्भिसुहे आयावणभूमीए आयावेमाणे रत्तिं वीरासणेणं य अवाउडएण  
 य । तए णं से मेहे अणगारे गुणरयणसंवच्छरं तवोकम्मं अहासुत्तं जाव  
 सम्मं काएणं फासेइ पालेइ साभेइ तीरेइ किट्ठेइ अहासुत्तं अहाकप्पं जाव  
 किट्ठेत्ता समणं ३ वंदइ नमंसइ २ बहूहिं छट्ठट्ठमदसमदुवालसेहिं  
 मासद्धमासखमणेहिं विचित्तेहिं तवोकम्ममेहिं अप्पाणं भावेमाणे विहरइ ।

(36) तए णं से मेहे अणगारे तेणं उरालेणं विपुलेणं सस्सिरीएणं  
 पयत्तेणं पग्गहिएणं कल्लाणेणं सिवेणं धन्नेणं मंगल्लेणं उदग्गेणं उदारएणं  
 उत्तमेणं महाणुभावेणं तवोकम्ममेणं सुक्के लुक्खे निम्मंसे किडिकिडिर्याभूए  
 अट्ठिचम्मावणद्धे किसे धमणिसंतए जाए यावि होत्था जीवंजीवेणं  
 गच्छइ जीवंजीवेणं चिट्ठइ भासं भासित्ता गिलाइ भासं भासमाणे  
 गिलाइ भासं भासिस्तामि त्ति गिलाइ । से जहानामए इंगालसगाडिया इ वा  
 कट्टसगाडिया इ वा पत्तासगाडिया इ वा तिल्लसगाडिया इ वा एरंडकट्टसगाडि-  
 या इ वा उण्हे दिन्ना सुक्का समाणी ससइं गच्छइ ससइं चिट्ठइ एवामेव  
 मेहे अणगारे ससइं गच्छइ ससइं चिट्ठइ उवचिए तवेणं अवचिए  
 मंससोणिएणं हुयासणे इव भासरीसिपरिच्छन्ने तवेणं तेएणं तवतेयसिरीए  
 अईव २ उवसोभेमाणे २ चिट्ठइ । तेणं कालेणं २ समणे ३ महावीरे

आइगरे तित्थगरे जाव पुव्वणुपुव्वि चरमाणे गामाणुगामं दूहजमाणे सुहंसुहेणं विहरमाणे जेणामेव रायगिहे नयरे जेणामेव गुणसिलए चेइए तेणामेव उवार्गच्छइ २ अहापडिरुव्वं उग्गहं ओगिण्हित्ता संजमेणं तवसा अप्पाणं भावेमाणे विहरइ । तए णं तस्स मेहस्स अणगारस्स राओ पुव्वरत्तावरत्तकालसमयांसि धम्मजागरियं जागरमाणस्स अयमेयारुवे अज्झत्थिए जाव समुप्पज्जित्था — एवं खलु अहं इमेणं उरालेणं तहेव जाव भासं भासिस्सामि त्ति गिलामि । तं अत्थि ता मे उट्ठाणे कम्मे बले वीरिए पुरिसफारपरफमे सद्धा धिइ संवेगे तं जाव ता मे अत्थि उट्ठाणे कम्मे बले वीरिए पुरिसफारपरफमे सद्धा धिइ संवेगे जाव य मे धम्मायरिए धम्मोवएसए समणे ३ जिणे सुहत्थी विहरइ ताव मे सेयं कल्लं पाउप्प-भायाए रयणीए जाव जलंते समणं ३ वंदित्ता नमंसित्ता समणेणं ३ अब्भणुन्नायस्स समाणस्स सयमेव पंच महव्वयाइं आरोहित्ता गोयमाइए समणे निग्गंथे निग्गंधीओ य खामेत्ता तहारुवेहिं कडाईहिं थेरेहिं सद्धिं विउलं पव्वयं सणियं २ दुरुहित्ता सयमेव मेहघणसन्निगासं पुढविसिला-पट्टयं पडिलेहित्ता संलेइणाइसणासूसियस्स भत्तापाणपडियाइक्खियस्स पाओवगयस्स कालं अणवकंखमाणस्स विहरित्ताए । एवं संपेहेइ २ कल्लं जाव जलंते जेणेव समणे ३ तेणेव उवागच्छइ २ समणं ३ तिक्खुत्तो आयाहिणपयाहिणं करेइ वंदइ नमंसइ २ नच्चासन्ने नाइदूरे सुत्तूस-माणे नमंसमाणे अभिमुहे विणएणं पंजलिउडे पज्जुवासइ । मेहा इ समणे ३ मेहं अणगारं एवं वयासी — से नूणं तव मेहा ! राओ पुव्वरत्तावरत्त-कालसमयांसि धम्मजागरियं जागरमाणस्स अयमेयारुवे अज्झत्थिए जाव समुप्पज्जित्था — एवं खलु अहं इमेणं उरालेणं जाव जेणेव ईहं तेणेव हव्वमागए । से नूणं मेहा ! अट्ठे समट्ठे ? हंता अत्थि । अहासुहं देवाणु-प्पिया । मा पडिवंधं । तए णं से मेहे अणगारे समणेणं ३ अब्भणुन्नाए समाणे हट्ठ जाव हियए उट्ठाए उट्ठेइ २ समणं ३ तिक्खुत्तो आयाहिण-पयाहिणं करेइ वंदइ नमंसइ २ सयमेव पंच महव्वयाइं आरोहेइ २ गोयमाइ समणे निग्गंथे निग्गंधीओ य खामेइ २ तहारुवेहिं कडाईहिं

थेरेहिं सद्धिं विपुलं पव्वयं साणियं २ दुरुहइ सयमेव मेहघणसन्निगासं  
 पुढविसिलापट्टयं पडिलेहेइ २ उच्चारपासवणभूमिं पडिलेहेइ २ दब्भसंथा-  
 रगं संथरइ २ दब्भसथारगं दुरुहइ २ पुरत्थाभिमुहे संपलियंकनिसण्णे  
 करयलपरिगाहियं सिरसावत्तं मत्थए अंजलिं कट्ठु एवं वयासी — नमोत्थु  
 णं अरहंताणं जाव संपत्ताणं । नमोत्थु णं समणस्स जाव संपाविउकामस्स  
 सम धम्मायरियस्स । वंदामि णं भगवंतं तत्थगयं इहगए पासउ मे भगवं  
 तत्थगए इहगयं तिकट्ठु वंदइ नमंसइ २ एवं वयासी — पुत्तिं पि णं  
 मए समणस्स ३ अंतिए सव्वे पाणाइवाए पच्चक्खाए मुसावाए अदिन्ना-  
 दाणे मेहुणे परिग्गहे कोहे माणे माया लोहे पेज्जे दोसे कलहे अब्भ-  
 क्खाणे पेसुत्ते परपरिवाए अरइरइ मायामोसे मिच्छादंसणसल्ले पच्चक्खाए ।  
 इयाणिं पि णं अहं तस्सेव अंतिए सव्वं पाणाइवायं पच्चक्खामि सव्वं  
 असणपाणखाइमसाइमं चउत्तिवहंपि आहारं पच्चक्खामि जावज्जीवाए ।  
 जंपि य इमं सरिरं इट्ठं कंतं पियं जाव त्रिविहा रोगायंका परीसहोवसग्गा  
 फुसंतीतिकट्ठु एयं पि य णं चरमेहिं ऊसासनीसासेहिं वोसिरामि त्तिकट्ठु  
 संलेहणाइसुसणाइसिए भत्तपाणपडियाइक्खिए पाओवगए कालं अणव-  
 कंखमाणे विहरइ । तए णं थेरा भगवंतो मेहस्स अणगारस्स अगिलाए वेया-  
 वाडियं करेति । तए णं से मेहे अणगारे समणस्स ३ तहारूवाणं थेराणं  
 अंतिए सामाइयमाइयाइं एक्कारस अंगाइं अहिज्जित्ता बहुपडिपुण्णाइं दुवा-  
 लसवरिसाइं सामण्णपरियागं पाउणित्ता मासियाए संलेहणाए अप्पाणं  
 झोसेत्ता सद्धिं भत्ताइं अणसणाए छेएत्ता आलोइयपइडिक्कंते उद्धियसल्ले  
 समाहिपत्ते आणुपुव्वेणं कालगए । तए णं थेरा भगवंतो मेहं अणगारं  
 आणुपुव्वेणं कालगयं पासंति २ परिनिव्वाणवत्तियं काउस्सगं करेति २  
 मेहस्स आयारभंडगं गेण्हंति विउलाओ पव्वयाओ साणियं २ पच्चो-  
 रुहंति २ जेणामेव गुणसिलए चेइए जेणामेव समणे ३ तेणामेव उवा-  
 गच्छंति २ समणं ३ वंदंति नमंसंति २ एवं वयासी — एवं खलु देवाणु-  
 प्पियाणं अंतेवासी मेहे नामं अणगारे पगइभइए जाव विणीए । से णं  
 देवाणुप्पिएहिं अब्भणुत्ताए समाणे गोयमाइए समणे निगंथे २ खामेत्ता



अम्हेहिं सद्धिं विपुलं पव्वयं सणियं २ दुरुहइ २ सयमेव मेघघणसन्नि-  
गासं पुढविसिलं पडिलेहेइ २ भत्तपाणपडियाइक्खिए अणुपुव्वेणं कालगए ।  
एस णं देवाणुप्पिया ! मेहस्स अणगारस्स आयारभंडए ।

(37) भंते ! त्ति भगवं गोयमे समणं ३ वंदइ नमंसइ २ एवं  
वयासी — एवं खलु देवाणुप्पियाणं अंतेवासी मेहे नामं अणगारे । से णं  
भंते ! मेहे अणगारे कालमासे कालं किच्चा कहिं गए कहिं उववन्ने ? गोयमा  
इ समणे ३ भगवं गोयमं एवं वयासी — एवं खलु गोयमा ! मम अंतेवासी  
मेहे नामं अणगारे पगइभइए जाव विणीए । से णं तहारूवाणं थेराणं  
अंतिए सामाइयमाइयाइं एक्कारस अंगां अहिज्जइ वारस भिक्खुपडि-  
माओ गुणरयणसंवच्छरं तवोकम्मं काएणं फासेत्ता जाव किट्ठेत्ता मए  
अव्वभणुत्ताए समाणे गोयमाइ थेरे खामेइ तहारूव्वेहिं जाव विपुलं पव्वयं  
वुरुहइ दव्वभसंथारगं संथरइ २ दव्वभसंथारोवगए सयमेव पंचमहव्वए  
उच्चारेइ वारस वासाइं सामण्णपरियागं पाउणिता मासियाए संलेहपाए  
अप्पाणं झूसित्ता सद्धिं भत्ताइं अणसणाए छेदेत्ता आलोइयपडिकंते  
उद्धियसले समाहिपत्ते कालमासे कालं किच्चा उद्धं चंदिमसूरगहगण-  
नक्खत्ततारारूवाणं वहुइं जोयणाइं वहुइं जोयणसयाइं वहुइं जोयण-  
सहस्साइं वहुइं जोयणसयसहस्साइं वहुइं जोयणकोडीओ वहुइं जोयण-  
कोडाकोडीओ उड्डं दूरं उप्पइत्ता सोहम्मीसाणसणंकुमारमाहिंदवंभलंतगमहा-  
सुक्कसहरसाराणयपाणयारणच्चुए तिणिण य अट्टारसुत्तरे गेवेज्जविमाण-  
वाससए वीइवइत्ता विजए महाविमाणे देवत्ताए उववन्ने । तत्थ णं अत्थे-  
गइयाणं देवाणं तेत्तीसं सागरोवमाइं ठिई पन्नत्ता । तत्थ णं मेहस्स वि  
देवस्स तेत्तीसं सागरोवमाइं ठिई पन्नत्ता । एस णं भंते ! मेहे देवे ताओ  
देवलोयाओ आउक्खएणं ठिइक्खएणं भवक्खएणं अणंतं चयं चइत्ता  
कहिं गच्छिहिइ कहिं उववज्जिहिइ ? गोयमा ! महाविदेहे वासे सिग्गिहिइ  
वुज्झिहिइ मुच्चिहिइ परिनिव्वाहिइ सव्वदुक्खाणमंतं काहिइ ।

एवं खलु जंवू ! समणेणं जाव संपत्तेणं अप्पोपाळंभनिमित्तं  
पढमस्स नायज्झयणस्स अयमट्ठे पन्नत्ते त्तिवेमि ।

॥ पढमं अज्झयणं समत्तं ॥

## ॥ वीयं अज्झयणं ॥

(38) जइ णं भंते ! समणेणं जाव संपत्तेणं पढमस्स नायज्झयणस्स अयमट्ठे पन्नत्ते विइयस्स णं भंते ! नायज्झयणस्स के अट्ठे पन्नत्ते ? एवं खलु जंबू ! तेणं कालेणं २ रायगिहे<sup>१</sup> नामं नयरे होत्था वण्णओ । तत्थं णं रायगिहस्स नयरस्स बहिया उत्तरपुरत्थिमे दिसीभाए गुणसिलए नामं चेइए होत्था वण्णओ । तस्स णं गुणसिलयस्स चेइयस्स अदूरसामंते एत्थ णं महं एगं जिण्णुज्जाणे यावि होत्था विणट्ठदेवउले पॅरिसडियतोरणघरे नाणाविहगुच्छगुम्मलयावल्लिवच्छच्छाइए अणेगवालसयसंकणिज्जे यावि होत्था । तस्स णं जिण्णुज्जाणस्स बहुमज्झदेसभाए एत्थ णं महं एगो भग्गकूवए यावि होत्था । तस्स णं भग्गकूवस्स अदूरसामंते एत्थ णं महं एगो मालुयाकच्छए यावि होत्था किण्हे किण्होभासे जाव रम्मे महामेहं निउरंबभूए बहूहिं रुक्खेहि य गुच्छेहि य गुम्मेहि य लयाहि य वल्लीहि य कुसेहि य खाणुएहि य संच्छन्ने पलिच्छन्ने अंतो झुसिरे बाहिं गंभीरे अणेगवालसयसंकणिज्जे यावि होत्था ।

(39) तत्थ णं रायगिहे नयरे धणे नामं सत्थवाहे अड्डे दित्ते जाव विउलभत्तपाणे । तस्स णं धणस्स सत्थवाहस्स भद्दा नामं भारिया होत्था सुकुंमालपाणिपाया अहीणपडिपुण्णपंचिंदियसरीरा लक्खणवंजणगुणोववेया माणुस्माणप्पमाणपडिपुण्णसुजायसव्वंगसुंदरंगी ससिसोमागारा कंता पियदंसणा सुरूवा करयलपरिमियत्तिवलियमज्झा कुंडलुल्लिहियगंडलेहा कोमुइयरयणियरपडिपुण्णसोमवयणा सिंगारागारत्चारुवेसा जाव पडिरूवा वंझा अविआउरी जाणुकोप्परमाया यावि होत्था ।

(40) तस्स णं धणस्स सत्थवाहस्स पंथए नामं दासचेडे होत्था सव्वंगसुंदरंगे मंसोवचिंए बालकीलावणकुसले यावि होत्था । तए णं से धणे सत्थवाहे रायगिहे नयरे बहूणं नगरनिगमसेट्ठिसत्थवाहाणं अट्टारससेणिप्पसेणीणं बहूसु कज्जेसु य कुडुंबेसु य जाव चक्खुभूए यावि होत्था नियगस्स वि य णं कुडुंबस्स बहूसु कज्जेसु जाव चक्खुभूए यावि होत्था ।

(41) तत्थ णं रायगिहे नयरे विजए नामं तक्करे होत्था पावे

चंडालरूवे भीमतरुं हकम्मे आरुसियादि त्तरत्तनयणे सरफरुंसमहल्लविगय-  
 वीभच्छदाडिण असेंपुडियउट्टे उद्धुयपईण्णलंवंतमुद्धए भमरराहुवण्णे निर-  
 णुफोसे निरणुत्तावे दारुणे पईभाण निसेंसइण निरणुकंपे अहीव एगंत-  
 दिट्ठीए खुरेव एगंतधाराण गिद्धेव आमिसतहिच्छे अग्निमिव सव्वभक्खी  
 जलमिव सव्वर्धंगाही उफंचणवंचणमायानियडिकूढकवडसाइसंपओग-  
 वहुले चिरनगरविणट्टुट्टसीलायारचरित्ते जूयप्पसंगी मज्जप्पसंगी भोज्ज-  
 प्ससंगी भंसप्पसंगी दारुणे हिययदारण साहसिए संधिच्छेयए उवहिर्णं  
 विस्संभघाई आलीयगतित्थभेयलहुहत्थसंपउत्ते परस्स दव्वहरणंमि निषं  
 अणुवद्धे तिव्वेवेरे रायगिहस्स नगरस्स वहुणि अईगमणाणि य निग्ग-  
 मणाणि य वाराणि य अचवाराणि य छिडीओ य खंडीओ य नगर-  
 निद्धमणाणि य संवट्टणाणि य निव्वट्टणाणि य जूयंखलयाणि य पाणा-  
 गाराणि य वेसागाराणि य तफरट्टाणाणि य तफरघराणि य सिंघाडगाणि  
 य तिगाणि य चउफाणि य चघराणि य नागघराणि य भूयघराणि य  
 जक्खदेउलाणि य सभाणि य पवाणि य पणियसालाणि य सुन्नघराणि य  
 आभोण्णमाणे मग्गमाणे गवेसमाणे वहुजणस्स छिद्देसु य विसमेसु य  
 विहुरेसु य वसणेसु य अन्नुदण्णसु य उस्सवेसु य पस्सवेसु य तिहीसु य  
 छणेसु य जनेसु य पव्वणीसु य मत्तपमत्तस्स य वक्खित्तस्स य  
 वाउलस्स य सुहियस्स य दुहियस्स य विद्देसत्थस्स य विप्पवसियस्स य  
 मग्गं च छिरं च विरहं च अंतरं च मग्गमाणे गवेसमाणे एवं च णं  
 विहरइ वहिया वि य णं रायगिहस्स नगरस्स आरामेसु य उज्जाणेसु य  
 वाविपोक्खरणीदीहियागुंजालियांसिरपंतियसरसरपंतियासु य जिणुज्जा-  
 णेसु य भग्गकूवण्णसु य मालुयाकच्छण्णसु य सुसाणेसु य गिरिकंदर-  
 लेणउवट्टाणेसु य वहुजणस्स छिद्देसु य जाव एवं च णं विहरइ ।

(42) तए णं तीसे भद्दाण भारियाए अन्नया कयाइ पुव्वरत्तावरत्त-  
 कालसमयंसि कुडुंवजागरियं जागरमाणीए अयमेयारूवे अज्झत्थिए आव  
 समुप्पज्जित्था — अहं धणेणं सत्थवाहेणं सद्धिं वहुणि वासाणि सइफरिस-  
 रसरूवाणि माणुस्सगाइं कामभोगाइं पच्चणुवभवमाणी विहरामि नो चेव

णं अहं दारगं वा दारियं वा पयासि । तं धन्नाओ णं ताओ अम्म-  
याओ जाव सुलद्धे णं माणुस्सए जम्मजीवियफले तासिं अम्मयाणं जासिं  
मन्ने नियगकुच्छिसंभूयाइं थणदुद्धलुद्धयाइं महुरसमुल्लावगाइं मम्मण-  
पयंपियाइं थणमूलां कक्खदेसभागं अभिसरमाणाइं सुद्धयाइं थणयं पियंति  
तओ य कोमलकमलोवमेहिं हत्थेहिं गिण्हऊणं उच्छंगे निवेसियाइं देंति  
समुल्लावए पिए सुमहुरे पुणो २ मंजुलप्पभणिए । अहं णं अधन्ना  
अपुण्णा अकयलक्खणा एत्तो एगमवि न पत्ता । तं सेयं मम कल्लं जाव  
जलंते धणं सत्थवाहं आपुच्छित्ता धणेणं सत्थवाहेणं अब्भणुन्नाया  
समाणी सुबहुं विपुलं असणं ४ उवक्खडावेत्ता सुबहुं पुप्फगंधमल्लालंकारं  
गहाय बहूहिं भित्तनाइनियगसयणसंबंधिपरियणमहिलाहिं साद्धिं संपरि-  
वुडा जाइं इमाइं रायगिहस्सं नयरस्स बहिया नागाणि य भूयाणि य  
जक्खाणि य इंदाणि य खंदाणि य रुद्धाणि य सिवाणि य वेसमणाणि य  
तत्थ णं बहूणं नागपडिमाण य जाव वेसमणपडिमाण य मंहरिहं पुप्फ-  
च्चाणियं करेत्ता जत्तुपायपडियाए एवं वइत्तए - जइ णं अहं देवाणु-  
प्पिया ! दारगं वा दारियं वा पयायासि तो णं अहं तुब्भं जायं च दायं च  
भायं च अक्खयणिहिं च अणुवड्ढेमि त्तिकट्ठु उँवाइयं उवाइत्तंए । एवं संपे-  
हेइ २ कल्लं जाव जलंते जेणामेव धणे सत्थवाहे तेणामेव उवागच्छइ २  
एवं वयासी-एवं खलु अहं देवाणुप्पिया ! तुब्भेहिं साद्धिं बहूइं वासाइं जाव  
देँति समुल्लावए सुमहुरे पुणो २ मंजुलप्पभणिए ! तं णं अहं अहन्ना अपुण्णा  
अकयलक्खणा एत्तो एगमवि न पत्ता । तं इच्छामि णं देवाणुप्पिया !  
तुब्भेहिं अब्भणुन्नाया समाणी विपुलं असणं ४ जाव अणुवड्ढेमि उँवाइयं  
करित्तए । तए णं धणे सत्थवाहे भइं भारियं एवं वयासी - ममं पि य णं  
देवाणुप्पिए ! एस चेव मणोरहे - कहं णं तुमं दारगं वा दारियं वा  
पयाएज्जासि भदाए सत्थवाहीए एयमट्ठं अणुजाणइ । तए णं सा भदा  
सत्थवाही धणेणं सत्थवाहेणं अब्भणुन्नाया समाणी हट्ठ जाव हियया  
विपुलं असणं ४ उवक्खडावेइ २ सुबहुं पुप्फगंधमल्लालंकारं गेणहइ २  
सयाओ गिहाओ निग्गच्छइ २ रायगिहं नयरं मज्झमज्झेणं निग्गच्छइ २

जेणेव पोक्खरिणी तेणेव उवागच्छइ २ पुक्खरिणीए तीरे सुवहुं पुष्प  
जाव मल्लालंकारं ठवेइ २ पुक्खरिणिं ओगाहेइ २ जलमज्जणं करेइ जल-  
किट्टं करेइ २ ण्हाया कयवलिकम्मा उल्लपडंसाडिगा जाइं तत्थ उप्पलाइं  
जाव सहस्सपत्ताइं गिण्हइ २ पुक्खरिणीओ पच्चोरुहइ २ तं पुष्पवत्थ-  
गंधमल्लं गेण्हइ २ जेणामेव नागघरण जाव वेसमणघरण य तेणामेव  
उवागच्छइ २ तत्थ णं नागपडिमाण य जाव वेसमणपडिमाण य आलोए  
पणामं करेइ ईसिं पच्चुन्नमइ २ लोमहत्थगं परामुसइ २ नागपडि-  
माओ य जाव वेसमणपडिमाओ य लोमहत्थेणं पमज्जइ उदगधाराए  
अच्चुक्खेइ २ पम्हलसूमालाए गंधकासाइए गायाइं ल्हेइ २ मंहरिहं  
वत्थारुहणं च मल्लारुहणं च गंधारुहणं च चुण्णारुहणं च वण्णारुहणं  
च करेइ २ धूवं डहइ २ जन्नुपायपडिया पंजलिउडा एवं वयासी-  
जइ णं अहं दारगं वा दारियं वा पयामि तो णं अहं जायं च जाव  
अणुवड्ढेमि त्तिकट्ठु उवाइयं करेइ २ जेणेव पोक्खरिणी तेणेव उवा-  
गच्छइ २ विपुलं असणं ४ आसाएमाणी जाव विहरइ जिमिय जाव  
सुइभूया जेणेव सए गिहे तेणेव उवांगया । अटुत्तरं च णं भद्दा सत्थवाही  
चाउडसट्टमुद्धिपुण्णमासिणीसु विपुलं असणं ४ उवक्खडेइ २ वहवे नागा  
य जाव वेसमणा य उवायमाणी नमंसमाणी जाव एवं च णं विहरइ ।

(41) तए णं सा भद्दा सत्थवाही अन्नया कयाइ केणइ कालंत-  
रेणं आवन्नसत्ता जाया यावि होत्था । तए णं तीसे भद्दाए सत्थवाहीए  
दोसु मासेसु वीइक्कंतेसु तईए मासे वट्टमाणे इमेयारुवे दोहले पाउच्चूए-  
धन्नाओ णं ताओ अम्मयाओ जाव कयलक्खणाओ ताओ अम्मयाओ  
जाओ णं विउलं असणं ४ सुवहुयं पुष्पगंधमल्लालंकारं गहाय मित्तनाइ-  
नियगसयणसंवंधिपरियणमहिलियाहि य सद्धिं संपरिवुडाओ रायगिहं नयरं  
मज्झमज्जेणं निग्गच्छंति २ जेणेव पुक्खरिणी तेणेव उवागच्छंति २ पोक्ख-  
रिणीं ओगाहंति २ ण्हायाओ कयवलिकम्माओ सव्वालंकारविभूसियाओ  
विपुलं असणं ४ आसाएमाणीओ जाव पंडिभुंजेमाणीओ दोहलं विणेंति । एवं  
संपेहेइ २ कल्लं जाव जलंते जेणेव धणे सत्थवाहे तेणेव उवागच्छइ २ धणं

सत्थवाहं एवं वयासी — एवं खलु देवाणुप्पिया ! मम तस्स गब्भस्स जाव विणोति<sup>१</sup> । तं इच्छामि णं देवाणुप्पिया ! तुब्भेहिं अब्भणुन्नाया समाणी जाव विहरित्तए । अहासुहं देवाणुप्पिया ! मा पडिबंघं । तए णं सा भद्दा धणेणं सत्थवाहेणं अब्भणुन्नाया समाणी हट्ठा जाव विपुलं असणं ४ जाव उल्लपडसाडगा जेणेव नागवरए जाव धूवं डहइ २ पणामं करेइ २ जेणेव पोक्खरिणी तेणेव उवागच्छइ । तए णं ताओ मित्तनाइ जाव नगरमहिलाओ भदं सत्थवाहिं सव्वालंकारविभूसियं करेति । तए णं सा भद्दा सत्थवाही ताहिं मित्तनाइनियगसयणसंबंधिपरियणनगरमहिलियाहिं साद्धिं तं विपुलं असणं ४ जाव परिभुंजेमाणी दोहलं विणेइ २ जामेव दिसं पाउब्भूया तामेव दिसं पडिगया । तए णं सा भद्दा सत्थवाही संपुण्णदोहला जाव तं गव्भं सुहंसुहेणं परिवहइ । तए णं सा भद्दा सत्थवाही नवण्हं मासाणं बहुपडिपुण्णाणं अद्धट्ठमाण य राइंदियाणं सुकुमालपाणिपायं जाव दारगं पयाया । तए णं तस्स दारगस्स अम्मापियरो पढमे दिवसे जायकम्मं करेति २ तहेव जाव विपुलं असणं ४ उवक्खडावेति २ तहेव मित्तनाइनियगं भोयावेत्ता अयमेयारूवं गोणं गुणनिप्फन्नं नामधेज्जं करेति — जम्हा णं अम्हं इमे दारए बहूणं नागपडिमाण य जाव वेसमणपडिमाण य उवाईयलद्धे तं होई णं अम्हं इमे दारए देवदिन्ने नामेणं । तए णं तस्स दारगस्स अम्मापियरो नामधेज्जं करेति देवदिन्ने त्ति । तए णं तस्स दारगस्स अम्मापियरो जायं च दायं च भायं च अक्खयनिहिं च अणुवट्ठेति ।

(42) तए णं से पंथए दासचेडए देवदिन्नस्स दारगस्स बालग्गाही जाए । देवदिन्नं दारगं कडीए गेण्हइ २ बहूहिं डिंभएहि य डिंभियाहि य दारएहि य दारियाहि य कुमारएहि य कुमारियाहि य साद्धिं संपरिवुडे अभिरमइ । तए णं सा भद्दा सत्थवाही अन्नया कयाइं देवदिन्नं दारयं प्हायं कयवलिकम्मं कयकोउयमंगलपायच्छित्तं सव्वालंकारविभूसियं करेइ २ पंथयस्स दासचेडगस्स हत्थगांसि दलयइ । तए णं से पंथए दासचेडए भद्दाए सत्थवाहीए हत्थाओ देवदिन्नं दारगं कडीए गेण्हइ २

सयाओ गिहाओ पडिनिक्खमइ वहूहिं डिंभएहि य जाव कुमारियाहि य सद्धिं संपरिवुडे जेणेव रायमग्गे तेणेव उवागच्छइ २ देवदित्रं दारगं एगंते ठावेइ २ वहूहिं डिंभएहि य जाव कुमारियाहि य सद्धिं संपरिवुडे पमत्ते यावि विहरइ । इमं च णं विजए तक्करे रायगिहस्स नगरस्स वहूणि वाराणि य अववाराणि य तहेव जाव आभोएमाणे मग्गे-माणे गवेसमाणे जेणेव देवदित्रे दारए तेणेव उवागच्छइ २ देवदित्रं दारगं सव्वालंकारविभूसियं पायइ २ देवदित्रस्स दारगस्स आभरणा-लंकारेसुं मुच्छिए गडिए गिट्ठे अज्झोववन्ने पंथगं दासचेडं पमत्तं पासइ २ दिसालोयं करेइ २ देवदित्रं दारगं गेण्हइ २ कक्खंसि अहियावेइ २ उत्तरिज्जेणं पिहेइ २ सिग्घं तुरियं चवलं वेइयं रायगिहस्स नगरस्स अवदारेणं निग्गच्छइ २ जेणेव जिण्णुज्जाणे जेणेव भग्गकूवए तेणेव उवागच्छइ २ देवदित्रं दारयं जीवियाओ ववरोवेइ २ आभरणालंकारं गेण्हइ २ देवदित्रस्स दारगस्स सरीरं निप्पाणं निच्चेट्ठं जीवविप्पजट्ठं भग्गकूवए पक्खिवइ २ जेणेव मालुयाकच्छए तेणेव उवागच्छइ २ मालुगाकच्छयं अणुप्पविसइ २ निच्चले निप्फंदे तुसिणीए दिवसं खवेमाणे चिट्ठइ ।

(43) तए णं से पंथए दासचेडे तओ मुहुत्तंतरस्स जेणेव देवदित्रे दारए ठाविए तेणेव उवागच्छइ २ देवदित्रं दारगं तंसि ठाणंसि अपास-माणे रोयमाणे कंदमाणे देवदित्रस्स दारगस्स सव्वओ समंता मग्गण-गवेसणं करेइ २ देवदित्रस्स दारगस्स कत्थइ सुइं वा खुइं वा पंडात्तिं वा अलभमाणे जेणेव सए गिहे जेणेव धणे सत्थवाहे तेणेव उवागच्छइ २ धणं सत्थवाहं एवं वयासी — एवं खलु सामी ! भद्दा सत्थवाही देवदित्रं दारयं ण्हायं जाव मम हत्थे दलयइ । तए णं अहं देवदित्रं दारयं कडीए गिण्हामि जाव मग्गणगवेसणं करोमि । तं न नज्जइ णं सामी ! देवदित्रे दारए केणइ नीए वा अवहिए वा अक्खित्ते वा पायवडिए धणस्स सत्थवाहस्स एयमट्ठं निवेदेइ । तए णं से धणे सत्थवाहे पंथयस्स दासचेड-गस्स एयमट्ठं सोच्चा निसम्म तेण य महया पुत्तसोएणाभिभूए समाणे

फरसुणियत्ते व चंपगपायवे धसत्ति धरणीयलंसि सव्वंगेहिं सन्निवइए ।  
 तए णं से धणे सत्थवाहे तओ मुहुत्तंतरस्स आसत्थे पच्चागयपाणे देव-  
 दिन्नस्स दारगस्स सव्वओ समंता मग्गणगवेसणं करेइ देवदिन्नस्स दार-  
 गस्स कत्थइ सुइं वा खुइं वा पवत्तिं वा अलभमाणे जेणेव सए गिहे  
 तेणेव उवागच्छइ २ महत्थं पाहुडं गेण्हइ २ जेणेव नगरगुत्तिया तेणेव  
 उवागच्छइ २ तं महत्थं पाहुडं उवणेइ २ एवं वयासी- एवं खलु देवाणु-  
 प्पिया ! मम पुत्ते भद्दाए भारियाए अत्तए देवदिन्ने नामं दारए इहे जाव  
 उंवरपुप्फं पिव दुल्लहे सवणयाए किमंग पुण पासणयाए । तए णं सा भद्दा  
 भारिया देवदिन्नं दारगं ण्हायं सव्वालंकारविभूसियं पंथगस्स हत्थे दलाइ  
 जाव पायवडिए तं मम निवेदेइ । तं इच्छामि णं देवाणुप्पिया ! देवदिन्नस्स  
 दारगस्स सव्वओ समंता मग्गणगवेसणं कयं । तए णं ते नगरगोत्तिया  
 धणेणं सत्थवाहेणं एवं वुत्ता समाणा सन्नद्धवद्धकंवया उप्पीलियसरासण-  
 पट्टिया जाव गहियाउहपहरणा धणेणं सत्थवाहेणं सद्धिं रायगिहस्स  
 नगरस्स वहूणि अइगमणाणि य जाव पवासु य मग्गणगवेसणं करेमाणा  
 रायगिहाओ नगराओ पडिनिक्खमंति २ जेणेव जिण्णुज्जाणे जेणेव  
 भग्गकूवए तेणेव उवागच्छंति २ देवदिन्नस्स दारगस्स सरीरगं निप्पाणं  
 निक्खेडं जीवविप्पजडं पासंति २ हा हा अहो अकज्जमित्तिकदूढु देव-  
 दिन्नं दारगं भग्गकूवाओ उत्तारेंति २ धणस्स सत्थवाहस्स हत्थे दलयंति ।

(44) तए णं ते नगरगुत्तिया विजयस्स तक्करस्स पयमंगमणु-  
 गच्छमाणा २ जेणेव मालुयाकच्छए तेणेव उवागच्छंति २ मालुयाक-  
 च्छगं अणुप्पविसंति २ विजयं तक्करं ससक्खं सहोदं सगेवेज्जं जीव-  
 ग्गाहं गेण्हंति २ अट्ठिमुट्ठिजाणुकोप्परपहारसंभग्गमहियगत्तं करेंति २  
 अवओडगबंधणं करेंति २ देवदिन्नस्स दारगस्स सव्वं आभरणं गेण्हंति २  
 विजयस्स तक्करस्स गीवाए बंधंति २ मालुयाकच्छगाओ पडिनिक्ख-  
 मंति २ जेणेव रायगिहे नयरे तेणेव उवागच्छंति २ रायगिहं नयरं  
 अणुप्पविसंति २ रायगिहे नयरे सिंघाडगतिगचउक्कचच्चरमहापहपहेसु  
 कसप्पहारे य लयापहारे य छिवापहारे य निर्वायमाणा २ छारं च



धूलिं च कयवरं च उवरिं पक्किरमाणा २ महया २ सदेणं उग्घोसेमाणा  
 एवं वयंति — एस णं देवाणुप्पिया ! विजए नामं तक्करे जाव गिद्धे विव  
 आमिसभक्खी वालघायए वालमारए । तं नो खलु देवाणुप्पिया !  
 एयस्स केइ राया वा रायमच्चे वा अवरज्झइ नन्नत्थ अप्पणो सयाइं  
 कम्माइं अवरज्झंति त्तिक्कट्ठु जेणामेव चारगसाला तेणामेव उवागच्छंति  
 २ हडिवंधणं करेति २ भत्तपाणनिरोहं करेति २ तिसंझं कसप्पहारे  
 य जाव निव्वाएमाणा २ विहरंति । तए णं से धणे सत्थवाहे भित्तनाइनिर्य-  
 गसंबंधिपरियणेणं साद्धिं रोयमाणे जाव विलवमाणे देवदिन्नस्स दार-  
 गस्स सरोरस्स महया इड्डीसक्कारसमुदएणं नीहरणं करेति वहुइं लोइयाइं  
 मयकिच्चाइं करेति २ केणइ कालंतरेणं अवगयसोए जाए यावि होत्था ।

(45) तए णं से धणे सत्थवाहे अन्नया कयाइं लहुसयंसि राया-  
 वराहंसि संपलत्ते जाए यावि होत्था । तए णं ते नगरगुत्तिया धणं सत्थ-  
 वाहं गेणहंति २ जेणेव चारए तेणेव उवागच्छंति २ चारगं अणुप-  
 वेसंति २ विजएणं तक्करेणं साद्धिं एगयओ हडिवंधणं करेति । तए णं  
 सा भद्दा भारिया कल्लं जाव जलंते विपुलं असणं ४ उवक्खंडेइ २ भोयण-  
 पिंडए करेइ २ भोर्यणाइं पक्खिवइ लंछियमुद्धियं करेइ २ एगं च सुरभि-  
 वारिपडिपुण्णं दगवारयं करेइ २ पंथयं दासचेडं सदावेइ २ एवं  
 वयासी — गच्छहं णं तुमं देवाणुप्पिया ! इमं विपुलं असणं ४ गहाय चारग-  
 सालाए धणस्स सत्थवाहस्स उवणेहि । तए णं से पंथए भद्दाए सत्थ-  
 वाहीए एवं वुत्ते समाणे हट्टुट्टे तं भोयणपिंडगं तं च सुरभिवरवारि-  
 पडिपुण्णं वारयं गेणहइ २ सयाओ गिहाओ पडिनिक्खमइ २ राय-  
 गिहं नगरं मज्झमज्झेणं जेणेव चारगसाला जेणेव धणे सत्थवाहे तेणेव  
 उवागच्छइ २ भोर्यणपिडियं ठावेइ २ उल्लेइ २ भोर्यणं गेणहइ २  
 भायणाइं धोवेइ २ हत्थसोयं दलयइ २ धणं सत्थवाहं तेणं विपुलेणं  
 असणेणं ४ परिवेसेइ । तए णं से विजए तक्करे धणं सत्थवाहं एवं वयासी—  
 तुब्भे णं देवाणुप्पिया ! ममं एयाओ विपुलाओ असणाओ ४ संविभागं  
 करेहि । तए णं से धणे सत्थवाहे विजयं तक्करं एवं वयासी — अविचाइं

अहं विजया ! एयं विपुलं असणं ४ कागाणं वा सुणगाणं वा दलएज्जा उक्कुरुडियाए वा णं छहेज्जा नो चेव णं तव पुत्तघायगस्स पुत्तमारगस्स अरिस्स वेरियस्स पडिणीयस्स पञ्चामित्तस्स एत्तो विपुलाओ असणाओ ४ संविभागं करेज्जामि । तए णं से धणे सत्थवाहे तं विपुलं असणं ४ आहार-  
रेइ २ तं पंथगं पडिविसज्जेइ । तए णं से पंथए दासचेडे तं भोयणपिडंगं  
गिण्हइ २ जामेव दिसिं पाउब्भूए तामेव दिसिं पडिगए । तए णं तस्स  
धणस्स सत्थवाहस्स तं विपुलं असणं ४ आहारियस्स समाणस्स उच्चार-  
पासवणे णं उव्वाहित्था । तए णं से धणे सत्थवाहे विजयं तक्करं एवं  
वयासी—एहि ताव विजया ! एगंतमवक्कमामो जेणं अहं उच्चारपासवणं  
परिट्ठवेमि । तए णं से विजए तक्करे धणं सत्थवाहं एवं वयासी—तुब्भं  
देवाणुप्पिया ! विपुलं असणं ४ आहारियस्स अत्थि उच्चारे वा पासवणे  
वा । ममं णं देवाणुप्पिया ! इमेहिं बहूहिं कसप्पहारेहि य जाव लया—  
पहारेहि य तण्हाए य छुहाए य परव्भर्बमाणस्स नत्थि केइ उच्चार-  
वा पासवणे वा । तं छेदेणं तुमं देवाणुप्पिया ! एगंते अवक्कमित्ता उच्चा-  
रपासवणं परिट्ठवेहि । तए णं से धणे सत्थवाहे विजएणं तक्करेणं एवं  
वुत्ते समाणे तुसिणीए संचिट्ठइ । तए णं से धणे सत्थवाहे मुहुत्तंतरस्स  
वलियतरागं उच्चारपासवणेणं उव्वाहिज्जमाणे विजयं तक्करं एवं वयासी—  
एहि ताव विजया ! जाव अवक्कमामो । तए णं से विजए धणं सत्थवाहं  
एवं वयासी—जइ णं तुमं देवाणुप्पिया ! ताओ विपुलाओ असणाओ ४  
संविभागं करेहि तओ हं तुब्भेहिं सद्धिं एगंतं अवक्कमामि । तए णं से धणे  
सत्थवाहे विजयं एवं वयासी—अहं णं तुब्भं ताओ विपुलाओ असणाओ  
४ संविभागं करिस्सामि । तए णं से विजए धणस्स सत्थवाहस्स एय-  
मट्ठं पडिसुणेइ । तए णं से विजए धणेणं सद्धिं एगंते अवक्कमइ उच्चार-  
पासवणं परिट्ठवेइ आयंते चोक्खे परमसुइभूए तमेव ठाणं उवसंकमित्ताणं  
विहरइ । तए णं सा भद्दा कलं जाव जलंते विपुलं असणं जाव परिवे-  
सेइ । तए णं से धणे सत्थवाहे विजयस्स तक्करस्स ताओ विपुलाओ  
असणाओ ४ संविभागं करेइ । तए णं से धणे सत्थवाहे पंथगं दासचेडं

विसज्जेइ । तए णं से पंथए भोयणापिडंयं गहाय चारगसालाओ पडि-  
निक्खमइ २ रायगिहं नयरं मज्झंमज्झेणं जेणेव सए गिहे जेणेव भद्दा  
सत्थवाही तेणेव उवागच्छइ २ भद्दं सत्थवाहिणिं एवं वयासी—एवं खलु  
देवाणुप्पिए ! धणे सत्थवाहे तव पुत्तघायगस्स जाव पच्चामित्तस्स ताओ  
विपुलाओ असणाओ ४ संविभागं करेइ ।

(46) तए णं सा भद्दा सत्थवाही पंथगस्स दासचेडगस्स अंतिए एय-  
मट्ठं सोच्चा आसुरुत्ता रुट्ठा जाव मिसिमिसेमाणी धणस्स सत्थवाहस्स  
पओसमावज्जइ । तए णं से धणे सत्थवाहे अन्नया कयाइं भित्तनाइ-  
नियगसयणसंवंधिपरियणेणं सएण य अत्थसारेणं रायकज्जाओ अप्पाणं  
मोयावेइ २ चारगसालाओ पडिनिक्खमइ २ जेणेव अलंकारियसभा  
तेणेव उवागच्छइ २ अलंकारियकम्मं करीवेइ २ जेणेव पोक्खरिणी तेणेव  
उवागच्छइ २ अहं धोयमंदिंयं गेणहइ पोक्खरिणीं ओगाहइ २ जल-  
मज्जणं करेइ २ ण्हाए कयवलिकम्मे जाव रायगिहं नगरं अणुप्पाविसइ २  
रायगिहस्स नगरस्स मज्झंमज्झेणं जेणेव सए गिहे तेणेव पहारेत्थ गम-  
णाए । तए णं धणं सत्थवाहं एज्जमाणं पासित्ता रायगिहे नयरे बहवे  
नियगसेट्ठिसत्थवाहपभिइओ आढंति परियाणंति सक्कारेंति सम्माणेंति  
अव्भुट्ठेंति सरीरकुसलीदंतं संपुच्छंति । तए णं से धणे सत्थवाहे जेणेवे सए  
गिहे तेणेव उवागच्छइ । जावि य से तत्थ वाहिरिया परिसा भवइ तंजहा —  
दासा इ वा पेस्ता इ वा भियंगा इ वा भाइल्लां गा इ वा सा वि य णं धणं  
सत्थवाहं एज्जमाणं पासइ २ पायवडिया खेमकुसलं पुच्छइ । जावि य सें  
तत्थ अट्ठिमतरिया परिसा भवइ तंजहा —माया इ वा पिया इ वा भाया इ  
वा भइणी इ वा सावि य णं धणं सत्थवाहं एज्जमाणं पासइ २  
आसणाओ अव्भुट्ठेइ २ कंठाकंठियं अवयासिय द्वाहप्पमोक्खणं करेइ । तए  
णं से धणे सत्थवाहे जेणेव भद्दा भारिया तेणेव उवागच्छइ । तए णं सा  
भद्दा धणं सत्थवाहं एज्जमाणं पासइ २ नो आढाइ नो परियाणाइ  
अणाढायमाणी अपरियाणमाणी तुसिणीया परम्मुही संचिट्ठइ । तए णं  
से धणे सत्थवाहे भद्दं भारियं एवं वयासी— किं णं तुब्भं देवाणुप्पिए !

न तुट्ठी वा न हरिसे वा नाणंदे वा जं मए सएणं अत्थसारेणं राय-  
 कज्जाओ अप्पाणं विमोईए । तए णं सा भद्दा धणं सत्थवाहं एवं वयासी-  
 कहं णं देवाणुप्पिया ! मम तुट्ठी वा जाव आणंदे वा भविस्सइ जेणं तुमं मम  
 पुत्तघायगस्स जाव पच्चामित्तस्स ताओ विपुलाओ असणाओ ४ संविभागं  
 करेसि । तए णं से धणे भद्दं भारियं एवं वयासी- नो खलु देवाणुप्पिए !  
 धम्मो त्ति वा तवो त्ति वा कयपडिकइया इ वा लोगजत्ता इ वा नायए इ वा  
 संधाडिए इ वा सहाए इ वा सुहि त्ति वा ताओ विपुलाओ असणाओ ४  
 संविभागे कए नन्नत्थ सरीरचित्ताए । तए णं सा भद्दा धणेणं सत्थवाहेणं  
 एवं वुत्ता समाणी हट्ठा जाव आसणाओ अब्भुट्ठेइ २ कंठाकंठिं अवयासेइ  
 खेमकुसलं पुच्छइ २ ण्हाया जाव पायच्छित्ता विपुलाइं भोगभोगाइं भुंज-  
 माणी विहरइ । तए णं से विजए तक्करे चारगसालाए तेहिं बंधेहि वहेहिं  
 कसप्पहारेहि य जाव तण्हाए य छुहाए य परब्भवमाणे कालमासे कालं  
 किच्चा नरएसु नेरइयत्ताए उववन्ने । से णं तत्थ नेरइए जाए काले  
 कालोभासे जाव वेयणं पच्चणुब्भवमाणे विहरइ । से णं तओ उर्व्वट्ठित्ता  
 अणादीयं अणव्वदग्गं चाउरंतसंसारकंतारं अणुपरियट्ठिस्सइ । एवामेव  
 जंबू ! जे णं अम्हं निग्गंथो वा २ आयरियउवज्झायाणं अंतिए मुंडे  
 भवित्ता अगाराओ अणगारियं पव्वइए समाणे विपुलमणिमोत्तियधण-  
 कणगरयणसारेणं लुब्भइ से वि एवं चेव ।

(47) तेणं कालेणं २ थेरां भगवंतो जाइसंपन्ना जाव पुब्बाणुपुत्तिं  
 चरमाणा जाव जेणेव रायगिहे नयरे जेणेव गुणसिलए चेइए जाव अहा-  
 पडिरूवं उग्गहं उग्गिण्हित्ता संजमेणं तवसा अप्पाणं भावेमाणा विहरंति ।  
 परिसा निग्गया धम्मो कहिओ । तए णं तस्स धणस्स सत्थवाहस्स बहु-  
 जणस्स अंतिए एयमट्ठं सोच्चा निसम्म इमेयारूवे अज्झत्थिए जाव  
 समुप्पजित्था - एवं खलु थेरा भगवंतो जाइसंपन्ना इहमागया इहसंपत्ता ।  
 तं इच्छामि णं थेरे भगवंते वंदामि नमंसामि ण्हाए जाव सुद्धप्पावेसाइं  
 मङ्गलाइं वत्थाइं पवरपरिहिए पायविहारचारेणं जेणेव गुणसिलए चेइए  
 जेणेव थेरा भगवंतो तेणेव उवागच्छइ २ वंदइ नमंसइ । तए णं थेरा

धणस्स विचित्तं धम्ममाइक्खंति । तए णं से धणे सत्थवाहे धम्मं सोच्चा  
 एवं वयासी — सहहामि णं भंते ! निगंथे पावयणे जाव पव्वइए जाव  
 बहूणि वासाणि सामण्णपरियागं पाजणित्ता भत्तं पञ्चक्खाइत्ता मासियाए  
 सैलेहणाए सट्ठिं भत्ताइं अणसणाए छेदित्ता कालमासे कालं किञ्चा  
 सोहम्मे कप्पे देवत्ताए उववन्ने । तत्थ णं अत्थेगइयाणं देवाणं चत्तारि  
 पलिओवमाइं ठिई पन्नत्ता । तत्थ णं धणस्स वि देवस्स चत्तारि पलिओव-  
 माइं ठिई पन्नत्ता । से णं धणे देवे ताओ देवलोगाओ आउक्खएणं  
 ठिइक्खएणं भवक्खएणं अणंतरं चयं चइत्ता महाविदेहे वासे सिज्झिहिइ  
 जाव सव्वदुक्खाणमंतं करेहिइ ।

(48) जहा णं जंबू ! धणेणं सत्थवाहेणं नो धम्मो त्ति वा जाव  
 विजयस्स तक्करस्स ताओ विपुलाओ असणाओ ४ संविभागे कए नन्नत्थ  
 सरीरसारक्खणट्ठाए एवामेव जंबू ! जे णं अम्हं निगंथे वा जाव पव्व-  
 इए समाणे ववगयण्हाणमहणपुप्फगंधमल्लालंकारविभूसे इमस्स ओरालिय-  
 सरीरस्स नो वण्णहेउं वा रूवहेउं वा वैलविसयहेउं वा तं विपुलं असणं ४  
 आहारमाहारेइ नन्नत्थ नाणदंसणचरित्ताणं वहणट्ठयाए से णं इहलोए चेव  
 बहूणं समणाणं बहूणं समणीणं बहूणं सावगाण य सावियाण य अञ्चणिल्ले  
 जाव पज्जुवासणिल्ले भवइ । परलोए वि य णं नो आगच्छइ बहूणि हत्थ-  
 च्छेयणाणि य कण्णच्छेयणाणि य नासाछेयणाणि य एवं हियउप्पायणाणि  
 य वसणुप्पायणाणि य उल्लंबणाणि य पाविहिइ अणाईयं च णं अणवदग्गं  
 दीहमद्धं जाव वीईवइस्सइ जहा व से धणे सत्थवाहे ।

एवं खलु जंबू ! समणेणं जाव संपेत्तण दोषस्स नायज्झयणस्स  
 अयमट्ठे पन्नत्ते त्तिवेमि ॥

॥ नीयं अज्झयणं समत्तं ॥

॥ तच्च अज्झयणं ॥

(49) जइ णं भंते ! समणेणं जाव संपत्तेणं दोच्चस्स अज्झयणस्स नायाधम्मकहाणं अयमट्ठे पन्नत्ते तइअस्स अज्झयणस्स के अट्ठे पन्नते ? एवं खलु जंबू ! तेणं कालेणं २ चंपा नामं नयरी होत्था वण्णओ । तीसे णं चंपाए नयरीए बहिया उत्तरपुरात्थिमे दिसीभाए सुभूमिभागे नामं उज्जाणे संव्वउयपुप्फफलसमिद्धे सुरम्मे नंदणवणे इव सुहसुरभिसीयल-च्छायाए समणुवद्धे । तस्स णं सुभूमिभागस्स उज्जाणस्स उत्तरपुरात्थिमे एगदेसंमि मालुयाकच्छए होत्था वण्णओ । तत्थ णं एगा वर्णमयूरी दो पुट्ठे परियंगए पिट्ठुंडीपंडुरे निव्वणे निरुवहए भिन्नमुट्ठिप्पमाणे मयूरी अंडए पसवइ २ सएणं पक्खवाएणं सारक्खमाणी संगोवेमाणी संचिट्ठेमाणी विहरइ । तत्थ णं चंपाए नयरीए दुवे सत्थवाहदारगा परिवसंति तंजहा— जिणदत्तपुत्ते य सागरदत्तपुत्ते य सहजायया सहवड्डियया सहपंसुकीलियया सहदारदरिसी अन्नमन्नमणुरत्ता अन्नमन्नमणुव्वया अन्नमन्न-च्छंदाणुवत्तया अन्नमन्नहियइच्छियकारया अन्नमन्नेसु गिहेसु कम्मईं करणिज्जाइं पच्चणुवभवमाणा विहरंति ।

(50) तए णं तेसिं सत्थवाहदारगाणं अन्नया कयाइं एगयओ सहियाणं समुवागयाणं सन्निसण्णाणं सन्निविट्ठाणं इमेयारूवे मिहोकहा-समुल्लावे समुप्पजित्था — जन्नं देवाणुप्पिया ! अम्हं सुहं वा दुहं वा पव्वर्जी वा विदेसगमणं वा समुप्पजइ तं णं अम्हेहिं एगयओ समेच्चा नित्थरियव्वं तिकट्ठु अन्नमन्नमेयारूवं संगारं पडिसुणेंति सकम्मसंपउत्ता जाया यावि होत्था ।

(51) तत्थ णं चंपाए नयरीए देवदत्ता नामं गणिया परिवसइ अट्ठा जाव भत्तपाणा चंडसट्ठिकलापंडिया चंडसट्ठिगणियागुणोव्वेया अउ-णत्तीसविसेसे रममाणी एकवीसरइगुणप्पहाणा वत्तीसपुरिसोवयारकुसला नवंगसुत्तपडिवोहिया अट्ठारसदेसीभासाविसारया सिंगारागारचारूवेसा संगयगयहसिय जाव ऊसियज्झया सहस्सलंभा विदिन्नलत्तचामरवालवीय-णिया कण्णीरहप्पयाया वि होत्था बहूणं गणियासहस्साणं आहेवच्चं जाव

विहरइ । तए णं तेसिं सत्थवाहदारगाणं अन्नया कयाइं पुव्वरत्ताव्वरत्तका-  
लसमयंसि जिमियभुत्तुत्तरागयाणं समाणाणं आयन्ताणं चोक्खाणं परम-  
सुइभूयाणं सुहासणवरगयाणं इमेयारूवे मिहोकहासमुल्लावे समुप्पज्जित्था-  
सेयं खलु अम्हं देवाणुप्पिया ! कल्लं जाव जलंते विपुलं असणं ४ उव-  
क्खडावेत्ता तं विपुलं असणं ४ धूवपुप्फगंधवत्थं गहाय देवदत्ताए गणियाए  
साद्धिं सुभूमिभागस्स उज्जाणसिरिं पच्चणुव्वभवमाणाणं विहरित्तए त्तिकट्ठ  
अन्नमन्नस्स एयमट्ठं पडिसुणेंति २ कल्लं पांउप्पभायाए कोडुंवियपुरिसे  
सदावेंति २ एवं वयासी — गच्छह णं देवाणुप्पिया ! विपुलं असणं ४  
उवक्खडावेह २ तं विपुलं असणं ४ धूवपुप्फं गहाय जेणेव सुभूमिभागे  
उज्जाणे जेणेव नंदापुक्खरिणी तेणामेव उवागच्छह २ नंदाए पोक्खरि-  
णीए अदूरसामंते थूणामंडवं आहणह २ आसियसम्मज्जिओवलित्तं  
सुगंधं जाव कलियं करेह २ अम्हं पडिवालेमाणा २ चिट्ठह जाव चिट्ठंति ।  
तए णं ते सत्थवाहदारगा दोच्चंपि कोडुंवियपुरिसे सदावेंति २ एवं  
वयासी — खिप्पामेव लहुकरणजुत्तजोइयं समखुरवालिहाणं समलिहिय-  
तिक्खग्गासिंगएहिं रययामयघंटसुत्तरज्जुपवरकंचणखचियनत्थपग्गहो-  
वग्गहिण्हिं नीलुप्पलकर्यमेलण्हिं पवरगोणजुवाणएहिं नानामणिरयण-  
कंचणघंटियाजालपरिक्खित्तं पवरलक्खणोववेयं जुत्तामेव पवहणं उवणेह ।  
ते वि तहेव उवणेंति । तए णं ते<sup>१</sup> सत्थवाहदारगा ण्हाया जाव सरीरा  
पवहणं दुरुहंति २ जेणेव देवदत्ताए गणियाए गिहे तेणेव उवागच्छंति २  
पवहणाओ पच्चोरुहंति २ देवदत्ताए गणियाए गिहं अणुप्पविसंति । तए णं  
सा देवदत्ता गणिया ते सत्थवाहदारए एज्जमाणे पासइ २ हट्ठुट्ठा  
आसणाओ अच्चेइ २ सत्तट्ठ पयाइं अणुगच्छइ २ ते सत्थवाहदारए  
एवं वयासी — संदिस्तुं णं देवाणुप्पिया ! किमिहागमणप्पओयणं ।  
तए णं ते सत्थवाहदारगा देवदत्तं गणियं एवं वयासी — इच्छामो णं  
देवाणुप्पिए ! तुव्वेहिं साद्धिं सुभूमिभागस्स उज्जाणसिरिं पच्चणुव्वभव-  
माणा विहरित्तए । तए णं सा देवदत्ता तेसिं सत्थवाहदारगाणं एयमट्ठं  
पडिसुणेइ २ ण्हाया कयवालिक्कमा किं ते पवर जाव सिरिसमाणवेसा

जेणेव सत्थवाहदारगा तेणेव उवागया । तए णं ते सत्थवाहदारगा देव-  
दत्ताए गणियाए सद्धिं जाणं दुरुहंति २ चंपाए नयरीए मज्झमज्झेणं  
जेणेव सुभूमिभागे उज्जाणे जेणेव नंदपोक्खरिणी तेणेव उवागच्छंति  
२ पवहणाओ पच्चोरुहंति २ नंदपोक्खरिणीं ओगाहंति २ जलमज्जणं  
करेति जलकिङ्कं करेति ण्हायां देवदत्ताए सद्धिं पच्चुत्तरंति जेणेव थूणा-  
मंडवे तेणेव उवागच्छंति २ अणुप्पविसंति २ सव्वालंकारभूसिया आसत्था  
वीसत्था सुहासणवरगया देवदत्ताए सद्धिं तं विपुलं असणं ४ धूवपुप्फ-  
गंधवत्थं आसाएमाणा विसाएमाणा परिभाएमाणा परिभुंजंति एवं च णं  
विहरंति जिमियभुत्तुत्तरागया वि य णं समाणा आयंता देवदत्ताए सद्धिं  
विपुलाइं कामभोगाइं भुंजमाणा विहरंति ।

(52) तए णं ते सत्थवाहदारगा पुव्वावरण्हकालसमयांसि देव-  
दत्ताए गणियाए सद्धिं थूणामंडवाओ पडिनिक्खमंति २ हत्थसंगेलीए  
सुभूमिभागे बहूसु आलिघरएसु जाव कुसुमघरएसु य उज्जाणसिरिं पच्च-  
णुच्चभवमाणा विहरंति ।

(53) तए णं ते सत्थवाहदारगा जेणेव से मालुयाकच्छए तेणेव  
पहारेत्थ गमणाए । तए णं सा वणमयूरी ते सत्थवाहदारए एज्जमाणे  
पासइ २ भीया तत्था महया २ सद्देणं केकारवं विणिमुयमाणी २  
मालुयाकच्छाओ पडिनिक्खमइ २ एगांसि रुक्खडालयंसि ठिच्चा ते सत्थ-  
वाहदारए मालुयाकच्छं च अणिमिसाए दिट्ठीए पेहंमाणी २ चिट्ठइ । तए णं  
ते सत्थवाहदारगा अन्नमन्नं सदावेति २ एवं वयासी — जहा णं देवाणु-  
प्पिया ! एसा वणमयूरी अम्हे एज्जमाणे पासित्ता भीया तत्था तसिया  
उव्विग्गा पलाया महया २ सद्देणं जाव अम्हं मालुयाकच्छयं च पेच्छमाणी  
२ चिट्ठइ तं भवियव्वमेत्थ कारणेणं तिकट्ठु मालुयाकच्छयं अंतो अणुप्प-  
विसंति । तत्थ णं दो पुट्ठे परियागए जाव पासित्ता अन्नमन्नं सदावेति २  
एवं वयासी — सेयं खलु देवाणुप्पिया ! अम्हं इमे वणमयूरीअंडए  
साणं जाइमताणं कुक्कुडियाणं अंडएसु पक्खिवावित्तए । तए णं ताओ  
जाइमंताओ कुक्कुडियाओ एए अंडए सए य अंडए सएणं पंखवाएणं



सारक्खमाणीओ संगोवेमाणीओ विहरिस्संति । तए णं अम्हं एत्थ दो  
कीलावणगा मयूरपोयगा भविस्संति त्तिकट्टु अन्नमज्जस एयसट्ठं पडि-  
सुणेंति २ सए सए दासचेडए सहावेंति २ एवं वयासी - गच्छहं णं  
तुब्भे देवाणुप्पिया ! इमे अंडए गहाय सगाणं कुक्कुडीणं अंडएसु पक्खि-  
वह जाव ते पक्खिवेंति । तए णं ते सत्थवाहदारगा देवदत्ताए गणियाए  
साद्धिं सुभूमिभागस्स उज्जाणसिरिं पच्चणुवभवमाणा विहरित्ता तमेव  
जाणं दुरुद्धा समाणा जेणेव चंपा नयरी जेणेव देवदत्ताए गणियाए गिहे  
तेणेव उवागच्छंति २ देवदत्ताए गिहं अणुप्पविसंति २ देवदत्ताए  
गणियाए विउलं जीवियारिहं पीइदाणं दलयंति २ सक्कारेंति सम्माणेंति २  
देवदत्ताए गिहाओ पडिनिक्खमंति २ जेणेव सयाइं २ गिहाइं तेणेव  
उवागच्छंति २ सकम्मसंपउत्ता जाया यावि होत्था ।

(54) तत्थ णं जे से सागरदत्तपुत्ते सत्थवाहदारए से णं कलं  
जाव जलंते जेणेव से वणमयूरीअंडए तेणेव उवागच्छइ २ तंसि मयूरी-  
अंडयंसि संकिए कंखिए विइगिच्छसमावन्ने भेयसमावन्ने कलुससमावन्ने  
किन्नं ममं एत्थ कीलावणए मयूरपोयए भविस्सइ उदाहु नो भविस्सइ  
त्तिकट्टु तं मयूरीअंडयं अभिक्खणं २ उव्वत्तेइ परियत्तेइ आसारेइ  
संसारेइ चालेइ फंदेइ घटेइ खोभेइ अभिक्खणं २ कण्णमूलंसि टिट्ठि-  
यावेइ । तए णं से वणमयूरीअंडए अभिक्खणं २ उव्वत्तिज्जमाणे जाव  
टिट्ठियावेज्जमाणे पोच्चडे जाए यावि होत्था । तए णं से सागरदत्तपुत्ते  
सत्थवाहदारए अन्नया कयाइं जेणेव से वणमयूरीअंडए तेणेव उवागच्छइ  
२ तं मयूरीअंडयं पोच्चडमेव पासइ २ अहो णं ममं एत्थ कीलावणए  
मयूरपोयए न जाए त्तिकट्टु ओहयमण जाव झियायइ । एवामेव समणा-  
उसो ! जो अम्हं निगंथो वा २ आयरियउवज्झायाणं अंतिए पव्वइए  
समाणे पंचमहव्वएसु जाव छज्जीवनिकाएसु निगंथे पावयणे संकिए  
जाव कलुससमावन्ने से णं इहभवे चेव बहूणं समणाणं २ बहूणं सावगाणं  
सावियाणं हीलणिज्जे निंदणिज्जे खिसणिज्जे गरहणिज्जे पैरिभवणिज्जे  
परलोए विय णं आगच्छइ बहूणि दंडणाणि य जाव ससारं अणुपरियट्ठइ ।

(55) तए णं से जिणदत्तपुत्ते जेणेव से मयूरीअंडए तेणेव उवा-  
गच्छइ २ तंसि मयूरीअंडयंसि निस्संकिए सुव्वत्तए णं मम एत्थ कीला-  
वणए मयूरपोयए भविस्सइ त्तिकट्ठु तं मयूरीअंडयं अभिक्खणं २ नो  
उव्वत्तेइ जाव नो टिट्ठियावेइ । तए णं से मयूरीअंडए अणुव्वत्तिज्ज-  
माणे जाव अटिट्ठियाविज्जमाणे कालेणं समएणं उब्भिन्नमयूरपोयए एत्थ  
जाए । तए णं से जिणदत्तपुत्ते मयूरपोययं पासइ २ हट्ठुट्ठे मयूर-  
पोसए सहावेइ २ एवं वयासी - तुब्भे णं देवाणुप्पिया ! इमं मयूरपोयगं  
बहूहिं मयूरपोसणपाओग्गेहिं दव्वेहिं अणुपुव्वेणं सारक्खमाणा संगो-  
वेमाणा संवड्ढेह नट्ठुल्लगं च सिक्खावेह । तए णं ते मयूरपोसगा  
जिणदत्तस्स पुत्तस्स एयमट्ठं पडिसुणेंति २ तं मयूरपोयगं गेण्हंति जेणेव  
सए गिहे तेणेव उवागच्छंति २ तं मयूरपोयगं जाव नट्ठुल्लगं सिक्खा-  
वेंति । तए णं से वणमयूरपोयए उम्मुक्कबालभावे विन्नाय जाव लक्खण-  
वंजणगुणोवए माणुस्माणप्पमाणपडिपुण्णपक्खपेहुणकलावे विचित्तिपिच्छ-  
सत्तचंदए नीलकंठए नच्चणसीलए एगाए चप्पुडियाए कयाए समाणीए  
अणेगाइं नट्ठुल्लगसयाइं केकारवसयाणि य करेमाणे विहरइ । तए णं  
ते मयूरपोसगा तं मयूरपोयगं उम्मुक्क जाव करेमाणं पासित्ताणं तं मयूरपोयगं  
गेण्हंति २ जिणदत्तपुत्तस्स उवणेंति । तए णं से जिणदत्तपुत्ते सत्थवाहदारए  
मयूरपोयगं उम्मुक्क जाव करेमाणं पासित्ता हट्ठुट्ठे तेसिं विपुलं जीवियारिहं  
पीइदाणं दलयइ २ पडिविसज्जेइ । तए णं से मयूरपोयगे जिणदत्तपुत्तेणं  
एगाए चप्पुडियाए कयाए समाणीए नंगोलाभंगसिरोधरे सेयावंगे  
ओरील्लियपइण्णपक्खे उक्खित्तचंदकाइयकलावे केक्काइयसयाणि विमुंच-  
माणे नच्चइ । तए णं से जिणदत्तपुत्ते तेणं मयूरपोयएणं चंपाए नयरीए  
सिंघाडग जाव पहेसु सएहि य साहस्सिएहि य सयसाहस्सिएहि य पणि-  
एहि य जयं करेमाणे विहरइ । एवामेव समणाउसो ! जो अम्हं निगगंथो  
वा २ पव्वइए समाणे पंचमहव्वएसु छज्जीवनिकाएसु निगगंथे पावयणे  
निस्संकिए निक्कंखिए निव्विइगिच्छे से णं इहभवे चेव बहूणं समणाणं

जाव वीइवइस्सइ ।

एवं खलु जंबू ! समणेणं जाव संपत्तेणं नायाणं तच्चस्स अज्झ-  
यणस्स अयमद्वे पन्नत्तेत्ति वेमि ॥

॥ तच्चं अज्झयणं समत्तं ॥ ३ ॥

---

॥ चउत्थं अज्झयणं ॥

(56) जइ णं भंते ! समणेणं ३ नायाणं तच्चस्स नायज्झयणस्स अयमट्ठे पन्नत्ते चउत्थस्स णं नायाणं के अट्ठे पन्नत्ते ? एवं खलु जंवू ! तेणं कालेणं २ वाणारसी नामं नयरी होत्था वण्णओ । तीसे णं वाणारसीए नयरीए उत्तरपुरत्थिमे दिसीभाए गंगाए महानईए मयंगतीरद्दहे नामं दहे होत्था आणुपुव्वसुजायवप्पगंभीरसीयलजले अच्छविमलसलिलपेलिच्छन्ने संछन्नपत्तपुप्फपलासे बहुउप्पलपउमकुमुयनलिणसुभगसोगंधियपुंडरीयमहापुंडरीयसयपत्तसहस्सपत्तकेसरपुप्फोवचिए पासाईए ४ । तत्थ णं बहूणं मच्छाण य कच्छभाण य गाहाण य मगराण य सुंसुं माराण य सयाणि य सहस्साणि य सयसहस्साणि य जूहाइं निब्भयाइं निरुव्विग्गाइं सुहंसुहेणं अभिरममाणाइं २ विहरंति । तस्स णं मयंगतीरद्दहस्स अदूरसामंते एत्थ णं महं मालुयाकच्छए होत्था वण्णओ । तत्थ णं दुवे पावसियालगा परिवसंति पावा चंडा रुद्धा तल्लिच्छा साहसिया लोहियपाणी आमिसत्थी आमिसाहारा आमिसप्पिया आमिसलोलां आमिसं गवेसमाणा रत्तिं वियालचारिणो दिंया पच्छंन्नं वि चिट्ठंति । तए णं ताओ मयंगतीरद्दहाओ अन्नया कयाइं सूरियंसि चिरत्थमियंसि लुल्लियाए संझाए पविरलमाणुसंसि निसंतपडिनिसंतंसि समाणंसि दुवे कुम्मगा आहारत्थी आहारं गवेसमाणा सणियं २ उत्तरंति तस्सेव मयंगतीरद्दहस्स परिपेरंतेणं सन्नओ समंता परिघोलेमाणा २ वित्तिं कप्पेमाणा विहरंति । तयाणंतरं च णं ते पावसियालगा आहारत्थी जाव आहारं गवेसमाणा मालुयाकच्छगाओ पडिनिक्खमंति २ जेणेव मयंगतीरद्दहे तेणेव उवागच्छंति २ तस्सेव मयंगतीरद्दहस्स परिपेरंतेणं परिघोलेमाणा २ वित्तिं कप्पेमाणा विहरंति । तए णं ते पावसियाला ते कुम्मए पासंति २ जेणेव ते कुम्मए तेणेव पहारेत्थ गमणाए । तए णं ते कुम्मगा पावसियालए एज्जमाणे पासंति २ भीया तत्था तसिया उव्विग्गा संजायभया हत्थे य पाए य गीवाए य सएहिं २ काएहिं साहरंति २ निच्चला निप्फंदा तुसिणीया संचिट्ठंति । तए णं ते पावसियालगा जेणेव ते कुम्मगा

तेणेव उवागच्छंति २ ते कुम्मगा सव्वओ समंता उव्वत्तेति परियत्तेति आसारेंति संसारेंति चालेंति घट्टेंति फट्टेंति खोभेंति नहेहिं आलुं पंति दंतेहि य अक्खोडेंति नो चेव णं संचाएंति तेसिं कुम्मगाणं सरीरस्स आवाहं वा पवाहं वा वावाहं वा उप्पाइत्तए छविच्छेयं वा करित्तए । तए णं ते पावसियालगा ते कुम्मए दोच्चंपि तच्चंपि सव्वओ समंता उव्वत्तेति जाव नो चेव णं संचाएंति करित्तए ताहे संता तंता परितंता निव्विण्णा समाणा सणियं २ पच्चोसकंति एगंतमवक्कमंति २ निच्चला निप्फदा तुसिणीया संचिट्ठंति । तत्थ णं एगे कुम्मए ते पावसियालए चिरगए दूरंगए जाणित्ता सणियं २ एगं पायं निच्छुभइ । तए णं ते पावसियालगा तेणं कुम्मएणं सणियं २ एगं पायं नीणियं पासंति २ सिग्घं तुरियं चवलं चंडं जइणं वेगियं जेणेव से कुम्मए तेणेव उवागच्छंति २ तस्स णं कुम्मगस्स तं पायं नखेहिं आलुं पंति दंतेहिं अक्खोडेंति तओ पच्छा मंसं च सोणियं च आहारेंति २ तं कुम्मगं सव्वओ समंता उव्वत्तेति जाव नो चेव णं संचाएंति करित्तए ताहे दोच्चंपि अवक्कमंति एवं चत्तारि वि पाया जाव सणियं २ गीवं नीणेइ । तए णं ते पावसियालगा तेणं कुम्मएणं गीवं नीणियं पासंति २ सिग्घं चवलं ४ नहेहिं दंतेहिं य कवालं विहाडेंति २ तं कुम्मगं जीवियाओ ववरोवेंति २ मंसं च सोणियं च आहारेंति । एवामेव समणाउसो ! जो अम्हं निग्गंथो वा २ आयरियउवज्झायाणं अंतिए पवइए समाणे पंच य से इंदिया अगुत्ता भवेंति से णं इहभवे चेव वहुणं समाणां ४ हीलणिज्जे परलोए वि य णं आगच्छइ वहुणं दंडणाणं जाव ससारं अणुपरियट्ठइ जहा व से कुम्मए अगुत्तिदिए । तए णं ते पावसियालगा जेणेव से दोच्चे कुम्मए तेणेव उवागच्छंति २ तं कुम्मगं सव्वओ समंता उव्वत्तेति जाव दंतेहिं अक्खोडेंति जाव करित्तए । तए णं ते पावसियालगा दोच्चंपि तच्चंपि जाव नो संचायंति तस्स कुम्मगस्स किंचि आवाहं वा विवाहं वा जाव छविच्छेयं वा करित्तए ताहे संता तंता परितंता निव्विण्णा समाणा जामेव दिसं पाउब्भूया तामेव दिसं पडिगया ।

तए णं से कुम्मए ते पावसियालए चिरगए दूरगए जाणित्ता सणियं  
 २ गीवं नीणेइ २ दिसावलोयं करेइ २ जमगसमगं चत्तारि वि पाए  
 नीणेइ २ ताए उक्किट्ठाए कुम्मगईए वीईवयमाणे २ जेणेव मयंगतीरइहे  
 तेणेव उवागच्छइ २ मित्तनाईनियगसयणसंवंधिपरियणेणं सद्धिं अभिस-  
 मन्नागए यावि होत्था । एवामेव समणाउसो ! जो अम्हें समणो वा  
 समणी वा पंच महब्बयाइं इंदियाइं गुत्ताइं भवन्ति से<sup>३</sup> णं इहभवे चेव  
 वहूणं समणाणं ४ नो हीलणिज्जे नो निंदणिज्जे परलोए वि य णं सुग्गइं  
 गच्छइ वहूणं नो दंडणाणं नो मुंडणाणं जाव संसारं नो अणुपरियट्ठइं  
 जहा व से कुम्मए गुत्तिंदिए ।

एवं खलु जंवू ! समणेणं भगवया महावीरेणं चउत्थस्स  
 नायज्झयणस्स अयमट्ठे पन्नत्तेत्ति वेमि ॥

॥ चउत्थं नायज्झयणं समत्तं ॥ ४ ॥

॥ पंचमं अज्झयणं ॥

(57) जइ णं भंते ! समणेणं ३ चउत्थस्स नायज्झयणस्स अयमट्ठे पन्नत्ते पंचमस्स नायज्झयणस्स के अट्ठे पन्नत्ते ? एवं खलु जंवू ! तेणं कालेणं २ वारवई नामं नयरी होत्था पाईणपडीणायया उदीणदाहिणवित्थिण्णा नवजोयणवित्थिण्णा दुवालसजोयणायामा धणवइमइनिम्माया चामीयरपवरपागारा नाणामणिपंचवण्णकविसीस-गसोहिया अलयापुरिसंकासा पमुइयपक्कीलिया पच्चक्खं देवलोगभूया । तीसे णं वारवईए नयरीए वहिया उत्तरपुरत्थिमे दिसीभाए रेवयगे नामं पच्चए होत्था तुंगे गगणतलमणुलिहंतसिहरे नाणाविहगुच्छगुम्म-लयावल्लिपरिगए हंसमियमयूरकोचसारसचक्रवायमयणसालकोइल-कुलोववेए अणेगतडकडगवियरउज्झरपवायपव्भारसिहरपउरे अच्छर-गणदेवसंगचारणविज्जाहरमिहुणसंविचिण्णे निच्चच्छणए दसारवर-वीरपुरिसत्तेलोक्कवलवगाणं सोमे सुभगे पियदंसणे सुरूवे पासाईए ४ । तस्स णं रेवयगस्स अदूरसामंते एत्थ णं नंदणवणे नामं उज्जाणे होत्था सव्वउयपुप्फफलसमिद्धे रम्मे नंदणवणप्पगासे पासाईए ४ । तस्स णं उज्जाणस्स बहुमज्झदेसभाए सुरप्पिए नामं जक्खाययणे होत्था वण्णओ । तत्थ णं वारवईए नयरीए कण्हे नामं वासुदेवे राया परिवसइ । से णं तत्थ समुद्विजयपामोक्खाणं दसण्हं दसाराणं वलदेवपामो-क्खाणं पंचण्हं महावीराणं उग्गसेणपामोक्खाणं सोलसण्हं राईसह-स्साणं पज्जुन्नपामोक्खाणं अद्दुट्ठाणं कुमारकोडीणं संवपामोक्खाणं सट्ठीए दुदंतसाहस्सीणं वीरसेणपामोक्खाणं एक्कवीसाए वीरसाह-स्सीणं महासेणपामोक्खाणं छप्पन्नाए वलवगसाहस्सीणं रुप्पिणिप्पामो-क्खाणं वत्तीसाए महिलासाहस्सीणं अणंगसेणापामोक्खाणं अणेगाणं गणियासाहस्सीणं अन्नेसिं च वट्ठणं राईसरतलवर जाव सत्थवीह पभिईणं वेयड्ढगिरिसागंरपेरंतस्स य दाहिणड्ढभरहस्स य वारवईए नयरीए आट्ठेवच्चं जाव पालेमाणे विहरइ ।

(58) तत्थ णं वारवईए थावच्चा नामं गाहावइणी परिवसइ अट्ठा जाव अपरिभूया । तीसे णं थावच्चाए गाहावइणीए पुत्ते थावच्चापुत्ते

नामं सत्थवाहदारणं होत्था सुकुमालपाणिपाए जाव सुरूवे । तए णं  
 सा थावच्चा गाहावइणी तं दारगं साइरेगअट्ठवासजायं जाणित्ता  
 सोहणंसि तिहिकरणनक्खत्तमुहुत्तंसि कलायरियस्स उवणेइ जाव  
 भोगसमत्थं जाणित्ता वत्तीसाए इब्भकुलवालियाणं एगदिवसेणं पाणिं  
 गेणहावेइ वत्तीसओ दाओ जाव वत्तीसाए इब्भकुलवालियाहिं सद्धिं  
 विपुले सद्धफरिसरसरूववण्णगंधे जाव भुंजमाणे विहरइ । तेणं कालेणं २  
 अरहा अरिट्ठनेमी सो चेव वण्णओ दसधणुस्सेहे नीलुप्पलगवलगुलिय-  
 अयसिकुसुमप्पगासे अट्ठारसहिं समणसाहस्सीहिं चत्तालीसाए  
 अज्जियासाहस्सीहिं सद्धिं संपरिवुडे पुव्वाणुपुर्व्वं चरमाणे जाव जेणेव  
 वारवई नगरी जेणेव रेवयगपट्टए जेणेव नंदणवणे उज्जाणे जेणेव सुर-  
 प्पियस्स जक्खस्स जक्खाययणे जेणेव असोगवरपायवे तेणेव उवा-  
 गच्छइ २ अहापडिरूवं उग्गहं ओगिणिहत्ता संजमेणं तवसा अप्पाणं  
 भावेमाणे विहरइ । परिसा निग्गया धम्मो कहिओ । तए णं से कण्हे  
 वासुदेवे इमीसे कहाए लद्धेइ समाणे कोहुंवियपुरिसे सद्दावेइ २ एवं  
 वयासी-खिप्पामेव भो देवाणुप्पिया ! सभाए सुहम्माए मेघोघरसियं  
 गंभीरमहुरसद्धं कोमुइयं भेरिं तालेह । तए णं ते कोहुंवियपुरिसा  
 कण्हेणं वासुदेवेणं एवं वुत्ता समाणा हट्ठ जाव मत्थए अंजलिं कट्ठ  
 एवं सामी ! तह त्ति जाव पडिसुणेंति २ कण्हस्स वासुदेवस्स अंति-  
 याओ पडिनिक्खमंति २ जेणेव सभा सुहम्मा जेणेव कोमुइया भेरी  
 तेणेव उवागच्छंति २ तं मेघोघरसियगंभीरमहुरसद्धं कोमुइयं भेरिं  
 तालेंति । तओ निद्धमहुरगंभीरपडिसुएणं पिव सारइएणं वलाहएणं  
 अणुरसियं भेरीए । तए णं तीसे कोमुइयाए भेरीए तालियाए समा-  
 णीए वारवईए नयरीए नवजोयणवित्थिण्णाए दुवालसजोयणायामाए  
 सिंघाडगतियचउक्कच्चरकंदरदरीविवरकुहरगिरिसिहरनगरगोपुर-  
 पासायदुव्वारभवणदेउलपडिस्सुयासयसहस्ससंकुलं करेमाणे वारवईए  
 नयरीए सद्धिंभतरवाहिरियं सव्वओ समंता सद्दे विप्पसरित्था । तए णं  
 वारवईए नयरीए नवजोयणवित्थिण्णाए वारसजोयणायामाए समुद्ध-



विजयपामोकखा दस दसारा जाव गणियासहस्साई कोमुईयाए भेरीए सद्दं सोच्चा निसम्म हट्टुत्तुं जाव णहाया आविद्धवग्घारियमल्लदाम-कलावा अहयवत्थचंदणोक्खिन्नगायसरीरा अप्पेगइया हयगया एवं गयगया रहसीयासंदमाणीगया अप्पेगइया पायविहारचारेणं पुरिस-वग्गुरापरिक्खित्ता कण्हस्स वासुदेवस्स अंतिए पाउब्भवित्था । तए णं से कण्हे वासुदेवे समुद्विजयपामोकखे दस दसारे जाव अंतियं पाउ-ब्भवमाणे पासित्ता हट्टुत्तुं जाव कोडुं वियपुरिसे सद्दावेइ २ एवं वयासी-खिप्पामेव भो देवाणुप्पिया ! चाउरंगिणिं सेणं सज्जेह विजयं च गंधहत्थि उवट्ठवेह । तेवि तहेव उवट्ठ्वेति जाव पज्जुवासंति ।

(59) थावच्चापुत्ते वि निग्गए जहा मेहे तहेव धम्मं सोच्चा निसम्म जेणेव थावच्चा गाहावइणी तेणेव उवागच्छइ २ पायग्गहणं करेइ जहा मेहस्स तहा चेव निवेयणा जाहे नो संचाएइ विसयाणुलोमाहि य विसयपडिक्खलाहि य वट्ठहिं आघवणाहि य पन्नवणाहि य सन्नवणाहि य चिन्नवणाहि य आघवित्तए वा ४ ताहे अकामिया चेव थावच्चा-पुत्तस्स निक्खमणमणुमन्नित्था । तए णं सा थावच्चा आसणाओ अब्भुट्ठेइ २ महत्थं महग्घं महरिहं रायारिहं पाहुडं गेणहइ २ मित्त जाव संपरिवुडा जेणेव कण्हस्स वासुदेवस्स भवणवरपडिदुवारदेसभाए तेणेव उवागच्छइ २ पडिहारदेसिएणं मग्गेणं जेणेव कण्हे वासुदेवे तेणेव उवागच्छइ २ करयल जाव वट्ठावेइ २ तं महत्थं ३ पाहुडं उवणेइ २ एवं वयासी-एवं खलु देवाणुप्पिया । मम एगे पुत्ते थावच्चापुत्ते नामं दारए इट्ठे जाव संसारभउव्विग्गे भीए इच्छइ अरहओ अरिद्ध-नेमिस्स जाव पव्वइत्तए । अहं णं निक्खमणसक्कारं करेमि । इच्छामि णं देवाणुप्पिया ! थावच्चापुत्तस्स निक्खममाणस्स छत्तमउडचामराओ य विदिन्नाओ । तए णं कण्हे वासुदेवे थावच्चागाहावइणी एवं वयासी-अच्छाहि णं तुमं देवाणुप्पिए ! सुनिव्वयवीसत्था । अहं णं सयमेव थावच्चापुत्तस्स दारगस्स निक्खमणसक्कारं करिस्सामि । तए णं से कण्हे वासुदेवे चाउरंगिणीए सेणाए विजयं हत्थिरयणं दुरूढे

समाणे जेणेव थावच्चाए गाहावइणीए भवणे तेणेव उवागच्छइ २ थावच्चापुत्तं एवं वयासी-मा णं तुमं देवाणुप्पिया ! मुंडे भवित्ता पव्वयाहि । भुंजाहि णं देवाणुप्पिया ! विपुंले माणुस्सए कामभोगे मम वाहुच्छायंपरिग्गहिए । केवलं देवाणुप्पियस्स नो संचाएमि वाउकायं उवरिमेणं गच्छमाणं निवारित्तए । अन्ने णं देवाणुप्पियस्स जं किंचि आवाहं वा विवाहं वा उप्पाएइ तं सव्वं निवारेमि । तए णं से थावच्चापुत्ते कण्हेणं वासुदेवेणं एवं वुत्ते समाणे कण्हं वासुदेवं एवं वयासी-जइ णं देवाणुप्पिया ! मम जीवियंतकरणिज्जं मच्चुं एज्जमाणं निवारेसि जरं वा सरीररूवविणासणिं सरीरं अइवयमाणिं निवारेसि तए णं अहं तव वाहुच्छायापरिग्गहिए विउले माणुस्सए कामभोगे भुंजमाणे विहरामि । तए णं से कण्हे वासुदेवे थावच्चापुत्तेणं एवं वुत्ते समाणे थावच्चापुत्तं एवं वयासी-एए णं देवाणुप्पिया दुरइक्कमणिज्जा । नो खलु सक्का सुबलिएणावि देवेण वा दाणवेण वा निवारित्तए नन्नत्थ अप्पणो कम्मक्खएणं । तए णं से थावच्चापुत्ते कण्हं वासुदेवं एवं वयासी-जइ णं एए दुरइक्कमणिज्जा नो खलु सक्का सुबलिएणावि देवेण वा दाणवेण वा निवारित्तए नन्नत्थ अप्पणो कम्मक्खएणं तं इच्छामि णं देवाणुप्पिया ! अन्नाणमिच्छत्तअविरइक्कसायसंचियस्स अत्तणो कम्मक्खयं करित्तए । तए णं से कण्हे वासुदेवे थावच्चापुत्तेणं एवं वुत्ते समाणे कोहुंबियपुरिसे सद्दावेइ २ एवं वयासी-गच्छह णं देवाणुप्पिया ! वारवईए नयरीए सिंघाडगतिग जाव पहेसु य हत्थिखंधवरगया महया २ सद्देणं उग्घोसेमाणा २ उग्घोसणं करेह-एवं खलु देवाणुप्पिया ! थावच्चापुत्ते संसारभउव्विग्गे भीए जम्मणमरणणं इच्छइ अरहओ अरिट्ठनेमिस्स अंतिए मुंडे भवित्ता पव्वइत्तए । तं जो खलु देवाणुप्पिया ! राया वा जुवराया वा देवी वा कुमारे वा ईसरे वा तलवरे वा कोहुंबियमाडंबियइब्भसेट्ठिसेणावइसत्थवाहे वा थावच्चापुत्तं पव्वयंतमणुपव्वयइ तस्स णं कण्हे वासुदेवे अणुजाणइ पच्छाउरस्स वि य से मित्तनाइनियणसंवंधिपरि-

जणस्स जोगक्खेमं वट्ठमाणं पडिवहइ त्तिकट्ठु घोसणं घोसेह जाव घोसंति । तए णं थावच्चापुत्तस्स अणुराएणं पुरिससहस्सं निक्खमणाभिमुहं ण्हायं जाव सव्वालंकारविभूसियं पत्तेयं २ पुरिससहस्सवाहिणीसु सिवियासु दुल्लं समीणं मित्तनाइपरिडुडं थावच्चापुत्तस्स अंतियं पाउब्भूयं । तए णं से कणहे वासुदेवे पुरिससहस्सं अंतियं पाउब्भवमाणं पासइ २ कोहुंवियपुरिसे सहावेइ २ एवं वयासी - जहा मेहस्स निक्खमणाभिसेओ तहेव सेयापीएहिं कलसेहिं ण्हावेइ जाव अरहओ अरिट्टुनेमिस्स छत्ताइच्छत्तं पडागाइपडागं पासइ २ विज्जाहरचारणे जाव पासित्ता सीयाओ पच्चोरुहइ । तए णं से कणहे वासुदेवे थावच्चापुत्तं पुरओ काउं जेणेव अरहा अरिट्टुनेमी सव्वं तं चेव जाव आभरणं ओमुयइ । तए णं सा थावच्चा गाहावईणी हंसलक्खणेणं पडगसाडएणं आभरणमल्लालंकारं पडिच्छइ हारवारिधाराछिन्नमुत्तावलिप्पगासाइं अंसूणि विणिमुंचमाणी २ एवं वयासी - जइयव्वं जाया ! वडियव्वं जाया ! परक्कमियव्वं जाया ! अस्सि च णं अट्ठे नो पमाएयव्वं । जामेव्व दिसिं पाउब्भूया तामेव दिसिं पडिगया । तए णं से थावच्चापुत्ते पुरिससहस्सेणं सद्धिं सयमेव पंचमुट्ठियं लोयं करेइ जाव पव्वइए । तए णं से थावच्चापुत्ते अणगारे जाए इरियासमिए भासासमिए जाव विहरइ । तए णं से थावच्चापुत्ते अरहओ अरिट्टुनेमिस्स तहारूवाणं थेराणं अंतिए सामाइयमाइयाइं इंकारस अंगाइं चोदसपुच्चाइं अहिज्जइ २ वह्हिं जाव चउत्थेणं विहरइ । तए णं अरहा अरिट्टुनेमी थावच्चापुत्तस्स अणगारस्स तं इच्चाइयं अणगारसहस्सं सीसत्ताए दलयइ । तए णं से थावच्चापुत्ते अन्नया कयाइं अरहं अरिट्टुनेमिं वंदइ नमंसइ २ एवं वयासी - इच्छामि णं भंते ! तुव्वेहिं अब्भणुत्ताए समाणे अणगारसहस्सेणं सद्धिं वहिया जणवयविहारं विहरित्तए । अहासुहं देवाणुप्पिया । तए णं से थावच्चापुत्ते अणगारसहस्सेणं सद्धिं तेणं उरालेणं उग्गेणं पयत्तेणं पग्गहिणं वहिया जणवयविहारं विहरइ ।

(60) तेणं कालेणं २ सेलगपुरे नामं नगरे होत्था । सुभूमिभागे उज्जाणे । सेलए राया पउर्मावई देवीं मंडुए कुमारे जुवराया ।

तस्स णं सेलगस्स पंथगपामोक्खा णं पंच मंतिसया होत्था उप्पत्ति-  
याए ४ उववेया रज्जधुरं चिंतयंति । थावच्चापुत्ते सेलगपुरे समोसंढे ।  
राया निग्गए धम्मकहा । धम्मं सोच्चा जहा णं देवाणुप्पियाणं अंतिए  
बहवे उग्गा भोगा जाव चइत्ता हिरण्णं जाव पव्वइया तथा णं अहं नो  
संचाएमि पव्वइत्तए । अहं णं देवाणुप्पियाणं अंतिए पंचाणुव्वइयं जाव  
समणोवासए जाए अहिगयजीवाजीवे जाव अप्पाणं भावेमाणे विहरइ ।  
पंथगपामोक्खा पंच मंतिसया य समणोवासया जाया । थावच्चापुत्ते  
बहिया जणवयविहारं विहरइ । तेणं कालेणं २ सोगंधिया  
नामं नयरी होत्था वण्णओ । नीलासोए उज्जाणे वण्णओ । तत्थ णं  
सोगंधियाए नयरीए सुदंसणे नामं नयरसेट्ठी परिवसइ अहे जाव अपरि-  
भूए । तेणं कालेणं २ सुंए नामं परिद्यायए होत्था रिउव्वेयजउव्वेय-  
सामवेयअथव्वणवेयसट्ठितंतकुसले संखसमए लद्धट्ठे पंचजामपंच-  
नियमजुत्तं सोयमूलं दसप्पयारं परिद्यायगधम्मं दाणधम्मं च सोय-  
धम्मं च तित्थाभिसेयं च आघवेमाणे पन्नवेमाणे परूवेमाणे धाउरत्त-  
पवरवत्थपरिहिए तिदंडकुंडियछत्तछन्नालयअंकुसपवित्तयकेसरिहत्थगए  
परिद्यायगसहस्सेणं सद्धि संपरिवुडे जेणेव सोगंधिया नयरी जेणेव परि-  
द्यायगावसहे तेणेव उवागच्छइ २ परिद्यायगावसहंसि भंडगनिकखेवं  
करेइ २ संखसमएणं अप्पाणं भावेमाणे विहरइ । तए णं सोगंधियाए  
नगरीए सिंघाडग जाव बहुजणो अन्नमन्नस्स एवमाइक्खइ - एवं खलु  
सुए परिद्यायए इहमागए जाव विहरइ । परिसा निग्गया । सुदंसणो वि  
निग्गए । तए णं से सुए परिद्यायए तीसे परिसाए सुदंसणस्स अन्नेसिं  
च बहूणं संखाणं धम्मं परिकहेइ - एवं खलु सुदंसणा ! अहं सोय-  
मूलए धम्मे पन्नत्ते । से वि य सोए धम्मे दुविहे पन्नत्ते तंजहा-  
दव्वसोए य भावसोए य । दव्वसोए य उदएणं मट्ठियाए य । भावसोए  
दव्वमेहि य मंतेहिं य । जं णं अहं देवाणुप्पिया ! किंचि असुई भवइ  
तं सव्वं सज्जपुढवीए आलिंपइ तओ पच्छा सुद्धेण वारिणा पक्खा-  
लिज्जइ तओ तं असुई सुई भवइ । एवं खलु जीवा जलाभिसेय-

पूयप्पाणो अविग्घेणं सग्गं गच्छंति । तए णं से सुदंसणे सुयस्स अंतिए धम्मं सोच्चा हट्ठे सुयस्स अंतियं सोयमूलयं धम्मं गेण्हइ २ परिट्ठायाए विउलेणं असणेणं ४ पडिलाभेमाणे जाव विहरइ । तए णं से सुए परिट्ठायागवसहाओ सोगंधियाओ नयरीओ निग्गच्छइ २ वहिया जणवयविहारं विहरइ । तेणं कालेणं २ थावच्चापुत्तस्स समोसरणं । परिसा निग्गया । सुदंसणो वि निग्गओ थावच्चापुत्तं वंदइ नमंसइ २ एवं वयासी-तुम्हाणं किंमूलए धम्मे पन्नत्ते ? तए णं से थावच्चापुत्ते सुदंसणेणं एवं वुत्ते समाणे सुदंसणं एवं वयासी-सुदंसणा ! विणयमूले धम्मे पन्नत्ते । से वि य विणए दुविहे पन्नत्ते तंजहा-अगारविणए अणगारविणए य । तत्थ णं जे से अगारविणए से णं पंच अणुव्वयाइं सत्त सिक्खावयाइं एक्कारस उवासगपडिमाओ । तत्थ णं जे से अणगारविणए से णं पंच महव्वयाइं तंजहा-सट्ठाओ पाणाइवायाओ वेरमणं सट्ठाओ मुसावायाओ वेरमणं सट्ठाओ अदिन्नादाणाओ वेरमणं सट्ठाओ मेहुणाओ वेरमणं सट्ठाओ परिग्गहाओ वेरमणं सट्ठाओ राइ-भोयणाओ वेरमणं जाव मिच्छादंसणसल्लोओ दसविहे पच्चक्खाणे वारस भिक्खुपडिमाओ इच्चेएणं दुविहेणं विणयमूलएणं धम्मेणं आणुपुट्ठेणं अट्ठकम्मपगडीओ खवेत्ता लोयग्गपईट्ठाणा भवेत्ति । तए णं थावच्चापुत्ते सुदंसणं एवं वयासी-तुम्भं णं सुदंसणा ! किंमूलए धम्मे पन्नत्ते ? अम्हाणं देवाणुप्पिया ! सोयमूलए धम्मे पन्नत्ते जाव सग्गं गच्छंति । तए णं थावच्चापुत्ते सुदंसणं एवं वयासी-सुदंसणा ! से जहानामए केइ पुरिसे एगं महं रुहिरकयं वत्थं रुहिरेण चेव घोवेज्जा तए णं सुदंसणा ! तस्स रुहिरकयस्स वत्थस्स रुहिरेण पक्खालिज्जमाणस्स अत्थि काइ सोही ? नो इणेट्ठे समट्ठे । एवामेव सुदंसणा ! तुम्भं पि पाणाइवाएणं जाव मिच्छादंसणसल्लेणं नत्थि सोही जहा तस्स रुहिरकयस्स वत्थस्स रुहिरेणं चेव पक्खालिज्जमाणस्स नत्थि सोही । सुदंसणा ! से जहानामए केइ पुरिसे एगं महं रुहिरकयं वत्थं सज्जियाखारेणं अणु-लिपइ २ पय्यणं आरोहेइ २ उण्हं गाहेइ तओ पच्छा सुट्ठेण वारिणा

धोवेज्जा से नूणं सुदंसणा ! तस्स रुहिरकयस्स वत्थस्स सज्जियाखारेणं  
अणुलित्तस्स पयणं आरोहियस्स उण्हं गाहियस्स सुद्धेणं वारिणा पक्खा-  
लिज्जमाणस्स सोही भवइ ? हंता भवइ । एवामेव सुदंसणा ! अम्हं  
पि पाणाइवायवेरमणेणं जाव मिच्छादंसणसल्लवेरमणेणं अत्थि सोही  
जहा वां तस्स रुहिरकयस्स वत्थस्स जाव सुद्धेण वारिणा पक्खालिज्ज-  
माणस्स अत्थि सोही । तत्थ णं सुदंसणे संवुद्धे थावच्चापुत्तं वंदइ नमंसइ  
२ एवं वयासी - इच्छामि णं भंते ! धम्मं सोच्चा जाणित्तए जाव  
समणोवासए जाए अभिगयजीवाजीवे जाव पडिलामेमाणे विहरइ । तए  
णं तस्स सुयस्स परिव्वायगस्स इमीसे कहाए लद्धट्ठस्स समाणस्स अय-  
मेयारूवे जाव समुप्पज्जित्था - एवं खलु सुदंसणेणं सोयधम्मं विप्प-  
जहाय विणयमूले धम्मं पडिवन्ने । तं सेयं खलु मम सुदंसणस्स दिट्ठिं  
वामेत्तए पुणरवि सोयमूलए धम्मं आघवित्तए त्तिकट्ठु एवं संपेहेइ २  
परिद्यायगसहस्सेणं सद्धिं जेणेव सोगंधिया नयरी जेणेव परिद्यायगा-  
वसहे तेणेव उवागच्छइ २ परिद्यायगावसहंसि भंडनिकखेवं करेइ २  
धाउरत्तवत्थपवरपरिहिए पविरलपरिद्यायणेणं सद्धिं संपरिवुडे परिव्वा-  
यगावसहाओ पडिनिकखमइ २ सोगंधियाए नयरीए मज्झंमज्झेणं जेणेव  
सुदंसणस्स गिहे जेणेव सुदंसणे तेणेव उवागच्छइ । तए णं से सुदंसणे  
तं सुयं एज्जमाणं पासइ २ नो अब्भुट्ठेइ नो पच्चुग्गच्छइ नो आढाइ  
नो वंदइ तुसणीए संचिट्ठइ । तए णं से सुए परिद्यायए सुदंसणं  
अणव्भुट्ठियं पासित्ता एवं वयासी - तुव्से णं सुदंसणा ! अन्नया ममं  
एज्जमाणं पासित्ता अब्भुट्ठेसि जाव वंदसि । इयाणि सुदंसणा ! तुमं  
ममं एज्जमाणं पासित्ता जाव नो वंदसि । तं कस्स णं तुमे सुदंसणा !  
इमेयारूवे विणयमूले धम्मं पडिवन्ने ? तए णं से सुदंसणे सुएणं परि-  
द्यायणेणं एवं वुत्ते समाणे आसणाओ अब्भुट्ठेइ २ करयल जाव सुयं  
परिद्यायगं एवं वयासी - एवं खलु देवाणुप्पिया ! अरहओ अरिट्ठ-  
नेमिस्स अंतेवासी थावच्चापुत्ते नामं अणगारे जाव इहमागए इह चेव  
नीलासोए उज्जागे विहरइ । तस्स णं अंतिए विणयमूले धम्मं पडिवन्ने ।

तए णं से सुए सुदंसणं एवं वयासी - तं गच्छामो णं सुदंसणा ! तव धम्मायरियस्स थावच्चापुत्तस्स अंतियं पाउब्भवामो इमाइं च णं एया-  
रूवाइं अट्टाइं हेऊइं पसिणाइं कारणाइं वागरणाइं पुच्छामो । तं जइ मे  
से इमाइं अट्टाइं जाव वागरइ तओ णं वंदामि नमंसामि । अह मे से  
इमाइं अट्टाइं जाव नो से वागरेइ तओ णं अहं एएहिं चेव अट्टेहिं  
हेऊहिं निष्पट्टपसिणवागरणं करिस्सामि । तए णं से सुए परिद्यायग-  
सहस्सेणं सुदंसणेण य सेट्ठिणा सद्धिं जेणेव नीलासोए उज्जाणे जेणेव  
थावच्चापुत्ते अणगारे तेणेव उवागच्छइ २ थावच्चापुत्तं एवं वयासी  
- जत्ता ते भंते ! जवणिज्जं ते अद्यावाहं फासुयविहारं ? तए णं  
से थावच्चापुत्ते सुएणं एवं वुत्ते समाणे सुयं परिद्यायगं एवं वयासी  
- सुया ! जत्तावि मे जवणिज्जं पि मे अद्यावाहं पि मे फासुविहारं पि  
मे । तए णं सुए थावच्चापुत्तं एवं वयासी - किं भंते ! जत्ता ? सुया !  
जं णं मम नाणदंसणचरित्ततवसंजममाइएहिं जोएहिं जोयणा से तं  
जत्ता । से किं तं भंते ! जवणिज्जं ? सुया ! जवणिज्जे दुविहे पन्नत्ते  
तंजहा - इंदियजवणिज्जे य नोइंदियजवणिज्जे य । से किं तं इंदिय-  
जवणिज्जं ? सुया ! जं णं ममं सोयंदियचर्किखदियघाणिंदियजिर्विभ-  
दियफासिंदियाइं निरुवहयाइं वसे वट्ठंति से तं इंदियजवणिज्जे । से  
किं तं नोइंदियजवणिज्जे ? सुया ! जं<sup>३</sup> णं कोहमाणमायालोभा खीणा  
उवसंता नो उदयंति से तं नोइंदियजवणिज्जे । से किं तं भंते ! अच्चा-  
वाहं ? सुया जं णं मम वाइयपित्तियसिंभियसन्निवाइयविविहरोगायंका  
नो उदीरंति से तं अच्चावाहं । से किं तं भंते ! फासुविहारं ? सुया ! जं णं  
आरामेसु उज्जाणेसु देउलेसु सभासु पवासु इत्थीपसुपंडगविवज्जियासु  
वसहीसु पाडिहारियं पीढफलगसेज्जासंथारयं ओगिणिहत्ताणं विहरामि  
से तं फासुविहारं । सरिसवया भंते ! किं भक्खेया अभक्खेया ? सुया !  
सरिसवया भक्खेया वि अभक्खेया वि । से केणट्ठेणं भंते ! एवं वुच्चइ  
सरिसवया भक्खेया वि अभक्खेया वि ? सुया ! सरिसवया दुविहा  
पन्नत्ता तंजहा - मित्तसरिसवया य धन्नसरिसवया य । तत्थ णं जे ते

मित्तसरिसवया ते तिविहा पन्नत्ता तंजहा - सहजायया सहवड्डियया सहपंसुकीलिया य । ते णं समणाणं निग्गंथाणं अभक्खेया । तत्थ णं जे ते धन्नसरिसवया ते दुविहा पन्नत्ता तंजहा - सत्थपरिणया य असत्थपरिणया य । तत्थ णं जे ते असत्थपरिणया ते समणाणं निग्गंथाणं अभक्खेया । तत्थ णं जे ते सत्थपरिणया ते दुविहा पन्नत्ता तंजहा - फासुया य अफासुया य । अफासुया णं सुया ! नो भक्खेया । तत्थ णं जे ते फासुया ते दुविहा पन्नत्ता तंजहा - जाइया य अजाइया य । तत्थ णं जे ते अजाइया ते अभक्खेया । तत्थ णं जे ते जाइया ते दुविहा पन्नत्ता तंजहा - एसणिज्जा य अणेसणिज्जा य । तत्थ णं जे ते अणेसणिज्जा ते अभक्खेया । तत्थ णं जे ते एसणिज्जा ते दुविहा पन्नत्ता तंजहा - लद्धा य अलद्धा य । तत्थ णं जे ते अलद्धा ते अभक्खेया । तत्थ णं जे ते लद्धा ते निग्गंथाणं भक्खेया । एएणं अट्ठेणं सुया ! एवं वुच्चइ सरिसवया भक्खेया वि अभक्खेया वि । एवं कुलत्था वि भाणियव्वा नवरं इमं नाणत्तं - इत्थिकुलत्था य धन्नकुलत्था य । इत्थिकुलत्था तिविहा पन्नत्ता तंजहा - कुलवहूया य कुलमाउया इ य कुलधूया इ य । धन्नकुलत्था तहेव । एवं मासा वि नवरं इमं नाणत्तं - मासा तिविहा पन्नत्ता तंजहा - कालमासा य अत्थमासा य धन्नमासा य । तत्थ णं जे ते कालमासा ते णं दुवालसविहा पन्नत्ता तंजहा - सावणे जाव आसाढे । ते णं समणाणं २ अभक्खेया । अत्थमासा दुविहा - हण्णमासा य सुवण्णमासा य । ते णं अभक्खेया । धन्नमासा तहेव । एगे भवं दुवे भवं अणेगे भवं अक्खए भवं अव्वए भवं अवट्ठिए भवं अणेगभूयभावभविए वि भवं ? सुया ! एगे वि अहं जाव अणेगभूयभावभविए वि अहं । से केणट्ठेणं भंते ! एगे वि अहं जाव सुया ! दव्वट्ठयाए एगे वि अहं नाणदंसणट्ठयाए दुवे वि अहं पएसट्ठयाए अक्खए वि अहं अव्वए वि अहं अवट्ठिए वि अहं उवओगट्ठयाए अणेगभूयभावभविए वि अहं । एत्थ णं से सुए संवुद्धे थावच्चापुत्तं वंदइ नमंसइ २ एवं वयासी - इच्छामि णं भंते ! तुव्भं अंतिए



केवलपन्नत्तं धम्मं निसामित्तए । धम्मकहा भाणियव्वा । तए णं से सुए परिव्वायए थावच्चापुत्तस्स अंतिए धम्मं सोच्चा निसम्म एवं वयासी-  
इच्छामि णं भंते ! परिव्वायगसहस्सेणं सद्धिं संपरिवुडे देवाणुप्पियाणं  
अंतिए मुंडे भवित्ता पव्वइत्तए । अहासुहं देवाणुप्पिया जाव उत्तरपुरत्थिमे  
दिसीभाए तिदंडयं जाव धाउरत्ताओ य एगंते एडेइ २ सयमेव सिहं  
उप्पाडेइ २ जेणेव थावच्चापुत्ते २ तेणेव उवागच्छइ जाव मुंडे भवित्ता  
जाव पव्वइए सामाइयमाइयाइं इक्कारस अंगाइं चोइसपुव्वाइं अहिजइ ।  
तए णं थावच्चापुत्ते सुयस्स अणगारस्स सहस्सं सीसत्ताए वियरइ । तए णं  
थावच्चापुत्ते सोगंधियाओ नीलासोयाओ पडिनिक्खमइ २ वहिया जण-  
वयविहारं विहरइ । तए णं से थावच्चापुत्ते अणगारसहस्सेणं सद्धिं संप-  
परिवुडे जेणेव पुंडरीयपव्वए तेणेव उवागच्छइ २ पुंडरीयं पव्वयं सणियं  
२ दुरुहइ २ मेघघणसन्निगासं देवसन्निवायं पुढविसिलापट्टयं जाव  
पाओवगमणं कए । तए णं से थावच्चापुत्ते बहूणि चासाणि सामण-  
परियागं पाउणित्ता मासियाए संलेहणाए सट्ठिं भत्ताइं अणसणाए छेएइ  
जाव केवलवरत्ताणदंसणं समुप्पाडेत्ता तओ पच्छा सिद्धे जाव प्पहीणे ।

(61) तए णं से सुए अन्नया कयाइ जेणेव सेलगपुरे नगरे जेणेव  
सुभूमिभागे उज्जाणे समोसरणं परिसा निग्गया सेलओ निग्गच्छइ धम्मं  
सोच्चा जं नवरं देवाणुप्पिया ! पंथगपामोक्खाइं पंच मंतिसयाइं आ-  
पुच्छामि मंडुयं च कुमारं रज्जे ठावेमि तओ पच्छा देवाणुप्पियाणं अंतिए  
मुंडे भवित्ता अगाराओ अणगारियं पव्वयामि । अहासुहं । तए णं से  
सेलए राया सेलगपुरं नगरं अणुप्पविसइ २ जेणेव सए गिहे जेणेव  
वाहिरिया उवट्ठाणसाला तेणेव उवागच्छइ २ सीहासणे निसण्णे । तए  
णं से सेलए राया पंथगपामोक्खा पंच मंतिसया सदावेइ २ एवं वयासी-  
एवं खलु देवाणुप्पिया ! मए सुयस्स अंतिए धम्मे निसंते । से वि य मे  
धम्मे इच्छिए पडिच्छिए अभिरुइए । अहं णं देवाणुप्पिया ! संसार-  
भउव्विग्गे जाव पव्वयामि । तुव्वे णं देवाणुप्पिया किं करेह किं ववसह  
किं वा भे हियइच्छिए समत्थे ति ? तए णं ते पंथगपामोक्खा सेलगं

रायं एवं वयासी-जइ णं तुब्भे देवाणुप्पिया ! संसार जाव पव्वयह  
 अम्हाणं देवाणुप्पिया ! को अन्ने आंधारे वा आलंवे वा ? अम्हे वि य णं  
 देवाणुप्पिया ! संसारभउव्विग्गा जाव पव्वयामो । जहा णं देवाणुप्पिया !  
 अम्हं बहुसु कज्जेसु य जाव तहा णं पव्वइयाण वि समानाणं वहुसु जाव  
 चक्खुभूए । तए णं से सेलगे पंथगपामोक्खे पंच मंतिसए एवं वयासी-  
 जइ णं तुब्भे देवाणुप्पिया ! संसार जाव पव्वयह तं गच्छह णं देवाणुप्पिया !  
 सएसु २ कुडुंवेसु जेट्ठपुत्ते कुडुंवमज्जे ठावेत्ता पुरिससहस्सवाहिणीयाओ  
 सीयाओ दुरुढा समाणा मम अंतियं पाउब्भवह । ते वि तहेव पाउब्भ-  
 वंति । तए णं से सेलए राया पंच मंतिसयाइं पाउब्भवमाणाइं पासइ  
 हट्ठुत्ते कोडुंवियपुरिसे सदावेइ २ एवं वयासी-खिप्पामेव भो देवाणु-  
 प्पिया ! मंडुयस्स कुमारस्स महत्थं जाव रायाभिसेयं उवट्ठवेह जाव अभि-  
 सिंचइ जाव राया जाए विहरइ । त एणं से सेलए मंडुयं रायं आपुच्छइ ।  
 तए णं मंडुए राया कोडुंवियपुरिसे सदावेइ २ एवं वयासी-खिप्पामेव  
 सेलगपुरं नयरं आसिय जाव गंधवट्ठिभूयं करेह कारवेह य २ एवमाणत्तियं  
 पच्चप्पिणह । तए णं से मंडुए दोच्चं पि कोडुंवियपुरिसे सदावेइ २  
 एवं वयासी-खिप्पामेव सेलगस्स रत्तो महत्थं जाव निक्खमणा-  
 भिसेयं जहेव मेहस्स तहेव नवरं पउमावईदेवी अगगैसे पडिच्छइ सव्वे वि  
 पडिग्गहं गहाय सीयं दुरुहंति अवसेसं तहेव जाव समाइयमाइयाइं  
 एक्कारस्स अंगाइं अहिज्जइ २ वहुहिं चउत्थ जाव विहरइ । तए णं से सुए  
 सेलगस्स अणगारस्स ताइं पंथगपामोक्खाइं पंच अणगारसयाइं  
 सीसत्ताए वियरइ । तए णं से सुए अन्नया कयाइ सेलगपुराओ सुभूमि-  
 भागाओ उज्जाणाओ पडिनिक्खमइ २ वहिया जणवयविहारं विहरइ ।  
 तए णं से सुए अणगारे अन्नया कयाइ तेणं अणगारसहस्सेणं सद्धिं संपरि-  
 बुडे पुट्ठाणुपुट्ठि चरमाणे गामाणुगामं विहरमाणे जेणेव पुंडरीयपट्टए  
 तेणेव उवागच्छइ जाव सिद्धे ।

(62) तए णं तस्स सेलगस्स रायरिसिस्स तेहिं<sup>१</sup> अंतेहि य पंतेहि  
 य तुच्छेहि य लूहेहि य अरसेहि य विरसेहि य तीरेहि य उण्हेहि य

कालाइकंतेहि य पमाणाइकंतेहि य निच्चं पाणभोयणेहि य पयइ-  
सुकुमालस्स य सुहोचियस्स सरीरगंसि वेयणा पाउब्भूया उज्जला जाव  
दुरहियासा कंडुदाहपित्तज्जरपरिगयसरीरे यावि विहरइ । तए णं से  
सेलए तेणं रोयायंकेणं सुक्खे जाए यावि होत्था । तए णं से सेलए  
अन्नया कयाइं पुद्वाणुपुर्व्वि चरमाणे जाव जेणेव सुभूमिभागे जाव  
विहरइ । परिसा निग्गया मंडुओ वि निग्गओ सेलगं अणगारं वंदइ  
जाव पज्जुवासइ । तए णं से मंडुए राया सेलगस्स अणगारस्स सरीरगं  
सुकं जाव सद्वावाहं सरोगं पासइ २ एवं वयासी-अहं णं भंते !  
तुव्भं अहापवत्तेहिं तिगिच्छिणहिं अहापवत्तेणं ओसहभेसज्जभत्त-  
पाणेणं तिगिच्छं आउंटावेमि । तुव्भे णं भंते ! मम जाणसालासु समो-  
सरह फासुएसणिज्जं पीढकलगसेज्जासंथारगं ओगिणिहत्ताणं विहरह ।  
तए णं से सेलए अणगारे मंडुयस्स रत्तो एयमट्ठं तहत्ति पडिखुणेइ ।  
तए णं से मंडुए सेलगं वंदइ नमंसइ २ जामेव दिसिं पाउब्भूए तामेव  
दिसिं पडिगए । तए णं से सेलए कल्लं जाव जलंते सभंडमत्तोवगरण-  
मायाए पंथगपामोक्खेहिं पंचहिं अणगारसएहिं सद्धिं सेलगपुरमणुप्प-  
विसइ जेणेव मंडुयस्स जाणसाला तेणेव उवागच्छइ २ फासुयं पीढ  
जाव विहरइ । तए णं से मंडुए तिगिच्छिण सद्वावेइ २ एवं वयासी-  
तुव्भे णं देवाणुप्पिया ! सेलगस्स फासुएसणिज्जेणं जाव तिगिच्छं  
आउंटेह । तए णं तिगिच्छया मंडुएणं रत्ता एवं बुत्ता हट्ठुत्ता सेलगस्स  
अहापवत्तेहिं ओसहभेसज्जभत्तपाणेहिं तिगिच्छं आउंटेति मज्जपाणणं च  
से उवदिसंति<sup>१</sup> । तए णं तस्स सेलगस्स अहापवत्तेहिं जाव मज्जपाणणं  
से रोगायंके उवसंते जाए यावि होत्था हेट्ठे वलियंसरीरे जाए ववगय-  
रोगायंके । तए णं से सेलए तंसि रोयातंकंसि उवसंतंसि समाणंसि तंसि  
विपुलंसि असणंसि ४ मज्जपाणए य मुच्छिण गट्ठिण गिद्धे अज्झोववन्ने  
ओसन्ने ओसन्नविहारी एवं पासत्थे २ कुसीले २ पमत्ते २ संसत्ते २ उउवद्ध-  
पीढफलगसेज्जासंथारए पमत्ते यावि विहरइ नो संचाएइ फासुएसणिज्जं  
पीढं पच्चप्पिणित्ता मंडुयं च रायं आपुच्छित्ता वहिया जाव विहरित्तए ।

(63) तए णं तेसिं पंथगवज्जाणं पंचण्हं अणगारसयाणं अन्नया कयाइ एगयओ सहियाणं जाव पुव्वरत्तावरत्तकालसमयंसि धम्मजागरियं जागरमाणं अयमेयारूवे अज्झत्थिए जाव समुप्पज्जित्था - एवं खलु सेलए रायरिसी चइत्ता रज्जं च ४ जाव पव्वइए विउले असणे ४ मज्जपाणए मुच्छिए ४ नो संचाएइ चइउं जाव विहरित्तए । नो खलु कप्पइ देवाणुप्पिया ! समणाणं जाव पमत्ताणं विहरित्तए । तं सेयं खलु देवाणुप्पिया ! अम्हं कल्लं सेलगं रायरिसिं आपुच्छित्ता पाडिहारियं पीढफलग-सेज्जासंथारयं पच्चप्पिणित्ता सेलगस्स अणगारस्स पंथयं अणगारं वेयावच्चकरं ठावेत्ता वहिया अब्भुज्जएणं जाव विहरित्तए । एवं संपेहेति २ कल्लं जेणेव सेलगरायरिसी आपुच्छित्ता पाडिहारियं पीढफलग जाव पच्चप्पिणंति २ पंथयं अणगारं वेयावच्चकरं ठावेति २ वहिया जाव विहरंति ।

(64) तए णं से पंथए सेलगस्स सेज्जासंथारउच्चारपासवणखेल्ले सिंघाणमलाओ ओसहमेसज्जभत्तपाणएणं अंगिलाए विणएणं वेयावडि-यं करेइ । तए णं से सेलए अन्नया कयाइ कत्तियचाउम्मासियंसि विउलं असणं ४ आहारमाहारिए सुवहुं च मज्जपाणयं पीए पुव्वावरणहकाल-समयंसि सुहप्पसुत्ते । तए णं से पंथए कत्तियचाउम्मासियंसि कय-काउस्सग्गे देवसियं पडिक्कमणं पडिक्कंते चाउम्मासियं पडिक्कमिउं कामे सेलगं रायरिसिं खामणट्ठयाए सीसेणं पाएसु संघट्टेइ । तए णं से सेलए पंथएणं सीसेणं पाएसु संघट्टिए समाणे आसुरुत्ते जाव मिसिमिसेमाणे उट्टेइ २ एवं वयासी - से केस णं भो एस अपत्थियपत्थिए जाव वज्जिए जे णं ममं सुहप्पसुत्तं पाएसु संघट्टेइ ? तए णं से पंथए सेलएणं एवं वुत्ते समाणे भीए तत्थे तसिए करयल जाव कट्ठु एवं वयासी - अहं णं भंते ! पंथए कयकाउस्सग्गे देवसियं पडिक्कमणं पडिक्कंते चाउम्मासियं खामेमाणे देवाणुप्पियं वंदमाणे सीसेणं पाएसु संघट्टेमि । तं खामेमि णं तुव्वे देवाणुप्पिया ! खमन्तु मे अवराहं तुमं णं देवाणुप्पिया ! नाइभुज्जो एवं करणयाए त्तिकट्ठु सेलयं अणगारं एयमट्ठं सम्मं विणएणं भुज्जो २ खामेइ । तए णं तस्स सेलगस्स रायरिसिस्स पंथएणं एवं वुत्तस्स

अयमेयारूवे जाव समुप्पज्जित्था-एवं खलु अहं रज्जं च जाव ओसन्नो जाव उडवद्धपीढं विहरामि । तं नो खलु कप्पइ समणाणं २ पासत्थाणं जाव विहरित्तए । तं सेयं खलु मे कल्लं मंडुयं रायं आपुच्छित्ता पाडि-  
हारियं पीढफलगसेज्जासंधारणं पच्चप्पिणित्ता पंथएणं अणगारेणं सद्धिं वहिया अवमुज्जएणं जाव जणवयविहारेणं विहरित्तए । एवं संपेहेइ २ कल्लं जाव विहरइ ।

(65) एवामेव समणाउसो ! जाव निग्गंथो वा २ ओसन्ने जाव संधारए पमत्ते विहरइ से णं इहलोए चेव वट्ठणं समणाणं ४ हील-  
णिज्जे संसारो भाणियव्वो । तए णं ते पंथगवज्जा पंच अणगारसया इमीसे कहाए लद्धट्ठा समाणा अन्नमन्नं सद्धान्वेति २ एवं वयासी-एवं खलु सेलए रायरिसी पंथएणं वहिया जाव विहरइ । तं सेयं खलु देवाणु-  
प्पिया ! अहं सेलगं रायरिसिं उवसंपज्जित्ताणं विहरित्तए । एवं संपेहेति २ सेलगं रायरिसिं उवसंपज्जित्ताणं विहरंति ।

(66) तए णं से सेलए रायरिसी पंथगपामोक्खां पंच अणगारसया वट्ठणि वासाणि सामण्णपरियागं पाउणिता जेणेव पुंडरीयपट्टए तेणेव उवागच्छंति २ जहेव थावचापुत्ते तहेव सिद्धा ४ । एवामेव समणाउसो ! जो निग्गंथो वा २ जाव विहरिस्सइ ।

एवं खलु जंवू ! समणेणं भगवया महावीरेणं जाव संपत्तेणं पंचमस्स नायज्झयणस्स अयमट्ठे पन्नत्ते त्तिवेमि ॥

॥ पंचमं नायज्झयणं समत्तं ॥

॥ छट्ठं अज्झयणं ॥

(67) जइ णं भंते ! समणेणं जाव संपत्तेणं पंचमस्स नाय-  
ज्झयणस्स अयमट्ठे पन्नत्ते छट्ठस्स णं भंते ! नायज्झयणस्स समणेणं जाव संपत्तेणं के अट्ठे पन्नत्ते ? एवं खलु जंवू ! तेणं कालेणं २ रायंगिहे समोसरणं परिसा निग्गया । तेणं कालेणं २ समणस्स जेट्ठे

इंदभूई नामं अणगारे अदूरसामंते जाव सुक्कज्झाणोवगए विहरइ । तए णं से इंदभूई जायसद्धे जाव एवं वयासी - कहं णं भंते ! जीवा गरु-  
यत्तं वा लहुयत्तं वा हव्वमागच्छंति ? गोयमा ! से जहानामए केइ  
गुरिसे एगं महं सुक्कतुवं निच्छिइं निरुवहयं दब्भेहि य कुसेहि य वेढेइ  
२ मट्टियालेवेणं लिंपइ २ उण्हे दलयइ २ सुक्कं समाणं दोच्चं पि दब्भेहि  
य कुसेहि य वेढेइ २ मट्टियालेवेणं लिंपइ २ उण्हे दलयइ २ सुक्के  
समाणे तच्चं पि दब्भेहि य कुसेहि य वेढेइ मट्टियालेवेणं लिंपइ । एवं  
खलु एएणं उवाएणं सत्तंरत्तं वेढेमाणे अंतरा लिप्पमाणे अंतरा सुक्का-  
वेमाणे जाव अट्ठहिं मट्टियालेवेहिं आलिंपइ २ अत्थाहमतारमपोरिसियंसि  
उदगंसि पक्खिवेज्जा । से नूणं गोयमा ! से तुंवे तेसिं अट्ठहं मट्टिया-  
लेवेणं गुरुययाए भारियाए उप्पि सलिलमइवइत्ता अहे धरणियलपइट्ठाणे  
भवइ । एवामेव गोयमा ! जीवा वि पाणाइवाएणं जाव मिच्छादंसणसल्लेणं  
अणुपुव्वेणं अट्ठकम्मपगडीओ समज्जिणित्ता तासिं गरुययाए भारिययाए  
एवामेव कालमासे कालं किच्चा धरणियलमइवइत्ता अहे नरगतलपइट्ठाणा  
भवन्ति ! एवं खलु गोयमा ! जीवा गरुयत्तं हव्वमागच्छंति । अहे णं  
गोयमा ! से तुंवे तंसिं पढमिल्लुगंसि मट्टियालेवंसि तिन्नंसि कुहियंसि  
परिसडियंसि ईसिं धरणियलाओ उप्पइत्ताणं चिट्ठइ । तयाणंतरं दोच्चं पि  
मट्टियालेवे जाव उप्पइत्ताणं चिट्ठइ । एवं खलु एएणं उवाएणं तेसु अट्ठसु  
मट्टियालेवेसु तिन्नेसु जाव विमुक्कबंधणे अहे धर<sup>१०</sup>णियलमइवइत्ता उप्पि  
सलिल<sup>११</sup>तलपइट्ठाणे भवइ । एवामेव गोयमा ! जीवा पाणाइवायवेरमणेणं  
जाव मिच्छादंसणसल्लवेरमणेणं अणुपुव्वेणं अट्ठकम्मपगडीओ खवेत्ता  
गगणतलमुप्पइत्ता उप्पि लोयग्गपइट्ठाणा भवन्ति । एवं खलु गोयमा !  
जीवा लहुयत्तं हव्वमागच्छंति ।

एवं खलु जंवू ! समणेणं जाव संपत्तेणं छट्ठस्स नायज्झयणस्स  
अयमट्ठे पन्नत्ते त्तिवेमि ॥

॥ छट्ठं नायज्झयणं समत्तं ॥

॥ सत्तमं अज्झयणं ॥

(68) जइ णं भंते ! समणेणं जाव संपत्तेणं छट्ठस्स नायज्झयणस्स अयमट्ठे पन्नत्ते सत्तमस्स णं भंते ! नायज्झयणस्स के अट्ठे पन्नत्ते ? एवं खलु जंवू ! तेणं कालेणं २ रायगिहे नामं नयरे होत्था । सुभूमिभागे उज्जाणे । तत्थ णं रायगिहे नयरे धेणे नामं सत्थवाहे परिवसइ अट्ठे जाव अपरिभूए । भद्दा भारिया अहीणपंचिदियसरीरा जाव सुरूवा । तस्स णं धणस्स सत्थवाहस्स पुत्ता भद्दाए भारियाए अत्तया चत्तारि सत्थवाहदारगा होत्था तंजहा-धणपाले धणदेवे धणगोवे धणरक्खिए । तस्स णं धणस्स सत्थवाहस्स चउण्हं पुत्ताणं भारियाओ चत्तारि सुण्हाओ होत्था तंजहा-उज्झिया भोगवइया रक्खइया रोहिणिया । तए णं तस्स धणस्स सत्थवाहस्स अन्नया कयाइं पुट्ठरत्तावरत्तकालसमयंसि इमेयारूवे अज्झत्थिए ४ जाव समुप्पज्जित्था-एवं खलु अहं रायगिहे नयरे वहूणं राईसरतलवर जाव पमिईणं सयस्स य कुडुंवस्स वहसु कज्जेसु य कारणेसु य कोडुंवेसु य मंतणेसु य गुज्जेसु रहस्सेसु निच्छएसु ववहारेसु य आपुच्छणिज्जे पडिपुच्छणिज्जे मेढी पमाणं आहारे आलंवणे चक्खू मेढीपमाणभूए सव्वकज्जवट्ठावए । तं न नज्जइ णं मए गयंसि वा चुयंसि वा मयंसि वा भग्गंसि वा लुग्गंसि वा सडियंसि वा पडियंसि वा विदेसगयंसि वा विप्पवसियंसि वा इमस्स कुडुंवस्स के मत्ते आहारे वा आलंवे वा पडिवंधे वा भविस्सइ । तं सेयं खलु मम कल्लं जाव जलंते विपुलं असणं ४ उवक्खडावेत्ता मित्तनाइ० चउण्हं य सुण्हाणं कुलघरवग्गं आमंतेत्ता तं मित्तनाइनियगसयण० चउण्हं य सुण्हाणं कुलघरवग्गं विपुलेणं असणेणं ४ धूवपुप्फवत्थगंधं जाव सक्कारेत्ता संमाणेत्ता तस्सेव मित्तनाइ जाव चउण्हं सुण्हाणं कुलघरवग्गस्स य पुरओ चउण्हं सुण्हाणं परिक्खणट्ठयाए पंच २ सालिअक्खए दलइत्ता जाणामि ताव का किह वा सारक्खेइ वा संगोवेइ वा संवट्ठेइ वा । एवं संपेहेइ २ कल्लं जाव मित्तनाइ० चउण्हं सुण्हाणं कुलघरं आमंतेइ २ विपुलं असणं ४ उवक्खडावेइ तओ पच्छा ण्हाए भोयणमंडवंसि

सुहासणवरगए तं मित्तनाइ० चउण्हं सुण्हाणं कुलघरवग्गेणं सद्धिं तं विपुलं असणं ४ जाव सक्कारेइ २ तस्सेव मित्तनाइ० चउण्हं य सुण्हाणं कुलघरवग्गस्स य पुरओ पंच सालिअक्खए गेण्हइ २ जेट्ठं सुण्हं उज्झियं सद्दावेइ २ एवं वयासी-तुमं णं पुत्ता ! मम हत्थाओ इमे पंच सालिअक्खए गेण्हाहि २ अणुपुब्बेणं सारक्खमाणी संगोवेमाणी विहराहि । जया ण अहं पुत्ता ! तुमं इमे पंच सालिअक्खए जाएज्जा तथा णं तुमं मम इमे पंच सालिअक्खए पडिनिज्जाएज्जासि त्तिकट्ठु सुण्हाए हत्थे दलयइ २ पडिविसज्जेइ । तए णं सा उज्झिया धणस्स तह त्ति एयमट्ठं पडिसुणेइ २ धणस्स सत्थवाहस्स हत्थाओ ते पंच सालिअक्खए गेण्हइ २ एगंतमवक्कमइ एगंतमवक्कमियाए इमेयारूवे अज्झत्थिए ४ जाव समुप्पज्जित्था-एवं खलु तायाणं कोट्टागारंसि वहवे पल्ला सालीणं पडिपुण्णा चिट्ठंति । तं जया णं मम ताओ इमे पंच सालिअक्खए जाएसइ तथा णं अहं पल्लंतराओ अन्ने पंच सालिअक्खए गहाय दाहामि त्तिकट्ठु एवं संपेहेइ २ ते पंच सालिअक्खए एगंते एडेइ सकम्मसंजुत्ता जाया यावि होत्था । एवं भोगवइयाए वि नवरं सा छोल्लइ २ अणुगिलइ २ सकम्मसंजुत्ता जाया यावि होत्था । एवं रक्खिया वि नवरं गेण्हइ २ इमेयारूवे अज्झत्थिए ४-एवं खलु ममं ताओ इमस्स मित्तनाइ० चउण्हं य सुण्हाणं कुलघरवग्गस्स य पुरओ सद्दावेत्ता एवं वयासी-तुमं णं पुत्ता ! मम हत्थाओ जाव पडिनिज्जाएज्जासि त्तिकट्ठु मम हत्थंसि पंच सालिअक्खए दलयइ । तं भवियव्वं एत्थ कारणेणं त्तिकट्ठु एवं संपेहेइ २ ते पंच सालिअक्खए सुद्धे वत्थे वंधइ २ रयणकरंडियाए पक्खिवइ २ उसीसामूले ठावेइ २ तिसंझं पडिजागरमाणी २ विहरइ । तए णं से धणे सत्थवाहे तहेव मित्त जाव चउत्थि रोहिणीयं सुण्हं सद्दावेइ २ जाव तं भवियव्वं एत्थ कारणेणं त्तिकट्ठु सेयं खलु मम एए पंच सालिअक्खए सारक्खमाणीए संगोवेमाणीए संवहेमाणीए त्तिकट्ठु एवं संपेहेइ २ कुलघरपुरिसे सद्दावेइ २ एवं वयासी-तुव्भे णं देवाणुप्पिया ! एए पंच सालिअक्खए गेण्हहं २ पढम-



पाउसंसि महाबुद्धिकायंसि निवइयंसि समाणंसि खुड्डागं केयारं सुपरि-  
 कम्मियं करेह २ इमे पंच सालिअक्खए वावेह २ दोच्चं पि तच्चं पि  
 उक्खयनिहए करेह २ वाडिपक्खेवं करेह २ सारक्खमाणा संगोवेमाणा  
 आणुपुव्वेण संवहेह । तए णं ते कोडुंविया रोहिणीए एयमट्ठं पडिसुणेति  
 ते पंच सालिअक्खए गेण्हंति २ अणुपुव्वेण सारक्खंति संगोविंति । तए  
 णं ते कोडुंविया पढमपाउसंसि महाबुद्धिकायंसि निवइयंसि समाणंसि  
 खुड्डागं केयारं सुपरिकम्मियं करेति २ ते पंच सालिअक्खए ववंति  
 दोच्चं पि तच्चं पि उक्खयनिहए करेति २ वाडिपरिक्खेवं करेति अणु-  
 पुव्वेण सारक्खेमाणा संगोवेमाणा संवहेमाणा विहरंति । तए णं ते साली  
 अणुपुव्वेण सारक्खिज्जमाणा संगोविज्जमाणा संवह्मिज्जमाणा साली  
 जाया किण्हा किण्होभासा जाव निउरंवभूया पासाईया ४ । तए णं ते  
 साली पत्तिया वत्तिया गम्भिया पसूइया आगयगंधा खीराइया वद्धफला  
 पक्का परियागया सल्लईया पत्तईया हरियपव्वकंडा जाया यावि होत्था ।  
 तए णं ते कोडुंविया ते साली पत्तिए जाव सल्लइयपत्तइए जाणित्ता  
 तिक्खेहिं नवपज्जणएहिं असिण्हिं लुणंति २ करयलमलिए करेति २  
 पुणंति । तत्थ णं चोक्खाणं सूईयाणं अखंडाणं अकुडियाणं छडछडापूयाणं  
 सालीणं मागहए पत्थए जाए । तए णं ते कोडुंविया ते साली नवएसु  
 घडएसु पक्खिवंति उल्लिपंति २ लंछियमुद्दिए करेति २ कोट्टागारस्स एगं-  
 देसंसि ठावेति सारक्खमाणा संगोवेमाणा विहरंति । तए णं ते कोडुंविया  
 दोच्चंसि वासारत्तंसि पढमपाउसंसि महाबुद्धिकायंसि निवइयंसि  
 खुड्डागं केयारं सुपरिकम्मियं करेति ते साली ववंति दोच्चं पि उक्खाय-  
 णिहए जाव लुणंति जाव चलणतलमलिए करेति २ पुणंति । तत्थ णं  
 सालीणं वहवे कुंडवा जाव एगदेसंसि ठावेति २ सारक्खेमाणा संगोवे-  
 माणा विहरंति । तए णं ते कोडुंविया तच्चंसि वासारत्तंसि महाबुद्धि-  
 कायंसि निवइयंसि वहवे केयारे सुपरिकम्मिए जाव लुणंति २ संवहंति २  
 खलयं करेति २ मलेति जाव वहवे कुंभा जाया । तए णं ते कोडुंविया  
 साली कोट्टागारंसि पल्लेवंति जाव विहरंति । चउत्थे वासारत्ते वहवे

कुंभसया जाया । तए णं तस्स धणस्स पंचमयंसि संवच्छरसि परि-  
णममाणंसि पुव्वरत्तावरत्तकालसमयंसि इमेयारूवे अज्झत्थिए ४ जाव  
समुण्णज्जित्था-एवं खलु मए इओ अईए पंचमे संवच्छरे चउण्हं  
सुण्हाणं परिकखणट्ठयाए ते पंच २ सालिअक्खया हत्थे दिन्ना । तं सेयं  
खलु मम कल्लं जाव जलंते पंच सालिअक्खए परिजाइत्तए जाव जाणामि  
काए किह सारक्खिया वा संगोविया वा संवद्धिया वा । एवं संपेहेइ २  
कल्लं जाव जलंते विपुलं असणं ४ मित्तनाइनियग० चउण्ह य सुण्हाणं  
कुलघरवग्गं जाव सम्माणित्ता तस्सेव मित्त जाव चउण्ह य सुण्हाणं कुल-  
घरवग्गस्स पुरओ जेट्ठं उज्झिययं सद्दावेइ २ एवं वयासी-एवं खलु  
अहं पुत्ता ! इओ अईए पंचमंसि संवच्छरंसि इमस्स मित्त जाव चउण्ह  
य सुण्हाणं कुलघरस्स य पुरओ तव हत्थंसि पंच सालिअक्खए दलयामि  
जया णं अहं पुत्ता ! एए पंच सालिअक्खए जाएज्जा तया णं तुमं  
मम इमे पंच सालिअक्खए पडिनिज्जाएसि त्तिकट्ठु । से नूणं पुत्ता !  
अट्ठे समट्ठे ? हंता अत्थि । तं णं तुमं पुत्ता ! मम ते सालिअक्खए  
पडिनिज्जाएसि । तए णं सा उज्झिया एयमट्ठं धणस्स पडिसुणेइ जेणेव  
कोट्टागारं तेणेव उवागच्छइ २ पल्लाओ पंच सालिअक्खए गेण्हइ २  
जेणेव धणे सत्थवाहे तेणेव उवागच्छइ २ एवं वयासी-एए णं  
ते पंच सालिअक्खए त्तिकट्ठु धणस्स हत्थंसि ते पंच सालिअक्खए  
दलयइ । तए णं धणे उज्झियं सवहसावियं करेइ २ एवं वयासी-किं  
णं पुत्ता ! ते चेव पंच सालिअक्खए उदाहु अन्ने ? तए णं उज्झिया धणं  
सत्थवाहं एवं वयासी-एवं खलु तुव्वे ताओ ! इओ अईए पंचमे संव-  
च्छरे इमस्स मित्तनाइ० चउण्ह य जाव विहराहि । तए णं अहं तुव्वं  
एयमट्ठं पडिसुणेमि ते पंच सालिअक्खए गेण्हामि एगंतमवक्कमामि । तए  
णं मम इमेयारूवे अज्झत्थिए ४ जाव समुण्णज्जित्था-एवं खलु तायाणं  
कोट्टागारंसि जाव सकम्मसंजुत्ता । तं नो खलु ताया ! ते चेव पंच सालि-  
अक्खए एए णं अन्ने । तए णं से धणे उज्झइयाए अंतिए एयमट्ठं सोच्चा  
निसम्म आ सुरुत्ते जाव मिसिमिसेमाणे उज्झइयं तस्स मित्तनाइ० चउण्हं

सुण्हाणं कुलघरवग्गस्स य पुरओ तस्स कुलघरस्स छाखज्झियं च छाणु-  
 ज्झियं च कयवरुज्झियं च संपुच्छियं च सम्मज्जियं च पाउवदाइयं च  
 ण्हाणोवदाइयं च बाहिरपेसणकारियं च ठवेइ । एवामेव समणाउसो !  
 जो अम्हं निग्गंथो वा २ जाव पद्यइए पंच य से महव्वयाइं उज्झियाइं  
 भवंति से णं इहभवे चेव बहूणं समणाणं ४ हीलणिज्जे जाव अणुपरि-  
 यट्ठइस्सइ जहा सा उज्झिया । एवं भोगवइया वि नवरं तस्स कुलघरस्स  
 कंडितियं च कोट्टितियं च पीसंतियं च एवं रुच्चंतियं रंधंतियं परिवेसं-  
 तियं च परिभायंतियं च अब्भितरियं च पेसणकारिं महाणसिणिं ठवेइ ।  
 एवामेव समणाउसो ! जो अम्हं समणो वा पंच य से महव्वयाइं  
 फोडियाइं भवंति से णं इहभवे चेव बहूणं समणाणं ४ जाव हीलणिज्जे  
 ४ जहाव सा भोगवइया । एवं रक्खिइयावि नवरं जेणेव वासघरे  
 तेणेव उवागच्छइ २ मंजूसं विहाडेइ २ रयणकरंडगाओ ते पंच सालि-  
 अक्खए गेण्हइ २ जेणेव धणे सत्थवाहे तेणेव उवागच्छइ २ पंच  
 सालिअक्खए धणस्स हत्थे दलयइ । तए णं से धणे रक्खिइयं एवं  
 वयासी-किं णं पुत्ता ! ते चेव एए पंच सालिअक्खए उदाहु अन्ने ?  
 तए णं रक्खिइया धणं एवं वयासी-ते चेव ताया ! एए पंच  
 सालिअक्खया नो अन्ने । कहं णं पुत्ता ? एवं खलु ताओ ! तुव्भे  
 इओ पंचमंमि जाव भवियव्वं एत्थ कारणेणं तिकट्ठु ते पंच सालि-  
 अक्खए सुद्धे वत्थे जाव तिसंझं पडिजागरमाणी यावि विहरामि ।  
 ताओ एएणं कारणेणं ताओ ! ते चेव पंच सालिअक्खए नो अन्ने ।  
 तए णं से धणे रक्खिइयाए अंतियं एयमट्ठं सोच्चा हट्ठुट्ठे तस्स  
 कुलघरस्स हिरणस्स य कंसदूसविपुलधण जाव सावएज्जस्स य भंडा-  
 गारिणिं ठवेइ । एवामेव समणाउसो ! जाव पंच य से महव्वयाइं  
 रक्खियाइं भवंति से णं इहभवे चेव बहूणं समणाणं ४ अच्चणिज्जे जाव  
 जहा सा रक्खिइया । रोहिणीया वि एवं चेव नवरं तुव्भे ताओ मम  
 सुवहुयं सगडीसागडं दलाह जाणं अहं तुव्भे ते पंच सालिअक्खए  
 पडिनिज्जाएमि । तए णं से धणे रोहिणिं एवं वयासी-कहं णं तुमं

मम पुत्ता ! ते पंच सालिअक्खए सगडसागडेणं निज्जाएस्ससि ? तए णं सा रोहिणी धणं एवं वयासी-एवं खलु ताओ ! इओ तुब्भे पंचमे संवच्छरे इमस्स मित्त जाव वहवे कुंभसया जाया तेणेव कमेण । एवं खलु ताओ ! तुब्भे ते पंच सालिअक्खए सगडीसागडेणं निज्जा-एमि । तए णं से धणे सत्थवाहे रोहिणीयाए सुवहुयं सगडीसागडं दलयइ । तए णं रोहिणी सुवहुं सगडीसागडं गहाय जेणेव सए कुलघरे तेणेव उवागच्छइ कोट्टागारं विहाडेइ २ पल्ले उब्भिदइ २ सगडी-सागडं भरेइ २ रायगिहं नगरं मज्झंमज्झेणं जेणेव सए गिहे जेणेव धणे सत्थवाहे तेणेव उवागच्छइ । तए णं रायगिहे नयरे सिंघाडग जाव वहुजणो अन्नमन्नं एवमाइक्खइ ४ - धन्ने णं देवाणुप्पिया ! धणे सत्थवाहे जस्स णं रोहिणीया सुण्हा पंच सालिअक्खए सगडसागडि-एणं निज्जाएइ । तए णं से धणे सत्थवाहे ते पंच सालिअक्खए सगड-सागडेणं निज्जाइए पासए २ हट्ठ जाव पडिच्छइ २ तस्सेव मित्तनाइ० चउण्ह य सुण्हाणं कुलघरपुरओ रोहिणीयं सुण्हं तस्स कुलघरस्स वहसु कज्जेसु य जाव रहस्सेसु य आपुच्छणिज्जं जाव चट्ठावियं पमाणभूयं ठावेइ । एवामेव समणाउसो ! जाव पंच से महवयाइं संवड्ढियाइं भवंति से णं इहभवे चेव वहूणं समणाणं जाव वीईवइस्सइ जहा व सा रोहिणीया ।

एवं खलु जंवू ! समणेणं भगवया महावीरेणं जाव संपत्तेणं सत्तमस्स नायज्झयणस्स अयमट्ठे पन्नत्ते त्तिवेमि ॥

त्तमं अज्झयणं समत्तं ॥ ७ ॥

॥ अट्ठमं अज्झयणं ॥

(69) जइ णं भंते ! समणेणं जाव संपत्तेणं सत्तमस्स नायज्झ-  
यणस्स अयमट्ठे पन्नत्ते अट्ठमस्स णं भंते ! के अट्ठे पन्नत्ते ? एवं खलु  
जंवू ! तेणं कालेणं २ इहेव जंबुदीवे २ महाविदेहे वासे मंदरस्स पव-  
यस्स पच्चत्थिमेणं निसदस्स वासहरपव्वयस्स उत्तरेणं सीओयाए महा-  
नदीए दाहिणेणं सुहावहस्स वक्खारपव्वयस्स पच्चत्थिमेणं पच्चत्थिम-  
लवणसमुदस्स पुरत्थिमेणं एत्थ णं सलिलावई नामं विजए पन्नत्ते ।  
तत्थ णं सलिलावईविजए वीयसोगा नामं रायहाणी पन्नत्ता नवजोयण-  
वित्थिण्णा जाव पच्चक्खं देवलोगभूया । तीसे णं वीयसोगाए रायहाणीए  
उत्तरपुरत्थिमे दिसीभाए इंदकुंभे नामं उज्जाणे । तत्थ णं वीयसोगाए  
रायहाणीए वले नामं राया । तस्स धारिणीपामोक्खं देवीसहस्सं आरोहे  
होत्था । तए णं सा धारिणी देवी अन्नया कयाइ सीहं सुमिणे पासि-  
त्ताणं पडिबुद्धा जाव महव्वले दारए जाए उम्मुक्क जाव भोगसमत्थे । तए  
णं तं महव्वलं अम्मापियरो सरिसियाणं कमलसिरिपामोक्खाणं पंचण्हं  
रायवरकन्नासयाणं एगदिवसेणं पाणिं गेण्हावेंति । पंच पासायसया  
पंचसओ दाओ जाव विहरइ । थेरागमणं इंदकुंभे उज्जाणे समोसढे परिसा  
निग्गया वलो वि निग्गओ धम्मं सोच्चा निसम्म जं नवरं महव्वलं  
कुमारं रज्जे ठावेई जाव एक्कारसंगवी बहूणि वासाणि सामण्णपरियागं  
पाउणित्ता जेजेव चारुपव्वए मासिएणं भत्तेणं सिद्धे । तए णं सा कमल-  
सिरी अन्नया कयाइ सीहं सुमिणे जाव वलभदो कुमारो जाओ जुवराया  
यावि होत्था । तस्स णं महव्वलस्स रत्तो इमे छप्पियवालवयंसगा  
रायाणो होत्था तंजहा-अयले धरणे पूरणे वसू वेसमणे अभिचंदे सह-  
जायया जाव संहिच्चाए नित्थरियव्वे त्तिकट्ठु अन्नमन्नस्स एयमट्ठं पडि-  
सुणेंति । तेणं कालेणं २ इंदकुंभे उज्जाणे थेरा समोसढा । परिसा  
निग्गया । महव्वले णं धम्मं सोच्चा जं नवरं छप्पियवालवयंसए आ-  
पुच्छामि वलभदं च कुमारं रज्जे ठावेमि जाव छप्पियवालवयंसए आ-  
पुच्छइ । तए णं ते छप्पिय० महव्वलं रायं एवं वयासी- जइ णं देवाणु-

पिपया ! तुम्हे पवयह अम्हं के अन्ने आहारे जाव पवयामो । तए  
 णं से महव्वले राया ते छपिय० एवं वयासी - जइ णं तुम्हे मए सद्धि  
 जाव पवयह तो णं गच्छह जेद्वे पुत्ते सएहिं २ रज्जेहिं ठावेह पुरिस-  
 सहस्सवाहिणीओ सीयाओ दुरुद्धा जाव पाउव्ववन्ति । तए णं से महव्वले  
 राया छपियवालवयंसए पाउव्वभूए पासइ २ हट्ठ जाव कोहुं वियपुरिसे  
 सहावेइ २ वलभइस्स रायाभिसेओ जाव आपुच्छइ । तए णं से महव्वले  
 जाव महया इट्ठीए पँवइए एकारसअंगवी वहूहिं चउत्थ जाव भावेमाणे  
 विहरइ । तए णं तेसिं महव्वलपामोकखाणं सत्तण्हं अणगाराणं अन्नया  
 कयाइ एगयओ सहियाणं इमेयारूवे मिहोकहासमुल्लावे समुप्पज्जित्था -  
 जं णं अम्हं देवाणुपिया एगे तवोकम्मं उवसंपज्जित्ताणं विहरइ तं णं  
 अम्हेहिं सव्वेहिं तवोकम्मं उवसंपज्जित्ताणं विहरित्तए त्तिक्कडु अन्न-  
 मन्नस्स एयमट्ठं पडिसुणेंति २ वहूहिं चउत्थ जाव विहरंति । तए णं से  
 महव्वले अणगारे इमेणं कारणेणं इत्थिनामगोयं कम्मं निव्वत्तिस्सु -  
 जइ णं ते<sup>३</sup> महव्वलवज्जा छ अणगारा चउत्थं उवसंपज्जित्ताणं विहरंति  
 तओ से महव्वले अणगारे छट्ठं उवसंपज्जित्ताणं विहरइ । जइ णं ते<sup>३</sup>  
 महव्वलवज्जा छ अणगारा छट्ठं उवसंपज्जित्ताणं विहरंति तओ से  
 महव्वले अणगारे अट्ठमं उवसंपज्जित्ताणं विहरइ । एवं अह अट्ठमं तो  
 दसमं अह दसमं तो दुवालसमं । इमेहि य णं वीसाएहि य कारणेहिं  
 आसेवियवहुलीकएहिं तित्थयरनामगोयं कम्मं निव्वत्तेसु तंजहा -  
 अरहंतसिद्धपवयणगुरुथेरवहुस्सुए तवस्सीसुं । वच्छल्लया य तेसिं  
 अभिक्ख नाणोवओगा य ॥ १ ॥ दंसणविणए आवस्सए य सीलव्वए  
 निरइयारो । खणलवतवचियाए वेयावच्चे समाही य ॥ २ ॥ अपुव्व-  
 नाणगहणे सुयभत्ती पवयणे पहावणया । एएहिं कारणेहिं तित्थयरत्तं  
 लहइ सो उ ॥ ३ ॥ तए णं ते महव्वलपामोकखा सत्त अणगारा मासियं  
 भिक्खुपडिमं उवसंपज्जित्ताणं विहरंति जाव एगराइयं । तए णं ते मह-  
 व्वलपामोकखा सत्त अणगारा खुड्डागं सीहनिक्कीलियं तवोकम्मं उवसंप-  
 ज्जित्ताणं विहरंति तंजहा - चउत्थं करेंति २ सव्वकामगुणियं पारेंति २

छट्ठं करेति २ चउत्थं करेति २ अट्ठमं करेति २ छट्ठं करेति २ दसमं करेति २ अट्ठमं करेति २ दुवालसमं करेति २ दसमं करेति २ चोद्दसमं करेति २ दुवालसमं करेति २ सोलसमं करेति २ चोद्दसमं करेति २ अट्ठारसमं करेति २ सोलसमं करेति २ वीसइमं करेति २ अट्ठारसमं करेति २ वीसइमं करेति २ सोलसमं करेति २ अट्ठारसमं करेति २ चोद्दसमं करेति २ सोलसमं करेति २ दुवालसमं करेति २ चोद्दसमं करेति २ दसमं करेति २ दुवालसमं करेति २ अट्ठमं करेति २ दसमं करेति २ छट्ठं करेति २ अट्ठमं करेति २ चउत्थं करेति २ छट्ठं करेति २ चउत्थं करेति सव्वत्थ सव्वकामगुणिणं पारेंति । एवं खलु एसा खुड्ढागसीहनिक्कीलियस्स तवोकम्मस्स पढमा परिवाडी छहिं मासेहिं सत्तहिं य अहोरत्तेहिं य अहासुत्तं जाव आराहिया भवइ । तयाणंतंरं दोच्चाए परिवाडीए चउत्थं करेति नवरं विगयवज्जं पारेंति । एवं तच्चाए वि परिवाडीए नवरं पारणए अलेवाडं पारेंति । एवं चउत्था वि परिवाडी नवरं पारणए आयंविलेण पारेंति । तए णं ते महव्वलपामोकखा सत्त अणगारा खुड्ढागं सीहनिक्कीलियं तवोकम्मं दोहिं संवच्छरेहिं अट्ठावीसाए अहोरत्तेहिं अहासुत्तं जाव आणाए आराहेत्ता जेणेव थेरे भगवंते तेणेव उवागच्छंति २ थेरे भगवंते वंदंति नमंसंति २ एवं चयासी-इच्छामो णं भंते ! महालयं सीहनिक्कीलियं तहेव जहा खुड्ढागं नवरं चोत्तीसइमाओ नियत्तंइ एगाए परिवाडीए कालो एगेणं संवच्छरेणं छहिं मासेहिं अट्ठारसहिं य अहोरत्तेहिं समप्पेइ । सव्वंपि सीहनिक्कीलियं छहिं मासेहिं दोहिं मासेहिं वारसहिं य अहोरत्तेहिं समप्पेइ । तए णं ते महव्वलपामोकखा सत्त अणगारा महालयं सीहनिक्कीलियं अहासुत्तं जाव आराहिता जेणेव थेरे भगवंते तेणेव उवागच्छंति २ थेरे भगवंते वंदंति नमंसंति २ वहुणि चउत्थं जाव विहरंति । तए णं ते महव्वलपामोकखा सत्त अणगारा तेणं उरालेणं सुक्का भुक्खा जहा खंदओ नवरं थेरे आपुच्छित्ता चारुपव्वयं सणियं दुरुहंति जाव दोमासियाए संलेहणाए सबीसं भत्तसयं चतुरासीइं वास-सयसहस्साइं सामण्णपरियागं पाउणंति २ चुलसीइं पुव्वसयसहस्साइं

सच्चाउयं पालइत्ता जयंते विमाणे देवत्ताए उववन्ना ।

(70) तत्थ णं अत्थेगइयाणं देवाणं वत्तीसं सागरोवमाइं ठिई पन्नत्ता । तत्थ णं महच्चलवज्जाणं छण्हं देवाणं देसूणाइं वत्तीसं सागरोवमाइं ठिई । महच्चलस्स देवस्स पडिपुण्णाइं वत्तीसं सागरोवमाइं ठिई । तए णं ते महच्चलवज्जा छप्पि देवा ताओ देवलोगाओ आउक्खएणं जाव अणंतरं चयं चइत्ता इहेव जंबुद्दीवे २ भारहे वासे विसुद्धपिइमाइवंसेसु रायकुलेसु पत्तेयं २ कुमारत्ताए पच्चायाया तंजहा-पडिवुद्धी इक्खागराया, चंदच्छाए अंगराया, संखे कासिराया, रुप्पी कुणालाहिवई, अदीणसत्तू कुरुराया, जियसत्तू पंचालाहिवई । तए णं से महच्चले देवे तिहिं नाणेहिं समग्गे उच्चट्टाणगएंसु गहेसु सोमासु दिसासु वित्तिमिरासु विसुद्धासु जइएसु सउंगेसु पयाहिणाणुकूलंसि भूमि-सप्पिसि मारुयंसि पवायंसि निप्फन्नस्सस्समेइणीयंसि कालंसि पमुइय-पक्कीलिएसु जणवएसु अद्धरत्तकालसमयंसि अस्सिणीनक्खत्तेणं जोग-मुवागएणं जे से गिमहाणं पढमे मासे दोच्चे पक्खे चेत्तसुद्धे तस्स णं चेत्तसुद्धस्स चउत्थिपक्खेणं जयंताओ विर्माणाओ वत्तीसं सागरोवम-ट्टिइयाओ अणंतरं चयं चइत्ता इहेव जंबुद्दीवे २ भारहे वासे मिहिलाए रायहाणीए कुंभगस्स रत्तो पभावईए देवीए कुच्छिसि आहार-वक्कंतीए भववक्कंतीए सरीरवक्कंतीए गव्वत्ताए वक्कंते । तं रयणिं च णं चोदस्स महासुमिणा वण्णओ । भत्तारकहणं सुमिणपाढगपुच्छा जाव विहरइ । तए णं तीसे पभावईए देवीए तिण्हं मासाणं बहुपडिपुण्णाणं इमेयारूवे डोहले पाउव्वभूए-धन्नाओ णं ताओ अम्मयाओ जाओ णं जलथलयभासुरप्पभूएणं दसद्धवण्णेणं मल्लेणं अत्थुयपच्चत्थुयंसि सयणि-ज्जंसि सन्निसण्णाओ संनिवन्नाओ य विहरंति एगं च महं सिरिदाम-गंडं पाडलमल्लियचंपगअसोगपुन्नागनागमरुयगदमणगअणोज्जकोज्जय-पउरपरमसुहदरिसणिज्जं महया गंधर्द्धणिं मुयंतं अग्घायमाणीओ डोहलं विणेंति । तए णं तीए पभावईए इमं एयारूवं डोहलं पाउव्वभूयं पासित्ता अहासन्निहिया वाणमंतरा देवा खिप्पामेव जलथलय जाव दसद्धवण-



मल्लं कुंभगसो य भारगसो य कुंभगस्स रत्तो भवणंसि साहरंति एगं  
च णं मंहं सिरिदामगंडं जाव मुयंतं उवणेंति । तए णं सा पभावई  
देवी जलथलय जाव मल्लेणं दोहलं विणेइ । तए णं सा पभावई  
देवी पसत्थदोहला जाव विहरइ । तए णं सा पभावई देवी  
नवण्हं मासाणं अद्धट्टमाण य रायंदियाणं जे से हेमंताणं पढमे मासे  
दोच्चे पक्खे मग्गसिरसुद्धे तस्स णं एक्कारसीए पुघरत्तावरत्तकाल-  
समयंसि अस्सीणीनक्खत्तेणं उच्चट्टाण जाव पमुइयपक्कीलिएसु जणवएसु  
आरोगारोगं एगूणवीसइमं तित्थयरं पयाया ।

(71) तेणं कालेणं २ अहेलोगवत्थच्चाओ अट्ट दिसाकुमारी-  
मयहरियाओ जहा जंबुदीवपत्ततीए जम्मणं सव्वं नवरं मिहिलाए कुंभगस्स  
पभावईए अभिलाओ संजोएयव्वो जाव नंदीसरवरदीवे महिमा । तथा  
णं कुंभए राया वट्ठहिं भवणवईहिं ४ तित्थयरजायकम्मं जाव नामकरणं  
-जम्हा णं अम्हं इमीए दारियाए माऊए मल्लसयणीयंसि डोहले विणीए  
तं होउ णं नामेणं मल्ली जहा महव्वले जाव परिवड्डिया । सा वट्ठई  
भगवई दियलोयचुया अणोवमसिरीया । दासीदासपरिवुडा परिकिण्णा  
पीढमहेहि ॥ १ ॥ असियसिरया सुनयणा विवोटी धवलदंतपंतीया ।  
वरकमलकोमलंगी फुल्लुप्पलगंधनीसासा ॥ २ ॥

(72) तए णं सा मल्ली विदेहरायवरकन्ना उम्मुक्कवालभावा जाव  
रुवेण य जोव्वणेण य लावण्णेण य अईव २ उक्किट्ठा उक्किट्ठसरीरा जायावि  
होत्था । तए णं सा मल्ली देसूणवाससयजाया ते छप्पि रायाणो विउलेणं  
ओहिणा आभोएमाणी २ विहरइ तंजहा-पडिवुद्धिं जाव जियसत्तुं  
पंचालाहिवई । तए णं सा मल्ली कोडुंवियपुरिसे सदावेइ २ एवं चयासी-  
गच्छह णं तुव्वे देवाणुप्पिया ! असोगवणियाए एगं मंहं मोहणघरं करेह  
अणेगखंभसयसन्नविट्ठं । तस्स णं मोहणघरस्स वहुमज्झदेसभाए छ  
गव्वभघरए करेह । तेसि णं गव्वभघरगाणं वहुमज्झदेसभाए जालघरयं  
करेह । तस्स णं जालघरयस्स वहुमज्झदेसभाए मणिपेट्ठियं करेह जाव  
पच्चप्पिणंति । तए णं सा मल्ली मणिपेट्ठियाए उवरिं अण्णो सरिसियं

सरित्तयं सरिद्वयं सरिसलावण्णजोद्वणगुणोव्वेयं कणगंमयं मत्थय-  
च्छिड्डं पउमप्लपिहाणं पडिमं करेइ २ जं विउलं असणं ४ आहारेइ  
तओ मणुत्ताओ असणाओ ४ कल्लाकल्लि एगमेगं पिंडं गहाय तीसे कणगा-  
मईए मत्थयच्छिड्डाए जाव पडिमाए मत्थयंसि पक्खिक्खमाणी २ विहरइ ।  
तए णं तीसे कणगामईए जाव मत्थयच्छिड्डाए पडिमाए एगमेगंसि पिंडे  
पक्खिक्खमाणे २ तओ गंधे पाउब्भवइ से जहानामए अहिमडे इ वा  
जाव एत्तो अणिट्टतराए अमणामतराए चेव ।

(73) तेणं कालेणं २ कोसला नामं जणवए । तत्थ णं सागेए  
नामं नयरे । तस्स णं उत्तरपुरत्थिमे दिसीभाए एत्थ णं महेगे नाग-  
घरए होत्था दिव्वे सच्चे सच्चोवाए संनिहियपाडिहेरे । तत्थ णं  
सागेए नयरे पडिवुद्धी नामं इक्खागराया परिवसइ पउमावई देवी सु-  
वुद्धी अमच्चे सामंदडं । तए णं पउमावईए देवीए अन्नया कयाइ नाग-  
जन्नए यावि होत्था । तए णं सा पउमावई नागजन्नमुवट्ठियं जाणित्ता  
जेणेव पडिवुद्धी करयल जाव एवं वयासी-एवं खलु सामी ! मम  
कल्लं नागजन्नए भविस्सइ । तं इच्छामि णं सामी ! तुब्भेहिं अब्भणु-  
त्ताया समाणी नागजन्नयं गमित्तए । तुब्भे वि णं सामी ! मम नागजन्न-  
यंसि समोसरह । तए णं पडिवुद्धी पउमावईए एयमट्ठं पडिसुणेइ ।  
तए णं पउमावई पडिवुद्धिणा रत्ता अब्भणुत्ताया समाणी हट्ठा जाव कोडुं-  
वियपुरिसे सद्दावेइ २ एवं वयासी-एवं खलु देवाणुप्पिया ! मम कल्लं  
नागजन्नं भविस्सइ । तं तुब्भे मालागारे सद्दावेह २ एवं वयाह-एवं  
खलु पउमावईए देवीए कल्लं नागजन्नए भविस्सइ । तं तुब्भे णं देवा-  
णुप्पिया ! जलथलयदसद्धवण्णं मल्लं नागघरयंसि साहरह एगं च णं  
महं सिरिदामगंडं उवणेह । तए णं जलथलयदसद्धवण्णेणं मल्लेणं  
नाणाविहभत्तिसुविरइयं हंसमियमयूरकोंचसारसचक्कवायमयणसाल-  
कोइलकुलोव्वेयं ईहामिय जाव भेत्तिचित्तं महग्घं महरिहं विउलं पुप्फ-  
मंडवं विरएइ । तस्स णं बहुमज्झदेसभाए एगं महं सिरिदामगंडं जाव  
गंधद्वाणिं मुयंतं उल्लोयंसि आलंवेह २ पउमावई देविं पडिवालेमाणा २

चिट्ठह । तए णं ते कोडुंविया जाव चिट्ठंति । तए णं सा पउमावई देवी कलं कोडुंविए एवं वयासी - खिप्पामेव भो देवाणुप्पिया ! सागेयं नयरं सद्धिंतरवाहिरियं आसियसम्मज्जिओवलित्तं जाव पच्चप्पिणंति । तए णं सा पउमावई दोच्चं पि कोडुंविय जाव खिप्पामेव लहुकरणजुत्तं जाव जुत्तामेव उवट्ठवेति । तए णं सा पउमावई अंतो अंतेउरंसि ण्हाया जाव धम्मियं जाणं दुरुढा । तए णं सा पउमावई नियगपरियालसंपरिवुडा सागेयं नयरं मज्झंमज्झेणं निज्जाइ २ जेणेव पुक्खरणी तेणेव उवागच्छइ २ पोक्खरणिं ओगाहेइ २ जलमज्जणं जाव परमसुइभूया उल्लपडसाडया जाइं तत्थ उप्पलाइं जाव गेण्हइ २ जेणेव नागघरण तेणेव पहारेत्थ गमणाए । तए णं पउमावईए दासचेडीओ वहुओ पुप्फपंडलगहत्थगयाओ धूवकंडं च्छुयहत्थगयाओ पिट्ठओ समणुगच्छंति । तए णं पउमावई सच्चिदीए जेणेव नागघरण तेणेव उवागच्छइ २ नागघरं अणुपविसइ २ लोमहत्थगं जाव धूवं उहइ २ पडिवुद्धिं पडिवालेमाणी २ चिट्ठह । तए णं पडिवुद्धी ण्हाए हत्थिखंधवरगए सकोरंट जाव सेयवरचामराहि य हयगयरहमहयाभडचडगरपहकरेहिं सागेयं नगरं मज्झंमज्झेणं निग्गच्छइ २ जेणेव नागघरण तेणेव उवागच्छइ २ हत्थिखंधाओ पच्चोरुहइ २ आलोए पणामं करेइ २ पुप्फमंडवं अणुपविसइ २ पासइ तं एगं महं सिरिदामगंडं । तए णं पडिवुद्धी तं सिरिदामगंडं सुचिरं कालं निरिक्खइ २ तंसि सिरिदामगंडंसि जायविम्हए सुवुद्धिं अमच्चं एवं वयासी - तुमं देवाणुप्पिया ! मम दोच्चेणं वहुणि गामागर जाव सन्निवेसाइं आहिंडसि वहुण य राईसर जाव गिहाइं अणुपविससि । तं अत्थि णं तुमे कहिंचि एरिसए सिरिदामगंडे दिट्ठपुण्वे जारिसए णं इमे पउमावईदेवीए सिरिदामगंडे ? तए णं सुवुद्धी पडिवुद्धिं रायं एवं वयासी - एवं खलु सामी ! अहं अन्नया कयाइं तुब्भं दोच्चेणं मिहिलं रायहाणिं गए । तत्थ णं मए कुंभगस्स रत्तो धूयाए पभावईए देवीए अत्तयाए मल्लीए संवच्छरपडिलेहणगंसि दिव्वे सिरिदामगंडे दिट्ठपुण्वे । तस्स णं सिरिदामगंडस्स इमे

पउमावईए देवीए सिरिदामगंडे सयसहस्सइमंपि कलं न अगघइ । तए णं पडिवुद्धी सुवुद्धिं अमच्चं एवं वयासी-केरिसिया णं देवाणुप्पिया ! मल्ली २ जस्स णं संवच्छरपडिलेहणयंसि सिरिदामगंडस्स पउमावईए देवीए सिरिदामगंडे सयसहस्सइमंपि कलं न अगघइ ? तए णं सुवुद्धी पडिवुद्धिं इक्खागरायं एवं वयासी-मल्ली विदेहरायवरकन्नगा सुपइट्ठिय-कुम्भुन्नयचारुचरणा वण्णओ । तए णं पडिवुद्धी सुवुद्धिस्स अमच्चस्स अंतिए एयमट्ठं सोच्चा निसम्म सिरिदामगंडजणियहासे दूयं सहावेइ २ एवं वयासी-गच्छाहि णं तुमं देवाणुप्पिया ! मिहिलं रायहाणिं । तत्थ णं कुंभगस्स रत्तो धूयं पमावईए अत्तियं मल्लिं २ मम भारियत्ताए वरेहि जइ वि य णं सा सयं रज्जसुंका । तए णं से दूए पडिवुद्धिणा रत्ता एवं वुत्ते समाणे हट्ठ जाव पडिसुणेइ २ जेणेव सए गिहे जेणेव चाउग्घंटे आसरहे तेणेव उवागच्छइ २ चाउग्घटं आसरहं पडिकप्पावेइ २ दुरूढे जाव हयगयमहयाभडचडगरेणं साएयाओ निग्गच्छइ २ जेणेव विदेह-जणवए जेणेव मिहिला रायहाणी तेणेव पहारेत्थ गमणाए (१) ।

(74) तेणं कालेणं २ अंगा नाम जणवए होत्था । तत्थ णं चंपा नामं नयरी होत्था । तत्थ णं चंपाए नयरीए चंदच्छाए अंगराया होत्था । तत्थ णं चंपाए नयरीए अरहन्नगपामोकखा वहवे संजत्तानावावाणियगा परिवसंति अट्ठा जाव अपरिभूया । तए णं से अरहन्नगे समणोवासए यावि होत्था अहिगयजीवाजीवे वण्णओ । तए णं तेसिं अरहन्नगपामोकखाणं संजत्तानावावाणियगाणं अन्नया कयाइ एगयओ सहियाणं इमेयारूवे मिहोकहाँसमुल्लावे समुप्पज्जित्था-सेयं खलु अम्हं गणिमं च धरिमं च मेज्जं च परिच्छेज्जं च भंडगं गहाय लवणसमुदं पोयवहणेणं ओगाहित्तए त्तिकट्ठु अन्नमन्नस्स एयमट्ठं पडिसुणेति २ गणिमं च ४ गेण्हंति २ सगडीसागडयं सज्जेति २ गणिमस्स ४ भंडगस्स सगडसागडियं भरेति २ सोहणंसि तिहिकरणनक्खत्तमुहुत्तंसि विउलं असणं ४ उवक्खडावेति भित्तनाइ भोयणवेलाए भुंजावेति जाव आपुच्छंति २ सगडीसागडियं जोयंति २ चंपाए नयरीए मज्झंमज्झेणं निग्गच्छंति २ जेणेव गंभीरए

पोयपट्टणे तेणेव उवागच्छंति २ सगडीसागडियं मोयंति २ पोयवहणं  
 सज्जेति २ गणिमस्स जाव चउविहंभंडगस्स भरेति तंदुलाण य समि-  
 यस्स य तेलस्स य घयस्स यं गुलस्स य गोरसस्स य उदगस्स य उदय-  
 भायणाण य ओसहाण य भेसज्जाण य तणस्स य कट्टस्स य आवरणाण य  
 पहरणाण य अन्नेसिं च वट्ठणं पोयवहणवाउग्गाणं दद्याणं पोयवहणं भरेति  
 सोहणंसि तिहिकरणनक्खत्तमुहुत्तंसि विउलं असणं ४ उवक्खडावेति २  
 मित्तनाइ० आपुच्छंति २ जेणेव पोयट्टणे तेणेव उवागच्छंति । तए णं  
 तेसिं अरहन्नग जाव वाणियगाणं परियणो जाव तांहिं इट्ठांहिं जाव चग्गूहिं  
 अभिनंदंता य अभिसंथुणमाणा य एवं वयासी-अज्ज! ताया! भाया! माउल!  
 भाइणेज्ज! भगवया समुद्देणं अभिरक्खिज्जमाणा २ चिरं जीवह भइं च  
 भे पुणरवि लद्धेट्ठे कयकज्जे अणहसमग्गे नियगं घरं हव्वमागए पासामो  
 त्तिकट्ट ताहिं सोमाहिं निद्धाहिं दीहाहिं सप्पिवासाहिं पणुयाहिं दिट्ठीहिं  
 निरिक्खमाणा मुहुत्तमेत्तं संचिट्ठंति । तओ समाणिणसु पुण्णवलिकम्मेसु  
 दिन्नेसु सरसरत्तचंदणदहरपंचंगुलितलेसु अणुक्खित्तंसि धूवंसि पूइणसु  
 समुद्वाणसु संसारियासु वलयवाहासु ऊसिणसु सिणसु झयग्गेसु पडु-  
 प्पवाइणसु तूरेसु जइणसु सव्वसउणेसु गहिणसु रायवरसासणेसु महया  
 उक्किट्टसीहनाय जाव रवेणं पक्खुभियमहासमुद्भवभूयं पिव मेइणिं करेमा-  
 णा एगदिसिं जाव वाणियगा नावाए दुरूढा । तओ पुस्समाणवो वक्कमुदाहु-  
 -हं भो ! सव्वेसिमवि अत्थसिद्धी उवट्ठियाइं कल्लाणाइं पडिहयाइं सव्वपा-  
 वाइं जुत्तो पूसो विजओ मुहुत्तो अयं देसकालो । तओ पुस्समाणएणं वक्क-  
 मुदाहरिण हट्टट्टेट्ठे कुच्छिधारकण्णधारगग्भिज्जसंजत्तानां वावणियमा  
 वाचारिं<sup>१३</sup> तं नावं पुणुं<sup>१४</sup>च्छंगं पुण्णमुहिं वंधणे<sup>१५</sup>हितो मुंचंति । तए णं सा नावा  
 विमुक्क<sup>१६</sup>बंधणा पवणवलसमाहया ऊसियसिया विततपंखा<sup>१७</sup> इव गरुल-  
 जुवई गंगासलिलतिकखसोयवेगेहिं संखुब्ध<sup>१८</sup>माणी २ उम्मीतरंगमाला-  
 सहस्साइं समइच्छमाणी २ कइवएहिं अहोरत्तेहिं लवणसमुदं अणेगाइं  
 जोयणसयाइं ओगाढा । तए णं तेसिं अरहन्नगपामोक्खाणं संजत्तानावा-  
 वाणियगाणं लदणसमुदं अणेगाइं जोयणसयाइं ओगाढाणं समा<sup>१९</sup>णाणं

बहूइं उप्पाइयसयाइं पाउब्भूयाइं तंजहा - अकाले गज्जिए अकाले विज्जु-  
ए अकाले थणियसद्दे अभिक्खणं २ आगासे देवयाओ नच्चंति एगं च णं  
महं पिसायरूचं पासंति तालजंघं दिवंगयाहिं वाहाहिं मसिमूसगमहिस-  
कालंगं भरियमेहवणं लंबोदुं निग्गयग्गदंतं निल्लालियजमलजुयलजीहं  
आऊंसियवयणगंडदेसं चीणचिमिढं नासियं विगयभुग्गभग्गभुमयं  
खज्जोयगदिच्चक्खुरागं उत्तासणगं विसालवच्छं विसालकुच्छं पलंव-  
कुच्छं पहसियपयलियपयडियगत्तं पणच्चमाणं अफ्फोडंतं अभिवयंतं अ-  
भिगजंतं बहुसो २ अट्टट्टहासे विणिम्मुयंतं नीलुप्पलगवलगुलियअयसि-  
कुसुमप्पगासं खुरधारं असिं गहाय अभिमुहमावयमाणं पासंति । तए  
णं ते अरहन्नगवज्जा संजत्तानावावाणियगा एगं च ण महं तालपिसायं  
पासित्ता तालजंघं दिवंगयाहिं वाहाहिं फुट्टसिरं भमरनिगरवरमासरासि-  
महिसकालंगं भरियमेहवणं सुप्पणहं फालसरिसजीहं लंबोदुं धवल-  
वट्टअसिलिट्टतिक्खधिरपीणकुडिलदाढोवगूढवयणं विकोसियधारासि-  
जुयलसमसरिसतणुयचंचलगलंतरसलोलचवलफुरुफुरेंतनिल्लालियग्ग-  
जीहं अवयं<sup>१०</sup>च्छियमहल्लविगयवीभच्छलालपगलंतरत्ततालुयं हिंगुलयस-  
गव्वेभंकंदरविलं च अंजणगिरिस्स अग्गिजालुग्गिलंतवयणं आऊंसिय-  
अक्खच्चम्म<sup>१३</sup>उइट्टगंडदेसं चीणचिमिढं<sup>१४</sup>वंकभग्गनासं रोसांगयधमधमेत-  
माख्यनिट्टुरखरफरुसञ्जुसिरं ओभुग्गनासियपुडं घडं<sup>१५</sup>उब्भडरइयभीसण-  
मुहं उद्धमुहकण्णसकुलियमहंतविगयलोमसंखालगलंवंत<sup>१६</sup>चलियकण्णं  
पिंगलदिप्पंतलो<sup>१७</sup>यणं भिउडितडिनिडां<sup>१८</sup>लं नरसरिमालपरिण<sup>१९</sup>च्चिंघं विचि-  
त्तगोणससुवद्धपरिकरं अवहोलंतपुप्फयायंतसप्पविच्छुयगोधुंदरनउलस-  
रडविरइयविचित्तवेयच्छमालियागं भोग<sup>२०</sup>कूरकण्णसप्पधमधमेतलंवंतक-  
ण्णपूरं मज्जारसियाललइयखंधं दित्तघू<sup>२१</sup>यंतघूयकयकुंतलसिरं घंटारवेण  
भीमं भयंकरं कायरजणहिययफोडणं दित्तं अट्टट्टहासं विणिम्मुयंतं वसारु-  
हिरपूयमंसमलमलिणपोच्चडतणुं उत्तासणयं विसालवच्छं पेच्छंताभिन्नं  
<sup>२४</sup>हमुहनयणकण्णवरवग्गच्चित्तकत्तीणियंसं सरसरुहिरगयच्चम्मविययं<sup>२५</sup>ऊं-  
सवियवाहुजुयलं ताहि य खरफरुसअसिणिद्धं<sup>२७</sup>अणिट्टदित्तअसुभअप्पिय-

अकंतवग्गूहि य तज्जयंतं पासंति तं तालपिसायरूवं एज्जमाणं पासंति २  
भीया संजायभया अन्नमन्नस्स कायं समतुरंगेमाणा २ बहूणं इंदाणं  
य खंदाणं य रुद्धसिववेसमणनागाणं भूयाणं य जक्खाणं य अज्जकोट्ट-  
किरियाणं य बहूणि उवाइयसयाणि ओवाइयमाणा २ चिट्ठंति । तए  
णं से अरहन्नए समणोवासए तं दिव्वं पिसायरूवं एज्जमाणं पासइ २  
अभीए अतथे अचलिए असंभंते अणाउले अणुद्विग्गे अभिन्नमुह-  
रागनयणवण्णे अदीणविमणमाणसे पोयवहणस्स एगदेसंसि वत्थंतेणं  
भूमिं पमज्जइ २ ठाणं ठाइ २ करयल जाव एवं वयासी-नमोत्थु णं  
अरहंताणं जाव संपत्ताणं । जइ णं अहं एत्तो उवसग्गाओ मुंचामि तो मे  
कप्पइ पारित्तए । अहं णं एत्तो उवसग्गाओ न मुंचामि तो मे तहा  
पच्चक्खाण्यव्वे तिकट्ठु सागारं भत्तं पच्चक्खाइ । तए णं से पिसाय-  
रूवे जेगेव अरहन्नगे समणोवासए तेगेव उवागच्छइ २ अरहन्नगं  
एवं वयासी-हं भो ! अरहन्नगा अपत्थियपत्थिया जाव परिवज्जिया !  
नो खलु कप्पइ तव सीलव्वयगुणवेरमणपच्चक्खाणपोसहोववासाइं  
चालित्तए वा एवं खोभित्तए वा खंडित्तए वा भंजित्तए वा उज्झित्तए  
वा परिच्चइत्तए वा । तं जइ णं तुमं सीलव्वयं जाव न परिच्चयसि  
तो ते अहं एयं पोयवहणं दोहिं अंगुलियाहिं गेण्हामि २ सत्तट्ठुतलं-  
प्पमाणमेत्ताइ उट्ठं वेहासं उच्चिहामि अंतोजलंसि निच्छोलेमि जा णं  
तुमं अट्ठुहुहट्ठवसट्ठे असमाहिपत्ते अकाले चेव जीवियाओ ववरोविज्जसि ।  
तए णं से अरहन्नगे समणोवासए तं देवं मणसा चेव एवं वयासी-  
अहं णं देवाणुप्पिया ! अरहन्नए नामं समणोवासए अहिगयजीवाजीवे ।  
नो खलु अहं सक्का केणइ देवेण वा जाव निग्गंथाओ पावयणाओ चालि-  
त्तए वा खोभित्तए वा विपरिणामित्तए । वा तुमं णं जा सद्धा तं करेहि  
त्तिकट्ठु अभीए जाव अभिन्नमुहरागनयणवण्णे अदीणविमणमाणसे  
निच्चले निप्फंदे तुसिणीए धम्मज्झाणोवगए विहरइ । तए णं से दिव्वे  
पिसायरूवे अरहन्नगं समणोवासगं दोच्चं पि तच्चं पि एवं वयासी-हं  
भो अरहन्नगा ! जाव धम्मज्झाणोवगए विहरइ । तए णं से दिव्वे

पिसायरूवे अरहन्नगं धम्मज्झाणोवगयं पासइ २ वलियतरागं आसुरुत्ते  
तं पोयवहणं दोहिं अंगुलियाहिं गिण्हइ २ सत्तट्ठतलाइं जाव अरहन्नगं  
एवं वयासी - हं भो अरहन्नगा ! अपत्थियपत्थिया ! नो खलु कप्पइ  
तव सीलव्वय तहेव जाव धम्मज्झाणोवगए विहरइ । तए णं से पिसाय-  
रूवे अरहन्नगं जाहे नो संचाएइ निग्गंथाओ चालित्तए वा तहेवं संते  
जाव निव्विण्णे तं पोयवहणं सणियं २ उवरिं जलस्स ठवेइ २ तं दिव्वं  
पिसायरूवं पडिसाहरेइ २ दिव्वं देवरूवं विउच्चइ २ अंतलिकखपडि-  
वन्ने सखिंखिणीयाइं जाव परिहिए अरहन्नगं समणोवासगं एवं वयासी -  
हं भो अरहन्नगा ! धन्नोसि णं तुमं देवाणुप्पिया ! जाव जीवियफले  
जस्स णं तव निग्गंथे पावयणे इमेयारूवा पडिवत्ती लद्धा पत्ता अभि-  
समन्नागया । एवं खलु देवाणुप्पिया ! सक्के देविंदे देवराया सोहम्मो  
कप्पे सोहम्मवडिंसए विमाणे सभाए सुहम्माए वहूणं देवाणं मज्झगए  
महया २ सद्देणं एवं आइक्खए ४ - एवं खलु जंबुद्दीवे २ भारहे वास्से  
चंपाए नयरीए अरहन्नए समणोवासए अभिगयजीवाजीवे नो खलु  
सक्का केणइ देवेण वा ६ निग्गंथाओ पावयणाओ चालित्तए जाव वि-  
परिणामित्तए वा । तए णं अहं देवाणुप्पिया ! सक्कस्स नो एयमट्ठं सह-  
हामि । तए णं मम इमेयारूवे अज्झत्थिए - गच्छामि णं अहं अरहन्नगस्स  
अंतियं पाउव्वभवामि जाणामि ताव अहं अरहन्नगं किं पियधम्मो नो  
पियधम्मो, दढधम्मो नो दढधम्मो, सीलव्वयगुणे किं चालेइ जाव  
परिच्चयइ नो परिच्चयइ त्तिकट्ठु एवं संपेहेमि २ ओहिं पउंजामि २  
देवाणुप्पियं ओहिणा आभोएमि २ उत्तरपुरत्थिमं २ उत्तरवेउव्वियं ०  
ताए उक्किट्ठाए जेणेव लवणसमुद्दे जेणेव देवाणुप्पिया तेणेव उवागच्छामि  
२ देवाणुप्पियं उवसगं करेमि नो चेव णं देवाणुप्पिया भीया वा । तं  
जं णं सक्के ३ एवं वयइ सच्चे णं एसमट्ठे । तं दिट्ठे<sup>०</sup> णं देवाणुप्पियाणं  
इट्ठी जाव परक्कमे लद्धे पत्ते अभिसमन्नागए । तं खामेमि णं देवाणु-  
प्पिया ! खमंतु मरंहंतु णं देवाणुप्पिया ! नाइभुज्जो एवंकरणयाए त्तिकट्ठु  
पंजलिउडे पायवडिए एयमट्ठं विणएणं भुज्जो २ खामेइ अरहन्नगस्स य



दुवे कुंडलजुयलै दलयइ २ जामेव दिसिं पाउवभूए तामेव पडिगए ।

(75) तए णं से अरहन्नए निरुवसग्गमितिकट्टु पडिमं पारेइ ।  
 तए णं ते अरहन्नगपामोकखा जाव वाणियगा दक्खिणाणुकूलेणं वाएणं  
 जेणेव गंभीरए पोयट्टाणे तेणेव उवागच्छंति २ पोयं लवेंति २ सगडि-  
 सागडं सज्जेति तं गणिमं च ४ सगडि० संकामेति २ सगडी०  
 जोर्विति २ जेणेव मिहिला तेणेव उवागच्छंति २ मिहिलाए रायहाणीए  
 वहिया अग्गुज्जाणंसि सगडीसागडं मोएति २ महत्थं विलउं रायारिहं  
 पाहुडं कुंडलजुयलं च गेण्हंति २ अणुप्पविसंति २ जेणेव कुंभए तेणेव  
 उवागच्छंति २ करयल जाव महत्थं दिव्वं कुंडलजुयलं उवणेति । तए णं  
 कुंभए तेसिं संजंत्तगाणं जाव पडिच्छइ २ मल्लि २ सदावेइ २ तं दिव्वं  
 कुंडलजुयलं मल्लीए २ पिण्ढेइ २ पडिविसज्जेइ । तए णं से कुंभए राया  
 ते अरहन्नगपामोकखे जाव वाणियगे विपुलेणं वत्थगंधमल्लालंकारेणं जाव  
 उस्सुकं वियरइ २ रायमग्गमोगाढे य आवासे वियरइ २ पडिविसज्जेइ ।  
 तए णं अरहन्नगसंजत्तगा जेणेव रायमग्गमोगाढे आवासे तेणेव उवा-  
 गच्छंति २ भंडववहरणं करेति पडिभंडे गेण्हंति २ सगडी० भरेति जेणेव  
 गंभीरए पोयपट्टणे तेणेव उवागच्छंति २ पोयवहणं सज्जेति २ भंडं संका-  
 मेति दक्खिणाणुकूले जेणेव चंपां पोयट्टाणे तेणेव पोयं लवेंति २ सगडी०  
 सज्जेति २ तं गणिमं ४ सगडी० संकामेति जाव महत्थं महग्गं पाहुडं दिव्वं  
 च कुंडलजुयलं गेण्हंति २ जेणेव चंदच्छाए अंगराया तेणेव उवागच्छंति २  
 तं महत्थं जाव उवणेति । तए णं चंदच्छाए अंगराया तं दिव्वं महत्थं  
 कुंडलजुयलं पडिच्छइ २ ते अरहन्नगपामोकखे एवं वयासी-तुव्भे णं  
 देवाणुप्पिया ! बहूणि गामागर जाव आहिंइह लवणसमुदं च अभिक्खणं  
 २ पोयवहणेहि ओगाहेह । तं अत्थियाइं भे केइ कहिंचि अच्छेरए दिट्ठ-  
 पुव्वे ? तए णं ते अरहन्नगपामोकखा चंदच्छायं अंगरायं एवं वयासी-  
 एवं खलु सामी ! अम्हे इहेव चंपाए नयरीए अरहन्नगपामोकखा वहवे  
 संजत्तगानावावाणियगा परिवसामो । तए णं अम्हे अन्नया कयाइ गणिमं  
 च ४ तहेव अहीणअइरित्तं जाव कुंभगस्स रत्तो उवणेमो । तए णं से

कुंभए मल्लीए २ तं दिव्वं कुंडलजुयलं पिणद्धेइ २ पडिविसज्जेइ । तं एस णं सामी ! अम्हेहिं कुंभगरायभवणंसि मल्ली २ अच्छेरए दिट्ठे । तं नो खलु अन्ना कावि तारिसिया देवकन्ना वा जाव जारिसिया णं मल्ली २ । तए णं चंदच्छाए अरहन्नगपामोक्खे सक्कारेइ सम्माणेइ २ उस्सुंकं वियरइ पडिविसज्जेइ । तए णं चंदच्छाए वाणियगजणियहासे दूयं सद्दावेइ जाव जइ वि य णं सा सयं रज्जसुक्का । तए णं से दूए हट्ठ जाव पहारेत्थ गमणाए (२) ।

(76) तेणं कालेणं २ कुणाला नामं जणवए होत्था । तत्थ णं सावत्थी नामं नयरी होत्था । तत्थ णं रूप्पी कुणालाहिवई नामं राया होत्था । तस्स णं रुप्पिस्स धूया धारिणीए देवीए अत्तया सुवाहु नामं दारिया होत्था सुकुमाल जाव रूवेण य जोव्वणेण य लावण्णेण य उक्किट्ठा उक्किट्ठसरीरा जाया यावि होत्था । तीसे णं सुबाहुए दारियाए अन्नया चाउम्मासियमज्जणए जाए यावि होत्था । तए णं से रूप्पी कुणालाहिवई सुवाहुए दारियाए चाउम्मासियमज्जणयं उवट्ठियं जाणइ २ कोडुंविय-पुरिसे सद्दावेइ २ एवं वयासी - एवं खलु देवाणुप्पिया ! सुवाहुदारियाए कल्लं चाउम्मासियमज्जणए भविस्सइ । तं तुम्भे णं रायमग्गमोगाढंसि मंडवंसि जलथलयदसद्धवण्णमल्लं साहरह जाव सिरिदामगंडं ओल्लंति । तए णं से रूप्पी कुणालाहिवई सुवण्णगारसेणिं सद्दावेइ २ एवं वयासी - खिप्पामेव भो देवाणुप्पिया ! रायमग्गमोगाढंसि पुप्फमंडवंसि नाणा-विहपंचवण्णेहिं तंदुलेहिं नयरं आलिहह तस्स बहुमज्झदेसभाए पट्ठयं एएह जाव पच्चप्पिणंति । तए णं से रूप्पी कुणालाहिवई हत्थिखंधवरगए चाउरंगिणीए सेणाए महया भडचडगर जाव अंतेउरपरियालसंपरिवुडे सुवाहुं दारियं पुरओ कट्ठ जेणेव रायमग्गे जेणेव पुप्फमंडवे तेणेव उवागच्छइ २ हत्थिखंधाओ पच्चोरुहइ २ पुप्फमंडवे अणुप्पविसइ २ सीहासणवरगए पुरत्थाभिमुहे सन्निसण्णे । तए णं ताओ अंतेउरियाओ सुवाहुं दारियं पट्ठयंसि दुरूहंति २ सेयापीयएहिं कलसेहिं ण्हाणेंति २ सत्तालंकार विभूसियं करेंति २ पिउणो पायवंदियं उवणेंति । तए णं सुवाहु

दारिया जेणेव रूपी राया तेणेव उवागच्छइ २ पायगहणं करेइ । तए णं से रूपी राया सुवाहुं दारियं अंके निवेसेइ २ सुवाहुदारियाए रुवेण य जोवणेण य लावणेण य जायविम्वहए वरिसधरं सदावेइ २ एवं वयासी-तुमं णं देवाणुप्पिया ! मम दोच्चेणं वट्ठणि गामागरनगर-गिहाणि अणुप्पविससि । तं अत्थियाइ ते कस्सइ रत्तो वा ईसरस्स वा कहिंचि एयारिसए मज्जणए दिट्ठुप्पवे जारिसए णं इमीसे सुवाहुदारियाए मज्जणए ? तए णं से वरिसधरे रूपि करयल जाव वट्ठावेत्ता एवं वयासी-एवं खलु सामी ! अहं अन्नया तुव्भं दोच्चेणं मिहिलं गए । तत्थ णं मए कुंभगस्स रत्तो धूयाए पभावईए देवीए अत्तयाए मल्लीए २ मज्जणए दिट्ठे । तस्स णं मज्जणगस्स इमीए सुवाहुदारियाए मज्जणए सयसहस्स-इमंपि कलं न अग्घइ । तए णं से रूपी राया वरिसधरस्स अत्तियं एयमट्ठं सोच्चा निसम्म मज्जणगजणियहासे दूयं सदावेइ जाव जेणेव मिहिला नयरी तेणेव पहारेत्थ गमणाए (३) ।

(77) तेणं कालेणं २ कासी नामं जणवए होत्था । तत्थ णं वाणा-रसी नामं नयरी होत्था । तत्थ णं संखे नामं कासीराया होत्था । तए णं तीसे मल्लीए २ अन्नया कयाइ तस्स दिवस्स कुंडलजुयलस्स संधी विसंघडिए यावि होत्था । तए णं से कुंभए राया सुवण्णगार-सेणिं सदावेइ २ एवं वयासी-तुव्भे णं देवाणुप्पिया ! इमस्स दिवस्स कुंडलजुयलस्स संधिं संघाडेह । तए णं सां सुवण्णगार-सेणी एयमट्ठं तहत्ति पडिसुणेइ २ तं दिव्वं कुंडलजुयलं गेण्हइ २ जेणेव सुवण्णगारभिसियाओ तेणेव उवागच्छइ २ सुवण्णगारभिसि-यासु निवेसेइ २ वट्ठहिं आएहि य जाव परिणामेमाणा इच्छंति तस्स दिवस्स कुंडलजुयलस्स संधिं घडित्तए नो चेव णं संचाएइ घडित्तए । तए णं सां सुवण्णगारसेणी जेणेव कुंभए तेणेव उवागच्छइ २ करयल जाव वट्ठावेत्ता एवं वयासी-एवं खलु सामी ! अज्ज तुमहे अमहे सदावेइ जाव संधिं संघाडेत्ता एवमाणत्तियं पच्चप्पिणह । तए णं अमहे तं दिव्वं कुंडलजुयलं गेण्हामो जेणेव सुवण्णगारभिसियाओ जाव नो

संचाएमो संघाडित्तए । तए णं अम्हे सामी ! एयस्स दिवस्स कुंडलस्स अन्नं सरिसयं कुंडलजुयलं घडेमो । तए णं से कुंभए राया तीसे सुवण्णगारसेणीए अंतिए एयमट्ठं सोच्चा निसम्म आसुरुत्ते ४ तिवलियं मिउडिं निडाले साहट्ठु एवं वयासी - केसं णं तुब्भे कलायाणं भवह जे णं तुब्भे इमस्स दिवस्स कुंडल-जुयलस्स नो संचाएह संधिं संघाडित्तए ? ते सुवण्णगारे निव्विसए आणवेइ । तए णं ते सुवण्णगारा कुंभणेणं रत्ता निव्विसया आणत्ता समाना जेणेव साइं २ गिहाइं तेणेव उवागच्छंति २ सभंडमत्तोव-गरणमायाए मिहिलाए रायहाणीए मज्झंमज्झेणं निक्खमंति २ विदेहस्स जणवयस्स मज्झंमज्झेणं जेणेव कासी जणवए जेणेव वाणारसी नयरी तेणेव उवागच्छंति २ अग्गुज्जाणंसि सगडीसागडं मोएंति २ महत्थं जाव पाहुडं गेण्हंति २ वाणारसीए नयरीए मज्झंमज्झेणं जेणेव संखे कासीराया तेणेव उवागच्छंति २ करयल जाव वद्धावेंति एवं वयासी - अम्हे णं सामी ! मिहिलाओ कुंभएणं रत्ता निव्विसया आणत्ता समाना इह हव्वमागया । तं इच्छामो णं सामी ! तुब्भं वाहुच्छाया-परिग्गहिया निब्भया निरुव्विग्गा सुहंसुहेणं परिवसिउं । तए णं संखे कासीराया ते सुवण्णगारे एवं वयासी - किं णं तुब्भे देवाणुप्पिया ! कुंभएणं रत्ता निव्विसया आणत्ता ? तए णं ते सुवण्णगारा संखं एवं वयासी - एवं खलु सामी ! कुंभगस्स रत्तो धूयाए पभावईए देवीए अत्तयाए मल्लीए कुंडलजुयलस्स संधी विसंघडिए । तए णं से कुंभए सुवण्णगारसेणिं सदावेइ जाव निव्विसया आणत्ता । तं एएणं कारणेणं सामी ! अम्हे कुंभएणं निव्विसया आणत्ता । तए णं से संखे सुवण्णगारे एवं वयासी - केरिसिया णं देवाणुप्पिया ! कुंभगस्स रत्तो धूया पभावई-देवीए अत्तया मल्ली विदेहरायवरकत्ता ? तए णं से सुवण्णगारा संखं रायं एवं वयासी - नो खलु सामी ! अत्ता कावि तारिसिया देवकत्ता वा गंधव्वकत्ता वा जाव जारिसिया णं मल्ली २ । तए णं से संखे कुंडल-जणियहासे दूयं सदावेइ जाव तहेव पहारेत्थ गमणाए ४ ।

(78) तेणं कालेणं २ कुरुजणवणं होत्था । हत्थिणाउरे नयरे । अदीणसत्तू नामं राया होत्था जाव विहरइ । तत्थ णं मिहिलाए तस्स णं कुंभगस्स पुत्ते पभावईए अत्तए मल्लीए अणुमग्गजायए मल्लदिन्ने नामं कुमारे जाव जुवराया यावि होत्था । तए णं मल्लदिन्ने कुमारे अन्नया कोहुंवियपुरिसे सद्दावेइ २ एवं वयासी - गच्छह णं तुव्भे मम पमंद-वणंसि एगं महं चित्तसभं करेह २ अणेग जाव पच्चप्पिणंति । तए णं से मल्लदिन्ने चित्तगरसेणिं सद्दावेइ २ एवं वयासी - तुव्भे णं देवाणु-प्पिया ! चित्तसभं हावभावविलासविच्चोयकलिपहिं रूवेहिं चित्तेह जाव पच्चप्पिणह । तए णं सा चित्तगरसेणी तहत्ति पडिसुणेइ २ जेणेव सयाइं गिहाइं तेणेव उवागच्छइ २ तूलियाओ वणणए य गेणहई २ जेणेव चित्तसभा तेणेव अणुप्पविसइ २ भूमिभागे विरंयइ २ भूमिं सज्जेइ २ चित्तसभं हावभाव जाव चित्तेउं पयत्ता यावि होत्था । तए णं एगस्स चित्तगरस्स इमेयारूवा चित्तगरलद्धी लद्धा पत्ता अभिसंमन्नागया - जस्स णं दुपयस्स वा चउप्पयस्स वा अपयस्स वा एगदेसमवि पासइ तस्स णं देसाणुसारेणं तयाणुरूवं रूवं निवत्तेइ । तए णं से चित्तगरए मल्लीए जवणियंतरियाए जालंतरेण पायंगुट्ठं पासइ । तए णं तस्स चित्तगरस्स इमेयारूवे अज्झत्थिए जाव समुप्पज्जित्था - सेयं खलु ममं मल्लीए २ पायंगुट्ठाणुसारेणं सरिसगं जाव गुणोववेयं रूवं निवत्तित्तए । एवं संपेहेइ २ भूमिभागं सज्जेइ मल्लीए २ पायंगुट्ठाणुसारेणं जाव निवत्तेइ । तए णं सा चित्तगरसेणी चित्तसभं जाव हावभावं चित्तेइ २ जेणेव मल्लदिन्ने कुमारे तेणेव उवा-गच्छइ जाव एवमाणत्तियं पच्चप्पिणंइ । तए णं मल्लदिन्ने चित्तगरसेणिं सक्कारेइ २ विपुलं जीवियारिहं पीइदाणं दलयइ २ पडिविसज्जेइ । तए णं मल्लदिन्ने अन्नया ण्हाए अंतैउरपरियालसंपरिबुडे अम्मधाईए सद्धिं जेणेव चित्तसभा तेणेव उवागच्छइ २ चित्तसभं अणुप्पविसइ २ हाव-भावविलासविच्चोयकलियाइं रूवाइं पासमाणे जेणेव मल्लीए २ तयाणु-रूवं निवत्तिए तेणेव पहारेत्थ गमणाए । तए णं से मल्लदिन्ने मल्लीए २

तयाणुरूवं निव्वत्तियं पासइ २ इमेयारूवे अज्झत्थिए जाव समुप्प-  
ज्जित्था-एस णं मल्ली २ तिकट्ठु लज्जिए वीडिए विडु<sup>१</sup> सणियं २  
पच्चोसकइ । तए णं तं मल्लदिन्नं अम्मधाई सणियं २ पच्चोसकंतं  
पासित्ता एवं वयासी-किन्नं तुमं पुत्ता ! लज्जिए वीडिए विडु<sup>३</sup>  
सणियं २ पच्चोसकसि ? तए णं से मल्लदिन्ने अम्मधाई एवं वयासी-  
जुत्तं णं अम्मो ! मम जेट्ठाए भगिणीए गुरुदेवयभूयाए लज्जणिज्जाए  
मम चित्तगरणिव्वत्तियं सभं अणुपविसित्तए ? तए णं अम्मधाई  
मल्लदिन्नं कुमारं एवं वयासी-नो खलु पुत्ता ! एस मल्ली । एस णं  
मल्लीए २ चित्तगरणं तयाणुरूवे निव्वत्तिए । तए णं से मल्लदिन्ने  
अम्मधाईए एयमट्ठं सोच्चा निसम्म आसुरुत्ते ४ एवं वयासी-केस णं  
भो से चित्तगरण अपत्थियपत्थिए जाव परिवज्जिए जे णं मम  
जेट्ठाए भगिणीए गुरुदेवयभूयाए जाव निव्वत्तिए तिकट्ठु तं चित्तगरं  
वज्झं आणवेइ । तए णं सा चित्तगरसेणी इमीसे कहाए लद्धट्ठा समाणा  
जेणेव मल्लदिन्ने कुमारे तेणेव उवागच्छइ २ करयलपरिगगहियं जाव वद्धा-  
वेत्ता एवं वयासी-एवं खलु सामी ! तस्स चित्तगरस्स इमेयारूवा  
चित्तगरलद्धी लद्धा पत्ता अभिसमन्नागया-जस्स णं दुपयस्स वा जाव  
निवत्तेइ । तं मा णं सामी ! तुब्भे तं चित्तगरं वज्झं आणवेह । तं तुब्भे  
णं सामी ! तस्स चित्तगरस्स अन्नं तयाणुरूवं दंडं निव्वत्तेह । तए णं  
से मल्लदिन्ने तस्स चित्तगरस्स संडासगं छिंदीवेइ २ निव्विसयं आण-  
वेइ । तए णं से चित्तगरणं मल्लदिन्नेणं निव्विसए आणत्ते सभंडमत्तो-  
वगरणमायाए मिहिलाओ नयरीओ निकखमइ २ विदेहं जणवयं मज्झं-  
मज्झेणं जेणेव कुरुजणवए जेणेव हत्थिणाउरे नयरे तेणेव उवागच्छइ २  
भंडनिकखेवं करेइ २ चित्तफलं सज्जेइ २ मल्लीए २ पायंगुट्ठाणुसारेण  
रूवं निव्वत्तेइ २ कक्खंतरंसि छुवभइ २ महत्थं जाव पाहुडं गेणहइ २  
हत्थिणीउरं नयरं मज्झंमज्झेणं जेणेव अदीणसत्तू राया तेणेव उवागच्छइ  
२ तं करयल जाव वद्धावेइ २ पाहुडं उवणेइ २ एवं वयासी-एवं खलु  
अहं सामी ! मिहिलाओ रायहाणीओ कुंभगस्स रत्तो पुत्तेणं पभावईए

देवीए अत्तएणं मल्लदिन्नेणं कुमारेणं निव्विसए आणत्ते समाणे इहं हव्व-  
मागए । तं इच्छामि णं सामी ! तुब्भं वाहुच्छायापरिग्गहिए जाव परि-  
वसित्तए । तए णं से अदीणसत्तू राया तं चित्तगरदारयं एवं वयासी -  
किन्नं तुमं देवाणुप्पिया ! मल्लदिन्नेणं निव्विसए आणत्ते ? तए णं से  
चित्तगरदारए अदीणसत्तुं रायं एवं वयासी - एवं खलु सामी ! मल्लदिन्ने  
कुमारे अन्नया कयाइ चित्तगरसेणिं सद्दावेइ २ एवं वयासी - तुब्भे णं  
देवाणुप्पिया ! मम चित्तसभं तं चेव सव्वं भाणियव्वं जाव मम संडासगं  
छिंदीवेइ २ निव्विसयं आणवेइ । तं एवं खलु अहं सामी ! मल्लदिन्नेणं  
कुमारेणं निव्विसए आणत्ते । तए णं अदीणसत्तू राया तं चित्तगरं एवं  
वयासी - से केरिसए णं देवाणुप्पिया ! तुमे मल्लीए तहाणुरूवे<sup>१</sup> निव्व-  
त्तिए ? तए णं से चित्तगरे कक्खंतराओ चित्तफलगं नीणेइ २ अदीण-  
सत्तुस्स उवणेइ २ एवं वयासी - एसं णं सामी ! मल्लीए २ तयाणु-  
रूवस्स रूवस्स केइ आगारभावपडोयारे निव्वत्तिए । नो खलु सक्का  
केणइ देवेणं वा जाव मल्लीए २ तयाणुरूवे रूवे निव्वत्तिए । तए णं से  
अदीणसत्तु पडिरूवजणियहासे दूरं सद्दावेइ २ एवं वयासी तहेव जाव  
पहारेत्थ गमणाए (५) ।

(79) तेणं कालेणं २ पंचाले जणवए कं पिहपुरे नयरे । जिय-  
सत्तू नामं राया पंचालाहिचई । तस्स णं जियसत्तुस्स धारिणीपामोक्खं  
देवीसहस्सं ओरोहे होत्था । तत्थ णं मिहिलाए चोक्खा नामं परि-  
व्वाइया रिउव्वेय जाव सुपरिणिट्ठिया यावि होत्था । तए णं सा चोक्खा  
परिव्वाइया मिहिलाए बहूणं राईसर जाव सत्थवाहपभिईणं पुरओ दाण-  
धम्मं च सोयधम्मं च तित्थाभिसेयं च आधवेमाणी पन्नवेमाणी परूवे-  
माणी उव्वदंसेमाणी विहरइ । तए णं सा चोक्खा अन्नया कयाइ त्तिदंडं  
च कुंडियं च जाव धाउरत्ताओ ४ गेणहइ २ परिव्वाइगावसंहाओ पडि-  
निक्खमइ २ पविरलपरिव्वाइयासद्धिं संपरिवुडा मिहिलं रायहाणिं  
मज्झंमज्झेणं जेणेव कुंभगस्स रत्तो भवणे जेणेव कंनंतेउरे जेणेव मल्ली २  
तेणेव उवागच्छइ २ उदयपरिफोसियाए दव्वभोवरि पच्चत्थुयाए

भिसियाए निसीयइ २ मल्लीए २ पुरओ दाणधम्मं च जाव विहरइ । तए णं मल्ली २ चोक्खं परिव्वाइयं एवं वयासी-तुब्भे णं चोक्खे ! किंमूलए धम्मं पन्नत्ते ? तए णं सा चोक्खा परिव्वाइया मल्लि २ एवं वयासी-अम्हं णं देवाणुप्पिए ! सोयमूलए धम्मं पन्नत्ते । जं णं अम्हं किंचि असुई भवइ तं णं उदएण थ मट्टियाए जाव अविग्घेणं सग्गं गच्छामो । तए णं मल्ली २ चोक्खं परिव्वाइयं एवं वयासी-चोक्खा ! से जहानामए केइ पुरिसे रुहिरकयं वत्थं रुहिरेणं चेव धोव्वेज्जा अत्थि णं चोक्खा ! तस्स रुहिरकयस्स वत्थस्स रुहिरेणं धोव्वमाणस्स काइ सोही ? नो ईण्ठे समट्ठे । एवामेव चोक्खा ! तुब्भे णं प्राणाइवाएणं जाव मिच्छादंसण-सल्लेणं नत्थि काइ सोही जहा वा तस्स रुहिरकयस्स वत्थस्स रुहिरेणं चेव धोव्वमाणस्स । तए णं सा चोक्खा परिव्वाइया मल्लीए २ एवं बुत्ता समाणी संकिया कंखिया विइगिच्छिया भेयसमावन्ना जाया वि होत्था मल्लीए नो संचाएइ किंचिवि पामोक्खमाइक्खित्तए तुसिणीया संचिट्ठइ । तए णं तं चोक्खं मल्लीए २ बहूओ दासचेडीओ हीलेंति निंदंति खिंसंति गरिहंति अप्पेगइयाओ हेरुयालेंति अप्पेगइया मुहमक्कडियाओ करेंति अप्पेगइया वग्घाडीओ करेंति अप्पेगइया तज्जेमाणीओ तालेमाणीओ निच्छुहंति । तए णं सा चोक्खा मल्लीए २ दासचेडियाहिं हीलिजमाणी जाव गरहिजमाणी आसुरुत्ता जाव मिसिमिसेमाणी मल्लीए २ पओसमावज्जइ २ भिसियं गेण्हइ २ कंअंतेउराओ पडिनिकखमइ २ मिहिलाओ निग्गच्छइ २ परिव्वाइयासंपुरिवुडा जेणेव पंचालजणवए जेणेव कंपिल्लपुरे तेणेव उवागच्छइ २ बहूणं राईसर जाव परूवेमाणी विहरइ । तए णं से जियसत्तू अन्नया कयाइ अंतेउरपरियालसद्धिं संपरिवुडे एवं जाव विहरइ । तए णं सा चोक्खा परिव्वाइयासंपरिवुडा जेणेव जियसत्तुस्स रन्नो भवणे जेणेव जियसत्तू तेणेव अणुपविसइ २ जियसत्तुं जएणं विजएणं वद्धावेइ । तए णं से जियसत्तू चोक्खं परिव्वाइयं एज्जमाणं पासइ २ सीहासणाओ अम्भुट्ठइ २ चोक्खं सक्कारेइ २ आसणेणं उवनिमंतेइ । तए णं सा चोक्खा उदगपरिफोसियाए जाव भिसियाए निविसइ



जियसत्तुं रायं रज्जे य जाव अंतेउरे य कुसलोदंतं पुच्छइ । तए णं सा चोक्खा जियसत्तुस्स रत्तो दाणधम्मं च जाव विहरइ । तए णं से जियसत्तू अप्पणो ओरोहंसि जायविम्हए चोक्खं एवं वयासी-तुमं णं देवाणुप्पिया ! वट्ठणि गामागर जाव आहिंडंसि वट्ठण य राईसरगिहाइं अणुप्पविसंहि । तं अत्थियाइं ते कस्सइ रत्तो वा जाव एरिसए ओरोहे दिट्ठपुव्वे जारिसए णं इमे ममं ओरोहे ? तए णं सा चोक्खा परिव्वाइया जियसत्तुं एवं ईसिं अवहसियं करेइ २ एवं वयासी-सरिसए णं तुमं देवाणुप्पिया ! तस्स अगडददुरस्स । केसं णं देवाणुप्पिए ! से अगडददुरे ? जियसत्तू ! से जहानामए अगडददुरे सिया । से णं तत्थ जाए तत्थेव बुद्धिं अन्नं अगडं वा तलांगं वा दहं वा सरं वा सागरं वा अपासमाणे मन्नइ-अयं चेव अगडे वा जाव सागरे वा । तए णं तं कूवं अन्ने सामुदए ददुरे हव्वमागए । तए णं से कूवददुरे तं समुदददुरं एवं वयासी-से केस णं तुमं देवाणुप्पिया ! कत्तो वा इह हव्वमागए ? तए णं से सामुदए ददुरे तं कूवददुरं एवं वयासी-एवं खलु देवाणुप्पिया ! अहं सामुदए ददुरे । तए णं से कूवददुरे तं सामुदयं ददुरं एवं वयासी-केमहालए णं देवाणुप्पिया ! से समुदे ? तए णं से सामुदए ददुरे तं कूवददुरं एवं वयासी-महालए णं देवाणुप्पिया ! समुदे । तए णं से कूवददुरे पाएणं लीहं कहेइ २ एवं वयासी-एमहालए णं देवाणुप्पिया ! से समुदे ? नो इणट्ठे समट्ठे । महालए णं से समुदे । तए णं से कूवददुरे पुरत्थिमिल्लाओ तीराओ उप्पिडित्ताणं पच्चत्थिमिल्लं तीरं गच्छइ २ एवं वयासी-एमहालए णं देवाणुप्पिया ! से समुदे ? नो इणट्ठे तहेव । एवामेव तुमंपि जियसत्तू अन्नेसिं वट्ठणं राईसर जाव सत्थवाहप्पभिईणं भज्जं वा भगिणिं वा धूयं वा सुण्हं वा अपासमाणे जाणसि जारिसए मम चेव णं ओरोहे तारिसए नो अन्नस्स । तं एवं खलु जियसत्तू ! मिहिलाए नयरीए कुंभगस्स धूया पभावईए अत्थिया मलीनामं २ रूवेण य जाव नो खलु अन्ना काइ देवकन्ना वा जारिसिया मली । विदेहवररायकन्नाए छिन्नस्स वि पायंगुट्ठगस्स इमे तव ओरोहे

सयसहस्सइमंपि कलं न अग्घइ त्तिकट्टु जामेव दिसं पाउब्भूया तामेव दिसं पडिगया । तए णं से जियसत्तू परिच्चाइयाजणियहासे दूयं सहावेइ जाव पहारेत्थ गमणाए ६ ।

(80) तए णं तेसिं जियसत्तुपामोकखाणं छण्हं राईणं दूया जेणेव मिहिला तेणेव पहारेत्थ गमणाए । तए णं छप्पि दूयगा जेणेव मिहिला तेणेव उवागच्छंति २ मिहिलाए अग्गुज्जाणंसि पत्तेयं २ खंधावार-निवेसं करेति २ मिहिलं रायहाणिं अणुप्पविसंति २ जेणेव कुंभए तेणेव उवागच्छंति २ पत्तेयं करयल जाव साणं २ राईणं वयणाइं निवेदेति । तए णं से कुंभए तेसिं दूयाणं एयमट्ठं सोच्चा आसुरुत्ते जाव तिवलियं भिउडिं एवं वयासी - न देमि णं अहं तुब्भं मल्लिं २ तिकट्टु ते छप्पि दूए असक्कारिय असम्माणिय अवदारेणं निच्छुभावेइ । तए णं जियसत्तु-पामोकखाणं छण्हं राईणं दूया कुंभएणं रत्ता असक्कारिया असम्माणिया अवदारेणं निच्छुभाविया समाणा जेणेव सगा २ जणवया जेणेव सयाइं २ नगराइं जेणेव सया २ रायाणो तेणेव उवागच्छंति २ करयल जाव एवं वयासी - एवं खलु सामी ! अम्हे जियसत्तुपामोकखाणं छण्हं रायाणं दूया जमगसमगं चेव जेणेव मिहिला जाव अवदारेणं निच्छु-भावेइ । तं न देइ णं सामी ! कुंभए मल्लिं २ । साणं २ राईणं एयमट्ठं निवेदेति । तए णं ते जियसत्तुपामोकखा छप्पि रायाणो तेसिं दूयाणं अंतिए एयमट्ठं सोच्चा आसुरुत्ता अन्नमन्नस्स दूयसंपेसणं करेति एवं वयासी - एवं खलु देवाणुप्पिया ! अम्हं छण्हं राईणं दूया जमगसमगं चेव जाव निच्छूढा । तं सेयं खलु देवाणुप्पिया ! कुंभगस्स जत्तं गेण्हि-त्तए त्तिकट्टु अन्नमन्नस्स एयमट्ठं पडिसुणेति २ पहाया सन्नद्धा हत्थिखंध-वरगया सकोरिंटमल्लदामा जाव सेयवरचामराहिं महयाहयगयरहपवर-जोहकलियाए चाउरंगिणीए सेणाए सद्धिं संपरिवुडा सत्विट्ठीए जाव रवेणं सएहिंतो २ नगरेहिंतो जाव निग्गच्छंति २ एंगयओ मिलायंति जेणेव मिहिला तेणेव पहारेत्थ गमणाए । तए णं कुंभए राया इमीसे कहाए लद्धेट्ठे समाणे वलयाउयं सहावेइ २ एवं वयासी

—खिप्पामेव हय जाव सेन्नं सन्नाहेह जाव पच्चप्पिणंति । तए णं कुंभए ण्हाए सन्नद्धे हत्थिखंधवरगए जाव सेयवरचामरण महया मिहिलं मज्झंमज्झेणं निज्जाइ २ विदेहजणवयं मज्झंमज्झेणं जेणेव देसअंते तेणेव खंधावारनिवेशं करेइ २ जियसत्तूपामोक्खा छप्पि य रायाणो पडिवाले-  
माणे जुज्झसज्जे पडिचिट्ठइ । तए णं ते जियसत्तूपामोक्खा छप्पि रायाणो जेणेव कुंभए तेणेव उवागच्छंति २ कुंभएणं रत्तासद्धिं संपलंगा यावि होत्था । तए णं जियसत्तूपामोक्खा छप्पि रायाणो कुंभयं रायं हय-  
महियपवरवीरघाइयविर्वडियच्चिधघयछत्तपडागं किच्छप्पाणोवगयं दिसोदिसं पडिसेहंति । तए णं से कुंभए जियसत्तूपामोक्खेहिं छहिं राईहिं हयमहिय जाव पडिसेहिए समाणे अत्थामे अंवले अवीरिए जाव अधार-  
णिज्जमितिकट्टु सिग्धं तुरियं जाव वेइयं जेणेव मिहिला तेणेव उवा-  
गच्छइ २ मिहिलं अणुपविसइ २ मिहिलाए दुवाराइं पिहेइ २ रोहसज्जे चिट्ठइ । तए णं ते जियसत्तूपामोक्खा छप्पि रायाणो जेणेव मिहिला तेणेव उवागच्छंति २ मिहिलं रायहाणिं निस्संचारं निरुच्चारं सव्वओ समंता ओरुंभित्ताणं चिट्ठंति । तए णं से कुंभए मिहिलं रायहाणिं रुद्धं जाणित्ता अर्भितरियाए उवट्ठाणसालाए सीहांसणवरगए तेसिं जियसत्तूपामो-  
क्खाणं छण्हं राईणं छिद्दाणि यं विवराणि य मम्मणि य अलभमाणे वहुहिं आपंहि य उवाएहि य उप्पत्तियाहि य ४ बुद्धीहिं परिणामेमाणे २ किंचि आयं वा उवायं वा अलभमाणे ओहयमणसंकप्पे जाव झियायइ । इमं च णं मल्ली २ ण्हाया जाव वहुहिं खुज्जाहिं परिवुडा जेणेव कुंभए तेणेव उवागच्छइ २ कुंभगस्स पायग्गहणं करेइ । तए णं कुंभए मल्लिं २ नो आढाइ नो परियाणाइ तुसिणीए संचिट्ठइ । तए णं मल्ली २ कुंभगं एवं वयासी-तुव्वे णं ताओ ! अन्नया ममं एज्जमाणं जाव निव्वेसेह । किन्नं तुव्वं अज्ज ओहय जाव झियायह ? तए णं कुंभए मल्लिं २ एवं वयासी-  
एवं खलु पुत्ता ! तव कज्जे जियसत्तूपामोक्खेहिं छहिं राईहिं दूया संपेसिया । ते णं मए असक्कारिया जाव निच्छूढा । तए णं जियसत्तु-  
पामोक्खा तेसिं दूयाणं अंतिए एयमट्ठं सोच्चा प्रिकुविया समाणा मिहिलं

रायहाणि निस्संचारं जाव चिट्ठंति । तए णं अहं पुत्ता तेसिं जियसत्तु-  
 पामोकखाणं छण्हं राईणं अंतराणि अलभमाणे जाव झियासि । तए णं सा  
 मल्ली २ कुंभगं रायं एवं वयासी - मा णं तुब्भे ताओ ! ओहयमणसंकप्पा  
 जाव झियायह । तुब्भे णं ताओ ! तेसिं जियसत्तुपामोकखाणं छण्हं  
 राईणं पत्तेयं २ रहस्सिए दूयसंवेसे करेह एगमेगं एवं वयह - तव देमि  
 मंलिं २ तिकट्टु संझाकालसमयंसि पविरलमणुस्संसि निसंतपडिनिसं-  
 तंसि पत्तेयं २ मिहिलं रायहाणि अणुप्पविसेह २ गव्वघरणसु अणुप्प-  
 विसेह मिहिलाए रायहाणीए दुवाराइं पिहेह २ रोहसंज्जे चिट्ठह । तए  
 णं कुंभए एवं तं चेव जाव पवेसेइ रोहसंज्जे चिट्ठह । तए णं ते जिय-  
 सत्तुपामोकखा छप्पि रायाणो कलं जाव जलंते जालंतरेहिं कणगमयं  
 मत्थयच्छिड्डं पउमुप्पलंपिहाणं पडिमं पासंति एस णं मल्ली २ तिकट्टु  
 मल्लीए २ रूवे य जोव्वणे य लाव्वणे य मुच्छिया गिद्धा जाव अज्झो-  
 ववन्ना अणिमिसाए दिट्ठीए पेहमाणा २ चिट्ठंति । तए णं सा मल्ली २  
 पहाया जाव पायच्छित्ता सव्वालंकारविभूसिया व्हहिं खुज्जाहिं जाव  
 परिकिखत्ता जेणेव जालघरणे जेणेव कणगपडिमा तेणेव उवागच्छइ २  
 तीसे कणगपडिमाए मत्थयाओ तं पउमं अवणेइ ! तए णं गंधे निद्धा-  
 वेइ से जहानामए अहिमडे इ वा जाव असुभतराए चेव । तए णं ते  
 जियसत्तुपामोकखा तेणं असुभेणं गंधेणं अभिभूया समाणा सएहिं २  
 उत्तरिज्जेहिं आसाइं पिहेति २ परम्मुहा चिट्ठंति । तए णं सा मल्ली २  
 ते जियसत्तुपामोकखे एवं वयासी - किं णं तुब्भे देवाणुप्पिया ! सएहिं २  
 उत्तरिज्जेहिं जाव परम्मुहा चिट्ठह ? तए णं ते जियसत्तुपामोकखा  
 मंलिं २ एवं वयंति - एवं खलु देवाणुप्पिए ! अम्हे इमेणं असुभेणं  
 गंधेणं अभिभूया समाणा सएहिं २ जाव चिट्ठामो । तए णं मल्ली २  
 ते जियसत्तुपामोकखे एवं वयासी - जइ ताव देवाणुप्पिया ! इमीसे  
 कणग जाव पडिमाए कलाकलिं ताओ मणुन्नाओ असणाओ ४ एगमेगे  
 पिंडे पक्खिप्पमाणे २ इमेयारूवे असुभे पोग्गले परिणामे इमस्स पुण  
 ओरालियसरीरस्स खेलासवस्स वंतासवस्स पित्तासवस्स सुक्कासवस्स

सोणियपूयासवस्स दुह्यऊसासनीसासस्स दुह्यमुत्तपूइयपुरीसपुण-  
 स्स सडण जाव धम्मस्स केरिसए य परिणामे भविससइ? तं मा णं तुब्भे  
 देवाणुप्पिया ! माणुस्सएसु कामभोगेसु सज्जह रज्जह गिज्झंह मुज्झंह  
 अज्झोववज्जह । एवं खलु देवाणुप्पिया ! अम्हे इमे तच्चे भवग्गहणे अवर-  
 विदेहवासे सलिलावईविजए वीयसोगाए रायहाणीए महच्चलपामोक्खा  
 सत्तं पियवालवयंसया रायाणो होत्था सहजाया जाव पव्वइया । तए णं  
 अहं देवाणुप्पिया ! इमेणं कारणेणं इत्थीनामगोयं कम्मं निव्वत्तेमि -  
 जइ णं तुब्भे चउत्थं उवसंपज्जित्ताणं विहरह तओ णं अहं छट्ठं उव-  
 संपज्जित्ताणं विहरामि सेसं तहेव सव्वं । तए णं तुब्भे देवाणुप्पिया ! काल-  
 मासे कालं किच्चा जयंतं विमाणे उववत्ता । तत्थ णं तुब्भं देसूणाइं  
 वत्तीसाइं सागरोवमाइं ठिई । तए णं तुब्भे ताओ देवलोगाओ अणंतरं  
 चयं चइत्ता इहेव जंघुईवि २ साइं २ रज्जाइं उवसंपज्जित्ताणं विहरह ।  
 तए णं अहं ताओ देवलोगाओ आउक्खएणं जाव दारियत्ताए पच्चायाया ।  
 किं च<sup>12</sup> तयं पम्हुट्ठं जं थं<sup>13</sup> तया भो जयंतपवरंमि । वुत्था समयनिवद्धं  
 देवा तं संभरह जाइं ॥ १ ॥ तए णं तेसिं जियसत्तुपामोक्खाणं छण्हं  
 राईणं मल्लीए २ अंतिए एयमट्ठं सोच्चा २ सुभेणं परिणामेणं पसत्थेणं  
 अज्झवसाणेणं लेसाहिं विसुज्झमाणीहिं तयावरणिज्जाणं कम्माणं  
 खओवसमेणं ईहापूह जाव सन्निजाईसरणे समुप्पन्ने एयमट्ठं सम्मं अभि-  
 समागच्छंति । तए णं मल्ली अरहा जियसत्तुपामोक्खे छप्पि रायाणो  
 समुप्पन्नजाईसरणे जाणित्ता गम्भघराणं दाराइं विहाडेइ । तए णं जिय-  
 सत्तुपामोक्खा जेणेव मल्ली अरहा तेणेव उवागच्छंति । तए णं महव्वल-  
 पामोक्खा सत्तं पियवालवयंसा एगयओ अभिसमन्नागया वि होत्था ।  
 तए णं मल्ली अरहा ते जियसत्तुपामोक्खे छप्पि रायाणो एवं वयासी -  
 एवं खलु अहं देवाणुप्पिया ! संसारभउद्विग्गा जाव पव्वयामि ।  
 तं तुब्भे णं किं करेह किं ववसह किं भे हियसामत्थे ? तए णं  
 जियसत्तुपामोक्खा मल्लिं अरहं एवं वयासी - जइ णं तुब्भे  
 देवाणुप्पिया ! संसार जाव पव्वयह अम्हाणं देवाणुप्पिया ! के अने

आलंबणे वा आहारे वा पडिवंधे वा ? जह चेव णं देवाणुप्पिया ! तुब्भे अम्हं इओ तच्चे भवग्गहणे वहूसु कज्जेसु य मेढी पमाणं जाव धम्मधुरा होत्था तह चेव णं देवाणुप्पिया ! इण्हि पि जाव भविस्सह । अम्हे वि णं देवाणुप्पिया ! संसारभउव्विग्गा जाव भीया जम्मणंमरणणं देवाणुप्पियासद्धिं मुंडा भवित्ता जाव पव्वयामो । तए णं मल्ली अरहा ते जियसत्तुपामोकखे एवं वयासी - जइ णं तुब्भे संसार जाव मए सद्धिं पव्वयह तं गच्छह णं तुब्भे देवाणुप्पिया ! सएहिं २ रज्जेहिं जेट्ठुत्ते रज्जे ठावेह २ पुरिससहस्सवाहिणीओ सीयाओ दुरूहह २ मम अंतियं पाउब्भवह । तए णं ते जियसत्तुपामोकखा मल्लिस्स अरहओ एयमट्ठं पडिसुणेंति । तए णं मल्ली अरहा ते जियसत्तुपामोकखा गहाय जेणेव कुंभए तेणेव उवागच्छइ २ कुंभगस्स पाएसु पाडेइ । तए णं कुंभए ते जियसत्तुपामोकखा विउलेणं असणेणं ४ पुण्णवत्थगंधमल्लालंकारेणं सक्कारेइ जाव पडिविस्सज्जेइ । तए णं ते जियसत्तुपामोकखा कुंभएणं रत्ता विसज्जिया समाणा जेणेव साइं २ रज्जाइं जेणेव नगराइं तेणेव उवागच्छंति २ सगाइं २ रज्जाइं उवसंपज्जित्ताणं विहरंति । तए णं मल्ली अरहा संवच्छरावसाणे निक्खमिस्सामि त्ति मणं पहारेइ ।

(81) तेणं कालेणं २ सक्कस्स आसणं चलइ । तए णं सक्के देविंदे देवराया आसणं चलयं पासइ २ ओहिं पउंजइ २ मल्लि अरहं ओहिणा आभोणइ २ इमेयारूवे अज्झत्थिए जाव समुप्पज्जित्था - एवं खलु जंबुदीवे २ भारहे वासे मिहिलाए कुंभगस्स रत्तो मल्ली अरहा निक्खमिस्सामित्ति मणं पहारेइ । तं जीयमेयं तीयपच्चुप्पन्नमागयाणं सक्काणं अरहंताणं भगवंताणं निक्खममाणाणं इमेयारूवं अत्थसंपयाणं दलइत्तए तं जहा - तिण्णेव य कोडिसया अट्ठासीइं च हुंति कोडीओ । अंसिइं च सयसहस्सा इंदा दलयंति अरहाणं ॥१॥ एवं संपेहेइ २ वेसमणं देवं सद्दावेइ २ एवं वयासी - एवं खलु देवाणुप्पिया ! जंबुदीवे २ भारहे वासे जाव अंसीइं च सयसहस्साइं दलइत्तए । तं गच्छह णं देवाणुप्पिया ! जंबुदीवे भारहे वासे मिहिलाए कुंभगभवणंसि इमेयारूवं अत्थसंपयाणं साहराहि

२ खिप्पामेव मम एयमाणत्तियं पच्चप्पिणाहि । तए णं से वेसमणे देवे सक्केणं देविंदेणं एवं वुत्ते हट्ठे करयल जाव पडिसुणेइ २ जंभए देवे सद्धवेइ २ एवं वयासी-गच्छह णं तुव्वे देवाणुप्पिया ! जंवुद्दीवं २ भारहं वासं मिहिलं रायहाणिं कुंभगस्स रत्तो भवणंसि तिन्नेव य कोडिसया अट्टासीयं च कोडीओ असीयं च सयसहस्साइं अयमेयारूवं अत्थसंपयाणं साहरह २ मम एयमाणत्तियं पच्चप्पिणह । तए णं ते जंभगा देवा वेसमणेणं जाव सुणेत्ता उत्तरपुरत्थिमं दिसीभागं अवक्कमंति जाव उत्तरवेउव्वियाइं रूवाइं विउव्वंति २ ताए उक्किट्ठाए जाव वीइवयमाणा जेणेव जंवुद्दीवे २ भारहे वासे जेणेव मिहिला रायहाणी जेणेव कुंभगस्स रत्तो भवणे तेणेव उवागच्छंति २ कुंभगस्स रत्तो भवणंसि तिन्नि कोडिसया जाव साहरंति २ जेणेव वेसमणे देवे तेणेव उवागच्छंति २ करयल जाव पच्चप्पिणंति । तए णं से वेसमणे देवे जेणेव सक्के ३ तेणेव उवागच्छइ २ करयल जाव पच्चप्पिणइ । तए णं मल्ली अरहा कळाकल्लिं जाव मागहओ पायरासोत्ति बहूणं सणाहाण य अणाहाण य पहियाण य पंथियाण य कंरोडियाण य कप्पडियाण य एगमेगं हिरण्णकोडिं अट्ठ य अणूणाइं संयसहस्साइं इमेयारूवं अत्थसंपयाणं दलयइ । तए णं कुंभए मिहिलाए रायहाणीए तत्थ २ तहिं २ देसे २ बहूओ महानससालाओ करेइ । तत्थ णं बहवे मणुया दिन्नभइभत्तवेयणा विउलं असणं ४ उवक्खंडेति जे जहा आगच्छंति तं जहा-पंथिया वा पहिया वा कंरोडिया वा कप्पडिया वा पासंडत्था वा गिहत्था वा तस्स य तहा आसत्थस्स वीसत्थस्स सुहासणवरगयस्स तं विउलं असणं ४ परिभाएमाणा परिवेसेमाणा विहरंति । तए णं मिहिलाए सिंघाडग जाव बहुजणो अन्नमन्नस्स एवमाइक्खइ-एवं खलु देवाणुप्पिया ! कुंभगस्स रत्तो भवणंसि सच्चकामगुणियं किमिच्छियं विपुलं असणं ४ बहूणं समणाण य जाव परिवेसिज्जइ । वरवरिया घोसिज्जइ किमिच्छियं दिज्जए बहुविहीयं । सुरअसुरदेवदाणवनरिंदमहियाण निक्खमणे ॥ १ ॥ तए णं मल्ली अरहा संवच्छरेणं तिन्नि कोडिसया अट्टासीयं च होंति कोडीओ असीयं च सयसहस्साइं

इमेयारूवं अत्थसंपयाणं दलइत्ता निक्खमामिस्सि मणं पहरेइ ।

(82) तेणं कालेणं २ लोगंतिया देवा वंभलोए कप्पे रिट्ठे विमाण-  
पत्थडे सएहिं २ विमाणेहिं सएहिं २ पासायवडिंसएहिं पत्तेयं २ चउहिं  
सामाणियसाहस्सीहिं तिहिं परिसाहिं सत्तहिं अणिएहिं सत्तहिं अणिया-  
हिवईहिं सोलसहिं आयरक्खदेवसाहस्सीहिं अत्तेहिं य वहुहिं लोगंति-  
एहिं देवेहिं सद्धिं संपरिवुडा महयाहयनट्ठगीयवाइय जाव रवेणं भुंज-  
माणा विहरंति तं जहा—सारस्सयमाइच्चा वण्ही वरुणा य गद्धत्तोया य ।  
तुसिया अच्चावाहा अग्गिच्चा चेव रिट्ठा य ॥ १ ॥ तए णं तेसिं लोगंति-  
याणं देवाणं पत्तेयं २ आसणाइं चलंति तहेव जाव अरहंताणं निक्खम-  
माणाणं संबोहणं करित्तए त्ति । तं गच्छामो णं अम्हे वि मल्लिस्स अरहओ  
संबोहणं करेमो त्तिकट्ठु एवं संपेहेति २ उत्तरपुरत्थिमं दिसीभागं  
वेउव्वियसमुग्घाएणं समोहणंति संखेज्जाइं जोयणाइं एवं जहा जंभगा जाव  
जेणेव मिहिला रायहाणी जेणेव कुंभगस्स रत्तो भवणे जेणेव मल्ली अरहा  
तेणेव उवागच्छंति २ अंतलिक्खपडिवन्ना सखिंखिणियाइं जाव  
वत्थाइं पवरपरिहिया करयल जाव तार्हि इट्ठाहिं एवं वयासी -  
वुज्झाहि भगवं लोगनाहा ! पवत्तेहि धम्मतित्थं जीवाणं हियसुह-  
निस्सेयसकरं भविस्सइ त्तिकट्ठु दोच्चंपि तच्चंपि एवं वयंति मल्लिं अरहं  
वंदंति नमंसंति २ जामेव दिस्सिं पाउब्भूया तामेव दिस्सिं पडिगया ।  
तए णं मल्ली अरहा तेहिं लोगंतिएहिं देवेहिं संबोहिए समाणे जेणेव  
अम्मापियरो तेणेव उवागच्छइ २ करयल जाव एवं वयासी-इच्छामि  
णं अम्मयाओ ! तुब्भेहिं अब्भणुन्नाए सुंडे भवित्ता जाव पव्वइत्तए ।  
अहासुहं देवाणुप्पिया ! मा पडिवंधं करेहं । तए णं कुंभए राया कोडुं-  
वियपुरिसे सद्दावेइ २ एवं वयासी-खिप्पामेव अट्टसहस्सं सोवणिण-  
याणं कलसाणं जाव भोमेज्जाणं अन्नं च महत्थं जाव तित्थयराभिसेयं  
उवट्ठवेह जाव उवट्ठवेति । तेणं कालेणं २ चमरे असुरिंदे जाव अच्चुय-  
पज्जवसाणा आगया । तए णं सक्के आभिओगिए देवे सद्दावेइ २ एवं  
वयासी-खिप्पामेव अट्टसहस्सं सोवणिणयाणं जाव अन्नं च तं विपुलं



उवट्टवेह जाव उवट्टवेति । ते वि कलसा ते चेव कलसे अणुपविट्ठा । तए णं से सक्के देविंदे देवराया कुंभए य राया मल्लि अरहं सीहासणंसि पुरत्थाभिमुहं निवेसेइ अट्टसहस्सेणं सोवणिणयाणं जाव अभिसिंचन्ति । तए णं मल्लिस्स भगवओ अभिसेए वट्टमाणे अप्पेगइया देवा मिहिलं च सव्विभतरवाहिरं जाव सव्वओ समंता संपरिधावन्ति । तए णं कुंभए राया दोच्चंपि उत्तरावक्कमणं जाव सव्वालंकारविभूसियं करेइ २ कोहुं-वियपुरिसे सद्दावेइ २ एवं वयासी-खिप्पामेव मणोरमं सीयं उवट्टवेह ते उवट्टवेति । तए णं सक्के आभिओगिए देवे वयासी-खिप्पामेव अणेगखंभ जाव सीयं उवट्टवेह जाव सावि सीया तं चेव सीयं अणुप्पविट्ठा । तए णं मल्ली अरहा सीहासणाओ अब्भुट्ठेइ २ जेणेव मणोरमा सीया तेणेव उवागच्छइ २ मणोरमं सीयं अणुपयाहिणीकरेमाणा मणोरमं सीयं दुरूहइ २ सीहासणवरगए पुरत्थाभिमुहे सन्निसण्णे । तए णं कुंभए अट्टारस सेणिप्पसेणीओ सद्दावेइ २ एवं वयासी-तुव्वे णं देवाणुप्पिया ! ण्हाया जाव सव्वालंकारविभूसिया मल्लिस्स सीयं परिवहह जाव परिवहन्ति । तए णं सक्के ३ मणोरमाए सीयाए दक्खिणिल्लं उवरिल्लं वाहं गेण्हइ । ईसाणे उत्तरिल्लं उवरिल्लं वाहं गेण्हइ । चमरे दाहिणिल्लं हेट्ठिल्लं वली उत्तरिल्लं हेट्ठिल्लं अवसेसा देवा जहारिहं मणोरमं सीयं परिवहन्ति-पुव्वि उक्खित्ता माणु-सेहिं सां हट्टरोमकूवेहिं । पच्छा वहन्ति सीयं असुरिंदसुरिंदनागिंदा ॥१॥ चलचवलकुंडलधरा सच्छंदविउव्वियाभरणधारी । देविंददाणविंदा वहन्ति सीयं जिणिंदस्स ॥ २ ॥ तए णं मल्लिस्स अरहओ मणोरमं सीयं दुरूढस्स इमे अट्टमंगलगा पुरओ अहाणुपुव्वेणं एवं निग्गमो जहा जमालिस्स । तए णं मल्लिस्स अरहओ निक्खममाणस्स अप्पेगइया देवा मिहिलं आसिय जाव अविभतरवासविहिगाहा जाव परिधावन्ति । तए णं मल्ली अरहा जेणेव सहस्संववणे उज्जाणे जेणेव असोगवरपायवे तेणेव उवागच्छइ २ सीयाओ पच्चोरुहइ २ आभरणालंकारं पभावई पडिच्छइ । तए णं मल्ली अरहा सयमेव पंचमुट्ठियं लोयं करेइ । तए णं सक्के ३

मल्लिस्स केसे पडिच्छइ खीरोदगसमुदे साहरइ । तए णं मल्ली अरहा नमोऽत्थु णं सिद्धाणं तिकट्ठु सामाइयचारित्तं पडिवज्जइ । जं समयं च णं मल्ली अरहा चारित्तं पडिवज्जइ तं समयं च णं देवाणं य माणुसाण य निग्घोसे तुडियणाए गीयवाइयनिग्घोसे य सक्कवयण-संदेसेणं निलुक्के यावि होत्था । जं समयं च णं मल्ली अरहा सामाइयचारित्तं पडिवज्जे तं समयं च मल्लिस्स अरहओ माणुस-धम्माओ उत्तरिए मणपज्जवनाणे समुप्पन्ने । मल्ली णं अरहा जे से हेमंताणं दोच्चे मासे चउत्थे पक्खे पोससुद्धे तस्स णं पोससुद्धस्स एक्का-रसीपक्खेणं पुव्वण्हकालसमयंसि अट्टमेणं भत्तेणं अपाणएणं अस्सिणीहिं नक्खत्तेणं जोगमुवागएणं तिहिं इत्थीसएहिं अब्भितरियाए परिसाए तिहिं पुरिससएहिं वाहिरियाए परिसाए सद्धिं मुंडे भवित्ता पव्वइए । मल्लिं अरहं इमे अट्ट नायकुमारा अणुपव्वइंसु तं जहा-नंदे य नंदिमित्ते सुमित्त-वलमित्तभाणुमित्ते य । अमरवइ अमरसेणे महसेणे चेव अट्टमए ॥ १ ॥ तए णं ते भवणवई ४ मल्लिस्स अरहओ निक्खमणमहिमं करेति २ जेणेव नंदीसरे अट्टाहियं करेति जाव पडिगया । तए णं मल्ली अरहा जं चेव दिवसं पव्वइए तस्सेव दिवसस्स पुव्वीवरण्हकालसमयंसि असोग-वरपायवस्स अहे पुढविसिलापट्टयंसि सुहासणवरगयस्स सुहेणं परिणामेणं पसत्थाहिं लेसाहिं तयावरणकम्मरयविकरणकरं अपुव्वकरणं अणुपविट्ठस्स अणंते जाव केवलवरनाणदंसणे समुप्पन्ने ।

(83) तेणं कालेणं २ सव्वदेवाणं आसणाइं चलेंति समोसढा सुणेंति अट्टाहियं महानंदीसरं जाव जामेव दिंसि पाउब्भूया तामेव पडि-गया । कुंभए वि निग्गच्छइ । तए णं ते जियसत्तुपामोक्खा छप्पि य रायाणो जेट्ठुप्पुत्ते रज्जे ठावेत्ता पुरिससहस्सवाहिणीयाओ दुरूढा सव्विद्धीए जेणेव मल्ली अरहा जाव पज्जुवासंति । तए णं मल्ली अरहा तीसे महइमहा-लियाए कुंभगस्स तेसिं च जियसत्तुपामोक्खाणं धम्मं परिकहेइ । परिसा जामेव दिंसि पाउब्भूया तामेव दिंसि पडिगया । कुंभए समणोवासए जाए पडिगए पभावई पि । तए णं जियसत्तुपामोक्खा छप्पि रायाणो

धम्मं सोच्चा आलित्तए णं भंते ! जाव पवइया जाव चोइसपुव्विणो  
 अणंते केवली सिद्धा । तए णं मल्ली अरहा सहसंववणाओ पडिनिक्खमइ  
 २ वहिया जणवयविहारं विहरइ । मल्लिस्स णं भिसंगपामोकखा अट्ठावीसं  
 गणा अट्ठावीसं गणहरा होत्था । मल्लिस्स णं अरहओ अट्ठचत्तालीसं  
 समणसाहस्सीओ उक्कोसिया समणसंपया होत्था । वंधुमइपामोकखाओ  
 पणपन्नं अज्जियासाहस्सीओ उक्कोसेणं । सुव्वयपामोकखाओ सावयाणं  
 एगा सयसाहस्सी चुलसीइं सहस्सा सुणंदापामोकखाओ सावियाणं  
 तिणिण सयसाहस्सीओ पण्णट्ठि च सहस्सा छच्च सया चोइस-  
 पुव्वीणं संपया । वीसं सया ओहिनाणीणं वत्तीसं सया केवलनाणीणं  
 पण<sup>10</sup>तीसं सया वेउव्वियाणं अट्ठसया मणपज्जवनानीणं चोइससया  
 वाईणं वीसं सया अणुत्तरोववाइयाणं । मल्लिस्स णं अरहओ दुविहा  
 अंतगंडभूमी होत्था तं जहा-जुगंत<sup>12</sup>करभूमी परियायंतकरभूमी थ  
 जाव वीसइमाओ पुरिसजुगाओ जुगंत<sup>12</sup>करभूमी <sup>13</sup>दुवालसपरियाए  
 अंतमकासी । मल्ली णं अरहा पणवीसं धणू उट्ठं उच्चत्तेणं वण्णेणं  
 पियंगुसामे समचउरंससंठाणे वज्जरिसहनारायंसंघयणे मज्झदेसे सुहं-  
 सुहेणं विहरित्ता जेणेव सम्मेए पव्वए तेणेव उवागच्छइ २ संमेयंसेल-  
 सिहरे पाओवगमणुववन्ने । मल्ली णं अरहा एगं वाससयं अगारवास-  
 मज्झे पणपन्नं वाससहस्साइं वाससयऊणाइं केवल्लिपरियागं पाउणित्ता  
 पणपन्नं वाससहस्साइं सट्ठाउयं पालइत्ता जे से गिम्हाणं पढमे मासे  
 दोच्चे पक्खे चेतसुद्धे तस्स णं चेतसुद्धस्स चउत्थीए भरणीए नक्खत्तेणं  
 अद्धरत्तकालसमयंसि पंचहिं अज्जियासएहिं अविभतरियाए परिसाए  
 पंचहिं अणगारसएहिं वाहिरियाए परिसाए मासिएणं भत्तेणं अपाणएणं  
 वग्घारियपाणी खीणे वेयणिज्जे आउए नामगोए सिद्धे<sup>17</sup> । एवं परिनिव्वाण-  
 महिमा भाणियवा जहा जंजुदीवपणत्तीए नंदीसरे अट्ठाहियाओ पडिगयाओ ।

एवं खलु जंवू ! समणेणं ३ अट्ठमस्स नायज्झयणस्स अयमट्ठे  
 पन्नत्ते त्ति वेमि ॥ ८ ॥

॥ अट्ठमं नायज्झयणं समत्ते ॥ ८ ॥

॥ नवमं अज्झयणं ॥

(84) जइ णं भंते । समणेणं भगवया महावीरेणं जाव संपत्तेणं  
अट्ठमस्स नायज्झयणस्स अयमट्ठे पन्नत्ते नवमस्स णं भंते ! नायज्झयणस्स  
समणेणं जाव संपत्तेणं के अट्ठे पन्नत्ते ? एवं खलु जंबू । तेणं कालेणं  
तेणं समएणं चंपा नामं नयरी होत्था । पुण्णभदे चेइए । तत्थ णं माकंदी  
नामं सत्थवाहे परिवसइ अट्ठे जाव अपरिभूए । तस्सं णं भद्दा नामं  
भारिया होत्था । तीसे णं भद्दाए अत्तया दुवे सत्थवाहदारिया होत्था  
तंजहा — जिणपालिएं य जिणरक्खिए य । तए णं तेसिं मागंदियदारगाणं  
अन्नया कयाइ एगयओ इमेयारूवे मिहोकहासमुल्लावे समुप्पज्जित्था —  
एवं खलु अम्हे लवणसमुदं पोयवहणेणं एक्कारस वारा ओगाढा संवत्थ  
वि य णं लद्धट्ठा कयकज्जा अणहसमग्गा पुणरवि नियगघरं हव्वमागया ।  
तं सेयं खलु अम्हं देवाणुप्पिया ! दुवालसमंपि लवणसमुदं पोयवहणेणं  
ओगाहित्तए त्तिकट्ठु अन्नमन्नस्स एयमट्ठं पडिसुणेंति २ जेणेव अम्मा-  
पियरो तेणेव उवागच्छंति २ एवं वयासी — एवं खलु अम्हे अम्मयाओ !  
एक्कारस वारा तं चेव जाव नियगघरं हव्वमागया । तं इच्छोमो णं अम्म-  
याओ तुब्भेहिं अब्भणुन्नाया समाणा दुवालसलवणसमुदं पोयवहणेणं  
ओगाहित्तए । तए णं ते मागंदियदारए अम्मापियरो एवं वयासी<sup>४</sup> —  
इमे भे<sup>५</sup> जाया ! अज्जगं जाव परिभाएत्तए । तं अणुहोह ताव जाया !  
विपुले साणुस्सए इड्डीसक्कारसमुदए । किं भे<sup>६</sup> सपच्चवाएणं निरालंबणेणं  
लवणसमुदोत्तारेणं ? एवं खलु पुत्ता ! दुवालसमी जत्ता सोवसग्गा  
यावि भवइ । तं मा णं तुब्भे दुवे पुत्ता ! दुवालसमंपि लवणं जाव  
ओगाहेह । मा हु तुब्भं सरीरस्स वावत्ती भविस्सइ । तए णं ते माकंदिय-  
दारगा अम्मापियरो दोच्चंपि तच्चंपि एवं वयासी — एवं खलु अम्हे  
अम्मयाओ ! एक्कारस वारा लवणं जाव ओगाहित्तए । तए णं ते  
माकंदियदारए अम्मापियरो जाहे नो संचाएंति बहूहिं आघवणाहिं य  
पण्णवणाहिं य ताहे अकामा चेव एयमट्ठं अणुमज्जित्था । तए णं  
ते माकंदियदारगा अम्मापिऊहिं अब्भणुन्नाया समाणा गणिमं च

धरिमं च भेज्जं च पारिच्छेज्जं च जहा अरहन्नगस्स जाव लवणसमुदं  
वहूइं जोयणसयाइं ओगाढा ।

(85) तए णं तेसिं माकंदियदारगाणं अणेगाइं जोयणसयाइं ओगा-  
ढाणं समाणाणं अणेगाइं उप्पाइयसयाइं पाउब्भूयाइं तंजहा — अकाले  
गज्जियं जाव थणियसहे कालियवाए तत्थ समुट्ठिणं । तए णं सा नावा तेणं  
कालियवाएणं आहुणिज्जमाणी २ संचालिज्जमाणी २ संखोभिज्जमाणी  
२ सलिलतिक्खवेगेहिं अइवट्ठिज्जमाणी २ कोट्ठिमंसि करतलाहए  
विव तिंदूसए तत्थेव २ ओवयमाणी य उप्पयमाणी य उप्पयमाणी विव  
धरणीयलाओ सिद्धविज्जा विज्जाहरकन्नगा ओवयमाणी विव गगण-  
तलाओ भट्ठविज्जा विज्जाहरकन्नगा विपलायमाणी विव महागरुलवेग-  
वित्तासिया भुयगवरकन्नगा धावमाणी विव महार्जणरसियसइवित्तत्था  
ठाणभट्ठा आसकिसोरी निगुंजमाणी विव गुरुजणदिट्ठावराहा सुजणकुल-  
कन्नगा घुम्ममाणी विव वीचिपहारसयतालिया गलिर्यलंवणा विव गगण-  
तलाओ रोयमाणी विव सलिलभिन्नगंठिविप्पइरमाण्णथोरसुवाएहिं नववहू  
उवरयभत्तुया विलवमाणी विव परचक्करायाभिरोहिया परममहब्भयाभिहुया  
महापुरवरी झायमाणी विव कवडच्छोमंणपओगजुत्ता जोगपरिवाइया  
नीससमाणी विव महाकंतारविणिग्गयपरिस्संता परिणयवया अम्मया  
सोयमाणी विव तवचरणखीणपरिभोगा चवणकाले देववरवहू संचुणिय-  
कंठकूवरा भग्गमेढिमोडियसहस्समाला सूलाइयवंकपरिमासा फलहंतर-  
तडतडेंतफुट्टंतसंधिवियलंतलोहखीलिया सच्चंगवियंभिया परिसडियरज्जु-  
विसरंतसव्वगत्ता आमगमल्लगभूया अकयपुण्णजणमणोरहो विव चिंति-  
ज्जमाणगुरुइं हाहाकयकण्णधारनीवियवाणियगजणकम्मकरं विलविया  
नाणाविहरयणपणियसंपुण्णा वहूहिं पुरिससएहिं रोयमाणेहिं कंदमाणेहिं  
सोयमाणेहिं तिप्पमाणेहिं विलवमाणेहिं एगं महं अंतोजलगयं गिरिसिहर-  
मासाइत्ता संभगकूवतोरणा मोडियज्झयदंडा वलयसयस्संडिया कडकडेंस्स  
तत्थेव विइवं उवगया । तए णं तीए नावाए भिज्जमाणीए ते वहवे  
पुरिसा विपुलपणिर्यंभंडमायाए अंतोजलंभि निर्मज्जावि यावि होत्था ।

(86) तए णं ते माकंदियदारगा छेया दक्खा पत्तट्ठा कुसला मेहावी निउणसिप्पोवगया बहुसु पोयवहणसंपराएसु कयकरणा लद्धविजया अमूढा अमूढहत्था एगं महं फलगखंडं आसादेंति । जांसि च णं पए-संसि से पोयवहणे विवन्ने तंसि च णं पएसंसि एगे महं रयणदीवे नामं दीवे होत्था अणेगाइं जोयणाइं आयामविकखंभेणं अणेगाइं जोयणाइं परिक्खेवेणं नाणादुमसंडमंडिउहेसे सस्सिरीए पासाईए दरिसणिज्जे अभिरूवे पडिरूवे । तस्स णं बहुमज्झदेसभाए एत्थ णं महं एगे पासायवडेंसए होत्था अब्भुगगयमूसिए जाव सस्सिरीयरूवे पासाईए ४ । तत्थ णं पासाय-वडेंसए रयणदीवदेवया नामं देवया परिवसइ पावा चंडा रुद्धा खुदा साहसिया । तस्स णं पासायवडेंसयस्स चउदिसिं चत्तारि वणसंडा पन्नत्ता किण्हा किण्होभासा । तए णं ते माकंदियदारगा तेणं फलयखंडेणं उवु-ज्झमाणा २ रयणदीवतेणं संवुढां यावि होत्था । तए णं ते माकंदिय-दारगा थाहं लभंति २ मुहुत्ततरं आसांसंति २ फलगखंडं विसज्जेति २ रयणदीवं उत्तरेंति २ फलाणं मग्गणगवेसणं करेंति २ फलाइं आहारेंति २ नालिर्यराणं मग्गणगवेसणं करेंति २ नालिर्याइं फोडेंति २ नालियरतेल्लेणं अन्नमन्नस्स गार्याइं अब्भिगेंति २ पोक्खरणीओ ओगाहेंति २ जलमज्जणं करेंति २ जाव पच्चुत्तरंति २ पुढाविसिळापट्टयांसि निसीयंति २ आसत्था वीसत्था सुहासणवरगया चंपं नयरिं अम्मापिउआपुच्छणं च लवणसमु-होत्तारणं च कालियवायसंमुच्छणं च पोयवहणविवत्तिं च फलयखंडयस्स आसायणं च रयणदीवोत्तारं च अणुचितेमाणा २ ओहयमणसंकप्पा जाव झियायंति । तए णं सा रयणदीवदेवया ते माकंदियदारए ओहिणा आभोएइ २ असिफलगवग्गहत्था सत्तअट्ठतलप्पमाणं उड्डं वेहासं उप्पयइ २ ताए उकिट्ठाए जाव देवगईए वीईवयमाणी २ जेणेव माकंदियदारए तेणेव उवागच्छइ २ आसुरुत्ता ते माकंदियदारए खरफरुसनिदुठुरवयणेहिं एवं वयासी-हं भो माकंदियदारया ! जइ णं तुब्भे मए सद्धिं विउलाइं भोगभोगाइं भुंजमाणा विहरह तो भे अत्थि जीवियं । अह णं तुब्भे मए सद्धिं विउलाइं नो विहरह तो भे इमेणं नीलुप्पलगवलगुलिय जाव खुर-

धारेणं असिणा रत्तगंडमंसुयाइं माउआहिं उवसोहियाइं तालफलाणिव  
सीसाइं एगंते एंडेमि । तए णं ते माकंदियदारगा रयणदीवदेवयाए  
अंतिए एयमट्टं सोचचा निसम्म भीया करयल जाव वद्धविच्चा एवं वयासी—  
जन्नं देवाणुप्पिया वइस्सइ तस्स आणाउववायवयणनिहेसे चिट्ठिस्सामो ।  
तए णं सा रयणदीवदेवया ते माकंदियदारए गेण्हइ २ जेणेव पासाय-  
वडेंसए तेणेव उवागच्छइ २ असुभपोग्गलावहारं करेइ २ सुभपोग्गल-  
पक्खेवं करेइ २ तओ पच्छा तेहिं सद्धिं विउलाइं भोगभोगाइं भुंजमाणी  
विहरइ कल्लकल्लिं च अमयफलाइं उवणेइ ।

(87) तए णं सा रयणदीवदेवया सक्कवयणसंदेसेणं सुट्ठिएणं लवणा-  
हिवइणा लवणसमुदे तिसत्तखुत्तो अणुपरियट्ठेयव्वे त्ति जं किंचि तत्थ  
तणं वा पत्तं वा कट्ठं वा कयवरं वा असुइ पूयं दुरभिगंधमचोक्खं तं  
सव्वं आहुणिय २ तिसत्तखुत्तो एगंते एंडेयव्वं तिकदुट्ठ निउत्ता । तए  
णं सा रयणदीवदेवया ते माकंदियदारए एवं वयासी — एवं खलु अहं  
देवाणुप्पिया ! सक्कवयणसंदेसेणं सुट्ठिएण लवणाहिवइणा तं चेव जाव  
निउत्ता । तं जाव ताव अहं देवाणुप्पिया ! लवणसमुदे जाव एडेमि ताव  
तुब्भे इहेव पासायवडेंसए सुहंसुहेणं अभिरममाणा चिट्ठह । जइ णं  
तुब्भे एयंसि अंतरंसि उर्व्वग्गा वा उस्सुया वा उप्पुया वा भवेज्जाह तो  
णं तुब्भे पुरत्थिमिल्लं वणसंडं गच्छेज्जाह । तत्थ णं दो उऊं सया साहीणा  
तंजहा—पाउसे य वासारत्ते यः—तत्थ उ कंदलसिल्लिंधदंतो निउवरपुप्फ-  
पीवरकरो । कुडयज्जुणनीवसुरभिदाणो पाउउउऊ गयवरो साहीणो ॥१॥  
तत्थ यः— सुरगोवमणिविचित्तो देहुरकुलरसियउज्झैररवो । वरहिण-  
वंदपरिणद्धसिहरो वासारत्तउऊपव्वओ साहीणो ॥२॥ तत्थ णं तुब्भे  
देवाणुप्पिया ! बहुसु वावीसु य जाव सरसरपंतियासु य बहुसु आली-  
घरएसु य मालीघरएसु य जाव कुसुमघरएसु य सुहंसुहेणं अभिरम-  
माणा २ विहरिज्जाह । जइ णं तुब्भे तत्थ वि उर्व्वग्गा वा उस्सुया  
वा उप्पुया वा भवेज्जाह तो णं तुब्भे उत्तरिल्लं वणसंडं गच्छेज्जाह ।  
तत्थ णं दो उऊं सया साहीणा तंजहा :— सरदो य हेमंतो य । तत्थ उ

सणसत्तिवण्णकउहो नीलुप्पलपउमनलिणसिंगो । सारसच्चक्रायरवियघोसो  
सरयउऊ गोवई साहीणो ॥१॥ तत्थ य सियकुंदधवलजोण्हो कुसुमिय-  
लोद्धवणसंडमंडलतलो । तुसारदगधारपीवरकरो हेमंतउऊससी सया  
साहीणो ॥२॥ तत्थ णं तुब्भे देवाणुप्पिया ! वावीसु य जाव विहरे-  
ज्जाह । जइ णं तुब्भे तत्थ वि उच्चिग्गा वा जाव उस्सुया वा भवेज्जाह  
तो णं तुब्भे अवरिल्लं वणसंडं गच्छेज्जाह । तत्थ णं दो उऊ सया  
साहीणा तंजहां :- वसंते य गिम्हे य । तत्थ उ सहकारचारुहारो  
किसुयकण्णियारासोगमउडो । ऊसियतिलगवकुलायवत्तो वसंतउऊ नरवई  
साहीणो ॥१॥ तत्थ य पाडलसिरीससलिलो मल्लियावासंतियधवलवेलो  
सीयलंसुरभिअनिलमगरचरिओ गिम्हउऊसागरो साहीणो ॥२॥ तत्थ णं  
बहूसु जाव विहरेज्जाह । जइ णं तुब्भे देवाणुप्पिया ! तत्थ वि उच्चिग्गा  
वा उस्सुया वा उप्पुया वा भवेज्जाह तओ तुब्भे जेणेव पासायवडेंसए  
तेणेव उवागच्छेज्जाह ममं पडिवालेमाणा २ चिट्ठेज्जाह । मा णं तुब्भे  
दक्खिणिहं वणसंडं गच्छेज्जाह । तत्थ णं महं एगे उग्गाविसे चंडविसे  
घोरविसे महाविसे अइकाए महाकाए जहा तेयनिसग्गे मसिमहिस-  
मूसाकालए नयणविसरोसपुण्णे अंजणपुंजनियरप्पगासे रत्तच्छे जमल-  
जुयलचंचलचलंतजीहे धराणितलवेणिभूए उक्कडफुडकुडिलजडिलकक्खड-  
वियडफडाडोवकरणदच्छे लोहागरधम्ममाणधमधमेंतघोसे अणागलिय-  
चंडतिव्वरोसे सँमुहं तुरियचवलं धमधमेंतदिट्ठीविसे सप्पे परिवसइ ।  
मा णं तुब्भं सरीरस्स वावत्ती भविस्सइ । ते माकंदियदारए दोच्चंपि  
तच्चंपि एवं वयँइ २ वेउव्वियसमुग्घाएणं समोहण्णइ २ ताए उक्किट्ठाए  
लवणसमुहं तिसत्तखुत्तो अणुपरियट्ठेउं पयत्ता यावि होत्था ।  
(88) तए णं ते माकंदियदारया तओ मुहुत्तंतरस्स पासायवडेंसए  
सइं वा रईं वा धिइ<sup>10</sup> वा अलभमाणा अन्नमन्नं एवं वयासी - एवं खलु  
देवाणुप्पिया ! रयणदीवदेवया अम्हे एवं वयासी - एवं खलु अहं सक्क-  
वयणसंदेसेणं सुट्ठिएणं लवणाहिन्नइणां जाव वावत्ती भविस्सइ । तं सेयं  
खलु अम्हं देवाणुप्पिया ! पुरत्थिमीहं वणसंडं गमित्तए । अन्नमन्नस्स



पडिसुणेंति २ जेणेव पुरत्थिमिल्ले वणसंडे तेणेव उवागच्छंति २ तत्थ णं वावीसु य जाव आलीघरएसु य जाव विहरंति । तए णं ते माकंदियदारगा तत्थ वि सइं वा जाव अलभमाणा जेणेव उत्तरिल्ले वणसंडे तेणेव उवागच्छंति । तत्थ णं वावीसु य जाव आलीघरएसु य विहरंति । तए णं ते माकंदियदारगा तत्थ वि सइं वा जाव अलभमाणा जेणेव पच्चत्थिमिल्ले वणसंडे तेणेव उवागच्छंति २ जाव विहरंति । तए णं ते माकंदियदारगा तत्थवि सइं वा जाव अलभमाणा अन्नमन्नं एवं वयासी - एवं खलु देवाणुप्पिया ! अम्हे रयणदीवदेवया एवं वयासी - एवं खलु अहं देवाणुप्पिया ! सक्कवयणसंदेसेणं सुट्ठिणं लवणाहिवइणा जाव मा णं तुव्वं सरीरस्स वावत्ती भविस्सइ । तं भवियव्वं एत्थ कारणेणं । तं सेयं खलु अम्हं दक्खिणिहं वणसंडं गमित्तए त्तिकट्ठु अन्नमन्नस्स एयमट्ठं पडिसुणेंति २ जेणेव दक्खिणिह्ले वणसंडे तेणेव पहारेत्थ गमणाए । तओ णं गंधे निद्धाइ से जहानामए अहिमडे इ वा जाव अणिट्ठतराए । तए णं ते माकंदियदारगा तेणं असुभेणं गंधेणं अभिभूया समाणा सएहिं २ उत्तरिज्जेहिं आसाइं पिहेति २ जेणेव दक्खिणिह्ले वणसंडे तेणेव उवागया । तत्थ णं महं एगं आघयणं पासंति अट्ठियरासिसयसंकुलं भीमदरिसणिज्जं एगं च तत्थ सूलाइयं पुरिसं कलुणाइं कट्ठाइं विस्सराइं कुव्वमाणं पासंति भीया जाव संजायभया जेणेव से सूलाइए पुरिसे तेणेव उवागच्छंति २ तं सूलाइयं पुरिसं एवं वयासी - एस णं देवाणुप्पिया ! कस्सं आघयणे तुमं च णं के कओ वा इहं हव्वमागए केण वा इमेयारूवं आंवयं पाविए ? तए णं से सूलाइए पुरिसे ते माकंदियदारगे एवं वयासी - एस णं देवाणुप्पिया ! रयणदीवदेवयाए आघयणे । अहं णं देवाणुप्पिया ! जंचुदीवाओ दीवाओ भारहाओ वासाओ काकंदिए आसवाणियए विपुलं पणियभंडमायाए पोयवहणेणं लवणसमुद्धं ओयाए । तए णं अहं पोयवहणाविवत्तीए निव्वुड्ढमंडसारो एगं फलगखंडं आसाएमि । तए णं अहं उव्वुज्झमाणे २ रयणदीवत्तेणं संवूढे । तए णं सा रयणदीवदेवया ममं पासइ २ ममं गेण्हइ २ मए

साद्धिं विउल्लाईं भोगभोगाईं मुंजमाणी विहरइ । तए णं सा रयण-  
 दीवदेवया अन्नया कयाइ अहालहुंसगंसि अवराहंसि परिकुविया  
 समाणी ममं एयारूवं आवयं पावेइ । तं न नज्जइ णं देवाणुप्पिया !  
 तुब्भं पि इमेसिं सरीरगाणं का मन्ने आवई भविस्सइ । तए णं ते  
 माकंदियदारगा तस्स सूलाइगस्स अंतिए एयमट्ठं सोच्चा निसम्म बलिय-  
 तरं भीया जाव संजायभया सूलाइयं पुरिसं एवं वयासी — कहं णं देवाणु-  
 प्पिया ! अम्हे रयणदीवदेवयाए हत्थाओ साहत्थिं नित्थारिज्जामो ? तए  
 णं से सूलाइए पुरिसे ते माकंदियदारगे एवं वयासी — एस णं देवाणु-  
 प्पिया ! पुरत्थिमिल्ले वणसंडे सेलगस्स जक्खस्स जक्खायणे सेलए नामं  
 आसरूवधारी जक्खे परिवसइ । तए णं से सेलए जक्खे चाउइसट्ठ-  
 मुहिट्ठपुण्णमासिणीसु आगयसमए पत्तसमए महया २ सहेणं एवं वदई-  
 कं तारयामि ? कं पालयामि ? तं गच्छह णं तुब्भे देवाणुप्पिया ! पुरत्थिमिल्लं  
 वणसंडं सेलगस्स जक्खस्स महरिहं पुप्फच्चाणियं करेह २ जन्नुपाय-  
 वडिया पंजलिउडा विणएणं पज्जुवासमाणा विहरह । जाहे णं से सेलए  
 जक्खे आगयसमए पत्तसमए एवं वएज्जा—कं तारयामि ? कं पालयामि ?  
 ताहे तुब्भे एवं वयह — अम्हे तारयाहि अम्हे पालयाहि । सेलए भी  
 जक्खे परं रयणदीवदेवयाए हत्थाओ साहत्थिं नित्थारेज्जा । अन्नहा भो  
 न याणामि इमेसिं सरीरगाणं का मन्ने आवई भविस्सइ ।

(89) तए णं ते माकंदियदारगा तस्स सूलाइयस्स अंतिए एयमट्ठं  
 सोच्चा निसम्म सिग्घं चंडं चवलं तुरियं वेईयं जेणेव पुरत्थिमिल्ले वण-  
 संडे जेणेव पोक्खरिणी तेणेव उवागच्छंति २ पोक्खरिणिं ओगाहंति २  
 जलमज्जणं करेंति २ जाइं तत्थ उप्पल्लाईं जाव गेण्हंति २ जेणेव  
 सेलगस्स जक्खस्स जक्खाययणे तेणेव उवागच्छंति २ आलोए पणामं  
 करेंति २ महरिहं पुप्फच्चाणियं करेंति २ जन्नुपायवडिया सुस्सूस-  
 माणा नमंसमाणा पज्जुवासंति । तए णं से सेलए जक्खे आगय-  
 समए पत्तसमए एवं वयासी — कं तारयामि ? कं पालयामि ? तए  
 णं ते माकंदियदारगा उट्ठाए उट्ठेति करयल्ल जाव वद्धावेत्ता एवं

वयासी — अम्हे तारयाहि अम्हे पालयाहि । तए णं से सेलए जक्खे ते माकंदियदारए एवं वयासी — एवं खलु देवाणुप्पिया ! तुब्भं मए सद्धिं लवणसमुदं मज्झंमज्झेणं वीईवयमाणाणं सां रयणदीवदेवया पावां चंडा रुद्धा खुद्धा साहसिया बहूहि खरएहि य मउएहि य अणुलोमेहि य पडिलोमेहि य सिंगारेहि य कलुणेहि य उवसग्गेहि य उवसग्गं करेहि । तं जइ णं तुब्भे देवाणुप्पिया ! रयणदीवदेवयाए एयमट्ठं आढाहि वा परियाणह वा अवयक्खह वा तो भं अहं पिट्ठाओ विहूणांमि । अहं णं तुब्भे रयणदीवदेवयाए एयमट्ठं नो आढाह नो परियाणह नो अवयक्खह तो भे रयणदीवदेवयाए हत्थाओ साहत्थि नित्थारेमि । तए णं ते माकंदियदारगा सेलगं जक्खं एवं वयासी — जं णं देवाणुप्पिया वईस्संति तस्स णं उववायवयणनिदेसे चिट्ठिस्सामो । तए णं से सेलए जक्खे उत्तरपुंरत्थिर्म दिसीभागं अवक्कमइ २ वेउव्वियंसमुग्घाएणं समोहणइ २ संखेज्जाइं जौयणाइं दंडं निस्सरइ दोच्चंपि वेउव्वियंसमुग्घाएणं समोहणइ २ एगं महं आसरूवं वेउव्वइ २ ते माकंदियदारए एवं वयासी — हं भो माकंदियदारया ! आरुह णं देवाणुप्पिया ! मम पिट्ठं<sup>१</sup> । तए णं ते माकंदियदारया हट्ठा सेलगस्स जक्खस्स पणामं करेति २ सेलगस्स पिट्ठं<sup>२</sup> दुरूढा । तए णं से सेलए ते माकंदियदारए दुरूढे जाणित्ता सत्तअट्ठतालंप्पमीणमेत्ताइं उट्ठं वेहांसं उप्पयइ २ ताए उक्किट्ठाए तुरियाए चवलाए चंडाए दिव्वाए देवयाए देवगईए लवणसमुदं मज्झंमज्झेणं जेणेव जंजुदीवे दीवे जेणेव भारहे वासे जेणेव चंपा नयरी तेणेव पहरेत्थं गमणाए ।

(90) तए णं सा रयणदीवदेवया लवणसमुदं तिसत्तखुत्तो अणुपरियट्ठइ जं तत्थ तणं वा जांव एडेइ जेणेव पासायवडेंसए तेणेव उवागच्छई २ ते माकंदियदारया पासायवडेंसए अपासमाणी जेणेव पुरत्थिमिल्ले वणसंडे जाव सव्वओ समंता मगगंगवेसणं करेइ २ तेसिं माकंदियदारगाणं कत्थइ सुइं वा ३ अलभमीणी जेणेव उत्तरिल्ले एवं चेव प्रच्चत्थिमिल्ले विजाव अपासमाणी ओहिं पउंजइ ते माकंदियदारए सेलएणं सद्धिं

लवणसमुद्धं मज्झंमज्झेणं वीईवयमाणे २ पासइ २ आसुरुत्ता असिखेडंगं  
गेणइ २ सत्तट्ठं जाव उप्पयइ २ ताए उक्किट्ठाए जेणेव माकंदियदारया  
तेणेव उवागच्छइ २ एवं वयासी—हं भो माकंदियदारगा अपत्थियपत्थिया !  
किण्णं तुब्भे जाणह ममं विप्पजहाय सेलएणं जक्खेणं सद्धिं लवण-  
समुद्धं मज्झंमज्झेणं वीईवयमाणा ? तं एवमवि गए जइ णं तुब्भे ममं  
अवयक्खह तो भे अत्थि जीवियं । अह णं नावयक्खह तो भे इमेणं  
नीलुप्पलगवल जाव एडेमि । तए णं ते माकंदियदारगा रयणदीवदेवयाए  
अंतिए एयमट्ठं सोच्चा निसम्म अभीया अतत्था अणुब्बिग्गा अक्खुभिया  
असंभंता रयणदीवदेवयाए एयमट्ठं नो आढंति नो परियाणंति नाव-  
यक्खंति अणाढीयमाणा अपरियाणमाणा अणवयक्खमाणा य सेलएणं  
जक्खेणं सद्धिं लवणसमुद्धं मज्झंमज्झेणं वीईवयंति । तए णं सा रयण-  
दीवदेवया ते माकंदियदारया जाहे नो संचाएइ बहूहिं पंडिलेमेहि य  
उवसग्गेहि य चालित्तए वा खोभित्तए वा विपरिणामित्तए वा ताहे  
महुरेहिं य सिंगारेहि य कलुणेहि य उवसग्गेहि य उवसग्गेउं पयत्ता  
यावि होत्था — हं भो माकंदियदारगा । जई णं तुब्भेहिं देवाणु-  
प्पिया ! मए सद्धिं हसियाणि य रमियाणि य ललियाणि य  
कीलियाणि य हिंडियाणि य मोहियाणि य ताहे णं तुब्भे सव्वाइं  
अगणेमाणा ममं विप्पजहाय सेलएणं सद्धिं लवणसमुद्धं मज्झंमज्झेणं  
वीईवयह । तए णं सा रयणदीवदेवया जिणरक्खयस्स मणं ओहिणा  
आभोएइ २ एवं वयासी — निच्चंपि य णं अहं जिणपालियस्स  
अणिट्ठा ५ । निच्चं मम जिणपालिए अणिट्ठे ५ । निच्चंपि य णं अहं  
जिणरक्खयस्स इट्ठा ५ । निच्चंपि य णं ममं जिणरक्खए इट्ठे ५ । जइ  
णं ममं जिणपालिए रोयमाणं कंदमाणं सोयमाणं तिप्पमाणं विलव-  
माणं नावयक्खइ किण्णं तुमंपि जिणरक्खया ! ममं रोयमाणं जाव  
नावयक्खासि ? तए णं :—सा पवररयणदीवस्स देवीया ओहिणां जिणर-  
क्खयस्स मणं । नाऊणं वैधनिमित्तं उवरिं माकंदियदारगाणं दोणंपि ॥ १ ॥  
दोसकालिया । सलिलयं नाणाविहचुण्णवासमीसियं दिव्वं । घाणमण-

निव्वुइकरं सर्वोउयसुरभिकुसुमवुट्ठिं पमुंचमाणी ॥२॥ नाणामणि-  
 कणगरयणघंटियखिंखिणिनेउरमेहलभूसणरवेणं । दिसाओ विदिसाओ  
 पूरयंती वयणमिणं वेइ सा कलुंसा ॥३॥ होल वसुल गोल नाह दइय  
 पिय रमण कंत सामिय निग्घिण नित्थक्क । थिर्ण निक्किवं अकयन्नुय  
 सिट्ठिभावा निहज्ज लुक्ख अकलुण जिणरक्खिय मज्झं हिययरक्खग ॥४॥  
 न हु जुज्जसि एक्किं अणाहं अबंधवं तुज्झ चलणओवायकारियं  
 उज्झिउमर्थन्नं । गुणसंकर हं तुमे विहूणा न समत्था जीविउं खणां पि ॥५॥  
 इमस्स उ अणेगील्लसमगरविधिंसावयसयाकुलंघरस्स । रयणागरस्स  
 मज्जे अप्पाणं वहेमि तुज्झ पुरओ एहि नियत्ताहि जइ सि कुविओ  
 खमाहि एकांविंसाहं मे ॥६॥ तुज्झ य विगयघणविमंलससिमंडलागारं-  
 सस्तिरीयं सारयनवकमलकुमुदकुवलयविमलदलनिकरसरिसेंनिभनयणं ।  
 वयणं पिवासागयाए सट्ठी मे पेच्छिउं जे अवलोएहि ता इओ  
 ममं नाह जी ते पेच्छामि वयणकमलं ॥७॥ एवं सप्पणयसरलमंहुरींइं  
 पुणो २ कलुणां वयणां जंपमाणी सा पावा मग्गओ समण्णेइ पाव-  
 हियया ॥८॥ तए णं से जिणरक्खिए चलमणे तेणेव भूसणरवेणं कण्ण-  
 सुहमणोहरेणं तेहि य सप्पणयसरलमंहुरभणिएहिं संजायविउणअणुंराए  
 रंयणदीवस्स देवयाए तसे मुंदरथणजहणवयणकरचरणनयणलावणंरूव-  
 जोवण्णासिरिं च दिव्वं सरभसउवगूहियाइं विच्चोयविलसियंणि य  
 विहसियसकडकखंदिट्ठिनिस्ससियमलियउवललियथियगमणपणयखिज्जि-  
 यपसाइयाणि य सरमाणे रागमोहियमई अवसे कम्मवंसगए अवयक्खइ  
 मग्गओ सविलियं । तए णं जिणरक्खियं समुप्पन्नकलुणभावं मच्चुगल-  
 त्थंल्लोहियमई अवयक्खंतं तहेव जक्खे उ सेलए जाणिऊण सणियं २  
 उव्विहइ नियगपिट्ठाहिं विगयसंद्धे । तए णं सा रयणदीवदेवया निस्संसा  
 कलुणं जिणरक्खियं सकलुसा सेलगपिट्ठाहिं ओवयंतं—दास ! मओसि त्ति  
 जंपमाणी अप्तं सागरसलिलं गेण्हिय वाहाहिं आरंसेतं उड्डं उव्विहइ  
 अंवरतले ओवयमाणं च मंडलग्गेण पडिच्छित्ता नीलुप्पलगवलअयसि-  
 प्पगासेणं असिघरेणं खंडाखांडं करेइ २ तत्थ विलवमाणं तस्स य

सरसवहियस्स घेतूण अंगमंगाइं सरुहिराइं उक्खित्तवलिं चउद्दिस्सिं करेइ सा पंजली पहँडा ।

(91) एवामेव समणाउसो । जो अम्हं निग्गंथाण वा निग्गंथीण वा अंतिए पव्वइए समाणे पुणरवि माणुस्सए कामभोगे आसायइ पत्थयइ पीहेइ अभिलसइ से णं इहभवे चेव बहूणं समणाणं बहूणं समणीणं बहूणं सावयाणं बहूणं सावियाणं जाव संसारं अणुपरियट्ठिस्सइ जहा व से जिणरक्खिए । छलिओ अवयक्खंतो निरावयक्खो गओ अविग्घेणं । तम्हा पवयणसारे निरावयक्खेण भवियव्वं ॥१॥ भोगे अवयक्खंता पडंति संसारसागरे घोरे । भोगेहिं य निरवयक्खा तरंति संसारकंतारं ॥२॥

(92) तए णं सा रयणदीवदेवया जेणेव जिणपालिए तेणेव उवा-  
गच्छइ बहूहिं अणुलोमेहि य पडिलोमेहि य खरमउयसिंगारेहि य कलुणेहि  
य उवसग्गेहि य जोहे नो संचाएइ चालित्तए वा खोमित्तए वा विपरिणा-  
मित्तए वा ताहे संता तंता परितंता निव्विण्णा समाणी जामेव दिसिं  
पाउब्भूया तामेव दिसिं पडिगया । तए णं से सेलए जक्खे जिणपालि-  
एण सद्धिं लवणसमुद्दं मज्झंमज्झेणं वीईवयइ २ जेणेव चंपा नयरी तेणेव  
उवागच्छइ २ चंपाए नयरीए अग्गुज्जाणांसि जिणपालियं पट्ठाओ ओया-  
रेइ २ एवं वयासी - एस णं देवाणुप्पिया ! चंपा नयरी दीसइ त्तिकट्ठु  
जिणपालियं आपुच्छइ २ जामेव दिसिं पाउब्भूए तामेव दिसिं पडिगए ।

(93) तए णं जिणपालिए चंपं अणुपविसइ २ जेणेव सए गिहे  
जेणेव अम्मापियरो तेणेव उवागच्छइ २ अम्मापिऊणं रोयमाणे जाव  
विलवमाणे जिणरक्खयवावत्तिं निवेदेइ । तए णं जिणपालिए अम्मापियरो  
मित्तनाइ जाव परियणेणं सद्धिं रोयमाणाइं बहूइं लोइयाइं मयकिच्चाइं  
करेंति २ कालेणं विगयसाया जाया । तए णं जिणपालियं अन्नया कयाइं  
सुहासणवरगयं अम्मापियरो एवं वयासी - कहण्णं पुत्ता ! जिणरक्खिए  
कालगए ? तए णं से जिणपालिए अम्मापिऊणं लवणसमुद्दोत्तारणं च  
कालियवायसमुच्छेणं च पोयवहणविवत्तिं च फलहखंडआसायणं च  
रयणदीवुत्तारं च रयणदीवदेवयागेहिं<sup>१</sup> च भोगंविभूइं च रयणदीवदेवया-

अप्पाहणं च सूलाइयपुरिसदरिसणं च सेलगजक्खआरुहणं च रयणदीव-  
देवयाउवसग्गं च जिणरक्खियविवत्तिं च लवणसमुदुत्तरणं च चंपागमणं  
च सेलगजक्खआपुच्छणं च जहाभूयमवित्तहमसंदिद्धं परिकहेइ । तए  
णं जिणपालिए जाव अप्पसोगे जाव विपुलाइ भोगभोगाइं भुंजमाणे  
विहरइ ।

(94) तेणं कालेणं तेणं समएणं समणे भगवं महावीरे समोसढे-  
जाव धम्मं सोच्चा पव्वइए एगारसंगंवी मासिएणं भत्तेणं जाव अत्ताणं  
झूसेत्ता सोहम्मे कप्पे दो सागरोवमाइं ठिई पन्नत्ता । ताँओ आउक्ख-  
एणं ठिइक्खएणं भवक्खएणं अणंतं चयं चइत्ता जेणेव महाविदेहे  
वासे सिज्झिहिइ जाव अंतं काहिइ । एवामेव समणाउसो ! जाव माणुस्सए  
कामभोगे नो पुणरवि आसाइ से णं जाव वीईवइस्सइ जहा व से  
जिणपालिए ।

एवं खलु जंबू ! समणेणं भगवया महावीरेणं जाव संपत्तेणं  
नवमस्स नायज्झयणस्स अयमट्ठे पन्नत्ते त्तिवोमि ॥

॥ नवमं नायज्झयणं समत्तं ॥९॥

## ॥ दसमं अज्झयणं ॥

(95) जइ णं भंते ! समणेणं नवमस्स नायज्झयणस्स अयमट्ठे पन्नत्ते दसमस्स के अट्ठे पन्नत्ते ? एवं खलु जंबू ! तेणं कालेणं २ रायगिहे नयेरे सामी समोसठे गोयमो एवं वयासी — कहण्णं भंते ! जीवा वड्ढंति वा हायंति वा ? गोयमा ! से जहानामए बहुलपक्खस्स पडिवयाचंदे पुण्णिमाचंदं पणिहाय हीणे वण्णेणं हीणे सोमयाए हीणे निद्धयाए हीणे कंतीए एवं दित्तीए जुत्तीए छायाए पभाए ओयाए लेसाए मंडलेणं । तयाणंतरं च णं बीयाचंदे पडिवयाचंदं पणिहाय हीणतराए वण्णेणं जाव मंडलेणं । तयाणंतरं च णं तइयाचंदे बीयाचंदं पणिहाय हीणतराए वण्णेणं जाव मंडलेणं । एवं खलु एएणं कमेणं परिहायमाणे २ जाव अमावसाचंदे चाउद्दसिचंदं पणिहाय नट्ठे वण्णेणं जाव नट्ठे मंडलेणं । एवामेव समणाउसो ! जो अम्हं निगंथो वा निगंथी वा जाव पव्वइए समाणे हीणे खंतीए एवं मुत्तीए गुत्तीए अज्जवेणं महवेणं लाघवेणं सत्तवेणं तवेणं चियाए अकिंचण्याए बंभचेरवासेणं । तयाणंतरं च णं हीणे हीणतराए खंतीए जाव हीणतराए बंभचेरवासेणं । एवं खलु एएणं कमेणं परिहायमाणे २ नट्ठे खंताए जाव नट्ठे बंभचेरवासेणं । से जहा वा सुक्कपक्खस्स पडिवयाचंदे अमावसाचंदं पणिहाय अहिए वण्णेणं जाव अहिए मंडलेणं । तयाणंतरं च णं बीयाचंदे पडिवयाचंदं पणिहाय अहिययराए वण्णेणं जाव अहिययराए मंडलेणं । एवं खलु एएणं कमेणं परिवड्ढेमाणे २ जाव पुण्णिमाचंदे चाउद्दसिं चंदं पणिहाय पडिपुण्णेवण्णेणं जाव पडिपुण्णे मंडलेणं । एवामेव समणाउसो ! जाव पव्वइए समाणे अहिए खंतीए जाव बंभचेरवासेणं । तयाणंतरं च णं अहिययराए खंतीए जाव बंभचेरवासेणं । एवं खलु एएणं कमेणं परिवड्ढेमाणे २ जाव पडिपुण्णे बंभचेरवासेणं । एवं खलु जीवा वड्ढंति वा हायंति वा ।

एवं खलु जंबू ! समणेणं भगवया महावीरेणं दसमस्स नायज्झयणस्स अयमट्ठे पन्नत्ते त्ति वेमि ॥



॥ एकारसमं अज्झयणं ॥

(96) जइ णं भंते । समणेणं दसमस्स नायज्झयणस्स अयमट्ठे पन्नत्ते एकारसमस्स के अट्ठे पन्नत्ते ? एवं खलु जंबू ! तेणं कालेणं २ रायगिहे जाव गोयमे एवं वयासी — कैहं णं भंते ! जीवा आराहगा वा विराहगा वा भवन्ति ? गोयमा ! से जहानामए एगंसि समुद्दकूलंसि दावद्वा नामं रुक्खा पन्नत्ता किण्हा जाव निउरंवभूया पत्तिया पुप्फिया फलिया हरियगरेरिज्जमाणा सिरीए अईव उवसोभेमाणा २ चिट्ठन्ति । जया णं दीविच्चगा ईसिं पुरेवाया पच्छावाया मंदावाया महावाया वायन्ति तया णं वहवे दावद्वा रुक्खा पत्तिया जाव चिट्ठन्ति । अप्पेगइया दावद्वा रुक्खा जुण्णा झोडा परिसडियपंडुपत्तपुप्फफला सुक्करुक्खओ विव मिलायमाणा २ चिट्ठन्ति । एवामेव समणाउसो ! जो अम्हं निग्गंथो वा २ जाव पव्वइए समाणे वहूणं समणाणं ४ सम्मं सहइ जाव अहियासेइ वहूणं अन्नउत्थियाणं वहूणं गिहत्थाणं नो सम्मं सहइ जाव नो अहियासेइ एस णं मए पुरिसे देसविराहए पन्नत्ते समणाउसो ! जया णं सामुद्दगा ईसिं पुरेवाया पच्छावाया मंदावाया महावाया वायन्ति तया णं वहवे दावद्वा रुक्खा जुण्णा झोडा जाव मिलायमाणा २ चिट्ठन्ति । अप्पेगइया दावद्वा रुक्खा पत्तिया पुप्फिया जाव उवसोभेमाणा २ चिट्ठन्ति । एवामेव समणाउसो ! जो अम्हं निग्गंथो वा २ जाव पव्वइए समाणे वहूणं अन्नउत्थियगिहत्थाणं सम्मं सहइ वहूणं समणाणं ४ नो सम्मं सहइ एस णं मए पुरिसे देसाराहए पन्नत्ते समणाउसो ! जया णं नो दीविच्चगा नो सामुद्दगा ईसिं पच्छावाया जाव महावाया वायन्ति तया णं सव्वे दावद्वा रुक्खा जुण्णा झोडा । एवामेव समणाउसो ! जाव पव्वइए समाणे वहूणं समणाणं ४ वहूणं अन्नउत्थियगिहत्थाणं नो सम्मं सहइ एस णं मए पुरिसे सव्वविराहए पन्नत्ते समणाउसो । जया णं दीविच्चगा वि सामुद्दगा वि ईसिं जाव वायन्ति तया णं सव्वे दावद्वा पत्तिया जाव चिट्ठन्ति । एवामेव समणाउसो ! जो अम्हं पव्वइए समाणे वहूणं समणाणं ४ वहूणं अन्नउत्थियगिहत्थाणं सम्मं सहइ एस णं मए

पुरिसे सव्वआराहए पन्नत्ते । एवं खलु गोयमा ! जीवा आराहगा वा विराहगा वा भवन्ति ।

एवं खलु जंबू ! समणेणं भगवया महावीरेणं जाव संपत्तेणं एक्कारसमस्स अयमट्ठे पन्नत्ते त्तिवेमि ॥११॥

॥ एक्कारसमं नायज्झयणं समत्तं ॥११॥

॥ बारसमं अज्झयणं ॥

(97) जइ णं भंते ! समणेणं जाव संपत्तेणं एक्कारसमस्स नायज्झयणस्स अयमट्ठे पन्नत्ते बारसमस्स णं के अट्ठे पन्नत्ते ? एवं खलु जंबू ! तेणं कालेणं २ चंपा नाम नयरी । पुण्णभदे चेइए । जियसत्तू नामं राया । धारिणी देवी । अदीणसत्तू नामं कुमारे जुवराया वि होत्था । सुबुद्धी नामं अमच्चे जाव रज्जधुराचिंतए यावि होत्था जाव समणोवासए । तीसे णं चंपाए नयरीए बहिया उत्तरपुरत्थिमेणं एगे फरिहोदए यावि होत्था मेयवसारुहिरमंसपूयपडलपोच्चडे मयगकलेवरसंछन्ने अमणुन्ने णं वण्णेणं जाव फासेणं से जहानामए अहिमडे इ वा गोमडे इ वा जाव मयकुहियविणट्ठकिमिणवावण्णदुरभिगंधे किमिजालाउंले संसत्ते असुइविगयवीभच्छदरिसणिज्जे । भवेयारूवे सिया ? नो इणंट्ठे समट्ठे । एत्तो अणिट्ठतराए चेव जाव गंधेणं पन्नत्ते ।

(98) तए णं से जियसत्तू राया अन्नया कयाइ ण्हाए कयबलिकम्मे जाव अप्पमहग्घाभरणाळंकियसरीरे बहूहिं ईसर जाव सत्थवाह — पभिईहिं साद्धिं भोयणमंडवंसि भोयणवेलाए सुहासणवरगए विउलं असणं ४ जाव विहरइ जिमियभुत्तुत्तरागए जाव सुइभूए तंसि विपुलंसि असणांसि ४ जाव जायविम्हए ते बहवे ईसर जाव पभिईए एवं वयासी — अहो णं देवाणुप्पिया ! इमे मणुन्ने असणं ४ वण्णेणं उववेए जाव फासेणं

उववेए अस्सायणिज्जे विसायाणिज्जे पीणणिज्जे दीवणिज्जे दप्पणिज्जे मय-  
 णिज्जे विहंणिज्जे सत्विदियगायपल्हायणिज्जे । तए णं ते वहवे ईसर  
 जाव पभियओ जियसत्तु एवं वयासी - तहेव णं सामी ! जण्णं तुम्हे  
 वयह - अहो णं इमे मणुन्ने असणे ४ वण्णेणं उववेए जाव पल्हायणिज्जे ।  
 तए णं जियसत्तु सुवुद्धिं अमच्चं एवं वयासी - अहो णं सुवुद्धी ! इमे  
 मणुन्ने असणे ४ जाव पल्हायणिज्जे । तए णं सुवुद्धी जियसत्तुस्स रओ  
 एयमट्ठं नो आढाइ जाव तुसिणीए संचिट्ठइ । तए णं जियसत्तु सुवुद्धिं  
 दोच्चंपि तच्चंपि एवं वयासी - अहो णं सुवुद्धी ! इमे मणुन्ने तं चेव जाव  
 पल्हायणिज्जे । तए णं से सुवुद्धी अमच्चे दोच्चंपि तच्चंपि एवं वुत्ते समाणे  
 जियसत्तुं रायं एवं वयासी - नो खलु सामी ! अम्हं एयंसि मणुन्नेसि  
 असणंसि ४ केइ विम्हए । एवं खलु सामी ! सुँरभिसद्दा वि पोग्गला  
 दुरभिसद्दत्ताए परिणमंति दुरभिसद्दा वि पोग्गला सुरभिसद्दत्ताए परिण-  
 मंति । सुरूवा वि पोग्गला दुरूवत्ताए परिणमंति दुरूवा वि पोग्गला  
 सुरूवत्ताए परिणमंति । सुरभिगंधा वि पोग्गला दुरभिगंधत्ताए परिणमंति  
 दुरभिगंधा वि पोग्गला सुरभिगंधत्ताए परिणमंति । सुरसा वि पोग्गला  
 दुरसत्ताए परिणमंति दुरसा वि पोग्गला सुरसत्ताए परिणमंति । सुह-  
 फासा वि पोग्गला दुहपासत्ताए परिणमंति दुहफासा वि पोग्गला सुह-  
 फासत्ताए परिणमंति । पओगवीससा परिणया वि य णं सामी ! पोग्गला  
 पन्नत्ता । तए णं जियसत्तु सुवुद्धिस्स अमच्चस्स एवमाइक्खमाणस्स ४  
 एयमट्ठं नो आढाइ नो परियाणंइ तुसिणीए संचिट्ठइ । तए णं से जिय-  
 सत्तु अन्नया कयाइ ण्हाए आसखंधवरगए महयाभडचडगरआसवाह-  
 णियाए निज्जायमाणे तस्स फरिहोदयस्स अदूरसामंतेणं वीईवयइ । तए  
 णं जियसत्तु तस्स फरिहोदगस्स असुभेणं गंधेणं अभिभूए समाणे  
 सएणं उत्तरिज्जएणं आसगं पिहेइ एगंतं अवक्कमइ २ वहवे ईसर  
 जाव पभियओ एवं वयासी - अहो णं देवाणुप्पिया ! इमे फरिहोदए  
 अमणुन्ने वण्णेणं ४ से जहानामए अहिमडे इ वा जाव अमणासतराए  
 चेव । तए णं ते वहवे राईसर जाव पभियओ एवं वयासी - तहेव णं

तं सामी ! जं णं तुब्भे एवं वयह — अहो णं इमे फरिहोदए अमणुत्ते वण्णेणं ४ से जहानामए अहिमडे इ वा जाव अमणामतराए चेव । तए णं से जियसत्तू सुबुद्धिं अमच्चं एवं वयासी — अहो णं सुबुद्धी ! इमे फरिहोदए अमणुत्ते वण्णेणं ४ से जहानामए अहिमडे इ वा जाव अमणामतराए चेव । तए णं से सुबुद्धी अमच्चे जाव तुसिणीए सांचि-ट्ठइ । तए णं से जियसत्तू राया सुबुद्धिं अमच्चं दोच्चंपि तच्चंपि एवं वयासी — अहो णं तं चेव । तए णं से सुबुद्धी अमच्चे जियसत्तुणा रत्ता दोच्चंपि तच्चंपि एवं वुत्ते समाणे एवं वयासी — नो खलु सामी ! अम्हं एयंसि फरिहोदगांसि केइ विम्हए । एवं खलु सामी ! सुरभिसद्दा वि पोग्गला दुब्भिसद्दत्ताए परिणमंति तं चेव जाव पओगवीससापरिणया वि य णं सामी ! पोग्गला पन्नत्ता । तए णं जियसत्त सुबुद्धिं एवं वयासी — मा णं तुमं देवाणुप्पिया ! अप्पाणं च परं च तदुभयं च बहूहि य असब्भावुब्भावणाहिं मिच्छत्ताभिनिवेसेण य वुग्गाहेमाणे वुप्पाएमाणे विहराहि । तए णं सुबुद्धिस्स इमेयारूवे अज्झत्थिए ४ समुप्पज्जित्था — अहो णं जियसत्तू संते तच्चे तहिए अवितहे सन्भूए जिणपन्नत्ते भावे नो उवलभइ । तं सेयं खलु मम जियसत्तुस्स रत्तो संताणं तच्चणं तहियाणं अवितहाणं सन्भूयाणं जिणपन्नत्ताणं भावाणं अभिगमणट्ठयाए एयमट्ठं उवायणावेत्तए । एवं संपेहेइ २ पच्चइएहिं पुरिसेहिं सद्धिं अंतरावणाओ नवए घडए य पडए य गेण्हइ २ संज्ञाकालसमयांसि पविरलमणुस्संसि निसंतपडिनि संतंसि जेणेव फरिहोदए तेणेव उवागच्छइ २ तं फरिहोदगं गेण्हावेइ २ नवएसु घडएसु गालावेइ २ नवएसु घडएसु पक्खिवावेइ २ सज्जखारं पक्खिवावेइ लंछियमुद्दिए कारावेइ २ सत्तरत्तं परिवसावेइ २ दोच्चंपि नवएसु घडएसु गालावेइ २ नवएसु घडएसु पक्खिवावेइ २ सज्जखारं पक्खिवावेइ २ लंछियमुद्दिए कारावेइ २ सत्तरत्तं परिवसावेइ २ तच्चंपि नवएसु घडएसु जाव संवसावेइ । एवं खलु एएणं उवाएणं अंतरा गालावेमाणे अंतरा पक्खिवावेमाणे अंतरा य वसावेमाणे सत्तसत्त य राइंदियाइं परिवसावेइ ।

तए णं से फरिहोदए सत्तमंसि सत्तयंसि परिणममाणंसि उदगरयणे जाए यावि होत्था अच्छे पत्थे जच्चे तणुए फालियवण्णाभे वण्णेणं उववेए ४ आसायणिज्जे जाव सन्विदियगायपल्हायणिज्जे । तए णं सुबुद्धी जेणेव से उदगरयणे तेणेव उवागच्छइ २ करयलंसि आसादेइ २ तं उदगरयणं वण्णेणं उववेयं ४ आसायणिज्जं जाव सन्विदियगायपल्हायणिज्जं जाणिता हट्टतुट्ठे बहूहिं उदगसंभारणिज्जेहिं दव्वेहिं संभारेइ २ जियसत्तुस्स रत्तो पाणियघरियं सहावेइ २ एवं वयासी—तुमं णं देवाणुप्पिया ! इमं उदगरयणं गेण्हाहि २ जियसत्तुस्स रत्तो भोयणवेलाए उवणेज्जासि । तए णं से पाणियघरिए सुबुद्धिस्स एयमट्ठं पडिसुणेइ २ तं उदगरयणं गेण्हइ २ जियसत्तुस्स रत्तो भोयणवेलाए उवट्ठवेइ । तए णं से जियसत्तू राया तं विपुलं असणं ४ आसाएमाणे जाव विहरइ जिमियभुत्तुत्तरागए वि य णं जाव परमसुइभूए तंसि उदगरयणंसि जायविम्हए ते बहवे राईसर जाव एवं वयासी—अहो णं देवाणुप्पिया ! इमे उदगरयणे अच्छे जाव सन्विदियगायपल्हायणिज्जे । तए णं ते बहवे राईसर जाव एवं वयासी—तहेव णं सामी ! जण्णं तुब्भे वयह जाव एवं चेव पल्हायणिज्जे । तए णं जियसत्तू राया पाणियघरियं सहावेइ २ एवं वयासी—एस णं तुंमे देवाणुप्पिया ! उदगरयणे कओ आसाइए ? तए णं से पाणियघरिए जियसत्तुं एवं वयासी—एस णं सामी ! मए उदगरयणे सुबुद्धिस्स अंतियाओ आसाइए । तए णं जियसत्तू सुबुद्धिं अमच्चं सहावेइ २ एवं वयासी—अहो णं सुबुद्धी ! केणं कारणेणं अहं तव अणिट्ठे ५ जेणं तुमं मम कल्लाकल्लिं भोयणवेलाए इमं उदगरयणं न उवट्ठवेसि ? तं एस णं तुमे देवाणुप्पिया ! उदगरयणे कओ उवलद्धे ? तए णं सुबुद्धी जियसत्तुं एवं वयासी—एस णं सामी ! से फरिहोदए । तए णं से जियसत्तू सुबुद्धिं एवं वयासी—केणं कारणेणं सुबुद्धी ! एस से फरिहोदए ? तए णं सुबुद्धी जियसत्तुं एवं वयासी—एवं खलु सामी ! तुंब्भे तयां मम एवमाइक्खमाणस्स ४ एयमट्ठं नो सहहह । तए णं मम इमेयारूवे अज्झात्थिए ४—अहो णं जियसत्तू संते जाव भावे नो सहहइ नो प्रत्तिइ नो रोएइ । तं

संये खलु मम जियसत्तुस्स रत्तो संताणं जाव सन्भूयाणं जिणपन्नत्ताणं  
 भावाणं अभिगमणट्ठयाए एयमट्ठं उवायणावेत्तए । एवं संपेहेमि २  
 तं चेव जाव पाणियघरियं सद्दावेमि २ एवं वदामि — तुमं णं देवाणुप्पिया !  
 उदगरयणं जियसत्तुस्स रत्तो भोयणवेलाए उवणेहि । तं एएणं कारणेणं  
 सामी ! एस से फरिहोदए । तए णं जियसत्तू राया सुबुद्धिस्स एवमाइ-  
 क्खमाणस्स ४ एयमट्ठं नो सद्दहइ ३ असद्दहमाणे अपत्तियमाणे अरोए-  
 माणे अविंभतरठाणिज्जे पुरिसे सद्दावेइ २ एवं वयासी — गच्छह णं तुब्भे  
 देवाणुप्पिया ! अंतरावणाओ नवए घडए पडए य गेण्हह जाव उदगसंभार-  
 णिज्जेहिं दव्वेहिं संभारेह । तेवि तहेव संभारेति २ जियसत्तुस्स उवणेति ।  
 तए णं से जियसत्तू राया तं उदगरयणं करयलंसि आसाएइ आसायणिज्जं  
 जाव सव्विदियगायपल्हायणिज्जं जाणिता सुबुद्धिं अमच्चं सद्दावेइ २ एवं  
 वयासी — सुबुद्धी ! एए णं तुंमे संता तच्चा जाव सन्भूया भावा कओ  
 उवलद्धा ? तए णं सुबुद्धी जियसत्तुं एवं वयासी — एए णं सामी ! मए  
 संता जाव भावा जिणवयणाओ उवलद्धा । तए णं जियसत्तू सुबुद्धिं एवं  
 वयासी — तं इच्छामि णं देवाणुप्पिया ! तव अंतिए जिणवयणं निसा-  
 मित्तए । तए णं सुबुद्धी जियसत्तुस्स विचित्तं केवलपन्नत्तं चाउज्झामं  
 धम्मं परिकहेइ तमाइक्खइ जहा — जीवा वज्झंति जाव पंचाणुव्वयाइं ।  
 तए णं जियसत्तू सुबुद्धिस्स अंतिए धम्मं सोच्चा निसम्म हट्ठुट्ठं सुबुद्धिं  
 अमच्चं एवं वयासी — सद्दहामि णं देवाणुप्पिया ! निग्गंथं पावयणं ३ जाव  
 से जहेयं तुब्भे वयह । तं इच्छामि णं तव अंतिए पंचाणुव्वइयं सत्त-  
 सिक्खावइयं जाव उवसंपज्जित्ताणं विहरित्तए । अहासुहं देवाणुप्पिया !  
 मा पडिबंध्यं । तए णं से जियसत्तू सुबुद्धिस्स अंतिए पंचाणुव्वइयं जाव  
 दुवालसविहं सावयधम्मं पडिवज्जइ । तए णं जियसत्तू समणोवासए  
 जाए अहिगयजीवाजीवे जाव पडिलाभेमाणे विहरइ । तेणं कालेणं २  
 थेरागमणं । जियसत्तू राया सुबुद्धी य निग्गच्छइ । सुबुद्धी धम्मं सोच्चा  
 जं नवरं जियसत्तुं आपुच्छामि जाव पव्वयामि । अहासुहं देवाणुप्पिया !  
 तए णं से सुबुद्धी जेणेव जियसत्तू तेणेव उवागच्छइ २ एवं वयासी —

एवं खलु सामी ! मए थेराणं अंतिए धम्मं निसंते । से वि य धम्मं इच्छिए पडिच्छिए ३ । तए णं अहं सामी ! संसारभउठिर्वग्गे भीए जाव इच्छामि णं तुब्भेहिं अब्भणुन्नाए जाव पव्वइत्तए । तए णं जियसत्तू सुबुद्धिं एवं वयासी - अच्छसु ताव देवाणुप्पिया ! कइवयाइं वासाइं उरालाइं जाव भुंजमाणा । तओ पच्छा एगयंओ थेराणं अंतिए मुंडे भवित्ता जाव पव्वइस्सामो । तए णं सुबुद्धी जियसत्तुस्स रत्तो एयमट्ठं पडिसुणेइ । तए णं तस्स जियसत्तुस्स रत्तो सुबुद्धिणा सद्धिं विपुलाइं माणुस्सगाइं जाव पञ्चणुव्वभवमाणस्स दुवालस वासाइं वीइक्कंताइं । तेणं कालेणं २ थेरागमणं । जियसत्तू धम्मं सोच्चा एवं जं नवरं देवाणुप्पिया ! सुबुद्धिं आमंतेमि जेद्वपुत्तं रत्ते ठावेमि तए णं तुब्भं अंतिए जाव पव्वयामि । अद्दासुहं देवाणुप्पिया । तए णं जियसत्तू राया जेणेव सए गिहे तेणेव उवागच्छइ २ सुबुद्धिं सद्दावेइ २ एवं वयासी - एवं खलु मए थेराणं जाव पव्वयामि । तुमं णं किं करोसि ? तए णं सुबुद्धी जियसत्तुं एवं वयासी जाव के अन्ने आधारे वा जाव पव्वामि । तं जइ णं देवाणुप्पिया जाव पव्वहि । गच्छह णं देवाणुप्पिया ! जेद्वपुत्तं च कुडुंवे ठावेहि २ सीयं दुरुहित्ताणं ममं अंतिए सीया जाव पाउव्वभवइ । तए णं जियसत्तू कोडुंवियपुरिसे सद्दावेइ २ एवं वयासी - गच्छह णं तुब्भे देवाणुप्पिया ! अदीणसत्तुस्स कुमारस्स रायाभिसेयं उवट्ठवेह जाव अभिसिंचंति जाव पव्वइए । तए णं जियसत्तू एक्कारस अंगाइं अहिज्जइ वहूणि वासाणि परियाओ मासियाए संलेहणाए जाव सिद्धे । तए णं सुबुद्धी एक्कारस अंगाइं अहिज्जित्ता वहूणि वासाणि जाव सिद्धे ।

एवं खलु जंवू । समणेणं भगवया महावीरेणं जाव संपत्तेणं वारसमस्स नायज्झयणस्स अयमट्ठे पन्नत्ते त्ति वेमि ॥

॥ तेरसमं अङ्गयणं ॥

(99) जइ णं भंते ! समणेणं जाव संपत्तेणं चारसमस्स अयमट्ठे पन्नत्ते तेरसमस्स के अट्ठे पन्नत्ते ? एवं खलु जंबू ! तेणं कालेणं २ राय-  
गिहे नयरे गुणसिलए चेइए समोसरणं परिसा निग्गया । तेणं कालेणं  
२ सोहम्ममे कप्पे दहुरवडिंसए विमाणे सभाए सुहम्माए दहुरांसि सीहा-  
सणंसि दहुरे देवे चउहिं सामाणियसाहस्सीहिं चउहिं अग्गमहिसीहिं  
संपरिसाहिं एवं जहा सूरियाभे जाव दिव्वाइं भोगभोगाइं भुंजमाणे विहरइ  
इमं च णं केवलकप्पं जंबुद्दीवं दीवं विउलेणं ओहिणा आभोएमाणे २  
जाव नट्टविहिं उवदंसित्ता पडिगए जहा सूरियाभे । भंते ! त्ति भगवं गोयमे  
समणं ३ वंदइ नमंसइ २ एवं वयासी - अहो णं भंते ! दहुरे देवे  
महिड्डिए ६ । दहुरस्स णं भंते ! देवस्स सा दिव्वा देविड्डी ३ कहिं गया ?  
कहिं पविट्ठा ? गोयमा ! सरीरं गया सरीरं अणुपविट्ठा कूडागारदिट्ठंतो । दहु-  
रेणं भंते ! देवेणं सा दिव्वा देविड्डी ३ किन्ना लद्धा जाव अभिसमन्नागया ?  
एवं खलु गोयमा ! इहेव जंबुद्दीवे २ भारहे वासे रायगिहे गुणसिलए  
चेइए सेणिए राया । तत्थ णं रायगिहे नंदे नामं मणियारसेट्ठी परिवसइ  
अट्ठे दित्ते० । तेणं कालेणं २ अहं गोयमा ! समोसट्ठे परिसा निग्गया  
सेणिए वि निग्गए । तए णं से नंदे मणियारसेट्ठी इमीसे कहाए लद्धट्ठे  
समाणे ण्हाए पायचारेणं जाव पज्जुवासइ । नंदे धम्मं सोच्चा समणोवासए  
जाए । तए णं अहं रायगिहाओ पडिनिक्खंतं बहिया जणवयविहारं  
विहरामि । तए णं से नंदमणियारसेट्ठी अन्नया कयाइ असाहुदंसणेण य  
अपज्जुवासणाए य अणणुसासणाए य असुस्सूसणाए य सम्मत्तपज्जवेहिं  
परिहायमाणेहिं २ मिच्छत्तपज्जवेहिं परिवट्ठमाणेहिं २ मिच्छत्तं विप्पडि-  
वन्ने जाए यावि होत्था । तए णं नंदे मणियारसेट्ठी अन्नया कयाइ गिम्ह-  
कालसमयांसि जेट्टामूलंसि मासंसि अट्ठमभत्तं परिणेण्हइ २ पोसहसालाए  
जाव विहरइ । तए णं नंदस्स अट्ठमभत्तंसि परिणममाणंसि तण्हाए  
छुहाए य अभिभूयस्स समाणस्स इमेयारूवे अज्झत्थिए ४ - धन्ना णं  
ते जाव ईसरपभियओ जेसिं णं रायगिहस्स बहिया बहूओ वावीओ



पोक्खरिणीओ जाव सरसरपंतियाओ जत्थ णं बहुजणो ण्हाइ य पियइ य पाणियं च संवहइ । तं सेयं खलु मम कल्लं सेणियं रायं आपुच्छित्ता रायगिहस्स बहिया उत्तरपुरत्थिमे दिसीभागे वेवभारपव्वयस्स अदूर-सामंते वत्थुपाढगरोइयंसि भूमिभागांसि नंदं पोक्खरिणिं खणावेत्तए त्तिकट्ठु एवं संपेहेइ २ कल्लं जाव पोसहं पारेइ २ ण्हाए कयवलिकम्मे मित्तनाइ जाव संपरिवुडे महत्थं जाव पाहुडं रायारिहं गेण्हइ २ जेणेव सेणिए राया तेणेव उवागच्छइ जाव पाहुडं उवट्ठवेइ २ एवं वयासी — इच्छामि णं सामी ! तुव्वेहिं अच्चणुन्नाए समाणे रायगिहस्स बहिया जाव खणावेत्तए । अहासुहं देवाणुप्पिया । तए णं से नंदे सेणिएणं रत्ता अच्चणुन्नाए समाणे हट्ठतुट्ठे रायगिहं नगरं मज्झमज्झेणं निग्गच्छइ २ वत्थुपाढगरोइयंसि भूमिभागांसि नंदं पोक्खरिणिं खणावेत्तं पयत्ते यावि होत्था । तए णं सा नंदा पोक्खरणी अणुपुव्वेणं खम्ममाणा २ पोक्ख-रणी जाया यावि होत्था चाउक्कोणा समतीरा अणुपुव्वं सुजायवप्प-सीयलजला संच्छन्नपत्तभिसमुणाला बहुउप्पलपउमकुमुदनलिणसुभग-सोगंधियपुंडरीयमहापुंडरीयसयपत्तसहस्सर्पत्तपुप्फफलकेसरोववेया परि-हत्थभमंतमत्तच्छप्पयअणेगसउणगणमिहुणवियरियसइनइयमहुरसरनाइया पासाइया ४ । तए णं से नंदे मणियारसेट्ठी नंदाए पोक्खरिणीए चउदिसिं चत्तारि वणसंडे रोवावेइ । तए णं ते वणसंडा अणुपुव्वेणं सारक्खिज्ज-माणा संगोविज्जमाणा संवड्डिज्जमाणा य वणसंडा जाया किण्हा जाव निउरंवभूया पत्तिया पुप्फिया जाव उवसोभेमाणा २ चिट्ठंति ! तए णं नंदे पुरीत्थिमिहे वणसंडे एगं महं चित्तसभं करीवेइ २ अणेगखंसय-संनिविट्ठं पासाइयं ४ । तत्थ णं वहूणि किण्हाणि य जाव सुक्खिळाणि य कट्ठकम्माणि य पोत्थकम्माणि य चित्तलेप्पगंधिमवेढिमपूरिमसंघाइभीं उवदंसिज्जमाणां २ चिट्ठंति । तत्थ णं वहूणि आसणाणि य सयणाणि य अत्थुयपच्चत्थुयां चिट्ठंति । तत्थ णं वहवे नट्ठा य नट्ठा य जाव दिन्न-भइभत्तवेयणा तालायरकम्मं करेमाणा विहरंति । रायगिहविणिग्गओ तत्थ णं बहुजणो तेसु पुव्वन्नैत्थेसु आसणसयणेसु संनिसण्णो य संतुयट्ठो

य सुणमाणो य पेच्छमाणो य साहेमाणो य सुहंसुहेणं विहरइ । तए  
 णं नंदे दाहिणिल्ले वणसंडे एगं महं महाणससालं कारीवेइ अणेगखंभ  
 जाव रूवं । तत्थ णं बहवे पुरिसा दिन्नभइभत्तवेयणा विउलं असणं ४  
 उवक्खड्ढेति बहूणं समणमाहणअतिहिकिर्वणवणीमगाणं परिभाएमाणा २  
 विहरंति । तए णं नंदे मणियारसेट्ठी पच्चत्थिमिल्ले वणसंडे एगं महं  
 तिगिच्छियसालं करेइ अणेगखंभसय जाव पडिरूवं । तत्थ णं बहवे  
 वेज्जा य वेज्जपुत्ता य जाणुया य जाणुयपुत्ता य कुसला य कुसलपुत्ता य  
 दिन्नभइभत्तवेयणा बहूणं वाहियाण य गिलाणाण य रोगियाण य दुब्ब-  
 लाण य तेइच्छकम्मं करेमाणा विहरंति । अन्ने य तत्थ बहवे पुरिसा  
 दिन्नभइ० तेसिं बहूणं वाहियाण य रोगियगिलाणदुब्बलाण य ओसह-  
 भेसज्जभत्तपाणेणं पडियारकम्मं करेमाणा विहरंति । तए णं नंदे उत्त-  
 रिल्ले वणसंडे एगं महं अलंकारियसभं करेइ अणेगखंभसय जाव पडि-  
 रूवं । तत्थ णं बहवे अलंकारियमणुस्सा दिन्नभइभत्तपाणा बहूणं समणाण  
 य माहणाण य सनाहाण य अणाहाण य गिलाणाण य रोगियाण  
 य दुब्बलाण य अलंकारियकम्मं करेमाणा २ विहरंति । तए णं तीए  
 नंदाए पोक्खरिणीए बहवे सणाहा य अणाहा य पंथिया य पहिया य  
 करोडिय्यां य तणहारा पत्तहारा कट्ठहारा अप्पेगइया ण्हायंति अप्पेगइया  
 पाणियं पियंति अप्पेगइया पाणियं संवहंति अप्पेगइया विसज्जियसेय-  
 जल्लमलपरिस्समनिद्वुप्पिवासा सुहंसुहेणं विहरंति । रायगिहनिग्गओ वि-  
 एत्थ बहुजणो किं ते जलरमणविविहमज्जणकयलिलयाहरयकुसुमसत्थरय-  
 अणेगसउणगणकयरिभियसंकुलेसु सुहंसुहेणं अभिरममाणो २ विहरइ ।  
 तए णं नंदाए पोक्खरिणीए बहुजणो ण्हायमाणो य पीयमाणो य पाणियं  
 च संवहमाणो य अन्नमन्नं एवं वयासी — धन्ने णं देवाणुप्पिया ! नंदे  
 मणियारसेट्ठी कयत्थे जाव जम्मजीवियफले जस्स णं इमेयारूवा नंदा  
 पोक्खरिणी चाउक्कोणा जाव पडिरूवा जस्स णं पुरत्थिमिल्ले तं चैव सब्बं  
 चउसु वि वणसंडेसु जाव रायगिहविणिग्गओ जत्थ बहुजणो आसणेसु  
 य सयणेसु य सन्निसण्णो य संतुयट्ठो य पेच्छमाणो य साहेमाणो य

सुहंसुहेणं विहरइ । तं धन्ने कयत्थे कयलक्खणे कयपुण्णे कया णं  
लोया सुलद्धे माणुस्सए जम्मजीवियफले नंदस्स मणियारस्स । तए णं  
रायगिहे सिंघाडग जाव बहुजणो अन्नमन्नस्स एवमाइक्खइ ४ - धन्ने णं  
देवाणुप्पिया ! नंदे मणियारे सो चेव गमओ जाव सुहंसुहेणं विहरइ ।  
तए णं से नंदे मणियारे बहुजणस्स अंतिए एयमट्ठं सोच्चा निसम्मं  
हट्ठुट्ठे धाराहयकयंबकं पिव समूसविंयरोमकूवे परं सायासोक्खमणु-  
भवेमाणे विहरइ ।

(100) तए णं तस्स नंदस्स मणियारसेट्ठिस्स अन्नया कयाइ सरीर-  
गंसि सोलस रोयायंका पाउब्भूया तंजहा- सासे कैसे जरे दाहे कुच्छि-  
सूले भगंदरे । अरिसां अजीरए दिट्ठीमुद्धसूले अकारए ॥१॥ अच्छि-  
वेयणा कण्णवेयणा कंडू दंडदरे कोढे ॥ तए णं से नंदे मणियारसेट्ठी  
सोलसहिं रोयायंकेहिं अभिभूए समाणे कोडुंविद्यपुरिसे सहावेइ २ एवं  
वयासी- गच्छह णं तुब्भे देवाणुप्पिया ! रायगिहे नयरे सिंघाडग जाव  
पहेसु महया २ सदेणं उघोसेमाणा २ एवं वयह- एवं खलु देवाणुप्पिया !  
नंदस्स मणियारस्स सरीरगंसि सोलस रोयायंका पाउब्भूया तंजहा -  
सासे जाव कोढे । तं जो णं इच्छइ देवाणुप्पिया ! विज्जो वा विज्ज-  
पुत्तो वा जाणुओ वा २ कुसलो वा २ नंदस्स मणियारस्स तेसिं च णं  
सोलसण्हं रोयायंकाणं एगमवि रोयायंकं उवसामित्तए तस्स णं नंदे  
मणियारे विउलं अत्थसंपयाणं दलयइ त्तिकट्ठु दोच्चंपि तच्चंपि घोसणं  
घोसेह २ एयमाणत्तियं पच्चप्पिणह तेवि तहेव पच्चप्पिणंति । तए णं राय-  
गिहे इमेयारूवं घोसणं सोच्चा निसम्मं वहवे वेज्जा य वेज्जपुत्ता य जाव  
कुसलपुत्ता य सत्थकोसहत्थगया य सिलियाहत्थगया य गुलियाहत्थ-  
गया य ओसहभेसज्जहत्थगया य सएहिं २ गिहेहिंतो निक्खमंति २  
रायगिहं मज्झमज्जेणं जेणेव नंदस्स मणियारसेट्ठिस्स गिहे तेणेव उवा-  
गच्छंति २ नंदस्स मणियारस्स सरीरगं पासंति २ तेसिं रोयायंकाणं  
नियाणं पुच्छंति २ नंदस्स मणियारस्स वहुहिं उव्वलणेहि य उव्वट्टणेहि  
य सिंणेहपाणेहि य वमणेहि य विरेयणेहि य सेयणेहि य अवर्दहणेहि य

अवण्हावणेहि य अणुवासणाहि य वत्थिकम्मेहि य निरूहेहि य सिरा-  
वेहेहि य तच्छणाहि य पच्छणाहि य सिरावत्थीहि य तप्पणाहि य पुंड-  
वाएहि य छल्लीहि य वल्लीहि य मूलेहि य कंदेहि य पत्तेहि य पुप्फेहि  
य फलेहि य बीएहि य सिलियाहि य गुलियाहि य ओसहेहि य भेस-  
ज्जेहि १ इच्छंति तेसिं सोलसण्हं रोयायंकाणं एगमवि रोयायंकं उवसामि-  
त्तए नो चेव णं संचाएंति उवसामेत्तए । तए णं ते बहवे विज्जा य ६  
जाहे नो संचाएंति तेसिं सोलसण्हं रोयायंकाणं एगमवि रोयायंकं उव-  
सामित्तए ताहे संता तंता जाव पडिगया । तए णं नंदे मणियारे तेहिं  
सोलसेहिं रोयायंकेहिं अभिभूए समाणे नंदाए पुक्खरिणीए मुच्छिण ४  
तिरिक्खजोणिएहिं निबद्धाउए बद्धपएसिए अट्टुहट्टवसट्टे कालमासे कालं  
किच्चा नंदाए पोक्खरिणीए द्दुरीए कुच्छिसि द्दुरत्ताए उववन्ने । तए  
णं नंदे द्दुरे गव्भाओ विप्पमुक्के समाणे उमुक्कवालभावे विन्नायपरि-  
णयमित्ते जोव्वणगमणुप्पत्ते नंदाए पोक्खरिणीए अभिरसमाणे २ विह-  
रइ । तए णं नंदाए पोक्खरिणीए बहुजणो ण्हायमाणो य पियइ य  
पाणियं च संवहमाणो अन्नमन्नं एवमाइक्खइ ४- धन्ने णं देवाणु-  
प्पिया ! नंदे मणियारे जस्स णं इमेयारूवा नंदा पुक्खरिणी चाउक्कोणा  
जाव पडिरूवा जस्स णं पुरत्थिमिल्ले वणसंडे चित्तसभा अणेगखंभ तहेव  
चत्तारि सभाओ जाव जम्मजीवियफले । तए णं तस्स द्दुरस्स तं  
आभिक्खणं २ बहुजणस्स अंतिए एयमट्ठं सोच्चा निसम्म इमेयारूवे  
अज्झत्थिए ४ समुप्पज्जित्था - से कहिं मन्ने मए इमेयारूवे सहे निसंत-  
पुव्वे त्तिकट्ठु सुभेणं परिणामेणं जाव जाईसरणे समुप्पन्ने पुव्वजाइं  
सम्मं समागच्छइ । तए णं तस्स द्दुरस्स इमेयारूवे अज्झत्थिए ४-एवं  
खलु अहं इहेव रायगिहे नयरे नंदे नामं मणियारे अड्ढे ० । तेणं कालेणं  
२ समणे भगवं महावीरे इह समोसड्ढे । तए णं मए समणस्स ३  
अंतिए पंचाणुव्वइए सत्तसिक्खावइए जाव पडिवन्ने । तए णं अहं  
अन्नया कयाइ असाहुदंसणेणं य जाव मिच्छत्तं विप्पडिवन्ने । तए णं  
अहं अन्नया कयाइं गिम्हकालसमयंसि जाव उवसंपज्जित्ताणं विहरामि-

एवं जहेव चिंता आपुच्छणा नंदापुक्खरिणी वणसंडा संहोओ तं चेव सव्वं जाव नंदाए दहुरत्ताए उववन्ने । तं अहो णं अहं अहन्ने अपुण्णे अकयपुण्णे निग्गंथाओ पावयणाओ नट्ठे भट्ठे परिब्भट्ठे । तं सेयं खलु ममं सयमेव पुव्वपडिवन्नाइं पंचाणुव्वयाइं उवसंपज्जित्ताणं विहरित्तए । एवं संपेहेइ २ पुव्वपडिवन्नाइं पंचाणुव्वयाइं जाव आरुहइ २ इमेयारूवं अभिग्गहं अभिगिण्हइ — कप्पइ मे जावज्जीवं छट्ठंछट्ठेणं अणिक्खित्तेणं अप्पाणं भावेमाणस्स विहरित्तए । छट्ठस्स वि य णं पारणगांसि कप्पइ मे नंदाए पोक्खरिणीए परिपेरंतेसु फासुएणं ण्हाणोदएणं उम्मईणालोलियाहि य वित्तिं कप्पेमाणस्स विहरित्तए । इमेयारूवं अभिग्गहं अभिगेण्हइ जाव-ज्जीवाए छट्ठंछट्ठेणं जाव विहरइ । तेणं कालेणं २ अहं गोयसा ! गुण-सिलए समोसट्ठे परिस्ता निग्गया । तए णं नंदाए पोक्खरिणीए बहुजणो ण्हाइ ३ अन्नमन्नं जाव समणे ३ इहेव गुणसिलए चेइए समोसट्ठे । तं गच्छामो णं देवाणुप्पिया ! समणं ३ वंदामो जाव पज्जुवासामो । एयं णे इहभवे परभवे य हियाए जाव आणुगामियत्ताए भविस्सइ । तए णं तस्स दहुरस्स बहुजणस्स अंतिए एयमट्ठं सोच्चा निसम्म अयमेयारूवे अब्झत्थिए ४ समुप्पज्जित्था—एवं खलु समणे ३ समोसटे । तं गच्छामि णं वंदामि । एवं संपेहेइ २ नंदाओ पुक्खरिणीओ साणियं २ उत्तरेइ जेणेव रायमग्गे तेणेव उवागच्छइ २ ताए उक्किट्ठाए ५ दहुरगईए वीईवयमाणे जेणेव ममं अंतिए तेणेव पैहारेत्थ गमणाए । इमं च णं सेणिए राया भिंभसारे ण्हाए कयकोउय जाव सव्वालंकारविभूसिए हत्थिखंधवरगए सकोरेंटमल्लदामेणं छत्तेणं धरिज्जमाणेणं सेयवरचामरेहि य उद्धव्वमाणेहिं हयगयरहं महया भडचडगरचाउरंगिणीए सेणाए सद्धिं संपरिवुडे मम पायवंदए हव्वमागच्छइ । तए णं से दहुरे सेणियस्स रत्तो एगेणं आसकिसोरएणं वामपाएणं अक्कंते समाणे अंतनिग्घाइए कए यावि होत्था । तए णं से दहुरे अथामे अवले अवीरिए अपुरिसक्कारपरक्कमे आधारणिज्ज-मित्तिकट्ठु एगंतमवक्कमइ करयल जाव एवं वयासी— नमोत्थु णं अरहंताणं जाव संपत्ताणं । नमोत्थु णं मम धम्मायरियस्स जाव संपाविउकामस्स ।

पुण्विपि य णं मए समणस्स ३ अंतिए थूलए पाणाइवाए पच्चक्खाए जाव थूलए परिग्गहे पच्चक्खाए । तं इयाणिंपि तस्सेव अंतिए सव्वं पाणाइवायं पच्चक्खामि जाव सव्वं परिग्गहं पच्चक्खामि जावज्जीवं सव्वं असणं ४ पच्चक्खामि जावज्जीवं जंपि य इमं सरीरं इट्ठं कंतं जाव मा फुसंतु एयंपि य णं चरिमेहिं ऊसासेहिं वोसिरामि त्तिकट्ठु । तए णं से दहुरे कालमासे कालं किच्चा जाव सोहम्मए कप्पे दहुरवडिंसए उव-वायसभाए दहुरदेवत्ताए उववत्ते । एवं खलु गोयमा ! दहुरेणं सा दिव्वा देविड्डी लद्धा ३ । दहुरस्स णं भंते ! देवस्स केवइयं कालं ठिई पन्नत्ता ? गोयमा ! चत्तारि पलिओवमाइं ठिई पन्नत्ता । दहुरे णं भंते । देवे ताओ देवलोगाओ आउक्खएणं ठिइक्खएणं कहिं गच्छिहिइ कहिं उववज्जिहिइ ? गोयमा ! से णं दहुरे देवे महाविदेहे वासे सिज्झिहिइ वुज्झिहिइ मुच्चि-हिइ जाव अंतं करेहिइ ।

एवं खलु जंबू ! समणेणं भगवया महावीरेणं जाव संपत्तेणं तेरसमस्स नायज्झयणस्स अयमट्ठे पन्नत्ते त्ति वेमि ॥

॥ तेरसमं नायज्झयणं संमत्तं ॥१३॥

॥ चोदसमं अज्झयणं ॥

(101) जइ णं भंते ! समणेणं जाव संपत्तेणं तेरसमस्स नायज्झयणस्स अयमट्ठे पन्नत्ते चोदसमस्स के अट्ठे पन्नत्ते ? एवं खलु जंबू ! तेणं कालेणं २ तेयलिपुरं नाम नैयरं । पमयवणे उज्जाणे । कणगरहे राय्या । तस्स णं कणगरहस्स पउमावई देवी । तस्स णं कणगरहस्स रत्तो तेयलिपुत्ते नामं अमच्चे सामदंडभेयनिउणे । तत्थ णं तेयलिपुरे कलादे नामं मूसियारदारए होत्था अट्ठे जाव अपरिभूए । तस्स णं भद्दा नामं भारिया । तस्स णं कलायस्स मूसियारदारगस्स धूया भद्दाए अत्तया पोट्टिल्ला नामं दारिया होत्था रूवेण य उक्किट्ठा जाव उक्किट्ठसरीरा । तए णं सा पोट्टिला दारिया अन्नया कयाइ प्हाया सव्वालंकारविभूसिया

चेडियाचक्रवालसंपरिवुडा उप्पि पासायवरगया आंगासतलगंसि कणगतिंदू-  
 सएणं कीलमाणी २ विहरइ । इमं च णं तेयलिपुत्ते अमच्चे ण्हाए आस-  
 खंधवरगए महया भडचडगर० आसवाहणियाए निज्जायमाणे कलायस्स  
 मूसियारदारंगस्स गिहस्स अदूरसामंतेणं वीईवयइ । तए णं से तेयलिपुत्ते  
 अमच्चे मूसियारदारंगगिहस्स अदूरसामंतेणं वीईवयमाणे २ पोट्टिलं दारियं  
 उप्पि आंगासतलगंसि कणगतिंदूसएणं कीलमाणी पासइ २ पोट्टिलाए दारि-  
 याए रुंवे य जाव अज्झोववन्ने कोडुंवियपुरिसे सद्दावेइ २ एवं वयासी-  
 एस णं देवाणुप्पिया ! कस्स दारिया किंनामधेज्जा वा ? तए णं कोडुं-  
 वियपुरिसा तेयलिपुत्तं एवं वयासी — एस णं सामी ! कलायस्स मूसियार-  
 दारयस्स धूया भद्दाए अत्तया पोट्टिला नामं दारिया रुक्खेण य जाव उक्किट्ठ-  
 सरीरा । तए णं से तेयलिपुत्ते आसवाहणियाओ पडिनियत्ते समाणे  
 अन्धितरठाणिज्जे पुरिसे सद्दावेइ २ एवं वयासी — गच्छह णं तुब्भे देवा-  
 णुप्पिया ! कलायस्स २ धूयं भद्दाए अत्तयं पोट्टिलं दारियं मम भारि-  
 यत्ताए वरेह । तए णं ते अन्धितरठाणिज्जा पुरिसा तेयलिणा एवं वुत्ता  
 हट्ठा करयल० तहत्ति जेणेव कलायस्स २ गिहे तेणेव उवागया । तए णं से  
 कलाए २ ते पुरिसे एज्जमाणे पासइ २ हट्ठतुट्ठे आसणाओ अब्भुट्ठेइ २  
 रसत्तट्ठपयाइं अणुगच्छइ २ आसणेणं उवणिमंतेइ २ आसत्थे वीसत्थे  
 सुहासणवरगए एवं वयासी — संदिसंतु णं देवाणुप्पिया ! किमागमण-  
 पओयणं । तए णं ते अन्धितरठाणिज्जा कलायं २ एवं वयासी—अम्हे णं  
 देवाणुप्पिया ! तव धूयं भद्दाए अत्तयं पोट्टिलं दारियं तेयलिपुत्तस्स भारि-  
 यत्ताए वरेमो । तं जइ णं जाणसि देवाणुप्पिया ! जुत्तं वा पत्तं वा सला-  
 हणिज्जं वा सरिसो वा संजोगो ता दिज्जउ णं पोट्टिला दारिया तेयलिपुत्तस्स ।  
 तो भण देवाणुप्पिया ! किं दलामो सुक्कं । तए णं कलाए २ ते अन्धितर-  
 ठाणिज्जे पुरिसे एवं वयासी — एस चेव णं देवाणुप्पिया ! मम सुक्कं जज्जं  
 तेयलिपुत्ते मम दारियानिमित्तेणं अणुग्गहं करेइ । ते ठाणिज्जे पुरिसे  
 विपुलेणं असणेणं ४ पुप्फवत्थ जाव मल्लालंकारेणं सक्कारेइ सम्माणेइ  
 पडिविसज्जेइ । तए णं ते पुरिसा कलायस्स २ गिहाओ पडिनियत्तंति २

जेणेव तेयलिपुत्ते अमच्चे तेणेव उवागच्छंति २ तेयलिपुत्तं एयमट्ठं निवे-  
इंति । तए णं कलाए २ अन्नया कयाइं सोहणांसि तिहिकरणनक्खत्तमुहु-  
त्तंसि पोट्टिलं दारियं प्हायं सव्वालंकारविभूसियं सीयं दुरुहेत्ता मित्तणाइ-  
संपरिवुडे सयाओ गिहाओ पडिनिक्खमइ २ सव्विड्ढीए ४ तेयलिपुरं  
नयरं मज्झंसज्जेणं जेणेव तेयलिस्स गिहे तेणेव उवागच्छइ पोट्टिलं दारियं  
तेयलिपुत्तस्स सयमेव भारियत्ताए दलयइ । तए णं तेयलिपुत्ते पोट्टिलं  
दारियं भारियत्ताए उवणीयं पासइ २ पोट्टिलाए माद्धिं पट्ठयं दुरुहइ २  
सेयापीएहिं कलसेहिं अप्पाणं सज्जावेइ २ अग्गिहोमं करेइ २ पाणिग्ग-  
हणं करेइ २ पोट्टिलाए भारियाए मित्तनाइ जाव परियणं विउलेणं असण-  
पणखाडमसाइमेणं पुप्फवत्थ जाव पडिविम्भजेइ । तए णं से तेयलिपुत्ते  
पोट्टिलाए भारियाए अणुरत्ते अविरत्ते उरालाइं जाव विहरइ ।

(102) तए णं से कणगरहे रज्जे य रट्ठे य बले य वाहणे य कोसे य  
कोट्ठागारे य अंतेउरे य मुच्छिए ४ जाए २ पुत्ते वियंगेइ । अप्पेगइयाणं  
हत्थंगुलियाओ छिंदइ अप्पेगइयाणं हत्थंगुट्ठए छिंदइ । एवं पायंगुलियाओ  
पायंगुट्ठए वि कण्णसंकुलीयाओ वि नासापुडाइं फालेइ अंगोवंगांइ वियंगेइ ।  
तए णं तीसे पउमावईए देवीए अन्नया कयाइ पुव्वरत्तावरत्तकालसमयंसि  
अयमेयारूवे अज्झत्थिए ४ समुप्पज्जित्था — एवं खलु कणगरहे राया रज्जे  
य जाव पुत्ते वियंगेइ जाव अंगमंगांइ वियंगेइ । तं जइ णं अहं दारयं  
पय्यामि सेयं खलु मम तं दारगं कणगरहस्स रहस्सिययं चेव सारक्खमाणीए  
संगोवेमाणीए विहरित्तए त्तिकट्ठु एवं संपेहेइ २ तेयलिपुत्तं अमच्चं सद्दावेइ  
२ एवं वयासी—एवं खलु देवाणुप्पिया ! कणगरहे राया रज्जे य जाव वियंगेइ ।  
तं जइ णं अहं देवाणुप्पिया ! दारगं पयायामि तए णं तुमं कणगरहस्स  
रहस्सिययं चेव अणुपुव्वेणं सारक्खमाणे संगोवेमाणे संवड्ढेहि । तए  
णं से दारए उमुक्कवालभावे जाव जोव्वणगमणुप्पत्ते तव य मम य  
भिक्षवाभ्यायणे भविस्सइ । तए णं से तेयलिपुत्ते पउमावईए  
एयमट्ठं पडिसुणेइ २ पडिगए । तए णं पउमावई देवी पोट्टिला य  
अमच्ची सममेव गवभं गेण्हइ सममेव परिवहंति । तए णं सा



पउमावई नवण्हं मासाणं जाव पियदंसणं सुरूवं दारगं पयाया । जं रयणिं च णं पउमावई दारयं पयाया तं रयणिं च णं पोट्टिला वि अमच्ची नवण्हं मासाणं विणिघायमावन्नं दारियं पयाया । तए णं सा पउमावई देवी अम्मधाई सद्दवेइ २ एवं वयासी — गच्छह णं तुमं अम्मो ! तेयलि-पुत्तं रहस्सिययं चेव सद्दवेहि । तए णं सा अम्मधाई तहत्ति पडि-सुणेइ २ अंतेउरस्स अवदारेणं निग्गच्छइ २ जेणेव तेयलिस्स गिहे जेणेव तेयलिपुत्ते तेणेव उवागच्छइ २ करयल जाव एवं वयासी — एवं खलु देवाणुप्पिया ! पउमावई देवी सद्दवेइ । तए णं तेयलिपुत्ते अम्म-धाईए अंतिए एयमट्ठं सोच्चा हट्ठुट्ठे अम्मधाईए साद्धिं सयाओ गिहाओ निग्गच्छइ २ अंतेउरस्स अवदारेणं रहस्सिययं चेव अणुप्पविसइ २ जेणेव पउमावई तेणेव उवागच्छइ करयल जाव एवं वयासी — संदिसंतु णं देवाणुप्पिया ! जं मए कायव्वं । तए णं पउमावई तेयलिपुत्तं एवं वयासी — एवं खलु कणगरहे राया जाव वियंगेइ । अहं च णं देवाणु-प्पिया ! दारगं पयाया । तं तुब्भे णं देवाणुप्पिया ! एयं दारगं गेणहाहि जाव तव मम य भिक्खाभायणे भविस्सइ त्तिकट्ठु तेयलिपुत्तस्स हत्थे दलयइ । तए णं तेयलिपुत्ते पउमावईए हत्थाओ दारगं गेणहइ उत्तरि-ज्जेणं पिहेई २ अंतेउरस्स रहस्सिययं अवदारेणं निग्गच्छइ २ जेणेव सए गिहे जेणेव पोट्टिला भारिया तेणेव उवागच्छइ २ पोट्टिलं एवं वयासी — एवं खलु देवाणुप्पिए ! कणगरहे राया रज्जे य जाव वियं-गेइ । अयं च णं दारए कणगरहस्स पुत्ते पउमावईए अत्तए । तन्नं तुमं देवाणुप्पिए ! इमं दारगं कणगरहस्स रहस्सिययं चेव अणुपुब्बेणं सारक्खाहि य संगोवेहि य संवड्ढेहि य । तए णं एस दारए उमुक्क-वालभावे तव य मम य पउमावईए य आहारे भविस्सइ त्तिकट्ठु पोट्टिलाए पासे निक्खिच्चइ २ पोट्टिलाए पासाओ तं विणिहायमावन्नियं दारियं गेणहइ २ उत्तरिज्जेणं पिहेई २ अंतेउरस्स अवदारेणं अणुप्प-विसइ २ जेणेव पउमावई देवी तेणेव उवागच्छइ २ पउमावईए देवीए पासे ठावेइ जाव पडिनिग्गए । तए णं तीसे पउमावईए अंगपडि-

यारियाओ पउमावइं देविं विणिहायमावन्नियं दारियं पयायं पासंति २ जेणेव कणगरहे राया तेणेव उवागच्छंति २ करयल जाव एवं वयासी — एवं खलु सामी ! पउमावइं देवी मएल्लियं दारियं पयाया । तए णं कणगरहे राया तीसे मएल्लियाए दारियाए महया नीहरणं करेइ बहूइं लोगियाइं मयकिच्चाइं करेइ २ कालेणं विगयसोए जाएं । तए णं से तेयलिपुत्ते कल्लं कोडुंबियपुरिसे सद्दावेइ २ एवं वयासी — खिप्पामेव चारगसोहणं जाव ठिइपडियं जम्हा णं अम्हं एस दारए कणगरहस्स रज्जे जाए तं होउ णं दारए नामेणं कणगज्झए जाव अलंभोगसमत्थे जाए ।

(103) तए णं सा पोट्टिला अन्नया कयाइ तेयलिपुत्तस्स अणिट्ठा ५ जाया यावि होत्था नेच्छइ णं तेयलिपुत्ते पोट्टिलाए नामगोयमवि सवणयाए किंपुण दंसणं वा परिभोगं वा । तए णं तीसे पोट्टिलाए अन्नया कयाइं पुव्वरत्तावरत्तकालसमयांसि इमेयारूवे अज्झत्थिए ४ जाव समुप्पज्जित्था — एवं खलु अहं तेयलिस्स पुत्तिं इट्ठा ५ आसि इयाणिं अणिट्ठा ५ जाया । नेच्छइ णं तेयलिपुत्ते मम नामं जाव परिभोगं वा ओहयमणसंकप्पा जाव झियायइ । तए णं तेयलिपुत्ते पोट्टिलं ओहयमणसंकप्पं जाव झियायमाणं पासइ २ एवं वयासी — मा णं तुमं देवाणुप्पिए ! ओहयमणसंकप्पा जाव झियाहि । तुमं णं मम महाणसंसि विपुलं असणं ४ उवक्खडावेहि २ बहूणं समणमाहण जाव वणीमगाणं देयमाणी य दवावेमाणी य विहराहि । तए णं सा पोट्टिला तेयलिपुत्तेणं अमच्चेणं एवं वुत्ता समाणी हट्ठा तेयलिपुत्तस्स एयमट्ठं पडिसुणेइ २ कल्लकल्लिं महाणसंसि विपुलं असणं ४ जाव दवावेमाणी विहरइ ।

(104) तेणं कालेणं २ सुव्वयाओ नामं अज्जाओ इरियासमियाओ जाव गुत्तवंभचारिणीओ बहुस्सुयाओ बहुपरिवाराओ पुव्वाणुपुत्तिं चरमाणीओ जेणामेव तेयलिपुरे नयरे तेणेव उवागच्छंति २ अहापडिरूवं उग्गहं ओगिण्हंति २ संजमेणं तवसा अप्पाणं भावेमाणीओ विहरंति । तए णं तासिं सुव्वयाणं अज्जाणं एगे संघाडए पढमाए पोरिसीए सज्झायं करेइ जाव अडमाणीओ तेयलिस्स गिहं अणुपविट्ठाओ । तए णं सा

पोट्टिला ताओ अज्जाओ एज्जमाणीओ पासइ २ हट्टतुट्ठा आसणाओ  
 अव्वभुट्ठेइ वंदइ नमंसइ २ विपुलेणं असणेणं ४ पडिलाभेइ २ एवं  
 वयासी - एवं खलु अहं अज्जाओ ! तेयलिपुत्तस्स पुर्व्वि इट्ठा ५ आसि  
 इयाणिं अणिट्ठा ५ जाव दंसणं वा परिभोगं वा । तं तुव्वे णं अज्जाओ  
 वहुनायाओ वहुसिक्खियाओ वहुपाठियाओ वहुणि गामागर जाव आहिं-  
 डह वहुणं राईसर जाव गिहाइं अणुपविसह । तं अत्थियाइं भे अज्जाओ !  
 केइ कहिंचि चुण्णजोए वा मंतजोगे वा कम्मणजोए वा हियंउट्ठावणे वा  
 काउट्ठावणे वा आभिओगिए वा वसीकरणे वा कोउयकम्मे वा भूइ-  
 कम्मे वा मूले वा कंदे वा छल्ली वल्ली सिलिया वा गुलिया वा ओसहे वा  
 भेसज्जे वा उवलद्धपुव्वे जेणाहं तेयलिपुत्तस्स पुणरवि इट्ठा ५ भवेज्जामि ?  
 तए णं ताओ अज्जाओ पोट्टिलाए एवं वुत्ताओ समाणीओ दोवि कण्णे  
 अंगुलियं ठेवेंति २ पोट्टिलं एवं वयासी - अम्हे णं देवाणुप्पिए ! समणीओ  
 निग्गंथीओ जाव गुत्तवंभचारिणीओ । नो खलु कप्पइ अम्हं एयप्पगारं  
 कण्णेहिं वि निसामित्तए किमंग पुण उव्वदंसित्तए वा आयरित्तए वा ।  
 अम्हे णं तव देवाणुप्पिया ! विचित्तं केवलपन्नत्तं धम्मं परिकहिं-  
 ज्जामो । तए णं सा पोट्टिला ताओ अज्जाओ एवं वयासी - इच्छामि णं  
 अज्जाओ ! तुव्वं अंतिए केवलपन्नत्तं धम्मं निसामित्तए । तए णं ताओ  
 अज्जाओ पोट्टिलाए विचित्तं धम्मं परिकहेति । तए णं सा पोट्टिला  
 धम्मं सोच्चा निसम्म हट्ठा एवं वयासी - सदहामि णं अज्जाओ !  
 निग्गंथं पावयणं जाव से जहेयं तुव्वे वयह । इच्छामि णं अहं तुव्वं  
 अंतिए पंचाणुव्वइयं जाव धम्मं पडिवज्जित्तए । अहासुहं देवाणुप्पिया ।  
 तए णं सा पोट्टिला तासिं अज्जाणं अंतिए पंचाणुव्वइयं जाव धम्मं  
 पडिवज्जइ ताओ अज्जाओ वंदइ नमंसइ २ पडिविसजेइ । तए णं सा  
 पोट्टिला समणोवासिया जाया जाव पडिलाभेमाणी विहरइ ।

(105) तए णं तीसे पोट्टिलाए अन्नया कयाइ पुव्वरत्तावरत्त-  
 कालसमयंसि कुंडुवजागरियं जागरमाणीए अयमेयारुवे अज्झत्थिए ४ -  
 एवं खलु अहं तेयलिपुत्तस्स पुर्व्वि इट्ठा ५ आसि इयाणिं अणिट्ठा ५ जाव

परिभोगं वा । तं सेयं खलु ममं सुव्वयाणं अज्जाणं अंतिए पव्वइत्तए ।  
 एवं संपेहेइ २ कल्लं जेणेव तेयलिपुत्ते तेणेव उवागच्छइ २ करयल जाव  
 एवं वयासी - एवं खलु देवाणुप्पिया ! मए सुव्वयाणं अज्जाणं अंतिए  
 धम्मे निसंते जाव अब्भणुत्ताया पव्वइत्तए ! तए णं तेयलिपुत्ते पोट्टिलं  
 एवं वयासी - एवं खलु तुमं देवाणुप्पिए ! मुंडा पव्वइया समाणी  
 कालमासे कालं किच्चा अणंतरेसु देवलोएसु देवत्ताए उववज्जिहिसि । तं  
 जइ णं तुमं देवाणुप्पिए ! ममं ताओ देवलोगाओ आगम्म केवल्लिपन्नत्ते  
 धम्मे बोहेहिं तो हं विसज्जेमि । अहं णं तुमं ममं न संबोहेसि तो ते  
 न विसज्जेमि । तए णं सा पोट्टिला तेयलिपुत्तस्स एयमट्ठं पडिसुणेइ ।  
 तए णं तेयलिपुत्ते विउलं असणं ४ उवक्खडावेइ २ मित्तनाइ जाव  
 आमंतेइ जाव सम्माणेइ २ पोट्टिलं ण्हायं जाव पुरिससहस्सवाहिणीयं  
 सीयं दुरुहित्ता मित्तनाइ जाव संपरिखुडे सव्विड्डीए जाव रवेणं तेयलिपुरं  
 मज्झंमज्जेणं जेणेव सुव्वयाणं उवस्सए तेणेव उवागच्छइ २ सीयाओ  
 पच्चोरुहइ २ पोट्टिलं पुरओकट्ठु जेणेव सुव्वया अज्जा तेणेव उवागच्छइ २  
 वंदइ नमंसइ २ एवं वयासी - एवं खलु देवाणुप्पिया ! मम पोट्टिला  
 भारिया इट्ठा ५ । एस णं संसारभउव्विग्गा जाव पव्वइत्तए । पडिच्छंतु  
 णं देवाणुप्पिया ! सिस्सिणिभिक्खं । अहासुहं मा पडिवंधं । तए णं सा  
 पोट्टिला सुव्वयाहिं अज्जाहिं एवं वुत्ता समाणी इट्ठा उत्तरपुरत्थिमं  
 दिसीभागं अवक्कमइ २ सयमेव आभरणमल्लालंकारं ओमुयइ २ सयमेव  
 पंचमुट्ठियं लोयं करेइ २ जेणेव सुव्वयाओ अज्जाओ तेणेव उवागच्छइ २  
 वंदइ नमंसइ २ एवं वयासी - आलित्ते णं भंते ! लोए एवं जहा देवाणंदा  
 जाव एक्कारस अंगाइं बहूणि वासाणि सामण्णपरियागं पाउणइ २  
 मासियाए संलेहणाए अत्ताणं झोसेत्ता सट्ठिं भत्ताइं अणसणेणं छेएत्ता  
 आलोइयपडिक्कंता समाहिपत्ता कालमासे कालं किच्चा अन्नयरेसु देवलोएसु  
 देवत्ताए उववत्ता ।

(106) तए णं से कणगरहे राया अन्नया कयाइ कालधम्मणा  
 संजुत्ते यावि होत्था । तए णं ते राईसर जाव नीहरणं क्ररेंति २

अन्नमन्नं एवं वयासी — एवं खलु देवाणुप्पिया ! कणगरहे राया रज्जे य जाव पुत्ते वियंगित्था । अम्हे णं देवाणुप्पिया ! रायाहीणा रायाहिट्ठिया रायाहीणकज्जा । अयं च णं तेयली अमच्चे कणगरहस्स रत्तो सव्वट्ठाणेषु सव्वभूमियासु लद्धपच्चए दिन्नवियारे सव्वकज्जवड्ढीवए यावि होत्था । तं सेयं खलु अम्हं तेयलिपुत्तं अमच्चं कुमारं जाइत्तए त्तिकट्ठु अन्नमन्नस्स एयमट्ठं पडिसुणेंति २ जेणेव तेयलिपुत्ते अमच्चं तेणेव उवागच्छंति २ तेयलिपुत्तं एवं वयासी — एवं खलु देवाणुप्पिया ! कणगरहे राया रज्जे य रट्ठे य जाव वियंगेइ । अम्हे णं देवाणुप्पिया ! रायाहीणा जाव रायाहीणकज्जा । तुमं च णं देवाणुप्पिया ! कणगरहस्स रत्तो सव्वट्ठाणेषु जाव रज्जधुरार्चितए होत्था । तं जइ णं देवाणुप्पिया ! अत्थि केइ कुमारे रायलक्खणसंपन्ने अभिसेयारिहे तण्णं तुमं अम्हं दलाहि जण्णं अम्हे महया २ रायाभिसेएणं अभिसिंचामो । तए णं तेयलिपुत्ते तेसिं ईसर जाव एयमट्ठं पडिसुणेइ २ कणगज्झयं कुमारं ण्हायं जाव सस्सिरीयं करेइ २ तेसिं ईसर जाव उवणेइ २ एवं वयासी — एस णं देवाणुप्पिया ! कणगरहस्स रत्तो पुत्ते पउमावईए देवीए अत्तए कणगज्झए नामं कुमारं अभिसेयारिहे रायलक्खणसंपन्ने मए कणगरहस्स रत्तो रहस्सिययं संवड्ढिए । एयं णं तुम्हे महया २ रायाभिसेएणं अभिसिंचह । सव्वं च तेसिं उट्ठाणपरियावणियं परिकहेइ । तए णं ते ईसर जाव कणगज्झयं कुमारं महया रायाभिसेएणं अभिसिंचंति । तए णं से कणगज्झए कुमारं राया जाए महयाहिमवन्त वण्णओ जाव रज्जं पसाहेमाणे विहरइ । तए णं सा पउमावई देवी कणगज्झयं रीयं सद्दावेइ २ एवं वयासी — एस णं पुत्ता ! तव रज्जे जाव अंतेउरे य तुमं च तेयलिपुत्तस्स अमच्चस्स पभावेणं । तं तुमं णं तेयलिपुत्तं अमच्चं आढाहि परिजाणाहि सक्कारेहि सम्माणेहि इंतं<sup>१</sup> अब्भुट्ठेहि ठियं पज्जुवासाहि वच्चंतं पडिसंसाहेहि अट्ठासणेणं उवणिमंतेहि भोगं च से अणुवड्ढेहि । तए णं से कणगज्झए पउमावईए तहत्ति वयणं पडिसुणेइ जाव भोगं च से संवड्ढेइ ।

(107) तए णं से पोट्टिले देवे तेयलिपुत्तं अभिक्खणं २ केवल्लि-

पन्नत्ते धम्मो संबोहेइ नो चेव णं से तेयलिपुत्ते संबुज्झइ । तए णं तस्स पोट्टिलदेवस्स इमेयारूवे अज्झत्थिए ४—एवं खलु कणगज्झए राया तेयलिपुत्तं आढाइ जाव भोगं च संबुद्धेइ । तए णं से तेयलिपुत्ते अभिक्खणं २ संबोहिज्जमाणे वि धम्मो नो संबुज्झइ । तं सेयं खलु कणगज्झयं तेयलिपुत्ताओ विप्परिणामित्तए त्तिकट्ठु एवं संपेहेइ २ कणगज्झयं तेयलिपुत्ताओ विप्परिणामेइ । तए णं तेयलिपुत्ते कलं ण्हाए जाव पायच्छित्ते आसखंधवरगए बहूहिं पुरिसेहिं साद्धिं संपरिवुडे सयाओ गिहाओ निग्गच्छइ २ जेणेव कणगज्झए राया तेणेव पहारेत्थ गमणाए । तए णं तेयलिपुत्तं अमच्चं जे जहा बहवे राईसरतलवर जाव पभियओ पासंति ते तहेव आढायंति परियाणंति अब्भुट्ठेति २ अंजलिपरिग्गहं करेति इट्ठाहिं कंताहिं जाव वग्गूहिं आलवमाणा य संलवमाणा य पुरओ य पिट्ठओ य पासओ य मग्गओ य समणुगच्छंति । तए णं से तेयलिपुत्ते जेणेव कणगज्झए तेणेव उवागच्छइ । तए णं से कणगज्झए तेयलिपुत्तं एज्जमाणं पासइ २ नो आढाइ नो परियाणाइ नो अब्भुट्ठेइ अणाढायमाणे ३ परम्महे संचिट्ठइ । तए णं से तेयलिपुत्ते कणगज्झयस्स रत्तो अंजलिं करेइ । तए णं से कणगज्झए राया अणाढायमाणे तुसिणीए परम्महे संचिट्ठइ । तए णं तेयलिपुत्ते कणगज्झयं रायं विप्परिणयं जाणित्ता भीए जाव संजायभए एवं वयासी—रुट्ठे णं मम कणगज्झए राया । हीणे णं मम कणगज्झए राया । अवज्झाए णं कणगज्झए । तं न नज्झइ णं मम केणइ कुमारेण मारेहिइ त्तिकट्ठु भीए तत्थे जाव साणियं २ पच्चोसक्कइ २ तमेव आसखंधं दुरूहइ २ तेयलिपुरं मज्झमज्झेणं जेणेव सए गिहे तेणेव पहारेत्थ गमणाए । तए णं तेयलिपुत्तं जे जहा ईसर जाव पासंति ते तहा नो आढायंति नो परियाणंति नो अब्भुट्ठेति नो अंजलिं ० इट्ठाइं जाव नो संलवंति नो पुरओ य पिट्ठओ य पासओ समणुगच्छंति । तए णं तेयलिपुत्ते जेणेव सए गिहे तेणेव उवागए । जा वि य से तत्थ बाहिरिया परिसा भवइ तंजहा—दासे इ वा पेसे इ वा भाइलए इ वा सा वि य णं नो आढाइ ३ । जा वि य से अन्धितरिया परिसा भवइ तंजहा—पिया इ वा माया इ वा जाव सुण्हा इ

वा सा वियंणं नो आढाइ ३ । तए णं से तेयलिपुत्ते जेणेव वासधरे जेणेव  
 सयणिज्जे तेणेव उवागच्छइ २ सयणिज्जंसि निसीयइ २ एवं वयासी —  
 एवं खलु अहं सयाओ गिहाओ निग्गच्छामि तं चेष जाव अढ्मतरिया  
 परिसा नो आढाइ नो परियाणाइ नो अब्भुट्टेइ । तं सेयं खलु मम  
 अप्पाणं जीवियाओ ववरोवित्तए त्तिकट्ठु एवं संपेहेइ २ तालउडं विसं  
 आसगंसि पक्खिवइ । से नो संकमइ । तए णं से तेयलिपुत्ते अमच्चे  
 नीलुप्पल जाव असिं खंधांसि ओहरइ । तत्थ वि य से धारा ओपझा ।  
 तए णं से तेयलिपुत्ते जेणेव असोगवणिया तेणेव उवागच्छइ २ पासगं  
 गीवाए वंधइ २ रुक्खं दुरूहइ २ पासगं रुक्खे वंधइ २ अप्पाणं मुयइ ।  
 तत्थ वि य से रज्जू छिन्ना । तए णं से तेयलिपुत्ते महइमहालियं सिल्लं  
 गीवाए वंधइ २ अत्थाहमतारमपोरिसीयंसि उदगंसि अप्पाणं मुयइ ।  
 तत्थ वि से थाहे जाए । तए णं से तेयलिपुत्ते सुक्कंसि तणकूडंसि अगणि-  
 कायं पक्खिवइ २ अप्पाणं मुयइ । तत्थ वि य से अगणिकाए विज्झाए ।  
 तए णं से तेयलिपुत्ते एवं वयासी — सद्धेयं खलु भो समणा वयंति ।  
 सद्धेयं खलु भो माहणा वयंति । सद्धेयं खलु भो समणा माहणा वयंति ।  
 अहं एंगो असद्धेयं वयामि । एवं खलु अहं सह पुत्तेहिं अपुत्ते । को  
 मेदं सहहिस्सइ ? सहं भित्तेहिं अमित्ते । को मेदं सहहिस्सइ ? एवं  
 अत्थेणं दारेणं दासेहिं पेसेहिं परिजणेणं । एवं खलु तेयलिपुत्तेणं अम-  
 च्चेणं कणगज्झाएणं रत्ता अवज्झाएणं संमाणेणं तालपुडगे विसे आसगंसि  
 पक्खित्ते । से वि य नो कमइ । को मेयं सहहिस्सइ ? तेयलिपुत्ते नीलु-  
 प्पल जाव खंधांसि ओहरिए । तत्थ वि य से धारा ओपझा । को मेदं सह-  
 हिस्सइ ? तेयलिपुत्ते पासगं गीवाए वंधित्ता जाव रज्जू छिन्ना । को मेयं  
 सहहिस्सइ ? तेयलिपुत्ते महालियं जाव वंधित्ता अत्थाह जाव उदगंसि  
 अप्पाणं मुक्के । तत्थ वि य णं थाहे जाए । को मेयं सहहिस्सइ ? तेयलिपुत्ते  
 सुक्कंसि तणकूडे अंगी विज्झाए । को मेयं सहहिस्सइ ? — ओहयमण-  
 संकप्पे जाव झियायइ । तए णं से पोट्टिले देवे पोट्टिलारूवं विउव्वइ २  
 तेयलिपुत्तस्स अदूरसामंते ठिच्चा एवं वयासी — हं भो तेयलिपुत्ता !

पुरओ पवाए पिट्ठओ हत्थिभयं दुहओ अच्चक्खुफासे मज्झे सराणि  
 पतंति । गामे पलित्ते रत्ते झियाइ रत्ते पलित्ते गामे झियाइ । आउसो  
 तेयलिपुत्ता ! कओ वयामो ? तए णं से तेयलिपुत्ते पोट्टिलं एवं वयासी —  
 भीयस्स खलु भो ! पव्वज्जा सरणं । उक्कट्टियस्स सदेसगमणं छुहियस्स  
 अन्नं तिसियस्स पाणं आउरस्स भेसज्जं माइयस्स रहस्सं अभिजुत्तस्स  
 पच्चयकरणं अद्धाणपरिसंतस्स वाहणगमणं तरिउकामस्स पवहणकिच्चं परं  
 अभिओजिउकामस्स सहायकिच्चं । खंतस्स दंतस्स जिइंदियस्स एत्तो  
 एगमवि न भवइ । तए णं से पोट्टिले देवे तेयलिपुत्तं अमच्चं एवं वयासी —  
 सुट्ठु णं तुमं तेयलिपुत्ता ! एयमट्ठं आयाणहि त्तिकट्ठु दोच्चंपि तच्चंपि  
 एवं वयई २ जामेव दिसिं पाउब्भूए तामेव दिसिं पडिगए ।

(108) तए णं तस्स तेयलिपुत्तस्स सुभेणं परिणामेणं जाईसरणे  
 समुप्पन्ने । तए णं तेयलिपुत्तस्स अयमेयारूवे अब्झत्थिए ४ समुप्पन्ने —  
 एवं खलु अहं इहेव जंबुदीवे २ महाविदेहे वासे पोक्खलावईविज्जए पोंड-  
 रिगिणीए रायहाणीए महापउमे नामं राया होत्था । तए णं हं थेराणं अंतिए  
 मुंडे भवित्ता जाव चोइसपुव्वाइं बहूणि वास्ताणि सामण्णपरियागं पाउणित्ता  
 मासियाए सल्लेहणाए महासुक्के कप्पे देवे । तए णं हं ताओ देवलोगाओ  
 आउक्खएणं भवक्खएणं ठिइक्खएणं अणंतरं चयं चइत्ता इहेव तेयलि-  
 पुरे तेयलिस्स अमच्चस्स भहाए भारियाए दारगत्ताए पच्चायाए । तं सेयं  
 खलु मम पुव्वदिट्ठाइं महव्वयाइं सयमेव उवसंपज्जित्ताणं विहरित्तिए ।  
 एवं संपेहेइ २ सयमेव महव्वयाइं आरुहेइ २ जेणेव पमयवणे उज्जाणे  
 तेणेव उवागच्छइ २ असोगवरपायवस्स अहे पुढविसिलापेट्टयांसि सुह-  
 निसण्णस्स अणुचित्तमाणस्स पुव्वाहीयाइं सामाइयमाइयाइं चोइसपुव्वाइं  
 सयमेव अभिसमन्नागयाइं । तए णं तस्स तेयलिपुत्तस्स अणगारस्स  
 सुभेणं परिणामेणं जाव तयावरणिज्जाणं कम्माणं खओवसमेणं कम्मरय-  
 विकरणकरं अपुव्वकरणं पविट्ठस्स केवलवरन्नाणदंसणे समुप्पन्ने ।

(109) तए णं तेयलिपुरे नयरे अहासनिहिण्हिं वाणमंतरेहिं  
 देवेहिं देवीहि य देवदुंदुहीओ समाहयाओ दसद्धवण्णे कुसुमे निवाइए



दिब्बे गीयगंधव्वनिनाए कए यावि होत्था । तए णं से कणगज्झए राया इमीसे कहाए लद्धे समणे एवं वयासी — एवं खलु तेयलिपुत्ते मए अवज्झाए मुंडे भवित्ता पव्वइए । तं गच्छामि णं तेयलिपुत्तं अणगारं वंदामिं नमंसामि २ एयमट्ठं विणएणं भुज्जो २ खामेमि । एवं संपेहेइ २ ण्हाए चाउरंगिणीए सेणाए जेणेव पमयवणे उज्जाणे जेणेव तेयलिपुत्ते अणगारे तेणेव उवागच्छइ २ तेयलिपुत्तं वंदइ नमंसइ २ एयमट्ठं च णं विणएणं भुज्जो २ खामेइ २ नच्चासन्ने जाव पज्जुवासइ । तए णं से तेयलिपुत्ते अणगारे कणगज्झयस्स रत्तो तीसे य महइमहालियाए परिसाए धम्मं परिकहेइ । तए णं से कणगज्झए राया तेयलिपुत्तस्स केवलिस्स अंतिए धम्मं सोच्चा निसम्म पंचाणुव्वइयं सत्तसिक्खावइयं सावगधम्मं पडिवज्जइ २ समणोवासए जाए जाव अभिगयजीवाजीवे । तए णं तेयलिपुत्ते केवली बहूणि वासाणि केवलिपरियागं पाउणित्ता जाव सिद्धे ।

एवं खलु जंवू ! समणेणं भगवया महावीरेणं जाव संपत्तेणं चोइसमस्स नायज्झयणस्स अयमट्ठे पन्नत्ते तिवेमि ।

॥ चोइसमं नायज्झयणं समत्तं ॥१४॥

॥ पन्नरसमं अज्झयणं ॥

(110) जइ णं भंते ! चोइसमस्स नायज्झयणस्स अयमट्ठे पन्नत्ते पन्नरसमस्स णं के अट्ठे पन्नत्ते ? एवं खलु जंवू ! तेणं कालेणं २ चंपा नाम नयरी होत्था पुण्णभदे चेइए जियसत्तू राया । तत्थ णं चंपाए नयरीए धेणे नामं सत्थवाहे होत्था अट्ठे जाव अपरिभूए । तीसे णं चंपाए नयरीए उत्तरपुरत्थिमे दिसीभाए अहिच्छत्ता नामं नयरी होत्था

रिद्धत्थिमियसमिद्धा वण्णओ । तत्थ णं अहिच्छत्ताए नयरीए कणगकेऊ  
नामं राया होत्था वण्णओ । तए णं तस्स धणस्स सत्थवाहस्स  
अन्नया कयाइ पुव्वरत्तावरत्तकालसमयांसि इमेयारूवे अज्झत्थिए  
चित्थिए पत्थिए मणोगए संकप्पे समुप्पज्जित्था — सेयं खलु मम विपुलं  
पणियभंडमायाए अहिच्छत्तं नयरिं वाणिज्जाए गमित्तए । एवं संपेहेइ २  
गणिमं च ४ चउव्विहं भंडं गेण्हइ सगडीसागडं सज्जेइ २ सगडी-  
सागडं भरेइ २ कोडुंबियपुरिसे सहावेइ २ एवं वयासी — गच्छह णं  
तुव्वे देवाणुप्पिया ! चंपाए नयरीए सिंघाडग जाव पहेसु एवं वयह —  
एवं खलु देवाणुप्पिया ! धणे सत्थवाहे विपुलं पणियं आदाय इच्छइ  
अहिच्छत्तं नयरिं वाणिज्जाए गमित्तए । तं जो णं देवाणुप्पिया ! चरए  
वा चीरिए वा चम्मखंडिए वा भिच्छुंडे वा पंडरगे वा गोयमे वा  
गोवत्तिए वा गिहिधम्मचित्तए वा अविरुद्धविरुद्धवुड्डसावगरत्तपडानिगंथ-  
प्पभिइपासंडत्थे वा गिहत्थे वा धणेणं साद्धिं अहिच्छत्तं नयरिं गच्छइ  
तस्स णं धणे अच्छत्तगस्स छत्तं दलाइ अणुवाहनस्स ओवाहणाओ  
दलयइ अकुंडियस्स कुंडियं दलयइ अपत्थयणस्स पत्थयणं दलयइ  
अपक्खेवगस्स पक्खेवं दलयइ अंतरा वि य से पडियस्स वा भग्गलुगस्स  
साहेज्जं दलयइ सुहंसुहेण य अहिच्छत्तं संपावेइ त्तिकट्ठु दोच्चपि तच्चपि  
घोसणं घोसेह २ मम एयमाणात्तियं पच्चप्पिणह । तए णं ते कोडुंबियपुरिसा  
जाव एवं वयासी — हंदि सुणंतु भगवंतो चंपानयरीवत्थव्वा बहवे  
चरगा जाव पच्चप्पिणंति । तए णं तेसिं कोडुंबियपुरिसाणं अंतिए  
एयमट्ठं सोच्चा चंपाए नयरीए बहवे चरगा य जाव गिहत्था य जेणेव  
धणे सत्थवाहे तेणेव उवागच्छंति । तए णं धणे सत्थवाहे तेसिं चरगाण  
य जाव गिहत्थाण य अच्छत्तगस्स छत्तं दलयइ जाव पत्थयणं दलाइ —  
गच्छह णं तुव्वे देवाणुप्पिया ! चंपाए नयरीए बहिया अग्गुज्जाणंसि ममं  
पडिवालेमाणा चिट्ठह । तए णं ते चरगा य० धणेणं सत्थवाहेणं एवं  
वुत्ता समाणा जाव चिट्ठंति । तए णं धणे सत्थवाहे सोहणांसि तिहिकरण-  
नक्खत्तांसि विउलं असणं ४ उवक्खडावेइ २ मित्तनाइ आमंतेइ २ भोयणं

भोयावेइ २ आपुच्छइ २ सगडीसागडं जोयावेइ २ चंपाओ नयरीओ  
 निग्गच्छइ नाइविप्पगिद्धेहिं अट्ठाणेहिं वसमाणे २ सुहेहिं वसहिपायरासेहिं  
 अंगं जणवयं मज्झमज्झेणं जेणेव देसंगं तेणेव उवागच्छइ २ सगडीसागडं  
 मोयावेइ सत्थनिवेसं करेइ २ कोडुंवियपुरिसे सदावेइ २ एवं वयासी —  
 तुब्भे णं देवाणुप्पिया ! मम सत्थनिवेसंसि महया २ सद्देणं उग्घोसेमाणा २  
 एवं वयह — एवं खलु देवाणुप्पिया ! इमीसे आगामियाए छिन्नावायाए  
 दीहमद्धाए अडवीए बहुमब्बदेसभाए एत्थ णं वहवे नंदिफला नामं रुक्खा  
 पन्नत्ता किण्हा जाव पत्तिया पुप्फिया फलिया हरिया रेरिज्जमाणा सिरिपे  
 अईव २ उवसोभेमाणा चिट्ठंति मणुन्ना वण्णेणं ४ जाव मणुन्ना फासेणं  
 मणुन्ना छायाए । तं जो णं देवाणुप्पिया ! तेसिं नंदिफलाणं रुक्खाणं  
 मूलाणि वा कंदतयपत्तपुप्फफलवीयाणि वा हरियाणि वा आहारेइ  
 छायाए वा वीसमइ तस्स णं आवाए भइए भवइ तओ पच्छा परिणम-  
 माणा २ अकाले चेव जीवियाओ ववरोवेइ । तं मा णं देवाणुप्पिया !  
 केई तेसिं नंदिफलाणं मूलाणि वा जाव छायाए वा वीसमइ मा णं से  
 वि अकाले चेव जीवियाओ ववरोविज्जिस्सइ । तुब्भे णं देवाणुप्पिया !  
 अन्नेसिं रुक्खाणं मूलाणि य जाव हरियाणि य आहारेह छायासु  
 वीसमइ त्ति घोसणं घोसेह जाव पच्चप्पिणंति । तए णं धणे सत्थवाहे  
 सगडीसागडं जोएइ २ जेणेव नंदिफला रुक्खा तेणेव उवागच्छइ २ तेसिं  
 नंदिफलाणं अदूरसामंते सत्थनिवेसं करेइ २ दोच्चंपि तच्चंपि कोडुंविय-  
 पुरिसे सदावेइ २ एवं वयासी — तुब्भे णं देवाणुप्पिया ! मम सत्थनिवेसंसि  
 महया २ सद्देणं उग्घोसेमाणा २ एवं वयह — एए णं देवाणुप्पिया ! ते  
 नंदिफला रुक्खा किण्हा जाव मणुन्ना छायाए । तं जो णं देवाणुप्पिया ।  
 एएसिं नंदिफलाणं रुक्खाणं मूलाणि वा कंदपुप्फतयापत्तफलाणि जाव  
 अकाले चेव जीवियाओ ववरोवेइ । तं मा णं तुब्भे जाव वीसमइ मा णं  
 अकाले चेव जीवियाओ ववरोविज्जिस्संति अन्नेसिं रुक्खाणं मूलाणि य जाव  
 वीसमइ त्ति कट्ठु घोसणं जाव पच्चप्पिणंति । तत्थ णं अत्थेगइया पुरिसा  
 धणस्स सत्थवाहस्स एयमट्ठं सद्दहंति जाव रोयंति एयमट्ठं सद्दहमाणा

तेसिं नंदिफलाणं दूरंदूरेणं परिहरमाणा २ अन्नोसिं रुक्खाणं मूलाणि य  
जाव वीसमंति । तेसिं णं आवाए नो भइए भवइ तओ पच्छा परिणम-  
माणा २ सुभरूवत्ताए ५ भुज्जो २ परिणमंति । एवामेव समणाउसो !  
जो अम्हं निगंगथो वा २ जाव पंचसु कामगुणेषु नो सज्जइ से णं इह-  
भवे चेव बहूणं समणाणं ४ अच्चणिज्जे परलोए नो आगच्छइ जाव वीई-  
वइस्सइ । तत्थ णं अप्पेगइया पुरिसा धणस्स एयमट्ठं नो सद्वहंति ३  
धणस्स एयमट्ठं असद्वहमाणा ३ जेणेव ते नंदिफला तेणेव उवागच्छंति २  
तेसिं नंदिफलाणं मूलाणि य जाव वीसमंति तेसिं णं आवाए भइए भवइ  
तओ पच्छा परिणममाणा जाव ववरोवेति । एवामेव समणाउसो ! जो  
अम्हं निगंगथो वा २ पव्वइए पंचसु कामगुणेषु सज्जइ जाव अणुपरि-  
यट्ठिस्सइ जहा व ते पुरिसा । तए णं से धणे सगडीसागडं जोयावेइ २  
जेणेव अहिच्छत्ता नयरी तेणेव उवागच्छइ २ अहिच्छत्ताए नयरीए  
बहिया अग्गुज्जाणे सत्थनिवेसं करेइ २ सगडीसागडं मोयावेइ । तए णं  
से धणे सत्थवाहे महत्थं ३ रायारिहं पाहुडं गेण्हइ २ बहुपुरिसोहिं साद्धिं  
संपरिवुडे अहिच्छत्तं नयरिं मज्झंमज्झेणं अणुप्पविसइ २ जेणेव कणग-  
केऊ राया तेणेव उवागच्छइ २ करयल जाव बद्धावेइ २ तं महत्थं ३  
पाहुडं उवणेइ । तए णं से कणगकेऊ राया हट्ठतुट्ठे धणस्स सत्थवाहस्स  
तं महत्थं जाव पडिच्छइ २ धणं सत्थवाहं सक्कारेइ सम्माणेइ २ उस्सुक्कं  
वियरइ २ पडिविसज्जेइ २ भंडविणिमयं करेइ २ पडिभंडं गेण्हइ २  
सुहंसुहेणं जेणेव चंपा नयरी तेणेव उवागच्छइ २ मित्तनाइअभिसम-  
न्नागए विपुलाइं माणुस्सगाइं जाव विहरइ । तेणं कालेणं २ थेरागमणं धणे  
सत्थवाहे धम्मं सोच्चा जेड्डपुत्तं कुडुंवे ठावेत्ता जाव पव्वइए सामाइय-  
माइयाइं एक्कारस अंगाइं बहूणि वासाणि जाव मासियाए जाव अन्नयरेसु  
देवलोएसु देवत्ताए उववन्ने महाविदेहे वासे सिज्झिहिइ जाव अंतं करेहिइ ।

एवं खलु जंबू ! समणेणं जाव संपत्तेणं पन्नरसमस्स नायज्झयणस्स  
अयमट्ठे पन्नत्ते त्तिवेमि ।

॥ पन्नरसमं नायज्झयणं समत्तं ॥ १५ ॥

॥ सोलसमं अज्झयणं ॥

(111) जइ णं भंते ! समणेणं ३ जाव संपत्तेणं पन्नरसमस्स नाय-  
ज्झयणस्स अयमट्ठे पन्नत्ते सोलसमस्स णं भंते ! नायज्झयणस्स के  
अट्ठे पन्नत्ते ? एवं खलु जंबू ! तेणं कालेणं २ चंपा नामं नयरी होत्था ।  
तीसे णं चंपाए नयरीए वहिया उत्तरपुरत्थिमे दिसीभाए सुभूमिभागे नामं  
उज्जाणे होत्था । तत्थ णं चंपाए नयरीए तओ माहणा भायरो परिवसंति  
तंजहा — सोमे सोमदत्ते सोमभूई अड्ढा जाव अपरिभूया रिउव्वेयंजउव्वेय-  
सामवेयअथव्वणवेय जाव सुपरिनिट्ठिया । तेसिं माहणाणं तओ भारियाओ  
होत्था तंजहा — नागसिरी भूयासिरी जक्खसिरी सुकुमाला जाव तेसि णं  
माहणाणं इट्ठाओ विउले माणुस्सए कामभोए भुंजमाणा विहरंति । तए  
णं तेसिं माहणाणं अन्नया कयाइ एगयओ समुवागयाणं जाव इमेयारूवे  
मिहोकहासमुल्लावे समुप्पज्जित्था — एवं खलु देवाणुप्पिया ! अम्हं इमे  
विउले धणे जाव सावएज्जे अलाहि जाव आसत्तमाओ कुलवंसाओ पकामं  
दाउं पकामं भोत्तुं पकामं परिभाएउं । तं सेयं खलु अम्हं देवाणुप्पिया !  
अन्नमन्नस्स गिहेसु कल्लाकल्लिं विपुलं असणपाणखाइमसाइमं उवक्खडेउं  
परिभुंजेमाणाणं विहरित्तए । अन्नमन्नस्स एयमट्ठं पडिसुणेंति कल्लाकल्लिं  
अन्नमन्नस्स गिहेसु विपुलं असणं ४ उवक्खडावेंति २ परिभुंजेमाणा  
विहरंति । तए णं तीसे नागसिरीए माहणीए अन्नया कयाइ भोयण-  
वारए जाए यावि होत्था । तए णं सा नागसिरी माहणी विपुलं असणं  
४ उवक्खडावैइ २ एगं महं सालइयं तित्तलाउयं बहुसंभारसंजुत्तं नेहाव-  
गाढं उवक्खडावैइ एगं विंदुयं करयलंसि आसाएइ २ तं खारं कडुयं  
अखज्जं विसभूयं जाणित्ता एवं वयासी — धिरत्थु णं मम नागसिरीए  
अर्धन्नाए अपुण्णाए दूभगाए दूभगसत्ताए दूभगंनिवोलियाए जाए णं मए  
सालइए बहुसंभारसंभिए नेहावगाढे उवक्खडिए सुवहुदव्वक्खए नेह-  
क्खए य कए । तं जइ णं ममं जाउयाओ जाणिस्संति तो णं मम खिसि-  
स्संति । तं जावतीव ममं जाउयाओ न जाणंति ताव मम सेयं एयं  
सालइयं तित्तलाउयं बहुसंभारनेहकयं एगंते गोवित्तए अन्नं सालइयं

महुरंलाउयं जाव नेहावगाढं उवक्खडित्तए । एवं संपेहेइ २ तं सालइयं जाव गोवेइ २ अन्नं सालइयं महुरंलाउयं उवक्खडेइ २ तेसिं माहणाणं ण्हायाणं जाव सुहासणवरगयाणं तं विपुलं असणं ४ परिवेसेइ । तए णं ते माहणा जिमियभुत्तुत्तरागया समाणा आयंता चोक्खा परम-सुइभूया सकम्मसंपउत्ता जाया यावि होत्था । तए णं ताओ माहणीओ ण्हायाओ जाव विभूसियाओ तं विपुलं असणं ४ आहारेंति २ जेणेव सयाइं २ गिहाइं तेणेव उवागच्छंति २ सकम्मसंपउत्ताओ जायाओ ।

(112) तेणं कालेणं २ धम्मघोसा नामं थेरा जाव बहुपरिवारी जेणेव चंपा नयरी जेणेव सुभूमिभागे उज्जाणे तेणेव उवागच्छंति २ अहापडिरूवं जाव विहरंति । परिसा निग्गया धम्मो कहिओ परिसा पडिगया । तए णं तेसिं धम्मघोसाणं थेराणं अंतैवांसी धम्मरुई नामं अणगारे उराले जाव तेयलेस्से मासंमासेणं खममाणे विहरइ । तए णं से धम्मरुई अणगारे मासखमणपारणगंसि पढमाए पोरिसीए सज्झायं करेइ २ वीयाए पोरिसीए एवं जहा गोयमसामी तहेव उग्गाहेइ २ तहेव धम्मघोसं थेरं आपुच्छइ जाव चंपाए नयरीए उच्चनीयमज्झिमकुलाइं जाव अडमाणे जेणेव नागसिरीए माहणीए गिहे तेणेव अणुपविट्ठे । तए णं सा नागसिरी माहणी धम्मरुई एज्जमाणं पासइ २ तस्स सालइयस्स तित्त-कडुयस्स बहुनेहावगाढस्स एडणट्ठयाए हट्ठतुट्ठा उट्ठाए उट्ठेइ २ जेणेव भत्तघरे तेणेव उवागच्छइ २ तं सालइयं तित्तकडुयं च बहुनेहावगाढं धम्मरुइस्स अणगारस्स पडिग्गहंसि सव्वमेव निस्सिरंइ । तए णं से धम्म-रुई अणगारे अहापज्जत्तमित्तिकट्ठु नागसिरीए माहणीए गिहाओ पडिनि-क्खमइ २ चंपाए नयरीए मज्झंमज्झेणं पडिनिक्खमइ २ जेणेव सुभूमि-भागे उज्जाणे तेणेव उवागच्छइ २ जेणेव धम्मघोसा थेरा तेणेव उवा-गच्छइ २ धम्मघोसस्स अदूरसामंते अन्नपाणं पडिलेहेइ २ अन्नपाणं करयलंसि पडिदंसेइ । तए णं धम्मघोसा थेरा तस्स सालइयस्स नेहा-वगाढस्स गंधेणं अभिभूया समाणा तौओ सालइयाओ नेहावगाढाओ एगं बिंदुयं गहाय करयलंसि आसादित्ति तित्तं<sup>०</sup> खारं कडुयं अखज्जं

अभोजं विसंभूयं जाणित्ता धम्मरुइं अणगारं एवं वयासी—जइ णं तुमं देवाणुप्पिया ! एयं सालइयं जाव नेहावगाढं आहारेसि तो णं तुमं अकाले चेव जीवियाओ ववरोविज्जसि । तं मा णं तुमं देवाणुप्पिया ! ईमं सालइयं जाव आहारेसि मा णं तुमं अकाले चेव जीवियाओ ववरोविज्जसि । तं गच्छह णं तुमं देवाणुप्पिया ! ईमं सालइयं एगंतमणावाए अचित्ते थंडिल्लं परिट्ठवेहि २ अन्नं फासुयं एसणिज्जं असणं ४ पडिगाहेत्ता आहारं आहारेहि । तए णं से धम्मरुइं अणगारे धम्मघोसेणं थेरेणं एवं वुत्ते समाणे धम्मघोसस्स थेरस्स अंतियाओ पडिनिक्खमइ २ सुभूमिभागाओ उज्जाणाओ अदूरसामंते थंडिल्लं पडिलेहेइ २ ताओ सालइयाओ एगं विंदुगं गहाय २ थंडिल्लंसि निसिरइ । तए णं तस्स सालइयस्स तित्तकडुयस्स बहुनेहावगाढस्स गंधेणं बहूणि पिपीलिगासहस्साणि पाउब्भूया जा जहा य णं पिपीलिगा आहारेइ सा णं तहा अकाले चेव जीवियाओ ववरोविज्जइ । तए णं तस्स धम्मरुइस्स अणगारस्स इमेयारूवे अज्झत्थिए ४— जइ ताव इमस्स सालइयस्स जाव एगंमि विंदुयंमि पक्खित्तंमि अणेगाइं पिपीलिगासहस्साइं ववरोविज्जंति तं जइ णं अहं एयं सालइयं थंडिल्लंसि सव्वं निसिरामि तो णं बहूणं पाणाणं ४ वहकरणं भविस्सइ । तं सेयं खलु मम एयं सालइयं जाव नेहावगाढं सयमेव आहारित्तए मम चेव एएणं सरीरणं निज्जाउ त्तिकट्ठु एवं संपेहेइ २ मुहपोत्तियं २ पडिलेहेइ २ ससीसोवरियं कायं पमज्जेइ २ तं सालइयं तित्तकडुयं बहुनेहावगाढं बिलमिव पन्नगभूएणं अप्पाणएणं सव्वं सरीरकोट्ठगंसि पक्खिवइ । तए णं तस्स धम्मरुइयस्स तं सालइयं जाव नेहावगाढं आहारियस्स समाणस्स मुहुत्तंतरेणं परिणममाणांसि सरीरगंसि वेयणा पाउब्भूया उज्जला जाव दुरहियासा । तए णं से धम्मरुइं अणगारे अथामे अवले अवीरिए अपुरिसक्कारपरक्कमे अधारणिज्जमित्ति-कट्ठु आचारभंडगं एगंते ठावेइ २ थंडिल्लं पडिलेहेइ २ दब्भसंथारगं संथारेइ २ दब्भसंथारगं दुरूहइ २ पुरत्थाभिमुहे संपलियंकनिसण्णे करथलपरिग्गाहियं एवं वयासी— नमोत्थु णं अरहंताणं जाव संपत्ताणं नमोत्थु

णं धम्मघोसाणं थेराणं मम धम्मायरियाणं मम धम्मोवएसगाणं पुर्व्वि पि  
 णं मए धम्मघोसाणं थेराणं अंतिए सव्वे पाणाइवाए पच्चक्खाए जाव-  
 ज्जीवाए जाव परिग्गहे इयाणिं पि णं अहं तोसिं चेव भगवंताणं अंतिए  
 सव्वं पाणाइवायं पच्चक्खामि जाव परिग्गहं पच्चक्खामि जावज्जीवाए जहा  
 खंदओ जाव चरिमेहिं उस्सासेहिं वोसिरामि त्तिकट्ठु आलोइयपडिक्कंते  
 समाहिपत्ते कालगए । तए णं ते धम्मघोसा थेरां धम्मरुईं अणगारं  
 चिरगयं जाणित्ता समणे निग्गंथे सदावेंति २ एवं वयासी — एवं खलु  
 देवाणुप्पिया ! धम्मरुइस्स अणगारस्स मासक्खमणपारणगांसि सालइयस्स  
 जाव नेहावगाढस्स निसिरणट्ठयाए बहिया निग्गए चिरावेइ । तं गच्छह णं  
 तुव्वे देवाणुप्पिया ! धम्मरुइस्स अणगारस्स सव्वओ समंता मग्गणगवेसणं  
 करेह । तए णं ते समणा निग्गंथा जाव पडिसुणेंति २ धम्मघोसाणं थेराणं  
 अंतियाओ पडिनिक्खमंति २ धम्मरुइस्स अणगारस्स सव्वओ समंता  
 मग्गणगवेसणं करेमाणा जेणेव थंडिल्लं तेणेव उवागच्छंति २ धम्मरुइ-  
 यस्स अणगारस्स सरीरगं निप्पाणं निच्चेट्ठं जीवविप्पज्जडं पासंति २ हा  
 हा ! अहो ! अकज्जमित्तिकट्ठु धम्मरुइस्स अणगारस्स परिनिव्वाणवत्तियं  
 काउत्सगं करेंति धम्मरुइस्स आयारभंडगं गेण्हंति २ जेणेव धम्मघोसा  
 थेरा तेणेव उवागच्छंति २ गमणागमणं पडिक्कमंति २ एवं वयासी —  
 एवं खलु अम्हे तुव्वं अंतियाओ पडिनिक्खमामो २ सुभूमिभागस्स  
 उज्जाणस्स परिपेरंतेणं धम्मरुइस्स अणगारस्स सव्वं जाव करेमाणा जेणेव  
 थंडिल्ले तेणेव उवागच्छामो जाव इहं हव्वमागया । तं कालगए णं  
 भंते ! धम्मरुई अणगारे इमे से आयारभंडए । तए णं धम्मघोसा थेरा  
 पुर्व्वगए उवओगं गच्छंति २ समणे निग्गंथे निग्गंथीओ य सदावेंति २  
 एवं वयासी — एवं खलु अज्जो ! मम अंतेवासी धम्मरुई नामं अणगारे  
 पगइभइए जाव विणीए मासंसासेणं अणिक्खित्तेणं तवोकम्मणं जाव  
 नागसिरीए माहणीए गिहं अणुपविसई । तए णं सा नागसिरी माहणी  
 जाव निसिरइ । तए णं से धम्मरुई अणगारे अहापज्जत्तमित्तिकट्ठु जाव  
 कालं अणवकंखमाणे विहरइ । से णं धम्मरुई अणगारे बहूणि वासाणि



सामण्णपरियागं पाउणित्ता आलोइयपडिक्कंते समाहिपत्ते कालमासे कालं किच्चा उड्डं सोहम्मे जाव सव्वट्ठसिद्धे महाविमाणे देवत्ताए उववन्ने । तत्थ णं अत्थेगइयाणं जहन्नमणुक्कोसेणं तेत्तीसं सागरोवमाइं ठिई पन्नत्ता । तत्थ णं धम्मरुइस्स वि देवस्स तेत्तीसं सागरोवमाइं ठिई पन्नत्ता । से णं धम्मरुइं देवे ताओ देवलोगाओ जाव महाविदेहे वासे सिञ्झिहिइ ।

(113) तं धिरत्थु णं अज्जो ! नागसिरीए माहणीए अधन्नाए अपुण्णाए जाव निंबोलियाए जाए णं तहारूवे साहू साहुरूवे धम्मरुइं अणगारे मासक्खमणपारणगंसि सालइएणं जाव गाढेणं अकाले चेवं जीवियाओ ववरोविए । तए णं ते समणा निगंथा धम्मघोसाणं थेराणं अंतिए एयमट्ठं सोच्चा निसम्म चंपाए सिंघाडग जाव पहेसु बहुजणस्स एवमाइक्खंति ४- धिरत्थु णं देवाणुप्पिया ! नागसिराए जाव निंबोलियाए जाए णं तहारूवे साहू साहुरूवे सालइएणं जीवियाओ ववरोविए । तए णं तेसिं समणाणं अंतिए एयमट्ठं सोच्चा निसम्म बहुजणो अन्नमन्नस्स एवमाइक्खइ एवं भासइ-धिरत्थु णं नागसिरीए माहणीए जाव जीवियाओ ववरोविए । तए णं ते माहणा चंपाए नयरीए बहुजणस्स अंतिए एयमट्ठं सोच्चा निसम्म आसुरुत्ता जाव मिसिमिसेमाणा जेणेव नागसिरी माहणी तेणेव उवागच्छंति २ नागसिरिं माहणिं एवं वयासी-हं भो नागसिरी ! अपत्थियपत्थिए ! दुरंतपंतलक्खणे ! हीणपुण्णचाउहसे ! धिरत्थु णं तव अधन्नाए अपुण्णाए निंबोलियाए जाए णं तुमे तहारूवे साहू साहुरूवे मासक्खमणपारणगंसि सालइएणं जाव ववरोविए उच्चावयाहिं अक्कोसणाहिं अक्कोसंति उच्चावयाहिं उद्धंसणाहिं उद्धंसंति उच्चावयाहिं निब्भच्छणाहिं निब्भच्छंति उच्चावयाहिं निच्छोडणाहिं निच्छोडेंति तूज्जेति तालेंति तज्जित्ता तालित्ता सयाओ गिहाओ निच्छुमंति । तए णं सा नागसिरी सयाओ गिहाओ निच्छूढा समाणी चंपाए नयरीए सिंघाडगतिय-चउक्कचच्चरचउम्महमहापहपहेसु बहुजणेणं हीलिज्जमाणी खिसिज्जमाणी निदिज्जमाणी गरहिज्जमाणी तिज्जिज्जमाणी पव्वहिज्जमाणी धिक्कारिज्जमाणी थुक्कारिज्जमाणी कत्थइ ठाणं वा निलयं वा अलभ-

माणी २ दर्डीखंडनिवसणा खंडमल्लयखंडघडगहत्थगया फुट्टेहडाहडसीसां  
मच्छियाचडगरेणं अन्निज्जमाणमग्गा गिहांगिहेणं देहंबलियाए वित्ति  
कप्पेमाणा विहरइ । तए णं तीसे नागसिरीए माहणीए तब्भवंसि  
चेव सोलस रोयायंका पाउब्भूया तंजहा — सासे कासे जोणिसूले जाव  
कोढे । तए णं सा नागसिरी माहणी सोलसहिं रोगायंकेहिं अभिभूया समाणी  
अट्टदुहट्टवसट्टा कालमासे कालं किच्चा छट्ठीए पुढवीए उक्कोसं बावीस-  
सागरोवमट्ठिइएसु नेरइएसु नेरइयत्ताए उववन्ना । सा णं तओ अणंतरं  
उव्वट्ठित्ता मच्छेसु उववन्ना । तत्थ णं सत्थवज्झा दाहवक्कंतीए कालमासे  
कालं किच्चा अहेसत्तमाए पुढवीए उक्कोससागरोवमट्ठिइएसु नरएसु नेर-  
इएसु उववन्ना । सा णं तओणंतरं उव्वट्ठित्ता दोच्चंपि मच्छेसु उववज्जइ ।  
तत्थ वि य णं सत्थवज्झा दाहवक्कंतीए दोच्चंपि अहे सत्तमाए पुढवीए  
उक्कोससागरोवमट्ठिइएसु नेरइएसु उववज्जइ । सा णं तओहिंतो जाव उव्व-  
ट्ठित्ता तच्चंपि मच्छेसु उववन्ना । तत्थ वि य णं सत्थवज्झा जाव कालमासे  
कालं किच्चा दोच्चंपि छट्ठीए पुढवीए उक्कोसेणं । तओणंतरं उव्वट्ठित्ता उरएसु  
एवं जहा गोसाले तहा नेयध्वं जाव रयणप्पभाओ पुढवीओ उव्वट्ठित्ता सन्नीसुं  
उववन्ना । तओ उव्वट्ठित्ता जाइं इमाइं खहरविहाणांइ जाव अटुत्तरं च  
णं खरवायरपुढविकाइयत्ताए तेसु अणेगसयसहस्सखुत्तो ।

(114) सा णं तओणंतरं उव्वट्ठित्ता इहेव जंबुदीवे दीवे भारहे  
वासे चंपाए नयरीए सागरदत्तस्स सत्थवाहस्स भद्दाए भारियाए कुच्चिंसि  
दारियत्ताए पञ्चार्याया । तए णं सा भद्दा सत्थवाही नवण्हं भासाणं  
दारियं पयाया सुकुमालकोमलियं गयतालुयसमाणं । तीसे णं दारियाए  
निव्वत्तवारसाहियाए अम्मापियरो इमं एयारूवं गोणं गुणनिप्फन्नं नाम-  
धेज्जं करेति — जम्हा णं अम्हं एसा दारिया सुकुमाला गयतालुयसमाणा  
तं होउ णं अम्हं इमीसे दारियाए नामधेज्जं सुकुमालिया २ । तए णं  
तीसे दारियाए अम्मापियरो नामधेज्जं करेति सूमीलियत्ति । तए णं सा  
सूमीलिया दारिया पंचघाईपरिग्गहिया तंजहा — खीरघाईए जाव गिरि-  
कंदरमल्लीणा इव चंपगलया निवायनिव्वाघायंसि जाव परिवड्डइ । तए

णं सा सूमालिया दारिया उम्मुक्कवाट्ठभावा जाव रूवेण य जोव्वणेण य लावणणेण य उक्किट्ठा उक्किट्ठसरीरा जाया यावि होत्था ।

(115) तत्थ णं चंपाए नयरीए जिणदत्ते नामं सत्थवाहे अट्ठे । तस्स णं जिणदत्तस्स भद्दा भारिया सूमाला इट्ठा माणुस्सए कामभोगे पच्चणुवभवमाणा विहरइ । तस्स णं जिणदत्तस्स पुत्ते भद्दाए भारियाए अत्तए सागरए नामं दारए सुकुमाले जाव सुरूवे । तए णं से जिणदत्ते सत्थवाहे अन्नया कयाइ सयाओ गिहाओ पडिनिक्खमइ २ सागरदत्तस्स सत्थवाहस्स अदूरसामंतेणं वीईवयइ । इमं च णं सूमालिया दारिया ण्हाया चेडियासंघपरिखुडा उप्पि आगासतलगंसि कणगातिंदूसएणं कीलमाणी विहरइ । तए णं से जिणदत्ते सत्थवाहे सूमालियं दारियं पासइ २ सूमालियाए दारियाए रूवे य ३ जायविम्हए कोडुंवियपुरिसे सद्दावेइ २ एवं वयासी — एस णं देवाणुप्पिया ! कस्स दारिया किं वा नामधेज्जं से<sup>६</sup> ? तए णं ते कोडुंवियपुरिस्सा जिणदत्तेणं सत्थवाहेणं एवं वुत्ता समाणा हट्ठतुट्ठा करयल जाव एवं वयासी — एस णं सागरदत्तस्स २ धूया भद्दाए अत्तया सूमालिया नामं दारिया सुकुमालपाणिपाया जाव उक्किट्ठा । तए णं जिणदत्ते सत्थवाहे तोसिं कोडुंवियाणं अंतिए एयमट्ठं सोच्चा जेणेव सए गिहे तेणेव उवागच्छइ २ ण्हाए भित्तनाइपरिखुडे चंपाए नयरीए मज्झमज्जेणं जेणेव सागरदत्तस्स गिहे तेणेव उवागए । तए णं से सागरदत्ते २ जिणदत्तं २ एज्जमाणं पासइ २ आसणाओ अब्भुट्ठेइ २ आसणेणं उवनिमंतेइ २ आसत्थं वीसत्थं सुहासणवरगयं एवं वयासी — भण देवाणुप्पिया ! किमागमणपओयणं । तए णं से जिणदत्ते सागरदत्तं एवं वयासी — एवं खलु अहं देवाणुप्पिया ! तव धूयं भद्दाए अत्तियं सूमालियं सागरस्स भारियत्ताए चरेमि । जइ णं जाणह देवाणुप्पिया ! जुत्तं वा पत्तं वा सलाहणिज्जं वा सरिसो वा संजोगो ता दिज्जउ णं सूमालिया सागरदारगस्स । तए णं देवाणुप्परिया ! किं दल्लयामो सुंकं च सूमालियाए ? तए णं से सागरदत्ते २ जिणदत्तं २ एवं वयासी — एवं खलु देवाणुप्पिया ! सूमालिया दांरिया एगा एगजाया

इह्ठा ५ जाव किमंग पुण पासण्याए । तं नो खलु अहं इच्छामि सूमा-  
 लियाए दारियाए खणमवि विप्पओगं । तं जइ णं देवाणुप्पिया ! सागरए  
 दारए मम घरजामाऊए भवइ तो णं अहं सागरदारगस्स सूमालियं दल-  
 यामि । तए णं से जिणदत्ते २ सागरदत्तेणं २ एवं वुत्ते समाणे जेणेव  
 सए गिहे तेणेव उवागच्छइ २ सागरदारगं सद्दावेइ २ एवं वयासी—  
 एवं खलु पुत्ता ! सागरदत्ते २ ममं एवं वयासी—एवं खलु देवाणु-  
 प्पिया ! सूमालिया दारिया इह्ठा तं चेव । तं जइ णं सागरदारए मम  
 घरजामाऊए भवइ ताव दलयामि । तए णं से सागरए दारए जिण-  
 दत्तेणं २ एवं वुत्ते समाणे तुसिणीए । तए णं जिणदत्ते २ अन्नया  
 कयाइ सोहणंसि तिहिकरणे विपुलं असणं ४ उवक्खडावेइ २ मित्तनाइ  
 आमंतेइ जाव सक्कारेत्ता सम्माणेत्ता सागरं दारगं ण्हायं जाव सन्वा-  
 लंकारविभूसियं करेइ २ पुरिससहस्सवाहिणीयं सीयं दुरूहावेइ २ मित्त-  
 नाइ जाव संपरिवुडे सन्विड्डीए सयाओ गिहाओ निग्गच्छइ २ चंपं  
 नयरिं मज्झमज्जेणं जेणेव सागरदत्तस्स गिहे तेणेव उवागच्छइ २  
 सीयाओ पच्चोरुइ २ सागरं दारगं सागरदत्तस्स २ उवणेइ । तए णं  
 से सागरदत्ते २ विपुलं असणं ४ उवक्खडावेइ २ जाव सम्माणेत्ता  
 सागरं दारगं सूमालियाए दारियाए साद्धिं पट्टयंसि दुरूहावेइ २ सेया-  
 पीएहिं कलसेहिं मज्जावेइ २ अग्निहोमं करावेइ २ सागरं दारयं  
 सूमालियाए दारियाए पाणिं गेण्हावेइ ।

(116) तए णं सागरए सूमालियाए दारियाए इमं एयारूवं पाणिफासं  
 संवेदेइ से जहानामए असिपत्ते इ वा जाव मुम्मुरे इ वा एत्तो अणिट्ठतराए  
 चेव पाणिफासं संवेदेइ । तए णं से सागरए अकामए अवसवसे मुहुत्त-  
 मेत्तं संचिट्ठइ । तए णं सागरदत्ते २ सागरस्स अम्मापियरो मित्तनाइ विपुलं  
 असणं ४ पुण्फवत्थ जाव सम्माणेत्ता पडिविसज्जेइ । तए णं सागरए सूमा-  
 लियाए साद्धिं जेणेव वासघरे तेणेव उवागच्छइ २ सूमालियाए दारियाए  
 साद्धिं तल्लिमंसि निवज्जइ । तए णं से सागरए दारए सूमालियाए दारियाए  
 इमं एयारूवं अंगफासं पडिसंवेदेइ से जहानामए असिपत्ते इ वा जाव

अमणामेतराणं चेव अंगफासं पच्चणुब्भवमाणे विहरइ । तए णं से सागरए दारए सूमालियाए दारियाए अंगफासं असहमाणे अवसवसे मुहुत्तमेत्तं संचिट्ठइ । तए णं से सागरदारए सूमालियं सुहपसुत्तं जाणित्ता सूमालियाए दारियाए पासओ उट्ठेइ २ जेणेव सए सयणिज्जे तेणेव उवागच्छइ २ सयणीयंसि निवज्जइ । तए णं सूमालिया दारिया तओ मुहुत्ततरस्स पडिवुद्धा समाणी पइंवया पइमणुरत्ता पइं पासे अपस्समाणी तैलिमाओ उट्ठेइ २ जेणेव से सयणिज्जे तेणेव उवागच्छइ २ सागरस्स पासे णुवज्जइ । तए णं से सागरदारए सूमालियाए दारियाए दोच्चं पि इमं एयारूवं अंगफासं पडिसंवेदेइ जाव अकामए अवसवसे मुहुत्तमेत्तं संचिट्ठइ । तए णं सागरदारए सूमालियं दारियं सुहपसुत्तं जाणित्ता सयणिज्जाओ उट्ठेइ २ वासघरस्स दारं विहाडेइ २ मारामुक्के विव काए जामेव दिसिं पाउब्भूए तामेव दिसिं पडिगए ।

(117) तए णं सूमालिया दारिया तओ मुहुत्ततरस्स पडिवुद्धा पतिंवया जाव अपासमाणी सयणिज्जाओ उट्ठेइ सागरस्स दारगस्स सव्वओ समंता मग्गणगवेसणं करेमाणी २ वासघरस्स दारं विहाडियं पासइ २ एवं वयासी - गए णं से सागरए त्तिकट्ठु ओहयमणसंकप्पा जाव झियायइ । तए णं सा भद्दा सत्थवाही कल्लं पाउप्पभायाए दासचेडिं सहावेइ २ एवं वयासी - गच्छह णं तुमं देवाणुप्पिए ! वट्ठवरस्स मुहधोवणियं उवणेहि । तए णं सा दासचेडी भद्दाए एवं वुत्ता समाणी एयमट्ठं तहंत्ति पडिसुणेइ २ मुहधोवणियं गेण्हइ २ जेणेव वासघरे तेणेव उवागच्छइ सूमालियं दारियं जाव झियायमाणिं पासइ २ एवं वयासी - किं तं तुम्हे देवाणुप्पिया ! ओहयणमणसंकप्पा जाव झियाहि ? तए णं सा सूमालिया दारिया तं दासचेडियं एवं वयासी - एवं खलु देवाणुप्पिया ! सागरए दारए ममं सुहपसुत्तं जाणित्ता मम पासओ उट्ठेइ २ वासघरदुवारं अवगुणेइ जाव पडिगए । तए णं हं तओ मुहुत्ततरस्स जाव विहाडियं पासामि २ गए णं से सागरए त्तिकट्ठु ओहयमणसंकप्पा जाव झियायामि । तए णं सा दासचेडी

सूमालियाए दारियाए एयमट्ठं सोच्चा जेणेव सागरदत्ते २ तेणेव उवा-  
गच्छइ २ सागरदत्तस्स एयमट्ठं निवेदेइ । तए णं से सागरदत्ते दास-  
चेडीए अंतिए एयमट्ठं सोच्चा निसम्म आसुरुत्ते ४ जाव मिसिमिसेमाणे  
जेणेव जिणदत्तस्स २ गिहे तेणेव उवागच्छइ २ जिणदत्तं २ एवं  
वयासी - किन्नं देवाणुप्पिया ! एयं जुत्तं वा पत्तं वा कुलाणुरूवं वा  
कुलसरिसं वा जण्णं सागरए दारए सूमालियं दारियं अदिट्ठदोसवडियं  
पइवयं विप्पजहाय इहमागए ? बहूहिं खिज्जाणियाहि य रूंटणियाहि य  
उवालंभइ । तए णं जिणदत्ते सागरदत्तस्स २ एयमट्ठं सोच्चा जेणेव  
सागरए तेणेव उवागच्छइ २ सागरं दारयं एवं वयासी - दुट्ठु णं  
पुत्ता ! तुमे कयं सागरदत्तस्स गिहाओ इहं हव्वमागच्छंतेणं । तं  
गच्छह णं तुमं पुत्ता ! एवमवि गए सागरदत्तस्स गिहे । तए णं से  
सागरए जिणदत्तं एवं वयासी - अवियाइं अहं ताओ ! गिरिपडणं वा  
तरुपडणं वा मरुप्पवायं वा जलप्पवायं वा जलणप्पवेसं वा विस-  
भक्खणं वा सत्थोवाडणं वा विहीणसं वा गिद्धपट्ठं वा पव्वज्जं वा विदेस-  
गमणं वा अब्भुवगच्छेज्जा नो खलु अहं सागरदत्तस्स गिहं गच्छेज्जा ।  
तए णं से सागरदत्ते २ कुंडुंतरियाए सागरस्स एयमट्ठं निसामेइ २  
लज्जिए विलीए विडे जिणदत्तस्स २ गिहाओ पडिनिक्खमइ २ जेणेव  
सए गिहे तेणेव उवागच्छइ २ सुकुमालियं दारियं सदावेइ २ अंके  
निवेसेइ २ एवं वयासी - किन्नं तव पुत्ता ! सागरएणं दारएणं ? अहं  
णं तुमं तस्स दाहामि जस्स णं तुमं इट्ठा मणांमा भविस्ससि त्ति सूमा-  
लियं दारियं ताहिं इट्ठाहिं जाव वग्गूहिं समासासेइ २ पडिविसज्जेइ ।  
तए णं से सागरदत्ते २ अन्नया उप्पि आगासतलगंसि सुहनिसण्णे राय-  
मगं ओलोएमाणे २ चिट्ठइ । तए णं से सागरदत्ते एणं महं दमगपुरिसं  
पासइ दंडिखंडनिवसणं खंडमल्लगखंडघडगहत्थगयं मच्छियासहस्सेहिं  
जाव अग्निज्जमाणमगं । तए णं से सागरदत्ते सत्थवाहे कोडुंबियपुरिसे  
सदावेइ २ एवं वयासी - तुब्भे णं देवाणुप्पिया ! एयं दमगपुरिसं  
विपुलेणं असणेणं ४ पडिलाभेह गिहं अणुप्पविसेह २ खंडमल्लगं खंड-

घड्ढगं च से एगंते एडेह २ अलंकारियकम्मं करेह २ ण्हायं कयवलि-  
 कम्मं जाव सव्वालंकारविभूसियं करेह २ मणुन्नं असणं ४ भोयावेह  
 मम अंतियं उवणेह । तए णं ते कोडुंवियपुरिसा जाव पडिसुणेंति २  
 जेणेव से दमगपुरिसे तेणेव उवागच्छंति २ तं दमगपुरिसं असणेणं ४  
 उवंप्लोभंति २ सयं गिहं अणुप्पवेसिंति २ तं खंडमल्लगं खंडघडगं च  
 तस्स दमगपुरिसस्स एगंते एडेंति । तए णं से दमगपुरिसे तंसि खंड-  
 मल्लगंसि खंडघडगंसि य एडिज्जमाणंसि महया २ सद्देणं आरसइ ।  
 तए णं से सागरदत्ते तस्स दमगपुरिसस्स तं महया २ आरसियसइं  
 सोच्चा निसम्म कोडुंवियपुरिसे एवं वयासी — किन्नं देवाणुप्पिया ! एस  
 दमगपुरिसे महया २ सद्देणं आरसइ ? तए णं ते कोडुंवियपुरिसा एवं  
 वयासी — एस णं सामी ! तंसि खंडमल्लगंसि खंडघडगंसि य एडिज्ज-  
 माणंसि महया २ सद्देणं आरसइ । तए णं से सागरदत्ते २ ते कोडुं-  
 वियपुरिसे एवं वयासी — मा णं तुब्भे देवाणुप्पिया ! एयस्स दमगस्स  
 तं खंडगं जाव एडेह पासे से ठवेह जहा णं पत्तियं भवइ । ते तहेव  
 ठावेंति २ तस्स दमगस्स अलंकारियकम्मं करेंति २ सयपागसहस्स-  
 पागेहिं तेलेहिं अडिंभगेति अडिंभगेण समाणे सुरभिणा गंधवट्टएणं गायं  
 उवट्टेंति २ उस्सिणोदगेणं गंधोदएणं ण्हाणेंति सीओदगेणं ण्हाणेंति  
 पम्हलसुकुर्मालगंधकासाइए गायाइं ल्हेंति २ हंसलक्खणं पडगसाडगं  
 परिहेंति २ सव्वालंकारविभूसियं करेंति २ विपुलं असणं ४ भोयावेंति २  
 सागरदत्तस्स समीवे उवणेंति । तए णं से सागरदत्ते २ सूमालियं दारियं  
 ण्हायं जाव सव्वालंकारविभूसियं करेत्ता तं दमगपुरिसं एवं वयासी —  
 एस णं देवाणुप्पिया ! मम धूया इट्ठा । एयं णं अहं तव भारियत्ताए  
 दलयामि भदियाए भइओ भवेज्जासि । तए णं से दमगपुरिसे सागर-  
 दत्तस्स एयमट्ठं पडिसुणेइ २ सूमालियाए दारियाए सद्धिं वासघरं  
 अणुपविसइ सूमालियाए दारियाए सद्धिं तीलिमंसि निवज्जइ । तए णं से  
 दमगपुरिसे सूमालियाए इमं एयारूवं अंगफासं पडिसंवेदेइ सेवं जहा  
 सागरस्स जाव सयणिज्जाओ अब्भुट्टेइ २ वासघराओ निग्गच्छइ २ खंड-

मल्लगं खंडघडगं च गहाय मारामुके विव काए जामेव दिसिं पाउब्भूए  
तामेव दिसिं पडिगए । तए णं सा सूमालिया जाव गए णं से दमग-  
पुरिसे त्तिकट्ठ ओहयमणसंकप्पा जाव झियायइ ।

(118) तए णं सा भद्दा कल्लं पाउप्पभायाए दासचेडिं सद्दावेइ  
जाव सागरदत्तस्स एयमट्ठं निवेदेइ । तए णं से सागरदत्ते तहेव संभंते  
समाणे जेणेव वासघरे तेणेव उवागच्छइ २ सूमालियं दारियं अंके  
निवेसेइ २ एवं वयासी—अहो णं तुमं पुत्ता ! पुरापोराणाणं कम्माणं जाव  
पञ्चणुब्भवमाणी विहरसि । तं मा णं तुमं पुत्ता ! ओहयमणसंकप्पा जाव  
झियाहि । तुमं णं पुत्ता ! मम महाणसंसि विपुलं असणं ४ जहा पोट्टिला  
जाव परिभाएमाणी विहराहि । तए णं सा सूमालिया दारिया एयमट्ठं  
पडिसुणेइ २ महाणसंसि विपुलं असणं ४ जाव दलमाणी विहरइ ।  
तेणं कालेणं २ गोवालियाओ अज्जाओ बहुस्सुयाओ एवं जहेव तेयलिणाए  
सुव्वयाओ तहेव समोसढाओ तहेव संघाडओ जाव अणुपविट्ठे तहेव जाव  
सूमालिया पडिलभेत्ता एवं वयासी—एवं खलु अज्जाओ ! अहं  
सागरस्स अणिट्ठा जाव अमणामा । नेच्छइ णं सागरए दारए मम नामं वा  
जाव परिभोगं वा । जस्स जस्स वि य णं देज्जामि तस्स तस्स वि य णं  
अणिट्ठा जाव अमणामा भवामि । तुब्भे य णं अज्जाओ ! बहुनायाओ  
एवं जहा पोट्टिला जाव उवलद्धे णं जेणं अहं सागरस्स दारगस्स इट्ठा कंता  
जाव भवेज्जामि । अज्जाओ तहेव भणंति तहेव साविया जाया तहेव  
चिंता तहेव सागरदत्तस्स आपुच्छइ जाव गोवालियाणं अंतियं पव्वइया ।  
तए णं सा सूमालिया अज्जा जाया इरियासमिया जाव गुत्तबंभयारिणी  
बहूहिं चउत्थछट्ठम जाव विहरइ । तए णं सा सूमालिया अज्जा अन्नया  
कयाइ जेणेव गोवालियाओ अज्जाओ तेणेव उवागच्छइ २ वंदइ नमंसइ  
२ एवं वयासी—इच्छामि णं अज्जाओ ! तुब्भेहिं अब्भणुन्नाया समाणी  
चंपाए बाहिं सुभूमिभागस्स उज्जाणस्स अदूरसामंते छट्ठंछट्ठेणं अणिविख-  
त्तेणं तवोकम्मेणं सूराभिमुही आयावेमाणी विहरित्तए । तए णं ताओ  
गोवालियाओ अज्जाओ सूमालियं एवं वयासी—अम्हे णं अज्जो !



समणीओ निगंथीओ इरियासमियाओ जाव गुत्तवंभचारिणीओ । नो खलु अम्हं कप्पइ वहिया गामस्स वा जाव सन्निवेसस्स वा छट्ठंछट्ठेणं जाव विहरित्ते । कप्पइ णं अम्हं अंतोउवस्सयस्स वइपरिक्खित्तस्स संघाडिवद्धियाए णं समतलपईयाए आयावेत्ते । तए णं सा सूमालिया गोवालियाए एयमट्ठं नो सहइ नो पत्तिइ नो रोएइ एयमट्ठं असइह-माणी ३ सुभूमिभागस्स उज्जाणस्स अदूरसामंते छट्ठंछट्ठेणं जाव विहरइ ।

(119) तत्थ णं चंपाए ललिया नाम गोट्ठी परिवसइ नरवइदिन-पईयारा अम्मापिइनिययनिप्पिवासा वेसविहारकयनिकेया नाणाविह-अविणयप्पहाणा अट्ठा जाव अपरिभूया । तत्थ णं चंपाए देवदत्ता नामं गणिया होत्था सूमाला जहा अंडनाए । तए णं तीसे ललियाए गोट्ठीए अन्नया कयाइ पंच गोट्ठिल्लगपुरिसा देवदत्ताए गणियाए सद्धिं सुभूमि-भागस्स उज्जाणस्स उज्जाणसिरिं पच्चणुवभवमाणा विहरंति । तत्थ णं एगे गोट्ठिल्लगपुरिसे देवदत्तं गणियं उच्छंगे धरेइ एगे पिट्ठओ आयवत्तं धरेइ एगे पुप्फपूरगं रएइ एगे पाए रएइ एगे चामरुक्खेवं करेइ । तए णं सा सूमालिया अज्जा देवदत्तं गणियं तेहिं पंचहिं गोट्ठिल्लपुरिसेहिं सद्धिं उरालाई माणुस्सगाई भोगभोगाई भुंजमाणीं पासइ २ इमेयारूवे संकप्पे समुप्पज्जित्था - अहो णं इमा इत्थिया पुरापोराणाणं कम्माणं जाव विहरइ । तं जइ णं केइ इमस्स सुचारियस्स तवनियमवंभचेरवासस्स कल्लाणे फलवित्तिविसेसे अत्थि तो णं अहमवि आगमिस्सेणं भवग्गहणेणं इमेयारूवाइ उरालाई जाव विहरिज्जाभि त्तिकट्ठु नियाणं करेइ २ आयावणभूमीए पच्चोरुभई ।

(120) तए णं सा सूमालिया अज्जा सरीरवार्डसा जाया यावि होत्था अभिक्खणं २ हत्थे धोवेइ अभिक्खणं २ पाए धोवेइ सीसं धोवेइ मुहं धोवेइ थणंतराई धोवेइ कक्खंतराई धोवेइ गुज्झंतराई धोवेइ जत्थ २ णं ठाणं वा सेज्जं वा निसीहियं वा चेएइ तत्थ वि य णं पुव्वामेव उदएणं अब्भुक्खेत्ता तओ पच्छा ठाणं वा ३ चेएइ । तए णं ताओ गोवालियाओ अज्जाओ सूमालियं अज्जं एवं वयासी-एवं खलु अज्जे ! अम्हे

समणीओ निगंथीओ इरियासमियाओ जाव बंभेचरंधारिणीओ । नो खलु कप्पइ अम्हं सररीवाउसियाए होत्तए । तुमं च णं अज्जे ! सररीवाउसिया अभिक्खणं २ हत्थे धोवेसि जाव चेएसि । तं तुमं णं देवाणुप्पिए ! एयस्स ठाणस्स आलोएहि जाव पडिवज्जाहि । तए णं सूमालिया गोवालियाणं अज्जाणं एयमट्ठं नो आढाइ नो परियाणाइ अणाढायमाणी अपरियाणमाणी विहरइ । तए णं ताओ अज्जाओ सूमालियं अज्जं अभिक्खणं २ हीलेंति जाव परिभवन्ति अभिक्खणं २ एयमट्ठं निवारेंति । तए णं तीसे सूमालियाए समणीहिं निगंथीहिं हीलिज्जमाणीए जाव वारिज्जमाणीए इमेयारूवे अज्झात्थिए जाव समुप्पज्जित्था — जया णं अहं अगारवासमज्जे वसामि तया णं अहं अप्पवसा । जया णं अहं मुंडा भवित्ता पव्वइया तया णं अहं परवसा । पुर्व्वि च णं ममं समणीओ आढायन्ति इयाणिं नो आढायन्ति । तं सेयं खलु मम कल्लं पाउप्पभायाए गोवालियाणं अंतियाओ पडिनिक्खमित्ता पाडिएकं उवस्सयं उवसंपज्जित्ताणं विहरित्तए त्तिकट्ठु एवं संपेहेइ २ कल्लं गोवालियाणं अंतियाओ पडिनिक्खमइ २ पाडिएकं उवस्सयं उवसंपज्जित्ताणं विहरइ । तए णं सा सूमालिया अज्जा अणोहट्ठिया अनिवारिया सच्छंदमई अभिक्खणं २ हत्थे धोवेइ जाव चेएइ तत्थ वि य णं पासत्था पासत्थविहारिणी ओसन्ना ओसन्नविहारी कुसीला कुसीलिविहारी संसत्ता संसत्ताविहारी बहूणि वासाणि सामण्णपरियागं पाउणइ २ अद्धमासियाए संलेहणाए तस्स ठाणस्स अणालोइयपडिक्कंता कालमासे कालं किच्चा ईसाणे कप्पे अन्नयंसि विमाणंसि देवगणियत्ताए उववन्ना । तत्थेगइयाणं देवीणं नवपलिओवमाइं ठिई पन्नत्ता । तत्थ णं सूमालियाए देवीए नवपलिओवमाइं ठिई पन्नत्ता ।

(121) तेणं कालेणं २ इहेव जंबुदीवे २ भारहे वासे पंचालेसु जणवएसु कंपिल्लपुरे नामं नयरे होत्था वण्णओ । तत्थ णं दुँवए नामं राया होत्था वण्णओ । तस्स णं चुलणी देवी धट्ठंज्जुणे कुमारे जुवराया । तए णं सा सूमालिया देवी ताओ देवलोगाओ आउक्खएणं जाव चइत्ता इहेव जंबुदीवे २ भारहे वासे पंचालेसु जणवएसु कंपिल्लपुरे नयरे

दुवयस्स रत्नो चुलणीए देवीए कुच्छिसि दारियत्ताए पञ्चायाया । तए णं सा चुलणी देवी नवण्हं मासाणं जाव दारियं पयाया । तए णं तीसे दारियाए निव्वत्तवारसाहियाए इमं एयारूवं नामं — जम्हा णं एसा दारिया दुपयस्स रत्नो धूया चुलणीए देवीए अत्तया तं होऊं णं अम्हं इमीसे दारियाए नामधेज्जं दोवई । तए णं तीसे अम्मापियरो इमं एयारूवं गोणं गुणनिप्फन्नं नामधेज्जं करेति दोवई । तए णं सा दोवई दारिया पंचधाईपरिग्गहिंया जाव गिरिकंदरमल्लीणा इव चंपगलया निवायनिव्वा-  
घायंसि सुहंसुहेणं परिवड्ढइ । तए णं सा दोवई देवी रायवरकन्ना उम्मुक्क-  
बालभावा जाव उक्किट्टसरीरा जाया यावि होत्था । तए णं तं दोवई रायवरकन्नं अन्नया कयाइ अंतेउरियाओ ण्हायं जाव विभूसियं करेति २ दुवयस्स रत्नो पायवंदियं पेसेति । तए णं सा दोवई २ जेणेव दुवए राया तेणेव उवागच्छइ २ दुवयस्स रत्नो पायग्गहणं करेइ । तए णं से दुवए राया दोवई दारियं अंके निवेसेइ २ दोवईए २ रूवे य जोव्वणे य लार्धणे य जायविम्हए दोवइ २ एवं वयासी — जस्स णं अहं तुमं पुत्ता ! रायस्स वा जुवरायस्स वा भारियत्ताए सयमेव दलइस्सामि तत्थ णं तुमं सुहिया वा दुहिया वा भवेज्जासि । तए णं मम जावज्जीवाए हिययदादे भविस्सइ । तं णं अहं तव पुत्ता ! अज्जर्याए सयंवरं वियंरामि । अज्जर्याए णं तुमं दिन्नं सयंवरा । जं णं तुमं सयमेव रायं वा जुवरायं वा वरेहिसि से णं तव भत्तारे भविस्सइ त्तिकट्टु ताहिं इट्ठाहिं जाव आसासेइ २ पडिविसज्जेइ ।

(122) तए णं से दुवए राया दूयं सद्दावेइ २ एवं वयासी — गच्छइ णं तुमं देवाणुप्पिया ! वारवइं नयरिं । तत्थ णं तुमं कण्हं वासुदेवं समुद्विजयपामोक्खे दस दसारे बलदेवपामोक्खे पंच महा-  
वीरे उग्गसेणपामोक्खे सोलस रायसहस्से पज्जुन्नपामोक्खाओ अट्ठट्ठाओ कुमारकोडीओ संवपामोक्खाओ सट्ठिं दुइंतसाहस्सीओ वीरसेणपामो-  
क्खाओ एकवीसं रायवीरपुरिससाहस्सीओ महीसेणपामोक्खाओ छप्पन्नं बलवगसाहस्सीओ अन्ने य वहवे राईसरतलवरमाडंबियकोडुंबियइब्भ-

सेट्टिसेणावइसत्थवाहपभिइओ करयलपरिग्गहियं दसनहं सिरसावत्तं  
मत्थए अंजलिं कट्ठु जएणं विजएणं वद्धावेहि २ एवं वयाहि — एवं  
खलु देवाणुप्पिया ! कंपिल्लपुरे नयरे दुवयस्स रत्तो धूयाए चुलणीए  
अत्तयाए धट्ठज्जुणकुमारस्स भइणीए दोवईए २ सयंवरे भविस्सइ । तए  
णं तुम्हे दुवयं रायं अणुगिण्हेमाणा अकालपरिहीणं चेव कंपिल्लपुरे नयरे  
समोसरह । तए णं से दूए करयल जाव कट्ठु दुवयस्स रत्तो एयमट्ठं पडि-  
सुणेइ २ जेणेव सए गिहे तेणेव उवागच्छइ २ कोडुंवियपुरिसे सद्दावेइ २  
एवं वयासी — खिप्पामेव भो देवाणुप्पिया ! चाउग्घटं आसरहं  
जुत्तामेव उवट्ठवेह जाव उवट्ठवेति । तए णं से दूए पहाए जाव सरीरे  
चाउग्घटं आसरहं दुरुहइ २ बहूहिं पुरिसेहिं सन्नद्ध जाव गहियाउह-  
पहरणेहिं सद्धिं संपरिवुडे कंपिल्लपुरं नयरं मज्झंमज्झेणं निग्गच्छइ पंचाल-  
जणवयस्स मज्झंमज्झेणं जेणेव देसपत्ते तेणेव उवागच्छइ २ सुरट्ठा-  
जणवयस्स मज्झंमज्झेणं जेणेव बारवई नयरी तेणेव उवागच्छइ २  
बारवइं नयरिं मज्झंमज्झेणं अणुप्पविसइ २ जेणेव कण्हस्स वासुदेवस्स  
वाहिरिया उवट्ठाणसाला तेणेव उवागच्छइ २ चाउग्घटं आसरहं ठावेइ  
२ रहाओ पच्चोरुहइ २ मणुस्सवग्गुरापारिक्खित्ते पायचारविहारेणं जेणेव  
कण्हे वासुदेवे तेणेव उवागच्छइ २ कण्हं वासुदेवं समुद्विजयपामोक्खे  
य दस दसारे जाव बलवगसाहस्सीओ करयल तं चेव जाव समोसरह ।  
तए णं से कण्हे वासुदेवे तस्स दूयस्स अंतिए एयमट्ठं सोच्चा निसम्म  
हट्ठतुट्ठे जाव हियए तं दूयं सक्कारेइ सम्माणेइ २ पडिविसज्जेइ । तए  
णं से कण्हे वासुदेवे कोडुंवियपुरिसे सद्दावेइ २ एवं वयासी — गच्छह  
णं तुमं देवाणुप्पिया ! सभाए सुहम्माए सामुदाइयं भेरिं तालेहि । तए  
णं से कोडुंवियपुरिसे करयल जाव कण्हस्स वासुदेवस्स एयमट्ठं पडि-  
सुणेइ २ जेणेव सभाए सुहम्माए सामुदाइया भेरी तेणेव उवागच्छइ २  
सामुदाइयं भेरिं महया २ सद्देणं तालेइ । तए णं ताए सामुदाइयाए  
भेरीए तालियाए समाणीए समुद्विजयपामोक्खा दस दसारा जाव महां-  
सेणपामोक्खाओ छप्पन्नं बलवगसाहस्सीओ पहाया जाव विभूसिया

जहाविभवइड्डिसक्कारसमुदएणं अप्पेगइया हयगया जाव अप्पेगइया पाय-  
 चारविहारेणं जेणेव कण्हे वासुदेवे तेणेव उवागच्छंति २ करयल जाव  
 कण्हं वासुदेवं जएणं विजएणं वद्धावेति । तए णं से कण्हे वासुदेवे  
 कोडुंवियपुरिसे सहावेइ २ एवं वयासी - खिप्पामेव भो देवाणुप्पिया !  
 अभिसेक्कं हत्थिरयणं पडिकप्पेह् हयगय जाव पच्चप्पिणंति । तए णं से  
 कण्हे वासुदेवे जेणेव मज्जणघरे तेणेव उवागच्छइ २ समुत्तजालाकुला-  
 भिरामे जाव अंजणगिरिकूडसन्निभं गयवइं नरवई दुरूढे । तए णं से  
 कण्हे वासुदेवे समुहविजयपामोक्खेहिं दसहिं दसारेहिं जाव अणंगसेणा-  
 पामोक्खेहिं अणेगाहिं गणियासाहस्सीहिं सद्धिं संपरिवुडे सव्विड्डीए जाव  
 रवेणं वारवइं नयरिं मज्झंमज्झेणं निग्गच्छइ २ सुरट्टाजणवयस्स मज्झं-  
 मज्झेणं जेणेव देसप्पंते तेणेव उवागच्छइ २ पंचालजणवयस्स मज्झं-  
 मज्झेणं जेणेव कंपिल्लपुरे नयरे तेणेव पहारेत्थ गमणाए । तए णं से दुवए  
 राया दोच्चं पि दूयं सहावेइ २ एवं वयासी - गच्छहं 'णं तुमं देवाणु-  
 प्पिया ! हत्थिणाउरं नयरं । तत्थ णं तुमं पंडुरायं सपुत्तयं जुहिट्ठिल्लं  
 भीमसेणं अज्जुणं नउलं सहदेवं दुज्जोहणं भाइसयसमगं गंगेयं विदुरं  
 दोणं जयइहं सज्जिं कीवं आसत्थामं करयल जाव कट्ठु तहेव जाव  
 समोसरह । तए णं से दूए एवं जहा वासुदेवे नवरं भेरी नत्थि जाव जेणेव  
 कंपिल्लपुरे नयरे तेणेव पहारेत्थ गमणाए । एएणेव कमेणं तच्चं दूयं चंपं  
 नयरिं । तत्थ णं तुमं कण्हं अंगरायं सैल्लं नंदिरायं करयल तहेव जाव समो-  
 सरह । चउत्थं दूयं सुत्तिमइं नयरिं । तत्थ णं तुमं सिसुपालं दमघोसिसुयं  
 पंचभाइसयसंपरिवुडं करयल तहेव जाव समोसरह । पंचमगं दूयं हत्थि-  
 सीसं नयरिं । तत्थ णं तुमं दमदंतं रायं करयल जाव समोसरह । छट्ठं  
 दूयं महुुरं नवरिं । तत्थ णं तुमं धरं रायं करयल जाव समोसरह । सत्तमं  
 दूयं रायगिहं नयरं । तत्थ णं तुमं सहदेवं जरासंधसुयं करयल जाव  
 समोसरह । अट्ठमं दूयं कोडिण्णं नयरं । तत्थ णं तुमं रुप्पिं मेसगसुयं करयल  
 तहेव जाव समोसरह । नवमं दूयं विरीटं नयरिं । तत्थ णं तुमं कीर्यगं  
 भाउसयसमगं करयल जाव समोसरह । दसमं दूयं अबसेसेसु

गामागरनगरेसु अणेगाइं रायसहस्साइं जाव समोसरह । तए णं से दूए तहेव निग्गच्छइ जेणेव गामागर तहेव जाव समोसरह । तए णं ताइं अणेगाइं रायसहस्साइं तस्स दूयस्स अंतिए एयमट्ठं सोच्चा निसम्म हट्ठा तं दूयं सक्कारेति सम्माणेति २ पडिविसज्जेति । तए णं ते वासुदेवपामोक्खा बहवे रायसहस्सा पत्तेयं २ ण्हाया सन्नद्धहत्थिखंधवरगया महया हयगयरहभडचडगरपहकर सएहिं २ नगरेहिंतो अभिनिग्गच्छंति २ जेणेव पंचाले जणवए तेणेव पहरेत्य गमणाए ।

(123) तए णं से दुवए राया कोडुंबियपुरिसे सद्दावेइ २ एवं वयासी - गच्छह णं तुमं देवाणुप्पिया ! कंपिल्लपुरे नयरे बहिया गंगाए महानईए अदूरसामंते एगं महं सयंवरमंडवं करेह अणेगखंभसयसन्निविट्ठं लीलट्टियसालिभंजियागं जाव पच्चप्पिणंति । तए णं से दुवए राया दोच्चपि कोडुंबियपुरिसे सद्दावेइ २ एवं वयासी - खिप्पामेव भो देवाणुप्पिया ! वासुदेवपामोक्खाणं बहूणं रायसहस्साणं आवासे करेह । ते वि करेत्ता पच्चप्पिणंति । तए णं से दुवए राया वासुदेवपामोक्खाणं बहूणं रायसहस्साणं आगमणं जाणेत्ता पत्तेयं २ हत्थिखंध जाव परिवुडे अग्घं च पज्जं च गहाय सव्विड्डीए कंपिल्लपुराओ निग्गच्छइ २ जेणेव ते वासुदेवपामोक्खा बहवे रायसहस्सा तेणेव उवागच्छइ २ ताइं वासुदेवपामोक्खाइं अग्घेण य पज्जेण य सक्कारेइ सम्माणेइ २ तोसिं वासुदेवपामोक्खाणं पत्तेयं २ आवासे वियरइ । तए णं ते वासुदेवपामोक्खा जेणेव सया २ आवासा तेणेव उवागच्छंति २ हत्थिखंधेहिंतो पच्चोरुहंति २ पत्तेयं २ खंधावारनिवेसं करेति २ सएसुं २ आवासेसुं अणुप्पविसंति २ सएसु आवासेसु य आसणेसु य सयणेसु य सन्निसण्णा य संतुर्यट्ठा य बहूहिं गंधन्वेहि य नाडएहि य उवगिज्जमाणा य उवनच्चिज्जमाणा य विहरंति । तए णं से दुवए राया कंपिल्लपुरं नयरं अणुप्पविसइ २ विपुलं असणं ४ उवक्खडावेइ २ कोडुंबियपुरिसे सद्दावेइ २ एवं वयासी - गच्छह णं तुम्हे देवाणुप्पिया ! विपुलं असणं ४ सुरं च मज्जं च मंसं च सीधुं च पसन्नं च सुबहुप्फवत्थगंधमल्लालंकारं च

वासुदेवपामोक्खाणं रायसहस्साणं आवासेसु साहरहं । ते वि साहरंति ।  
तए णं ते वासुदेवपामोक्खा तं विपुलं असणपाणखाइमसाइमं जाव  
पसन्नं च आसाएमाणा ४ विहरंति जिमियभुत्तुत्तरागया वि य णं  
समाणा आयंता चोक्खा जाव सुहासणवरगया बहूहिं गंधवेहिं जाव  
विहरंति । तए णं से दुवए राया पुव्वावरण्हकालसमयांसि कोडुंविय-  
पुरिसे सदावेइ २ एवं वयासी-गच्छह णं तुव्मे देवाणुप्पिया !  
कंपिल्लपुरे सिंघाडग जाव पहेसु वासुदेवपामोक्खाणं य रायसहस्साणं  
आवासेसु हत्थिखंधवरगया महया २ सहेणं जाव उग्घोसेमाणा २ एवं  
वयह-एवं खल्ल देवाणुप्पिया ! कल्लं पाउप्पभायाए दुवयस्स रज्जो धूयाए  
चुलणीए देवीए अत्तियाए धट्ठंज्जुणस्स भगिणीए दोवईए २ सयंवरे  
भविस्सइ । तं तुव्मे णं देवाणुप्पिया ! दुवयं रायाणं अणुगिण्हेमाणा ण्हाया  
जाव विभूसिया हत्थिखंधवरगया सकोरेंट० सेयवरचामरा हयगयरह०  
महया भडचडगरेणं जाव परिक्खित्ता जेणेव सयंवरामंडवे तेणेव उवा-  
गच्छह २ पत्तेयं नामंकेसु आसणेसु निसीयह २ दोवईं २ पडिवालेमाणा २  
चिट्ठह घोसणं घोसेह २ मम एयमाणत्तियं पच्चप्पिणह । तए णं ते  
कोडुंविया तहेव जाव पच्चप्पिणंति । तए णं से दुवए राया कोडुंविय-  
पुरिसे सदावेइ २ एवं वयासी-गच्छह णं तुव्मे देवाणुप्पिया ! संयवर-  
मंडवं आसियसंमज्जिओवलित्तं सुगंधवरगंधियं पंचवण्णपुप्फोवयारकलियं  
कालागरुपवरकुंदुरुक्कतुरुक्क जाव गंधवट्ठिभूयं मंचाइमंचकलियं करेह  
कारवेह करेत्ता कारवेत्ता वासुदेवपामोक्खाणं बहूणं रायसहस्साणं पत्तेयं २  
नामंकाइं आसणाइं अत्थुयपच्चत्थुयाइं रएह २ एयमाणत्तियं पच्चप्पिणह  
जाव पच्चप्पिणंति । तए णं ते वासुदेवपामोक्खा बहवे रायसहस्सा  
कल्लं ण्हाया जाव विभूसिया हत्थिखंधवरगया सकोरेंटमल्लत्तेणं धरिज्ज-  
माणेहिं सेयवरचामराहिं महया हयगय जाव परिवुडा सन्विड्डीए जाव  
रवेणं जेणेव सयंवरामंडवे तेणेव उवागच्छंति २ अणुप्पविसंति २  
पत्तेयं २ नामंकेसु निसीयंति दोवईं २ पडिवालेमाणा चिट्ठंति । तए  
णं से दुवए राया कल्लं ण्हाए जाव विभूसिए हत्थिखंधवरगए सकोरेंट०

हयगय० कंपिलपुरं मज्झमज्झेणं निग्गच्छइ जेणेव सयंवरामंडवे जेणेव वासुदेवपामोक्खा बहवे रायसहस्सा तेणेव उवागच्छइ २ तेसिं वासुदेव-  
पामोक्खाणं करयल जाव वद्धावेत्ता कण्हस्स वासुदेवस्स सेयवरचामरं  
गहाय उववीयमाणे चिट्ठइ ।

(124) तए णं सा दोवई २ कलं जाव जेणेव मज्जणघरे तेणेव  
उवागच्छइ २ मज्जणघरं अणुपविसइ २ ण्हाया कयबलिकम्मा कयकोउय-  
मंगलपायच्छित्ता सुद्धप्पावेसाइं मंगलाइं वत्थाइं पवरपरिहिया मज्जण-  
घराओ पडिनिकखमइ २ जेणेव जिणघरे तेणेव उवागच्छइ २ जिणघरं  
अणुपविसइ २ जिणपडिमाणं आलोए पणामं करेइ २ लोमहत्थयं  
परामुसइ एवं जहा सूरियाभो जिणपडिमाओ अच्चेइ तहेव माणियव्वं जाव  
धूवं डहइ २ वामं जाणुं अंचेइ दाहिणं जाणुं धरणितलंसि निहंढट्ठ  
तिक्खुत्तो मुद्धाणं धरणितलंसि नमेइ २ ईसिं पच्चुन्नमइ २ करयल जाव  
कट्ठ एवं वयासी - नमोत्थु णं अरहंताणं जाव संपत्ताणं वंदइ नमंसइ २  
जिणघराओ पडिनिकखमइ २ जेणेव अंतेउरे तेणेव उवागच्छइ ।

(125) तए णं तं दोवई २ अंतेउरियाओ सव्वालंकारविभूसियं  
करेत्ति । किं ते ? वरपायपत्तनेउरा जाव चेडियाचक्कवालमहंयरगविंद-  
परिक्खित्ता अंतेउराओ पडिनिकखमइ २ जेणेव बाहिरिया उवट्ठाणसाला  
जेणेव चाउग्घंटे आसरहे तेणेव उवागच्छइ २ किड्ढावियाए लेहियाए  
साद्धिं चाउग्घंटे आसरहं दुरुहइ । तए णं से धट्ठज्जुणे कुमारे दोवईए  
कन्नाए सारत्थं करेइ । तए णं सा दोवई २ कंपिलपुरं मज्झमज्झेणं  
जेणेव सयंवरामंडवे तेणेव उवागच्छइ २ रहं ठावेइ रहाओ पच्चोरुभंइ २  
किड्ढावियाए लेहियाए साद्धिं सयंवरमंडवं अणुपविसइ करयल जाव तोसिं  
वासुदेवपामोक्खाणं बहूणं रायवरसहस्साणं पणामं करेइ । तए णं सा  
दोवई २ एगं महं सिरिदामगंडं० किं ते ? पाडलमल्लियचंपय जाव सत्त-  
च्छयाईहिं गंधर्द्धाणि मुयंतं परमसुहफासं दरिसणिज्जं गेण्हइ । तए णं सा  
किड्ढाविया सुरूवा जाव वामहत्थेणं चिल्लगं दप्पणं गहेऊण सललियं  
दप्पणसंकंताविंसदंसिए य से दाहिणेणं हत्थेणं दरिसए पवररायसीहे फुड-



विसयविसुद्धरिभियगंभीरमहुरभाणिया सा तेसिं सन्वेसिं पत्थिवाणं अम्मा-  
 पिउवंससत्तसामत्थगोत्तंविक्कंतिकंतिबहुविहआगममाहप्परूवजोव्वणगुण-  
 लावण्णकुलसीलजाणिया कित्तणं करेइ । पढमं ताव वण्हिपुंगवाणं  
 दसंदसारवरवीरपुरिसंतिलोक्कवलवगाणं सत्तुसयसहस्समाणावमइगाणं  
 भवसिद्धिपवरपुंडरीयाणं चिल्लाणं बलवीरियरूवजोव्वणगुणलावण्ण-  
 कित्तिया कित्तणं करेइ । तओ पुणं उग्गसेणमाईणं जायवाणं भणइ—  
 सोहग्गरूवकलिए वरेहि वरपुरिसगंधहत्थीणं । जो हु ते लोए होइ  
 हिययदइओ ॥ तए णं सा दोवई रायवरकन्नगा बहूणं रायवरसहस्साणं  
 मज्झंमज्झेणं समइच्छमाणी २ पुव्वकयनियाणेणं चोइज्जमाणी २ जेणेव  
 पंच पंडवा तेणेव उवागच्छइ २ ते पंच पंडवे तेणं दसद्ववण्णेणं कुमुम-  
 दामेणं आवेदियपरिवेदिए करेइ २ एवं वयासी — एए णं मए पंच  
 पंडवा वरिया । तए णं ताई वासुदेवपामोक्खाई बहूणि रायसहस्साणि  
 महया २ सहेणं उग्घोसेमाणाई २ एवं वयंति—सुवरियं खलु भो !  
 दोवईए रायवरकन्नाए तिकट्टु सयंवरमंडवाओ पडिनिक्खमंति २  
 जेणेव सया २ अवासा तेणेव उवागच्छंति । तए णं घट्टज्जुणकुमारे पंच  
 पंडवे दोवई च रायवरकन्नगं चाउग्घंटं आसरहं दुरूहेइ २ कंपिल्लपुरं  
 मज्झंमज्झेणं जाव सयं भवणं अणुपविसइ । तए णं दुवए राया पंच-  
 पंडवे दोवई २ पट्टयं दुरूहेइ २ सेयापीयएहिं कलसेहिं मज्जावेइ २  
 अग्गिहोमं करीवेइ पंचण्हं पंडवाणं दोवईए य पाणिग्गहणं करीवेइ । तए  
 णं से दुवए राया दोवईए २ इमं एयारूवं पीइदाणं दलयइ तंजहा — अट्ठ  
 हिरण्णकोडीओ जाव पेसणकारीओ दासचेडीओ अन्नं च विपुलं धणकणग  
 जाव दलयइ । तए णं से दुवए राया ताई वासुदेवपामोक्खाई विपुलेणं  
 असणपाणखाइमसाइमेणं वत्थगंध जाव पडिविसज्जेइ ।

(126) तए णं से पंडू राया तेसिं वासुदेवपामोक्खाणं बहूणं राय-  
 सहस्साणं करयल जाव एवं वयासी — एवं खलु देवाणुप्पिया ! हत्थिणाउरे  
 नयरे पंचण्हं पंडवाणं दोवईए य देवीए कल्लाणंकरे भविससइ । तं तुव्वे  
 णं देवाणुप्पिया ! ममं अणुगिण्हमाणा अक्कालपरिहीणं समोसरह । तए णं

ते वासुदेवपामोक्खा पत्तेयं २ जाव पहारेत्थ गमणाए । तए णं से पंडू राया कोडुंवियपुरिसे सदावेइ २ एवं वयासी - गच्छह णं तुब्भे देवाणु-  
 प्पिया ! हत्थिणाउरे पंचण्हं पंडवाणं पंच पासायवडिंसए कारेहि अम्भु-  
 गयमूसिय वण्णओ जाव पडिरुवे । तए णं ते कोडुंवियपुरिसा पडि-  
 सुणेंति जाव कारवेंति । तए णं से पंडू राया पंचहिं पंडवेहिं दोवईए  
 देवीए साद्धिं ह्यगयसंपरिवुडे कंपिलपुराओ पडिनिक्खमइ २ जेणेव  
 हत्थिणाउरे तेणेव उवागए । तए णं से पंडुराया तेसिं वासुदेवपामोक्खाणं  
 आगमणं जाणित्ता कोडुंवियपुरिसे सदावेइ २ एवं वयासी - गच्छह णं  
 तुब्भे देवाणुप्पिया ! हत्थिणाउरस्स नयरस्स बहिया वासुदेवपामोक्खाणं  
 बहूणं रायसहस्साणं आवासे कारेह अणेगथंभंसय तहेव जाव पच्चप्पिणंति ।  
 तए णं ते वासुदेवपामोक्खा बहवे रायसहस्सा जेणेव हत्थिणाउरे  
 तेणेव उवागच्छंति । तए णं पंडूराया ते वासुदेवपामोक्खे जाव आगए  
 जाणित्ता हट्ठतुट्ठे ण्हाए कयवलिकम्मे जहा दुवए जाव जहारिहं आवासे  
 दलयइ । तए णं ते वासुदेवपामोक्खा बहवे रायसहस्सा जेणेव सर्या २  
 आवासं तेणेव उवागच्छंति तहेव जाव विहरंति । तए णं से पंडूराया  
 हत्थिणाउरं नयरं अणुपविसइ २ कोडुंवियपुरिसे सदावेइ २ एवं वयासी -  
 तुब्भे णं देवाणुप्पिया ! विपुलं असणं ४ तहेव जाव उवणेंति । तए णं ते  
 वासुदेवपामोक्खा बहवे रायसहस्सा ण्हाया कयवलिकम्मा कयकौउय-  
 मंगलपायच्छित्ता तं विपुलं असणं ४ तहेव जाव विहरंति । तए णं से  
 पंडूराया ते पंचपंडवे दोवइं च देविं पट्टयं दुरुहेइ २ सीयापीएहिं कलसेहिं  
 ण्हावेइ २ कल्लाणकैरं करेइ २ ते वासुदेवपामोक्खे बहवे रायसहस्से  
 विपुलेणं असणेणं ४ पुप्फवत्थेणं सक्कारेइ सम्माणेइ जाव पडिविसज्जेइ ।  
 तए णं ताइं वासुदेवपामोक्खाइं बहूइं जाव पडिगयाइं ।

(127) तए णं ते पंच पंडवा दोवईए देवीए साद्धिं कल्लाकल्लिं  
 वारंवारेंणं उरालाइं भोगभोगाइं जाव विहरंति । तए णं से पंडू राया  
 अन्नया कयाइं पंचहिं पंडवेहिं कौंतीए देवीए दोवईए य साद्धिं अंतो-  
 अंतोउरपरियालसद्धिं संपरिवुडे सीहासणवरगए यावि विहरइ । इमं च णं

कच्छुल्लनारए दंसणेणं अइभइए विणीए अंतो य कलुसहियए मज्झत्थ-  
 उवत्थिए य अल्लीणसोमपियदंसणे सुंरूवे अमइलसगलपरिहिए काल-  
 मियचम्मउत्तरासंगरइयवच्छे दण्डकैमण्डलुहत्थे जडामउडदित्तसिए  
 जन्नेवइयगणेत्तियमुंजमेह्लावागलधरे हत्थकयकच्छभीए पियगंधवे  
 धराणिगोयरप्पहाणे संवरणावरणओवयणुप्पयाणिलेसणीसु य संकामणि-  
 आभिओगपन्नत्तिगमणीथांभिणीसु य वहूसु विज्जाहरीसु विज्जासु विस्सुय-  
 जसे इट्ठे रामस्स य केसवस्स य पज्जुन्नपईवसंवअनिरुद्धनिसढउम्मुय-  
 सारणगयसुमुहदुस्सुहाईणं जायवाणं अद्धुट्ठाण य कुमारकोडीणं हियय-  
 दइए संथवए कलहजुद्धकोलाहलपिपए भंडणाभिलासी वहूसु य समरसय-  
 संपराएसु दंसणरए समंतओ कलहं सदक्खिणं अणुगवेसमाणे असमाहि-  
 करे दसारवरवीरपुरिसतेलोक्कवलवगाणं आमंतैऊण तं भगवइं पक्कमणिं  
 गगणगमणदच्छं उप्पइओ गर्गणमभिलंघयंतो गामागरनंगरखेडकच्चड-  
 मडंबदोणमुहपट्टणसंवाहसहस्समंडियं थिमियमेइणीतलं वसुहं ओलोइते<sup>12</sup>  
 रम्मं हत्थिणाउरं उवागए पंडुरायभवणांसि अइवेगेण सैमोवइए । तए  
 णं से पंडू राया कच्छुल्लनारयं एज्जमाणं पासइ २ पंचहिं पंडवेहिं कुंतीए  
 य देवीए सद्धि आसणाओ अब्भुट्ठेइ २ कच्छुल्लनारयं सत्तट्ठपयाइं  
 पच्चुग्गच्छइ २ तिक्खुत्तो आयाहिणपयाहिणं करेइ २ वंदइ नमंसइ २  
 महरिहेणं आसणेणं उवनिमंतेइ । तए णं से कच्छुल्लनारए उदगपरि-  
 फोसियाए दब्भोवरिपच्चुत्थुयाए भिसियाए निसीयइ २ पंडुरायं रज्जे  
 य जाव अंतोउरे य कुसलोदंतं पुच्छइ । तए णं से पंडूराया कौंती य देवी  
 पंच य पंडवा कच्छुल्लनारयं आढंति जाव पज्जुवासंति । तए णं सा  
 दोवई देवी कच्छुल्लनारयं अस्संजयअविरयअप्पाडिहयअपच्चक्खायपावकम्मं  
 तिकट्ठु नो आढाइ नो परियाणइ नो अब्भुट्ठेइ नो पज्जुवासइ ।

(128) तए णं तस्स कच्छुल्लनारयस्स इमेयारूवे अज्झत्थिए  
 चित्तिए पत्थिए मणोगए संकप्पे समुप्पज्जित्था—अहो णं दोवई देवी  
 रूवेण य जाव लावण्णेण य पंचहिं पंडवेहिं अवत्थद्धा समोणी ममं नो  
 आढाइ जाव नो पज्जुवासइ । तं सेयं खलु ममं दोवईए देवीए विप्पियं

करेत्तए त्तिकट्ठु एवं संपेहेइ २ पंडुरायं आपुच्छइ २ उप्पयणिं विज्जं  
 आवाहेइ २ ताए उक्किट्ठाए जाव विज्जाहरगईए लवणसमुदं मज्झंमज्झेणं  
 पुरत्थाभिमुहे वीईवइउं पयत्ते यावि होत्था । तेणं कालेणं २ धायइसंडे  
 दीवे पुरत्थिमद्धदाहिणड्ढभरहवासे अववरकंका नामं रायहाणी होत्था ।  
 तत्थ णं अववरकंकाए रायहाणीए पउमनाभे नामं राया होत्था सहया  
 हिसवंत वण्णओ । तस्स णं पउमनाभस्स रत्तो सत्त देवीसयाइं ओरोहे  
 होत्था । तस्स णं पउमनाभस्स रत्तो सुनाभे नामं पुत्ते जुवरायावि होत्था ।  
 तए णं से पउमनाभे राया अंतोअंतेउरंसि ओरोहसंपरिवुडे सीहासण-  
 वरगए विहरइ । तए णं से कच्छुल्लनारए जेणेव अववरकंका रायहाणी  
 जेणेव पउमनाभस्स भवणे तेणेव उवागच्छइ २ पउमनाभस्स रत्तो  
 भवणंसि झत्ति वेगेण समोवइए । तए णं से पउमनाभे कच्छुल्लनारयं  
 एज्जमाणं पासइ २ आसणाओ अब्भुट्ठेइ २ अग्घेणं जाव आसणेणं  
 उवनिमंतेइ । तए णं से कच्छुल्लनारए उदयपरिफोसियाए दब्भोवरि-  
 पच्चत्थुयाए भिसियाए निसीयइ जाव कुसलोदंतं आपुच्छइ । तए णं से  
 पउमनाभे राया नियगओरोहे जायविम्हए कच्छुल्लनारयं एवं वयासी-  
 तुमं देवाणुप्पिया ! वहूणि गामाणि जाव गिहाइं अणुपविससि । तं  
 अत्थियाइं ते कहिंचि देवाणुप्पिया ! एरिसए ओरोहे दिट्ठयुव्वे जारिसए  
 णं मम ओरोहे ? तए णं से कच्छुल्लनारए पउमनाभेणं एवं वुत्ते समाणे  
 ईसिं बिहसियं करेइ २ एवं वयासी-सरिसे णं तुमं पउमनाभा !  
 तस्स अगडददुरस्स । के णं देवाणुप्पिया ! से अगडददुरे ? एवं जहा  
 मल्लिणाए एवं खलु देवाणुप्पिया ! जंबुदीवे २ भारहे वासे हत्थिणाउरे  
 नयरे दुपयस्स रत्तो धूया चुलणीए देवीए अत्तया पंडुरस्स सुण्हा पंचण्हं  
 पंडवाणं भारिया दोवई देवी रूवेण य जाव उक्किट्ठसरीरा । दोवईए  
 णं देवीए छिन्नस्सवि पायंगुट्ठस्स अयं तव ओरोहे सयंपि कलं न  
 अग्घइ त्तिकट्ठु पउमनाभं आपुच्छइ जाव पडिगए । तए णं से  
 पउमनाभे राया कच्छुल्लनारयस्स अंतिए एयमट्ठं सोच्चा निसम्म दोवईए  
 देवीए रूवे य ३ मुच्छिए ४ जेणेव पोसहसाला तेणेव उवागच्छइ २

पोसहसालं जाव पुव्वसंगइयं देवं एवं वयासी - एवं खलु देवाणुप्पिया ! जंवुद्दीवे २ भारहे वासे हत्थिणाउरे जाव उक्किट्टसरीरा । तं इच्छामि णं देवाणुप्पिया ! दोवइं देवीं इहमाणीयं । तए णं पुव्वसंगइए देवे पउमनाभं एवं वयासी - नो खलु देवाणुप्पिया ! एवं भूयं वा भव्वं वा भविस्सं वा जन्नं दोवइं देवी पंचपंडवे मोत्तुणं अत्तेणं पुरिसेणं सद्धिं उरालाइं जाव विहरिस्सइ । तहावि य णं अहं तव पियट्ठं-याए दोवइं देविं इहं हव्वमाणेमि त्तिकट्ठु पउमनाभं आपुच्छइ २ ताए उक्किट्ठाए जाव लवणसमुदं मज्झंमज्झेणं जेणेव हत्थिणाउरे नयरे तेणेव पहारेत्थ गमणाए । तेणं कालेणं २ हत्थिणाउरे नयरे जुहिट्ठिले राया दोवइं देवीए सद्धिं उप्पि आगासतलगंसि सुहप्पसुत्ते यावि होत्था । तए णं से पुव्वसंगइए देवे जेणेव जुहिट्ठिले राया जेणेव दोवइं देवी तेणेव उवागच्छइ २ दोवइं देवीए ओसोर्वणिंयं दलयइ २ दोवइं देविं गिण्हइ २ ताए उक्किट्ठाए जाव जेणेव अवरकंका जेणेव पउमनाभस्स भवणे तेणेव उवागच्छइ २ पउमनाभस्स भवणंसि असोगवणियाए दोवइं देविं ठावेइ २ ओसोर्वणिं अवहरइ २ जेणेव पउमनाभे तेणेव उवागच्छइ २ एवं वयासी - एस णं देवाणुप्पिया ! मए हत्थिणाउराओ दोवइं देवी इहं हव्वमाणीया तव असोगवणियाए चिट्ठइ । अओ परं तुमं जाणसि त्तिकट्ठु जामेव दिसिं पाउवभूए तामेव दिसिं पडिगए । तए णं सा दोवइं देवी तओ मुहुत्तंतरस्स पडिवुद्धा समाणी तं भवणं असोगवणियं च अपच्चभिजाणमाणी एवं वयासी - नो खलु अम्हं एसे सए भवणे नो खलु एसा अम्हं सया असोगवणिया । तं न नज्जइ णं अहं केणइ देवेण वा दाणवेण वा किंपुरिसेण वा किन्नरेण वा महो-रगेण वा गंधवेण वा अन्नस्स रत्तो असोगवणियं साहरिय त्तिकट्ठु ओहयमणसंकप्पा जाव झियायइ । तए णं से पउमनाभे राया ण्हाए जाव सव्वालंकारविभूसिए अंतेउरपरियालसंपरिवुडे जेणेव असोगवणिया जेणेव दोवइं देवी तेणेव उवागच्छइ २ दोवइं देविं ओहय जाव झियाय-माणिं पासइ २ एवं वयासी - किन्नं तुमं देवाणुप्पिए ! ओहय जाव

झियाहि ? एवं खलु तुमं देवाणुप्पिए ! मम पुव्वसंगइएणं देवेणं जंबु-  
 दीवाओ २ भारहाओ वासाओ हत्थिणाउराओ नयराओ जुहिट्ठिल्लस्स  
 रत्तो भवणाओ साहरिया । तं मा णं तुमं देवाणुप्पिया । ओहय जाव  
 झियाहि । तुमं णं मए सद्धिं विपुलाइं भोगभोगाइं जाव विहराहि । तए  
 णं सा दोवई पउमनाभं एवं वयासी — एवं खलु देवाणुप्पिया ! जंबुदीवे २  
 भारहे वासे बारवईए नयरीए कण्हे नामं वासुदेवे मम पियभाउए परि-  
 वसइ । तं जइ णं से छण्हं मासाणं मम कूवं नो हव्वमागच्छइ तए  
 णं अहं देवाणुप्पिया ! जं तुमं वदसि तस्स आणाओवायवयणनिदेसे  
 चिट्ठिस्सामि । तए णं से पउमनाभे दोवईए एयमट्ठं पडिसुणेइ २ दोवइं  
 देविं कन्नंतेउरे ठवेइ । तए णं सा दोवई देवी छट्ठंछट्ठेणं अणिक्खित्तेणं  
 आयंचिलपरिग्गहिएणं तवोकम्मेणं अप्पाणं भावेमाणी विहरइ ।

(129) तए णं से जुहिट्ठिल्ले राया तओ मुहुत्तंतरस्स पडिबुद्धे  
 समाणे दोवइं देविं पासे अपासमाणे सयणिज्जाओ उट्ठेइ २ दोवईए  
 देवीए सव्वओ समंता मग्गणगवेसणं करेइ २ दोवईए देवीए कत्थइ  
 सुइं वा खुइं वा पवित्तिं वा अलभमाणे जेणेव पंडूराया तेणेव उवा-  
 गच्छइ २ पंडूरायं एवं वयासी — एवं खलु ताओ ! मम आगासतल-  
 गांसि सुहपसुत्तस्स पासाओ दोवई देवी न नज्जइ केणइ देवेण वा  
 दाणवेण वा किंपुरिसेण वा किन्नरेण वा महोरगेण वा गंधव्वेण वा  
 हिया वा निया वा अक्खित्ता वा । तं इच्छामि णं ताओ ! दोवईए  
 देवीए सव्वओ समंता मग्गणगवेसणं करित्तए । तए णं से पंडूराया  
 कोइंविद्यपुरिसे सहावेइ २ एवं वयासी — गच्छह णं तुम्हे देवाणुप्पिया !  
 हत्थिणाउरे नयरे सिंघाडगतिगचउक्कचच्चरमहापहपहेसु महया २ सहेणं  
 उग्घोसेमाणा २ एवं वयह — एवं खलु देवाणुप्पिया ! जुहिट्ठिल्लस्स रत्तो  
 आगासतलगांसि सुहपसुत्तस्स पासाओ दोवई देवी न नज्जइ केणइ  
 देवेण वा दाणवेण वा किन्नरेण वा किंपुरिसेण वा महोरगेण वा गंध-  
 व्वेण वा हिया वा निया वा अक्खित्ता वा । तं जो णं देवाणुप्पिया !  
 दोवईए देवीए सुइं वा खुइं वा पवित्तिं वा परिकहेइ तस्स णं पंडूराया

विउलं अत्थसंपयाणं दलयइ त्तिक्कट्ठु घोसणं घोसावेह २ एयमाणत्तियं पच्चप्पिण्ह । तए णं ते कोडुंवियपुरिसा जाव पच्चप्पिणंति । तए णं से पंडूराया दोवईए देवीए कत्थइ सुइं वा जाव अलभमाणे कौंतीं देवीं सहावेइ २ एवं वयासी—गच्छह णं तुमं देवाणुप्पिया ! वारवइं नयरिं कण्हस्स वासुदेवस्स एयमट्ठं निवेदेहि । कणहे णं परं वासुदेवे दोवईए मग्गणगवेसणं करेज्जा अन्नहान नज्जइ दोवईए देवीए सुइं वा खुइं वा पवत्ति वा उवलभेज्जा । तए णं सा कौंती देवी पंडुणा एवं वुत्ता समाणी जाव पडिसुणेइ २ णहाया कयवलिकम्म हत्थिखंधवरगया हत्थिणपुरं नयरं मज्झंमज्झेणं निग्गच्छइ २ कुरुजणवयं मज्झंमज्झेणं जेणेव सुरट्ठाजणवए जेणेव वारवई नयरी जेणेव अग्गुज्जाणे तेणेव उवागच्छइ २ हत्थिखंधाओ पच्चोरुहइ २ कोडुंवियपुरिसे सहावेइ २ एवं वयासी—गच्छह णं तुव्भे देवाणुप्पिया ! जेणेवं वारवइं नयरिं अणुपविसह २ कण्हं वासुदेवं करयल० एवं वयह— एवं खलु सामी ! तुव्भं पिउच्छा कौंती देवी हत्थिणाउराओ नयराओ इहं हव्वमागया तुव्भं दंसणं कंखइ । तए णं ते कोडुंवियपुरिसा जाव कहेंति । तए णं कणहे वासुदेवे कोडुंवियपुरिसाणं अंतिए एयमट्ठं सोच्चा निसम्म हट्ठुट्ठे हत्थिखंधवरगए हयगय० वारवईए नयरीए मज्झंमज्झेणं जेणेव कौंती देवी तेणेव उवागच्छइ २ हत्थिखंधाओ पच्चोरुहइ २ कौंतीए देवीए पायग्गहणं करेइ २ कौंतीए देवीए सट्ठि हत्थिखंधं दुरुहइ २ वारवइं नयरीं मज्झंमज्झेणं जेणेव सए गिहे तेणेव उवागच्छइ २ सयं गिहं अणुप्पविसइ । तए णं से कणहे वासुदेवे कौंतिं देविं णहायं कयवलिकम्म जिमियभुत्तुत्तरागयं जाव सुहासणवरगयं एवं वयासी—संदिसउ णं पिउच्छा ! किमागमणपओयणं । तए णं सा कौंती देवी कण्हं वासुदेवं एवं वयासी— एवं खलु पुत्ता ! हत्थिणाउरे नयरे जुहि-ट्ठिहस्स रत्तो आगासतलए सुहप्पसुत्तस्स पासाओ दोवई देवी न नज्जइ केणइ अवहिया जाव अवक्खित्ता वा । तं इच्छामि णं पुत्ता ! दोवईए देवीए मग्गणगवेसणं कैयं । तए णं से कणहे वासुदेवे कौंतीपिउच्छि एवं वयासी— जं नवरं पिउच्छा दोवईए देवीए कत्थइ सुइं वा जाव

लभामि तो णं अहं पायालाओ वा भवणाओ वा अद्धभरहाओ  
 वा समंतओ दोवइं देविं साहत्थि उवणेमि त्तिक्कट्ठु कौंतीपिउच्छि  
 सक्कारेइ सम्माणेइ जाव पडिविसज्जेइ । तए णं सा कौंती देविं  
 कण्हेणं वासुदेवेणं पडिविसज्जिया समाणी जामेव दिसिं पाउब्भूया  
 तामेव दिसिं पडिगया । तए णं से कण्हे वासुदेवे कोडुंबियपुरिसे  
 सदावेइ २ एवं वयासी—गच्छह णं तुब्भे देवाणुप्पिया ! वारवइं  
 नयरिं एवं जहा पंडू तहा घोसणं घोसावेइ जाव पच्चप्पिणंति पंडुस्स जहा ।  
 तए णं से कण्हे वासुदेवे अन्नया अंतोअंतेउरगए ओरोहे जाव विहरइ ।  
 इमं च णं कच्छुल्लए नारए जाव समोवइए जाव निसीइत्ता कण्हं  
 वासुदेवं कुसलोदंतं पुच्छइ । तए णं से कण्हे वासुदेवे कच्छुल्लं  
 नारयं एवं वयासी—तुमं णं देवाणुप्पिया ! बहूणि गामागर जाव  
 अणुपविससि । तं अत्थियाइं ते कहिंचि दोवइए देवीए सुई वा जाव  
 उवलद्धा ? तए णं से कच्छुल्लए कण्हं वासुदेवं एवं वयासी—एवं खलु  
 देवाणुप्पिया ! अन्नया कयाइं धायईसंडे दीवे पुरत्थिमद्धं दाहिणडुभरह-  
 वासं अवरकंकारायहाणि गए । तत्थ णं मए पउमनाभस्स रत्तो भवणंसि  
 दोवई देवी जारिसिया दिट्ठपुन्वा यावि होत्था । तए णं कण्हे  
 वासुदेवे कच्छुल्लं एवं वयासी—तुब्भं चेव णं देवाणुप्पिया ! एयं पुन्व-  
 कम्मं । तए णं से कच्छुल्लनारए कण्हेणं वासुदेवेणं एवं वुत्ते समाणे  
 उप्पयणिं विज्जं आवाहेइ २ जामेव दिसिं पाउब्भूए तामेव दिसिं पडि-  
 गए । तए णं से कण्हे वासुदेवे दूयं सदावेइ २ एवं वयासी—गच्छह  
 णं तुमं देवाणुप्पिया ! हत्थिणाउरं पंडुस्स रत्तो एयमद्धं निवेएहि—एवं  
 खलु देवाणुप्पिया ! दोवई देवी धायईसंडदीवे पुरत्थिमद्धे अवरकंकाए  
 रायहाणीए पउमनाभभवणंसि साहिंया दोवईए देवीए पउत्ती उवलद्धा ।  
 तं गच्छंतु पंच पंडवा चाउरंगिणीए सेणाए साद्धिं संपरिवुडा पुरत्थिम-  
 वेयालीए मसं पडिवालेमाणा चिट्ठंतु । तए णं से दूए जाव भणइ जाव  
 पडिवालेमाणा चिट्ठह तेवि जाव चिट्ठंति । तए णं से कण्हे वासुदेवे  
 कोडुंबियपुरिसे सदावेइ २ एवं वयासी—गच्छह णं तुब्भे देवाणुप्पिया !



सन्नाहियं भेरिं तालेह तेवि तालेंति । तए णं तीए सन्नाहियाए भेरीए सद्दं सोच्चा समुहविजयपामोक्खा दस दसारा जाव छप्पन्नं वलवगसाहंस्सीओ सन्नद्धवद्ध जाव गहियाउहपहरणा अप्पेगइया ह्यगया अप्पेगइया गयगया जाव मणुस्सवग्गुरापरिक्खित्ता जेणेव सभा सुहम्मा जेणेव कण्हे वासुदेवे तेणेव उवागच्छंति २ करयल जाव वद्धावेंति । तए णं से कण्हे वासुदेवे हत्थिखंधवरगए सकोरेंटमल्लदामेणं छत्तेणं धरिज्जमाणेणं सेयवर ० ह्यगय महया भडचडगरपहकरेणं वारवईए नयरीए मज्झंमज्झेणं निग्गच्छइ जेणेव पुरत्थिमवेयाली तेणेव उवागच्छइ २ पंचहिं पंडवेहिं सद्धि एगयओ मिलाइ २ खंधावारनिवेसं करेइ २ पोसहसालं करेइ २ पोसहसालं अणु-प्पविसइ २ सुट्ठियं देवं मणसीकरेमाणे २ चिट्ठइ । तए णं कण्हस्स वासु-देवस्स अट्टमभत्तंसि परिणममाणंसि सुट्ठिओ जाव आगओ [एवं वयइ—]<sup>१</sup> भण देवाणुप्पिया ! जं मए कायव्वं । तए णं से कण्हे वासुदेवे सुट्ठियं एवं वयासी — एवं खलु देवाणुप्पिया ! दोवई देवी जाव पउमनाभस्स भवणंसि साहिया । तण्णं तुमं देवाणुप्पिया ! मम पंचहिं पंडवेहिं सद्धि अप्पच्छट्ठस्स छण्हं रहाणं लवणसमुदे मग्गं वियराहि जां णं<sup>२</sup> अहं अवरकंकारायहाणिं दोवईए कूवं गच्छामि । तए णं से सुट्ठिए देवे कण्हं वासुदेवं एवं वयासी — किण्णं देवाणुप्पिया ! जहा चेव पउमनाभस्स रत्तो पुव्वसंगइएणं देवेणं दोवई जाव साहिया तहा चेव दोवइं देविं धायईसंडाओ दीवाओ भारहाओ जाव हत्थिणाउरं साहरामि उदाहु पउमनाभं रायं सपुरवल-वाहणं लवणसमुदे पक्खिवामि ? तए णं से कण्हे वासुदेवे सुट्ठियं देवं एवं वयासी — मा णं तुमं देवाणुप्पिया ! जाव साहराहि । तुमं णं देवाणुप्पिया ! मम लवणसमुदे पंचहिं पंडवेहिं सद्धि अप्पच्छट्ठस्स छण्हं रहाणं मग्गं वियराहि । सयमेव णं अहं दोवईए कूवं गच्छामि । तए णं से सुट्ठिए देवे कण्हं वासुदेवं एवं वयासी — एवं होउ णं । पंचहिं पंडवेहिं सद्धि अप्पच्छट्ठस्स छण्हं रहाणं लवणसमुदे मग्गं वियरइ । तए णं से कण्हे वासुदेवे चाउरंगिणिं सेणं पडिविसज्जेइ २ पंचहिं पंडवेहिं सद्धि अप्पच्छट्ठे छाहिं रहेहिं लवणसमुदं मज्झंमज्झेणं

वीईवयइ २ जेणेव अवरकंका रायहाणी जेणेव अवरकंकाए रायहाणीए  
अग्गुज्जाणे तेणेव उवागच्छइ २ रहं ठावेइ २ दारुयं सारहिं सदावेइ २  
एवं वयासी — गच्छह णं तुमं देवाणुप्पिया ! अवरकंकारायहाणिं अणु-  
प्पविसाहि २ पउमनाभस्स रत्तो वामेणं पाएणं पायपीढं अवक्कमित्ता  
कुंतग्गेणं लेहं पणामेहि तिवलियं भिउडिं निडाले साहट्ठु आसुरुत्ते रुद्धे  
कुद्धे कुविए चंडिकिए एवं वयासी — हं भो पउमनाभा ! अपत्थिय-  
पत्थिया दुरंतपंतलक्खणा हीणपुण्णचाउदसा सिरिहिरिधिईपरिवज्जिया !  
अज्ज न भवसि ! किन्नं तुमं न याणासि कण्हस्स वासुदेवस्स भगिणिं  
दोवइं देविं इहं हव्वमाणेभाणं ? तं एयमवि गए पच्चप्पिणाहि णं तुमं  
दोवइं देविं कण्हस्स वासुदेवस्स अहव णं जुद्धसज्जे निग्गच्छाहि । एस  
णं कण्हे वासुदेवे पंचहिं पंडवेहिं सद्धिं अप्पछट्ठे दोवईए देवीए कूवं  
हव्वमागए । तए णं से दारूए सारही कण्हेणं वासुदेवेणं एवं वुत्ते समाणे  
हट्ठुट्ठे पडिसुणेइ २ अवरकंकां रायहाणिं अणुपविसइ २ जेणेव पउमनाभे  
तेणेव उवागच्छइ २ करयल जाव वद्धावेत्ता एवं वयासी — एस णं  
सामी ! मम विणयपडिवत्ती इमा अन्ना मम सामिस्स समुहाणत्ति  
त्तिकट्ठु आसुरुत्ते वामपाएणं पायपीढं अवक्कमइ २ कुंतग्गेणं लेहं  
पणामेइ जाव कूवं हव्वमागए । तए णं से पउमनाभे दारुएणं सारहिणा  
एवं वुत्ते समाणे आसुरुत्ते तिवलिं भिउडिं निडाले साहट्ठु एवं  
वयासी — न अप्पिणामि णं अहं देवाणुप्पिया ! कण्हस्स वासुदेवस्स  
दोवइं । एस णं अहं सयमेव जुद्धसज्जे निग्गच्छामि त्तिकट्ठु दारुयं  
सारहिं एवं वयासी — केवलं भो ! रायसत्थेसु दूए अवज्झे त्तिकट्ठु  
असक्कारियं असम्माणियं अवदारेणं निच्छुभावेइ । तए णं से दारुए  
सारही पउमनाभेणं असक्कारियं जाव निच्छुट्ठे समाणे जेणेव कण्हे वासुदेवे  
तेणेव उवागच्छइ २ करयल जाव कण्हं एवं वयासी — एवं खल्ल अहं  
सामी ! तुभं वयणेणं जाव निच्छुभावेइ । तए णं से पउमनाभे बलवाउयं  
सदावेइ २ एवं वयासी — खिप्पामेव भो देवाणुप्पिया ! आभिसेकं  
हत्थिरयणं पडिकप्पेह । तयाणंतरं च णं छेयायरियउवईसमइविकप्पणाहि

जाव उवणेंति । तए णं से पउमनाहे सन्नद्ध० अभिसेयं दुरूहइ २ हयगय जेणेव कण्हे वासुदेवे तेणेव पहारेत्थ गमणाए । तए णं से कण्हे वासुदेवे पउमनाभं रायाणं एज्जमाणं पासइ २ ते पंच पंडवे एवं वयासी — हं भो दारगा ! किन्नं तुव्भे पउमनाभेणं सद्धिं जुज्झिहं ह उयाहु पिच्छहह ? तए णं ते पंचपंडवा कण्हं वासुदेवं एवं वयासी — अम्हे णं सामी ! जुज्झामो तुव्भे पेच्छह । तए णं पंचपंडवा सन्नद्ध जाव पहरणा रहे दुरूहंति २ जेणेव पउमनाभे राया तेणेव उवागच्छंति २ एवं वयासी — अम्हे वा पउमनाभे वा राय त्तिकट्ठु पउमनाभेणं सद्धिं संपलगा यावि होत्था । तए णं से पउमनाभे राया ते पंचपंडवे खिप्पामेव हयमहियपवरविवडियचिंधयधय-पडागे जाव दिसोदिसिं पडिसेहेइ । तए णं ते पंचपंडवा पउमनाभेणं रत्ता हयमहियपवरविवडिय जाव पडिसेहिया समाणा अत्थामा जाव अधार-णिज्जमित्तिकट्ठु जेणेव कण्हे वासुदेवे तेणेव उवागच्छंति । तए णं से कण्हे वासुदेवे ते पंचपंडवे एवं वयासी — कहणं तुव्भे देवाणुप्पिया ! पउमनाभेणं रत्ता सद्धिं संपलगा ? तए णं ते पंचपंडवा कण्हं वासुदेवं एवं वयासी — एवं खलु देवाणुप्पिया ! अम्हे तुव्भेहिं अब्भणुत्ताया समाणा सन्नद्धा० रहे दुरूहामो २ जेणेव पउमनाभे जाव पडिसेहेइ । तए णं से कण्हे वासुदेवे ते पंचपंडवे एवं वयासी — जइ णं तुव्भे देवाणुप्पिया ! एवं वयंता — अम्हे नो पउमनाभे रायत्तिकट्ठु पउमनाभेणं सद्धिं संपलगांता तो णं तुव्भे नो पउमनाभे हयमहियपवर जाव पडिसेहित्था । तं पेच्छह णं तुव्भे देवाणुप्पिया ! अहं नो पउमनाभे राय-त्तिकट्ठु पउमनाभेणं रत्ता सद्धिं जुज्झामि रहं दुरूहइ २ जेणेव पउमनाभे राया तेणेव उवागच्छइ २ सेयं गोखीरहारधवलं तणंसोल्लियसिंदुवार-कुंदेदुसन्निगासं निययस्स वलस्स हरिसज्जणं रिउसेन्नविणासकरं पंच-जैन्नं संखं परामुसइ २ मुहवायपूरियं करेइ । तए णं तस्स पउमनाभस्स तेणं संखसहेणं वलतिभाए हए जाव पडिसेहिए । तए णं से कण्हे वासुदेवे धणुं परामुसइ वेढो धणुं पूरेइ २ धणुसइ करेइ । तए णं तस्स पउमनाभस्स दोवे वलतिभाए तेणं धणुसहेणं हयमहिय जाव पडिसेहिए ।

तए णं से पउमनाभे रायां तिभागवलावसेसे अत्थामे अबले अवीरिए  
अपुरिसक्कारपरक्कमे आधारणिज्जमित्तिकट्टु सिग्घं तुरियं जेणेव  
अवरकंका तेणेव उवागच्छइ २ अवरकंकारायहाणिं अणुपविसइ २  
बाराइं पिहेइ २ रोहंसज्जे चिट्ठइ । तए णं से कण्हे वासुदेवे जेणेव  
अवरकंका तेणेव उवागच्छइ २ रहं ठावेइ २ रहाओ पच्चोरुहइ २  
वेजवियसमुग्घाएणं समोहण्णइ एगं महं नरसीहरूवं विउव्वइ २  
महया २ सहेणं पायदहरियं करेइ । तए णं कण्हेणं वासुदेवेणं महया २  
सहेणं पायदहरणं कएणं समाणेणं अवरकंका रायहाणी संभग्गपागार-  
गोउराट्टालयचरियतोरणपल्हत्थियपवरभवणसिरिघरा सरसरस्स धराणि-  
यले सन्निवइया । तए णं से पउमनाभे राया अवरकंका रायहाणिं संभग्गं  
जाव पासित्ता भीए दोवइं देविं सरणं उवेइ । तए णं सा दोवई  
देवी पउमनाभं रायं एवं वयासी - किन्नं तुमं देवाणुप्पिया ! जाणसि  
कण्हस्स वासुदेवस्स उत्तमपुरिसस्स विप्पियं करेमाणे ? तं एवमवि  
गए गच्छह णं तुमं देवाणुप्पिया ! ण्हाए कयबलिकम्मे उल्लपडसाडए  
ओचूलगवत्थनियत्थे अंतेउरपरियालसंपरिवुडे अग्गाइं वराइं रयणाइं  
गहाय ममं पुरओकाउं कण्हं वासुदेवं करयल जाव पायवडिए  
सरणं उवेहि । पणिवइयवच्छला णं देवाणुप्पिया ! उत्तमपुरिसा । तए  
णं से पउमनाभे दोवईए देवीए एयमट्ठं पडिसुणेइ २ ण्हाए जाव सरणं  
उवेइ २ करयल जाव एवं वयासी - दिट्ठा णं देवाणुप्पियाणं इड्डी जाव  
परक्कमे । तं खामेमि णं देवाणुप्पिया ! जाव खमंतु णं जाव नाहं भुज्जो २  
एवंकरणयाए त्तिकट्टु पंजलिउडे पायवडिए कण्हस्स वासुदेवस्स दोवइं  
देविं साहात्थि उवणेइ । तए णं से कण्हे वासुदेवे पउमनाभं एवं वयासी -  
हं भो पउमनाभा ! अपत्थियपत्थिया ४ किन्नं तुमं जाणसि मम भगिणिं  
दोवइं देविं इह हव्वमाणमाणे ? तं एवमवि गए नत्थि ते ममाहिंतो  
इयाणिं भयमत्थि त्तिकट्टु पउमनाभं पडिविसज्जेइ दोवइं देविं गेण्हइ २  
रहं दुरूहेइ २ जेणेव पंच पंडवा तेणेव उवागच्छइ २ पंचण्हं पंडवाणं  
दोवइं देविं साहात्थि उवणेइ । तए णं से कण्हे पंचहिं पंडवेहिं सद्धिं

अप्पछट्ठे छहिं रहेहिं लवणसमुदं मज्झमज्झेणं जेणेव जंबुदीवे २ जेणेव भारहे वासे तेणेव पहारेत्थ गमणाए ।

(130) तेणं कालेणं २ धायइसंडे दीवे पुरत्थिमज्जे भारहे वासे चंपा नामं नयरी होत्था । पुण्णभहे चेइए । तत्थ णं चंपाए नयरीए कविले नामं वासुदेवे राया होत्था वण्णओ । तेणं कालेणं २ मुणिसुव्वए अरहा चंपाए पुण्णभहे समोसडे । कविले वासुदेवे धम्मं सुणेइ । तए णं से कविले वासुदेवे मुणिसुव्वयस्स अरहओ अंतिए धम्मं सुणेमाणे कण्हस्स वासुदेवस्स संखसदं सुणेइ । तए णं तस्स कविलस्स वासुदेवस्स इमेयारूवे अज्झत्थिए ४ समुप्पज्जित्था — किं मण्णे धायइसंडे दीवे भारहे वासे दोवे वासुदेवे समुप्पन्ने जस्स णं अयं संखसदे ममं पिव मुहवायपूरिए वियंभइ ? कविले वासुदेवा भदां इ मुणिसुव्वए अरहा कविलं वासुदेवं एवं वयासी — से नूणं कविला वासुदेवा ! ममं अंतिए धम्मं निसामेमाणस्स संखसदं आकिणित्ता इमेयारूवे अज्झत्थिए — किं मन्ने जाव वियंभइ । से नूणं कविला वासुदेवा ! अट्ठे समट्ठे ? हंता ! अत्थि । तं नो खलु कविला ! एवं भूयं वा भव्वं वा भविस्सं वा जन्नं एगखेत्ते एगजुगे एगसमए णं दुवे अरहंता वा चक्कवट्ठी वा बलदेवा वा वासुदेवा वा उप्पज्जिसु वा उप्पज्जिति वा उप्पज्जिस्संति वा । एवं खलु वासुदेवा ! जंबुदीवाओ २ भारहाओ वासाओ हत्थिणाउराओ नयराओ पंडुस्स रत्तो सुण्हा पंचण्हं पंडवाणं भारिया दोवई देवी तव पउमनाभस्स रत्तो पुव्वसंगइएणं देवेणं अवरकंकं नयरिं साहरिया । तए णं से कण्हे वासुदेवे पंचहिं पंडवेहिं सद्धिं अप्पछट्ठे छहिं रहेहिं अवरकंकं रायहाणिं दोवईए देवीए कूवं हव्वमागए । तए णं तस्स कण्हस्स वासुदेवस्स पउमनाभेणं रत्ता सद्धिं संगामं संगामेमाणस्स अयं संखसदे तव मुहवाया० इट्ठे इव वियंभइ । तए णं से कविले वासुदेवे मुणिसुव्वयं वंदइ नमंसइ २ एवं वयासी — गच्छामि णं अहं भंते ! कण्हं वासुदेवं उत्तमपुरिसं मम सरिसपुरिसं पासामि । तए णं मुणिसुव्वए अरहा कविलं वासुदेवं एवं वयासी — नो खलु देवाणुप्पिया ! एवं भूयं वा ३ जण्णं अरहंता वा अरहंतं पासंति

चक्कवट्ठी वा चक्कवट्ठिं पासंति बलदेवा वा बलदेवं पासंति वासुदेवा वा वासुदेवं पासंति । तहवि य णं तुमं कण्हस्स वासुदेवस्स लवणसमुद्धं मज्झंमज्झेणं वीईवयमाणस्स सेयापीयाइं धयग्गाइं पासिहिसि । तए णं से कविले वासुदेवे मुणिसुव्वयं वंदइ नमंसइ २ हत्थिखंधं दुल्लहइ २ सिग्घं तुरियं जेणेव वेलाकूले तेणेव उवागच्छइ २ कण्हस्स वासुदेवस्स लवणसमुद्धं मज्झंमज्झेणं वीईवयमाणस्स सेयापीयाइं धयग्गाइं पासइ २ एवं वयइ — एस णं मम सरिसपुरिसे उत्तमपुरिसे कण्हे वासुदेवे लवणसमुद्धं मज्झंमज्झेणं वीईवयइ त्तिकट्ठु पंचयन्नं संखं परामुसइ २ मुहवायपूरियं करेइ । तए णं से कण्हे वासुदेवे कविलस्स वासुदेवस्स संखसद्धं आयण्णेइ २ पंचयन्नं जाव पूरियं करेइ । तए णं दोवि वासुदेवा संखसद्धसमायारिं करेति । तए णं से कविले वासुदेवे जेणेव अवरकंका तेणेव उवागच्छइ २ अवरकंकां रायहाणिं संभग्गतोरणं जाव पासइ २ पउमनाभं एवं वयासी — किन्नं देवाणुप्पिया ! एसा अवरकंका संभग्ग जाव सन्निवडिया ? तए णं से पउमनाभे कविलं वासुदेवं एवं वयासी — एवं खलु सामी ! जंबुद्दीवाओ २ भारहाओ वासाओ इहं हव्वमागम्म कण्हेणं वासुदेवेणं तुब्भे परिभूय अवरकंका जाव सन्निवडिया । तए णं से कविले वासुदेवे पउमनाभस्स अंतिए एयमद्धं सोच्चा पउमनाभं एवं वयासी — हं भो पउमनाभा ! अपत्थियपत्थिया ५ ! किन्नं तुमं जाणसि मम सरिसपुरिस्स कण्हस्स वासुदेवस्स विप्पियं करेमाणे ? — आसुरुत्ते जाव पउमनाभं निव्विसयं आणवेइ पउमनाभस्स पुत्तं अवरकंकाए रायहाणीए सहया २ रायाभिसेएणं अभिसिंचइ जाव पडिगए ।

(131) तए णं से कण्हे वासुदेवे लवणसमुद्धं मज्झंमज्झेणं वीईवयइ ते पंचपंडवे एवं वयासी — गच्छह णं तुब्भे देवाणुप्पिया ! गंगं महानइ उत्तरह जाव ताव अहं सुट्ठियं लवणाहिवइं पासामि । तए णं ते पंच पंडवा कण्हेणं २ एवं वुत्ता समाणा जेणेव गंगा महानदी तेणेव उवागच्छंति २ एगाट्टियाए नावाए मग्गणगवेसणं करेति २ एगाट्टियाए नावाए गंगं महानइ उत्तरंति २ अन्नमन्नं एवं वयंति — पट्ठू णं देवाणुप्पिया !

कण्हे वासुदेवे गंगं महानइं वाहाहिं उत्तरित्तए उदाहु नो पहू उत्तरित्तए  
 त्तिकट्टु एगट्ठियाओ णूमेति २ कण्हं वासुदेवं पडिवालेमाणा २ चिट्ठंति ।  
 तए णं से कण्हे वासुदेवे सुट्ठियं लवणाहिवइं पासइ २ जेणेव गंगा  
 महानईं तेणेव उवागच्छइ २ एगट्ठियाए सव्वओ समंता मग्गणगवेसणं  
 करेइ २ एगट्ठियं अपासमाणे एगाए वाहाए रहं सतुरगं ससारहिं गेण्हइ  
 एगाए वाहाए गंगं महानइं वासट्ठिं जोयणाइं अद्धजोयणं च वित्थिण्णं  
 उत्तरिउं पयत्ते यावि होत्था । तए णं से कण्हे वासुदेवे गंगाए महा-  
 नईए बहुमज्झदेसभाए संपत्ते समाने संते तंते परितंते ब्रद्धसेए जाए  
 यावि होत्था । तए णं तस्स कण्हस्स वासुदेवस्स इमेयारूवे अज्झत्थिए-  
 अहो णं पंच पंडवा महावलवंगा जेहिं गंगामहानईं वावट्ठिं जोयणाइं  
 अद्धजोयणं च वित्थिण्णा वाहाहिं उत्तिण्णा । इच्छंतएहिं णं पंचहिं  
 पंडवेहिं पउमनाभे ह्यमहिय जाव नो पडिसेहिए । तए णं गंगादेवी  
 कण्हस्स वासुदेवस्स इमं एयारूवं अज्झत्थियं जावं जाणित्ता थाहं वियरइ ।  
 तए णं से कण्हे वासुदेवे मुहुत्तंतरं समासासेइ २ गंगं महानदिं वावट्ठिं जाव  
 उत्तरइ २ जेणेव पंचपंडवा तेणेव उवागच्छइ पंच पंडवे एवं वयासी-  
 अहो णं तुब्भे देवाणुप्पिया ! महावलवगा जेहिं णं तुब्भेहिं गंगामहानईं  
 वावट्ठिं जाव उत्तिण्णा । इच्छंतएहिं णं तुब्भेहिं पउमनाहे जाव नो  
 पडिसेहिए । तए णं ते पंच पंडवा कण्हेणं वासुदेवेणं एवं वुत्ता समाणा  
 कण्हं वासुदेवं एवं वयासी-एवं खलु देवाणुप्पिया ! अम्हे तुब्भेहिं  
 विसज्जिया समाणा जेणेव गंगा महानईं तेणेव उवागच्छामो २ एगट्ठियाए  
 मग्गणगवेसणं तं चेव जाव णूमेमो तुब्भे पडिवालेमाणा चिट्ठामो । तए  
 णं से कण्हे वासुदेवे तेसिं पंचपंडवाणं अंतिए एयमट्ठं सोच्चा निसम्म  
 आसुरुत्ते जाव तिवलियं एवं वयासी-अहो णं जया मए लवणसमुहं  
 दुवे जोयणसयसहस्सवित्थिण्णं वीईवइत्ता पउमनाभं ह्यमहियं जाव  
 पडिसेहित्ता अवरकंका संभग्गा दोवई साहत्थि उवणीया तथा णं तुब्भेहिं  
 मम माहपं न विज्जायं इयाणिं जाणिस्सइ त्तिकट्टु लोहदंडं परामुसइ  
 पंचण्हं पंडवाणं रहे सुसूरेइ २ निव्विसए आणवेइ २ तत्थ णं रहमहणे

नामं कोड्ढे निविट्ठे । तए णं से कण्हे वासुदेवे जेणेव सए खंधावारे तेणेव उवागच्छइ २ सएणं खंधावारेणं साद्धिं अभिसमन्नागए यावि होत्था । तए णं से कण्हे वासुदेवे जेणेव बारवई नयरी तेणेव उवागच्छइ २ अणुप्पविसइ ।

(132) तए णं ते पंचपंडवा जेणेव हत्थिणाउरे तेणेव उवागच्छंति २ जेणेव पंडू राया तेणेव उवागच्छंति २ करयल जाव एवं वयासी — एवं खलु ताओ ! अम्हे कण्हेणं निव्विसया आणत्ता । तए णं पंडूराया ते पंचपंडवे एवं वयासी — कहणं पुत्ता ! तुम्हे कण्हेणं वासुदेवेणं निव्विसया आणत्ता ? तए णं ते पंचपंडवा पंडुं रायं एवं वयासी — एवं खलु ताओ ! अम्हे अवरकंकाओ पडिनियत्ता लवणसमुद्धं दोन्नि जोयण-सयसहस्साइं वीईवइत्था । तए णं से कण्हे वासुदेवे अम्हे एवं वयइ — गच्छह णं तुम्हे देवाणुप्पिया ! गंगं महानइं उत्तरह जाव ताव अहं एवं तहेव जाव चिट्ठामो । तए णं से कण्हे वासुदेवे सुट्ठियं लवणाहिवइं दट्ठूणं तं चेव सव्वं नवरं कण्हस्स चिंता न बुज्झइ जाव निव्विसए आणवेइ । तए णं से पंडूराया ते पंचपंडवे एवं वयासी — दुट्ठुं णं तुमं पुत्ता ! कयं कण्हस्स वासुदेवस्स विप्पियं करेमाणेहिं । तए णं से पंडूराया कौंतिं देविं सदावेइ २ एवं वयासी — गच्छह णं तुमं देवाणुप्पिया ! बारवइं कण्हस्स वासुदेवस्स निवेएहि — एवं खलु देवाणुप्पिया ! तुमे पंचपंडवा निव्विसया आणत्ता । तुमं च णं देवाणुप्पिया ! दाहिणडुभरहस्स सामी । तं संदिसंतु णं देवाणुप्पिया ! ते पंचपंडवा कयरं देसं वा दिसिं वा गच्छंतु ? तए णं सा कौंती पंडुणा एवं पुत्ता समाणी हत्थिखंधं दुरूहइ जहा हेहा जाव संदिसंतु णं पिउच्छा ! किमागमणपओयणं । तए णं सा कौंती कण्हं वासुदेवं एवं वयासी — एवं खलु तुमे पुत्ता ! पंचपंडवा निव्विसया आणत्ता तुमं च णं दाहिणडुभरहस्स जाव दिसं वा गच्छंतु । तए णं से कण्हे वासुदेवे कौंतिं देविं एवं वयासी — अपूयवयणा णं पिउच्छा ! उत्तमपुरिसा वासुदेवा बलदेवा चक्कवट्ठी । तं गच्छंतु णं पंचपंडवा दाहिणिह्वेयालिं तत्थ पंडुमहुरं निवेसंतु मम अदिट्ठसेवगा भवंतु त्तिकट्ठु कौंतिं देविं



सकारेइ सम्माणेइ जाव पंडिविसज्जेइ । तए णं सा कौंती जाव पंडुस्स एयमट्ठं निवेएइ । तए णं पंडू राया पंचं पंडवे सदावेइ २ एवं वयासी — गच्छह णं तुब्भे पुत्ता ! दाहिणिलं वेयालिं । तत्थ णं तुब्भे पंडुमहुरं निवेसेह । तए णं ते पंचपंडवा पंडुस्स रत्तो जाव तहत्ति पडिसुणेंति २ सबलवाहणा हयगया हत्थिणाउराओ पडिनिक्खमंति २ जेणेव दक्खिणिह्ले वेयाली तेणेव उवागच्छंति २ पंडुमहुरं नामं नगरं निवेसंति । तत्थावि णं ते विपुलभोगसमिइसमन्नागया यावि होत्था ।

(133) तए णं सा दोवई देवी अन्नया कयाइ आवन्नसत्ता जायावि होत्था । तए णं सा दोवई देवी नवण्हं मासाणं जाव सुरूवं दारगं पयाया सूमालं निव्वत्तवारसाहस्स इमं एयारूवं — जम्हा णं अम्हं एस दारए पंचण्हं पंडवाणं पुत्ते दोवईए देवीए अत्तए तं होऊ णं इमस्स दारगस्स नामधेज्जं पंडुसेणे त्तिं । तए णं तस्स दारगस्स अस्मा-पियरो नामधेज्जं करेंति पंडुसेणत्ति । वावत्तरिं कलाओ जाव अलंभोग-समत्ये जाए जुवराया जाव विहरइ । थेरा समोसठा परिसा निग्गया । पंडवा निग्गया धम्मं सोच्चा एवं वयासी — जं नवरं देवाणुप्पिया ! दोवइं देविं आपुच्छामो पंडुसेणं च कुमारं रज्जे ठावेमो तओ पच्छा देवाणु-प्पियाणं अंतिए मुंडे भवित्ता जाव पव्वयामो । अहासुहं देवाणुप्पिया ! तए णं ते पंचपंडवा जेणेव सए गिहे तेणेव उवागच्छंति २ दोवइं देविं सदावेति २ एवं वयासी — एवं खलु देवाणुप्पिए ! अम्हेहिं थेराणं अंतिए धम्मे निसंते जाव पव्वयामो । तुमं णं देवाणुप्पिए । किं करोसि ? तए णं सा दोवई ते पंचपंडवे एवं वयासी — जइ णं तुब्भे देवाणुप्पिया ! संसारभउव्विग्गा जाव पव्वयह मम के अन्ने आलंवे वा जाव भविस्सइ ? अहं पि य णं संसारभउव्विग्गा देवाणुप्पिएहिं सद्धिं पव्वइस्सामि । तए णं ते पंचपंडवा पंडुसेणस्स अभिसेओ जाव राया जाए जाव रज्जं पसाहेमाणे विहरइ । तए णं ते पंचपंडवा दोवई य देवी अन्नया कयाइ पंडुसेणं रायाणं आपुच्छंति । तए णं से पंडुसेणे राया कोडुंवियपुरिसे सदावेइ २ एवं वयासी — खिप्पामेव भो ! देवाणुप्पिया ! निक्खमणा-

भिसेयं जाव उवट्टवेह पुरिससहस्सवाहिणीओ सिवियाओ उवट्टवेह जाव पच्चोरुहंति जेणेव थेरा भगवंतो तेणेव उवागच्छंति जाव आलित्ते णं जाव समणा जाया चोदस्स पुब्बाइं अहिज्जंति २ बहूणि वासाणि छट्ठम-दसमदुवालसेहिं मासद्धमासखमणेहिं अप्पाणं भावेमाणा विहरंति ।

(134) तए णं सा दोवई देवी सीयाओ पच्चोरुहइ जाव पठ्वइया सुवयाए अज्जाए सिस्सिणियत्ताए दलयइ एक्कारस अंगांइ अहिज्जइ बहूणि वासाणि छट्ठमदसमदुवालसेहिं जाव विहरइ ।

(135) तए णं थेरा भगवंतो अन्नया कयाइ पंडुमहुराओ नयरीओ सहसंबवणाओ उज्जाणाओ पडिनिक्खमंति २ बहिया जणवयविहारं विहरंति । तेणं कालेणं २ अरहा अरिट्ठनेमी जेणेव सुरट्ठाजणवए तेणेव उवागच्छइ २ सुरट्ठाजणवयंसि संजमेणं तवसा अप्पाणं भावेमाणे विहरइ । तए णं बहुजणो अन्नमन्नस्स एवमाइक्खइ ४ — एवं खलु देवाणुप्पिया ! अरहा अरिट्ठनेमी सुरट्ठाजणवए जाव विहरइ । तए णं ते जुहिट्ठिल्लपामोक्खा पंच अणगारा बहुजणस्स अंतिए एयमट्ठं सोच्चा अन्नमन्नं सदावेति २ एवं वयासी — एवं खलु देवाणुप्पिया ! अरहा अरिट्ठनेमी पुब्बाणुपुव्वि जाव विहरइ । तं सेयं खलु अम्हं थेरा आपुच्छित्ता अरहं अरिट्ठनेमिं वंदणंए गमित्तए अन्नमन्नस्स एयमट्ठं पडिसुणेंति २ जेणेव थेरा भगवंतो तेणेव उवागच्छंति २ थेरे भगवंते वंदंति नमंसंति २ एवं वयासी — इच्छामो णं तुब्भेहिं अब्भणुन्नाया समाणा अरहं अरिट्ठनेमिं जाव गमित्तए । अहासुहं देवाणुप्पिया ! तए णं ते जुहिट्ठिल्लपामोक्खा पंच अणगारा थेरेहिं अब्भणुन्नाया समाणा थेरे भगवंते वंदंति नमंसंति २ थेराणं अंतियाओ पडिनिक्खमंति मासंमासेणं अणिक्खित्तेणं तवोकस्मेणं गामाणुगामं दूइज्जमाणा जाव जेणेव हत्थकप्पे तेणेव उवागच्छंति हत्थ-कप्पस्स बहिया सहसंबवणे उज्जाणे जाव विहरंति । तए णं ते जुहि-ट्ठिल्लवज्जा चत्तारि अणगारा मासक्खमणपारणए पढमाए पोरिसीए सज्झायं करेंति बीयाए एवं जहा गोयमसामी नवरं जुहिट्ठिल्लं आपुच्छंति जाव अडमाणा बहुजणसहं निसामेंति । एवं खलु देवाणुप्पिया ! अरहा

अरिद्धनेमी उज्जंतसेलसिहरे मासिएणं भत्तेणं अपाणएणं पंचहिं  
छत्तीसेहिं अणगारसएहिं सद्धिं कालगए जाव पहीणे । तए णं ते जुहिट्ठिल-  
वज्जा चत्तारि अणगारा बहुजणस्स अंतिए सोच्चा हत्थकप्पाओ पडि-  
निक्खमंति २ जेणेव सहसंववणे उज्जाणे जेणेव जुहिट्ठिले अणगारे  
तेणेव उवागच्छंति २ भत्तपाणं पच्चक्खंति २ गमणागमणस्स पडिकमंति २  
एसणमणेसणं आलोएंति २ भत्तपाणं पडिदंसेंति २ एवं वयासी-  
एवं खलु देवाणुप्पिया जाव कालगए । तं सेयं खलु अम्हं देवाणुप्पिया !  
इमं पुव्वगहिं भत्तपाणं परिट्ठवेत्ता सेत्तुं पव्वयं सणियं २ दुरुहित्तए  
संलेहणाझूसणाझोसियाणं कालं अणवेक्खमाणाणं विहरित्तए त्तिकट्ठ  
अन्नमन्नस्स एयमट्ठं पडिसुणोति २ तं पुव्वगहिं भत्तपाणं एगंते परि-  
ट्ठवेति २ जेणेव सेत्तुं पव्वए तेणेव उवागच्छंति २ सेत्तुं पव्वयं  
सणियं २ दुरुहंति जाव कालं अणवेक्खमाणा विहरंति । तए णं ते  
जुहिट्ठिलपामोक्खा पंच अणगारा सामाइयमाइयाइं चोइसपुव्वाइं  
अहिज्जंति बहूणि वासाणि दोमासियाए संलेहणाए अत्ताणं झोसेत्ता  
जस्सट्ठाए कीरइ नग्गभावे जाव तमट्ठमारहेति २ अणंते जाव  
केवलवरनाणदंसणे समुप्पन्ने जाव सिद्धा ।

(136) तए णं सा दोवई अज्जा सुव्वयाणं अज्जियाणं अंतिए  
सामाइयमाइयाइं एक्कारस अंगाइं अहिज्जइ २ बहूणि वासाणि मासियाए  
संलेहणाए आलोइयपडिक्कंता कालमासे कालं किच्चा वंभलोए उववन्ना ।  
तत्थ णं अत्थेगइयाणं देवाणं दस सागरोवमाइं ठिई पन्नत्ता । तत्थ णं  
दुवर्यस्स वि देवस्स दससागरोवमाइं ठिई पन्नत्ता । से णं भंते ! दुवए  
देवे ताओ जाव महाविदेहे वासे जाव अंतं काहिइ ।

एवं खलु जंबू ! समणेणं भगवया महावीरेणं जाव संपत्तेणं  
सोलसमस्स नायज्झयणस्स अयमट्ठे पन्नत्ते त्तिवेमि ।

॥ सत्तरसमं अज्झयणं ॥

(137) जइ णं भंते ! समणेणं० सोलसमस्स नायज्झयणस्स अय-  
महे पन्नत्ते सत्तरसमस्स नायज्झयणस्स के अहे पन्नत्ते ? एवं खलु जंबू !  
तेणं कालेणं २ हत्थिसीसे नामं नयरे होत्था वण्णओ । तत्थ णं कणगकेऊ  
नामं राया होत्था वण्णओ । तत्थ णं हत्थिसीसे नयरे बहवे संजुत्ता-  
नावावाणियगा परिवसंति अड्ढा जाव बहुजणस्स अपरिभूया यावि होत्था !  
तए णं तेसिं संजुत्तानावावाणियगाणं अन्नया कयाइ एगयओ जहा अरह-  
न्नए जाव लवणसमुदं अणेगाइं जोयणसयाइं ओगाढा यावि होत्था । तए  
णं तेसिं जाव बहूणि उप्पायसयाइं जहा माकंदियदारगाणं जाव कालियवाए  
य तत्थ संमुच्छिंए । तए णं सा नावा तेणं कालियवाएणं आरुणिज्ज-  
माणी २ संचालिज्जमाणी २ संखोहिज्जमाणी २ तत्थेव परिभमइ । तए  
णं से निज्जामए नट्टमईए नट्टसुईए नट्टसन्ने मूढदिसाभाए जाए यावि  
होत्था न जाणइ कयरं दिसं वा विदिसं वा पोयवहणे अवहिंए त्तिकट्ठु  
ओहयमणसंकप्पे जाव झियायइ । तए णं ते बहवे कुच्छिधारां यं कण्ण-  
धारा यं गब्भेह्लगा यं संजुत्तानावावाणियगां यं जेणेव से निज्जामए  
तेणेव उवागच्छंति २ एवं वयासी — किन्नं तुमं देवाणुप्पिया ! ओहय  
मणसंकप्पे झियायसि ? तए णं से निज्जामए ते बहवे कुच्छिधारां यं ४  
एवं वयासी — एवं खलु अहं देवाणुप्पिया ! नट्टमईए जाव अवहिंए-  
त्तिकट्ठु तओ ओहयमणसंकप्पे । तए णं ते कण्णधारा यं ४ तस्स  
निज्जामयस्संतिंए एयमट्ठं सोच्चा निसम्म भीया ४ ण्हाया कयवलिकम्मा  
करयल जाव बहूणं इंदाणं यं खंधाणं यं जहा मल्लिनाए जाव उवायमाणा २  
चिट्ठंति । तए णं से निज्जामए तओ मुहुत्तंतरस्स लद्धमईए ३ अमूढ-  
दिसाभाए जाए यावि होत्था । तए णं से निज्जामए ते बहवे कुच्छि-  
धारा यं ४ एवं वयासी — एवं खलु अहं देवाणुप्पिया ! लद्धमईए जाव  
अमूढदिसाभाए जाए । अम्हे णं देवाणुप्पिया ! कालियदीवतेणं संछूढा ।  
एसं णं कालियदीवे आलोक्किंइ । तए णं ते कुच्छिधारा यं ४ तस्स  
निज्जामगस्स अंतिए एयमट्ठं सोच्चा हट्ठतुट्ठा पयक्खिणाणुकूलेणं प्राएणं

जेणेव कालियदीवे तेणेव उवागच्छंति २ पोयवहणं लवेंति २ एगट्टियाहिं  
 कालियदीवं उत्तरंति । तत्थ णं वहवे हिरण्णागरे य सुवण्णागरे  
 य रयणागरे य वइरागरे य वहवे तत्थ आसे पासंति किं ते ? हरि-  
 रेणुसोणिसुत्तग आइण्णवेढो । तए णं ते आसाओ वाणियए पासंति तेसिं  
 गंधं आघायंति भीया नत्था उव्विग्गा उव्विग्गमणा तओ अणेगाइं  
 जोयणाइं उव्वमंति । ते<sup>१</sup> णं तत्थ पडरगोयरा पडरतणपाणिया निव्वमया  
 निरुव्विग्गा सुहंसुहेणं विहरंति । तए णं ते संजुत्तानावावाणियगा  
 अन्नमन्नं एवं वयासी — किन्नं अम्हं देवाणुप्पिया ! आसेहिं ? इमे णं  
 वहवे हिरण्णागरा य सुवण्णागरा य रयणागरा य वयरगरा य । तं सेयं  
 खलु अम्हं हिरण्णस्स य सुवण्णस्स य रयणस्स य वयरस्स य पोयवहणं  
 भरित्तए त्तिकट्ठु अन्नमन्नस्स एयमट्ठं पडिसुणेंति २ हिरण्णस्स य सुवण्णस्स  
 य रयणस्स य वयरस्स य तणस्स य कट्ठस्स य अन्नस्स य पाणियस्स  
 य पोयवहणं भरेंति २ दक्खिणाणुकूलेणं वाएणं जेणेव गंभीरपोयपट्टणे  
 तेणेव उवागच्छंति २ पोयवहणं लवेंति २ सगडीसागडं सज्जेति २ तं  
 हिरण्णं जाव वइरं च एगट्टियाहिं पोयवहणाओ संचारेंति २ सगडीसागडं  
 संजोएंति जेणेव हत्थिसीसे नयरे तेणेव उवागच्छंति २ हत्थिसीसयस्स  
 नयरस्स वहिया अग्गुज्जाणे सत्थनिवेसं करेंति २ सगडीसागडं मोएंति २  
 महत्थं जाव पाहुडं गेण्हंति २ हत्थिसीसं च नयरं अणुप्पविसंति २  
 जेणेव से कणगकेऊ तेणेव उवागच्छंति २ जाव उव्वणेंति । तए णं से  
 कणगकेऊ तेसिं संजुत्तावाणियगाणं तं महत्थं जाव पडिच्छइ २ ते  
 संजुत्तावाणियगा एवं वयासी — तुव्वे णं देवाणुप्पिया ! गामागर जाव  
 आहिंडह लवणसमुट्ठं च अभिक्खणं २ पोयवहणेणं ओगाहेह । तं  
 अत्थियाइ त्थं केइ भे<sup>२</sup> कहिंचि<sup>३</sup> अच्छेरए दिट्ठपुण्वे ? तए णं ते संजुत्ता-  
 वाणियगा कणगकेऊ एवं वयासी — एवं खलु अम्हे देवाणुप्पिया ।  
 इहेव हत्थिसीसे नयरे परिवसामो तं चेव जाव कालियदीवतेणं संट्ठींढा ।  
 तत्थ णं वहवे हिरण्णागरा य जाव वहवे तत्थ आसे । किं ते ? हरिरेणु  
 जाव अणेगाइं जोयणाइं उव्वमंति । तए णं सामी ! अम्हेहिं कालियदीवे

ते आसा अच्छेरए दिट्ठपुब्बे । तए णं से कणगकेऊं तेसिं संजुत्ताणं  
 अंतिए एयमट्ठं सोच्चा ते संजुत्तए एवं वयासी - गच्छह णं तुब्भे  
 देवाणुप्पिया ! मम कोडुंबियपुरिसेहिं साद्धिं कालियदीवाओ ते आसे  
 आणेह । तए णं ते संजुत्तावाणियगा कणगकेऊं एवं वयासी - एवं सामिं त्ति  
 आणाए विणएणं वयणं पडिसुणेंति । तए णं से कणगकेऊं कोडुंबियपुरिसे  
 सदावेइ २ एवं वयासी - गच्छह णं तुब्भे देवाणुप्पिया ! संजुत्तएहिं  
 नावावाणियएहिं साद्धिं कालियदीवाओ मम आसे आणेह । तेविं  
 पडिसुणेंति । तए णं ते कोडुंबिया सगडीसागडं सज्जेति २ तत्थ णं बहूणं  
 वीणाण य वल्लकीण य भामरीण य कच्छभीण य भंभाण य छव्भामरीण य  
 विचित्तवीणाण य अन्नेसिं च बहूणं सोयंदियपाउग्गाणं दव्वाणं सगडी-  
 सागडं भरेति २ बहूणं किण्हाण य जाव सुक्किलाण य कट्ठकम्माण य ४  
 गंथिमाण य ४ जाव संघाइमाण य अन्नेसिं च बहूणं चक्खिदियपाउग्गाणं  
 दव्वाणं सगडीसागडं भरेति २ बहूणं कोट्ठपुडाण य केयइपुडाण य जाव  
 अन्नेसिं च बहूणं घाणिदियपाउग्गाणं दव्वाणं सगडीसागडं भरेति २ बहुस्स  
 खंडस्स य गुलस्स य सक्कराए य मच्छंडियाए य पुप्फुत्तरपउमुत्तर०  
 अन्नेसिं च जिब्भिदियपाउग्गाणं दव्वाणं सगडीसागडं भरेति २ अन्नेसिं  
 च बहूणं कोयवाण य कंबलाण य पावाराण य नवतयाण य मलयाण य  
 मसूराण य सिलावट्टाण य जाव हंसगव्भाण य अन्नेसिं च फासिंदिय-  
 पाउग्गाणं दव्वाणं सगडीसागडं भरेति २ सगडीसागडं जोयंति २ जेणेव  
 गंभीरए पोयट्ठाणे तेणेव उवागच्छंति सगडीसागडं भोयंति २ पोयवहणं  
 सज्जेति २ तेसिं उक्किट्ठाणं सहफरिसरसरूवगंधाणं कट्ठस्स य तणस्स य  
 पाणियस्स य तंदुलाण य समियस्स य गोरसस्स य जाव अन्नेसिं च बहूणं  
 पोयवहणपाउग्गाणं पोयवहणं भरेति २ दक्खिणाणुकूलेणं वाएणं जेणेव  
 कालियदीवे तेणेव उवागच्छंति २ पोयवहणं लंबेंति २ ताइं उक्किट्ठाइं  
 सहफरिसरसरूवगंधाइं एगट्ठियाहिं कालियदीवं उत्तारेंति २ जहिं जहिं  
 च णं ते आसा आसयंति वा सयंति वा चिट्ठंति वा तुय्यट्ठंति वा तहिं तहिं  
 च णं ते कोडुंबियपुरिसा ताओ वीणाओ य जाव चित्तवीणाओ य

अन्नाणि बहूणि सौयंदियपाउग्गाणि य दव्वाणि समुदीरेमाणा ठवेति तेसिं च परिपेरंतेणं पासे ठवेति निच्चला निप्फंदा तुसिणीया चिट्ठंति । जत्थ जत्थ ते आसा आसयंति वा जाव तुंयट्ठंति वा तत्थ तत्थ णं ते कोडुंबिया बहूणि किण्हाणि य कट्टकम्माणि य जाव संघाइमाणि य अन्नाणि य बहूणि चक्खिंदियपाउग्गाणि य दव्वाणि ठवेति तेसिं परिपेरंतेणं पासए ठवेति २ निच्चला निप्फंदा तुसिणीया चिट्ठंति । जत्थ जत्थ ते आसा आसयंति तत्थ तत्थ ते णं तेसिं बहूणं कोट्टपुडाण य अन्नेसिं च घाणिंदियपाउग्गाणं दव्वाणं पुंजे य नियरे य करेति २ तेसिं परिपेरंते तत्थ तत्थ चिट्ठंति । जत्थ जत्थ णं ते आसा आसयंति ४ तत्थ तत्थ गुलस्स जाव अन्नेसिं च बहूणं जिण्भियपाउग्गाणं दव्वाणं पुंजे य नियरे य करेति २ वियरए खणंति २ गुलपाणगस्स खंडपाणगस्स पौरपाणगस्स अन्नेसिं च बहूणं पाणगाणं वियरए भरंति २ तेसिं परिपेरंतेणं पासए ठवेति जाव चिट्ठंति । जहिं जहिं च णं ते आसा तहिं तहिं च ते ब्रह्मे कोयवया जाव सिलावट्ठया अन्नाणि य फासिंदियपाउग्गाइं अत्थुयपच्चत्थुयाइं ठवेति २ तेसिं परिपेरंतेणं जाव चिट्ठंति । तए णं ते आसा जेणेव ते उक्किट्ठा सदफरिसरसरूवगंधा तेणेव उवागच्छंति । तत्थ णं अत्थेगइया आसा अपुव्वा णं इमे सदफरिसरसरूवगंधा तिकट्ठु तेसु उक्किट्ठेसु सदफरिसरसरूवगंधेसु अमुच्छिया ४ तेसिं उक्किट्ठाणं सद जाव गंधाणं दूरंदूरेणं अवक्कमंति २ ते णं तत्थ पउरगोय्यरा पउरतणपाणिया निव्वभया निरुव्विग्गा सुहंसुहेणं विहरंति । एवामेव समणाउसो ! जो अम्हं निग्गंथो वा निग्गंथी वा सदफरिस जाव नो सज्जइ से णं इहलोए चेव बहूणं समणाणं ४ अच्चाणिज्जे जाव वीईवइस्सइ ।

(188) तत्थ णं अत्थेगइया आसा जेणेव उक्किट्ठा सदफरिसरसरूवगंधा तेणेव उवागच्छंति २ तेसु उक्किट्ठेसु सहेसु ५ मुच्छिया जाव अज्झोववन्ना आसेविउं पयत्ता यावि होत्था । तए णं ते आसा ते उक्किट्ठे सहे ५ आसेवमाणा तेहिं बहूहिं कूडेहि य पासेहि य गलएसु य पाएसु य वज्झंति । तए णं ते कोडुंबिया ते आसे गिण्हंति २ एगट्ठियाहिं

पोयवहणे संचारेंति २ तणस्स य कट्ठस्स य जाव भरेंति । तए णं ते संजुत्ता दक्खिणाणुकूलेणं वाएणं जेणेव गंभीरए पोयपट्टणे तेणेव उवा-  
गच्छंति २ पोयवहणं लवेंति २ ते आसे उत्तारेंति २ जेणेव हत्थिसीसे नयरे जेणेव कणगकेऊ राया तेणेव उवागच्छंति २ करयल जाव वद्धा-  
वेंति ते आसे उवणेंति । तए णं से कणगकेऊ तेसिं संजुत्तावाणियगाणं उस्सुक्कं वियरइ २ सक्कारेइ संमाणेइ २ पडिविसज्जेइ । तए णं से कणग-  
केऊ कोढुंवियपुरिसे सद्दावेइ २ सक्कारेइ संमाणेइ २ पडिविसज्जेइ । तए णं से कणगकेऊ राया आसमइए सद्दावेइ २ एवं वयासी—तुब्भे  
णं देवाणुप्पिया ! मम आसे विणएह । तए णं ते आसमइगा तहत्ति पडिसुणेंति २ ते आसे बहूहिं मुहबंधेहि य कण्णबंधेहि य नासाबंधेहि  
य वालबंधेहि य खुरबंधेहि य कडगबंधेहि य खलिणबंधेहि य अहिलाण-  
बंधेहि य पडियाणेहि य अंकणाहि यं वित्तप्पहारेहि य लयप्पहारेहि  
य कसप्पहारेहि य छिवप्पहारेहि य विणयंति कणगकेऊस्स रत्तो उवणेंति ।  
तए णं से कणगकेऊ ते आसमइए सक्कारेइ २ पडिविसज्जेइ । तए णं ते आसा बहूहिं मुहबंधेहि य जाव छिर्वापहारेहि य बहूणि सारीरमाणसाइं  
दुक्खाइं पावेंति । एवामेव समणाउसो ! जो अम्हं निग्गंथो वा निग्गंथी  
वा पव्वइए समाणे इट्ठेसु सदफरिसरसरूवगंधेसु सज्जइ रज्जइ गिज्जइ  
मुज्जइ अज्झोववज्जइ से णं इहलोए चेव बहूणं समणाणं बहूणं समणीणं  
जाव सावियाणं हीलणिज्जे जाव अणुपरिर्यट्ठइ ।

(गाहा):—कलरिभियमहुरतंतीतलतालवंसकउंहाभिरामेसु । सहेसु  
रज्जमाणा रमंति सोइंदियवसट्ठा ॥१॥ सोइंदियदुइंतत्तणस्स अह एत्तिओ  
हवइ दोसो । दीविगरुयमसहंतो वहवंधं तित्तिरो पत्तो ॥२॥ थणजहण-  
वयणकरचरणनयणगव्वियाविलासियगएसु । रूवेसु रज्जमाणा रमंति  
चक्खिंदियवसट्ठा ॥३॥ चक्खिंदियदुइंतत्तणस्स अह एत्तिओ हवइ  
दोसो । जं जलणंमि जलंते पडइ पयंगो अबुद्धीओ ॥४॥ अगरुवर-  
पवरधूवणउंउयमल्लाणुलेवणविहीसु । गंधेसु रज्जमाणा रमंति घाणिंदिय-  
वसट्ठा ॥५॥ घाणिंदियदुइंतत्तणस्स अह एत्तिओ हवइ दोसो । जं ओसहि-



गंधेणं विलाओ निद्धावई उरगो ॥६॥ तित्तकडुयं कसायं अंविंरं महुंरं  
 बहुखज्जेलेज्जेसु । आसायंमि उ गिद्धा रमंति जिर्विभदियवसट्ठा ॥७॥  
 जिर्विभदियदुहंतत्तणस्स अह एत्तिओ हवइ दोसो । जं गललग्गुक्खित्तो  
 फुरइ थलविरेल्लिओ मच्छो ॥८॥ उउभयमाणसुहेहिं<sup>४</sup> य सविभवहियंय-  
 मणनिव्वुइकरेहिं<sup>५</sup> । फासेसु रज्जमाणा रमंति फासिंदियवसट्ठा ॥९॥  
 फासिंदियदुहंतत्तणस्स अह एत्तिओ हवइ दोसो । जं खणइ मत्थयं  
 कुंजरस्स लोहंकुसो तिक्खो ॥१०॥ कलरिभियमहुरतंतीतलतालवंस-  
 कउहाभिरामेसु । सदेसु जे न गिद्धा वसट्ठमरणं न ते मरण ॥११॥  
 थणजहणवयणकरचरणनयणगव्वियविलासियगईसु । रुवेसु जे न रत्ता  
 वसट्ठमरणं न ते मरण ॥१२॥ अगरुवरपवरधूवणउउयमह्माणुलेवण-  
 विहीसु । गंधेसु जे न गिद्धा वसट्ठमरणं न ते मरण ॥१३॥ तित्तकडुयं  
 कसायं महुंरंववहुखज्जेलेज्जेसु । आसायंमि न गिद्धा वसट्ठमरणं न  
 ते मरण ॥१४॥ उउभयमाणसुहेसु य सविभवहियंयमणनिव्वुइकरेसु ।  
 फासेसु जे न गिद्धा वसट्ठमरणं न ते मरण ॥१५॥ सदेसु य भदय-  
 पावएसु सोयविसयं उवागएसु । तुट्ठेण व रुट्ठेण व समणेण सया न  
 होयवं ॥१६॥ रुवेसु य भदयपावएसु चक्खुविसयं उवगएसु । तुट्ठेण  
 व रुट्ठेण व समणेण सया न होयवं ॥१७॥ गंधेसु य भदयपावएसु  
 घाणविसयमुवगएसु । तुट्ठेण व रुट्ठेण व समणेण सया न होयवं ॥१८॥  
 रसेसु य भदयपावएसु जिब्भविसयमुवगएसु । तुट्ठेण व रुट्ठेण  
 व समणेण सया न होयवं ॥१९॥ फासेसु य भदयपावएसु काय-  
 विसयमुवगएसु । तुट्ठेण व रुट्ठेण व समणेण सया न होयवं ॥२०॥

एवं खलु जंवू ! समणेणं भगवया महावीरेणं जाव संपत्तेणं  
 सत्तरसमस्स नायज्झयणस्स अयमट्ठे पन्नत्ते त्तिवेमि ।

॥ अट्टारसमं अज्झयणं ॥

(139) जइ णं भंते ! समणेणं० सत्तरसमस्स अयमट्ठे पन्नत्ते अट्टारसमस्स के अट्ठे पन्नत्ते ? एवं खलु जंबू ! तेणं कालेणं २ राय-  
गिहे नामं नयरे होत्था वण्णओ । तत्थ णं धणे नामं सत्थवाहे होत्था  
भद्दा भारिया । तस्स णं धणस्स सत्थवाहस्स पुत्ता भद्दाए अत्तया पंच  
सत्थवाहदारगा होत्था तंजहा — धणे धणपाले धणदेवे धणगोवे धण-  
रक्खिए । तस्स णं धणस्स सत्थवाहस्स धूया भद्दाए अत्तया पंचण्हं पुत्ताणं  
अणुमग्गजाइया सुंसुमा नामं दारिया होत्था सूमालपाणिपाया । तस्स णं  
धणस्स सत्थवाहस्स चिलाए नामं दासचेडे होत्था अहीणपंचिदियसरीरे  
मंसोवचिए वालकीलावणकुसले यावि होत्था । तए णं से दासचेडे सुंसुमाए  
दारियाए वालग्गाहे जाए यावि होत्था सुंसुमं दारियं कडीए गिण्हइ २  
बहूहिं दारएहि य दारियाहि य डिंभएहि य डिंभियाहि य कुमारएहि य  
कुमारियाहि य साद्धिं अभिरममाणे २ विहरइ । तए णं से चिलाए  
दासचेडे तेसिं बहूणं दारयाण य ६ अप्पेगइयाणं खुल्लए अवहरइ एवं वट्टए  
औडोलियाओ तिंदूसए पोत्तुल्लए सौडोल्लए । अप्पेगइयाणं आभरणमल्ला-  
लंकारं अवहरइ अप्पेगइए आउसइ एवं अवहसइ निच्छोडेइ निब्भच्छेइ  
तज्जेइ अप्पेगइए तालेइ । तए णं ते बहवे दारगा य ६ रोयमाणा य ५  
साणं साणं अम्मापिऊणं निवेदेति । तए णं तेसिं बहूणं दारगाण य ६  
अम्मापियरो जेणेव धणे सत्थवाहे तेणेव उवागच्छंति २ धणं २ बहूहिं  
खिज्जाणिंयाहि य रुंटणाहि य उपालंभणाहि य खिज्जमाणा य रुंटमाणा य  
उवालंभमाणा य धणस्स २ एयमट्ठं निवेदेति । तए णं से धणे २ चिलायं  
दासचेडं एयमट्ठं भुज्जो भुज्जो निवारेइ नो चेव णं चिलाए दासचेडे उव-  
रमइ । तए णं से चिलाए दासचेडे तेसिं बहूणं दारगाण य ६ अप्पे-  
गइयाणं खुल्लए अवहरइ जाव तालेइ । तए णं ते बहवे दारगा य ६ रोय-  
माणा य जाव अम्मापिऊणं निवेदेति । तए णं ते आसुरुत्ता ५ जेणेव  
धणे २ (तेणेव उवागच्छंति) २ बहूहिं खिज्जणाहि जाव एयमट्ठं निवेदेति ।  
तए णं से धणे २ बहूणं दारगाणं ६ अम्मापिऊणं अंतिए एयमट्ठं सोच्चा

आसुरुत्ते चिलायं दासचेडं उच्चावयाहिं आउसणाहिं आउसइ उद्धंसइ निर्विभच्छंइ निच्छोडेइ तज्जेइ उच्चावयाहिं तालणाहिं तालेइ साओ गिहाओ निच्छुभइ ।

(140) तए णं से चिलाए दासचेडे साओ गिहाओ निच्छूडे समाणे रायगिहे नयरे सिंघाडग जाव पहेसु देवकुलेसु य सभासु य पवासु य जूयखलएसु य वेसाघरएसु य पाणघरएसु य सुहंसहेणं परिवर्द्धइ । तए णं से चिलाए दासचेडे अणोहट्टिए अणिवारिए सच्छंदमई सइरप्पयारी मज्जप्पसंगी चोर्जप्पसंगी जूयप्पसंगी वेसप्पसंगी परदारप्पसंगी जाए यावि होत्था । तए णं रायगिहस्स नयरस्स अदूरसामंते दाहिणपुरत्थिमे दिसीभाए सीहगुहा नामं चोर-पल्ली होत्था विससगिरिकडगकोलंबंसन्निविट्ठा वंसीकलंकपागारपरि-क्खित्ता छिन्नसेलविसमप्पवीयफरिहोवगूढा एगदुवारा अणेगखंडी विदितजणनिग्गमप्पवेसा अविंभतरपाणिया सुदुल्लभजलपेरंता सुवहुस्सवि कूवियवल्लस्स आगयस्स दुप्पहंसा यावि होत्था । तत्थ णं सीहगुहाए चोरपल्लीए विजए नामं चोरसेणावई परिवसइ अहम्मिए जाव अहम्म-केऊ समुट्टिए वहुनगरनिग्गयजसे सूर २ दढप्पहारी साहसिए सद्देवी । से णं तत्थ सीहगुहाए चोरपल्लीए पंचणहं चोरसयाणं आहेवच्चं जाव विहरइ । तए णं से विजए तक्करे सेणौवई वहुणं चोराण य पारदारियाण य गंठिभेयगाण य संधिच्छेयगाण य खत्तखणगाण य रायावगारीण य अणधारगाण य वालघायगाण य वीसंभघायगाण य जूयकाराण य खंडरक्खाण य अन्नेसिं च वहुणं छिन्नभिन्नवाहिराहयाणं कुंडगे यावि होत्था । तए णं से विजए चोरसेणावई रायगिहस्स दाहिणपुरत्थिमं जणवयं वहुहिं गामघाएहि य नगरघाएहि य गोगहणेहि य वंदिग्गहणेहि य पंथकुट्टणेहि य खत्तखणणेहि य उवीलेमाणे २ विद्धंसेमाणे २ नित्थीणं निद्धणं करेमाणे विहरइ । तए णं से चिलाए दासचेडे राय-गिहे वहुहिं अत्थाभिसंकीहि य चोज्जाभिसंकीहि य दाराभिसंकीहि य धणएहि य जूयकरोहि य परव्वभवंमाणे २ रायगिहाओ नगराओ

निग्गच्छइ २ जेणेव सीहगुहा चोरपल्ली तेणेव उवागच्छइ २ विजयं  
 चोरसेणावई उवसंपज्जित्ताणं विहरइ । तए णं से चिलाए दासचेडे  
 विजयस्स चोरसेणावइस्स अग्गे असिलट्ठिग्गाहे जाए यावि होत्था ।  
 जाहे वि य णं से विजए चोरसेणावई गामघायं वा जाव पंथकोट्ठिं वा  
 काउं वच्चइ ताहे वि य णं से चिलाए दासचेडे सुवहुं<sup>१</sup> कूवियवलं हय-  
 महिय जाव पडिसेहेइ २ पुणरवि लद्धट्ठे कयकज्जे अणहसमग्गे सीह-  
 गुहं चोरपल्लिं हव्वमागच्छइ । तए णं से विजए चोरसेणावई चिलायं  
 तक्करं बहूओ चोरविज्जाओ य चोरमंते य चोरमायाओ य चोरनिगडीओ  
 य सिक्खावेइ । तए णं से विजए चोरसेणावई अन्नया कयाइ काल-  
 धम्मुणा संजुत्ते यावि होत्था । तए णं ताइं पंचचोरसयाइं विजयस्स  
 चोरसेणावइस्स महया २ इड्ढीसक्कारसमुदएणं नीहरणं करेंति २ बहूइं  
 लोइयाइं मयकिच्चाइं करेंति २ जाव विगयसोया जाया यावि होत्था । तए  
 णं ताइं पंचचोरसयाइं अन्नमन्नं सदावेति २ एवं वयासी - एवं खलु  
 अम्हं देवाणुप्पिया ! विजए चोरसेणावई कालधम्मुणा संजुत्ते । अयं च  
 णं चिलाए तक्करे विजएणं चोरसेणावइणा बहूओ चोरविज्जाओ य जाव  
 सिक्खाविए । तं सेयं खलु अम्हं देवाणुप्पिया ! चिलायं तक्करं सीहगुहाए  
 चोरपल्लीए चोरसेणावइत्ताए अभिसिंचित्तए त्तिकट्ठु अन्नमन्नस्स एयमट्ठं  
 पडिसुणेंति २ चिलायं सीहगुहाए चोरपल्लीए चोरसेणावइत्ताए अभि-  
 सिंचंति । तए णं से चिलाए चोरसेणावई जाए अहम्मि ए जाव विहरइ ।  
 तए णं से चिलाए चोरसेणावई चोरनायगे जाव कुडंगे यावि होत्था ।  
 से णं तत्थं सीहगुहाए चोरपल्लीए पंचण्हं चोरसयाण य एवं जहा विजओ  
 तहेव सव्वं जाव रायगिहस्स नयरस्स दाहिणपुरत्थिमिलं जणवयं जाव  
 नित्थाणं निद्धणं करेमाणे विहरइ ।

(141) तए णं से चिलाए चोरसेणावई अन्नया कयाइ विपुलं  
 असणं ४ उवक्खडावेइ २ ते पंच चोरसए आमंतेइ तओ पच्छा ण्हाए  
 कयवलिकम्मे भोयणमंडवंसि तेहिं पंचहिं चोरसएहिं सौद्धिं विपुलं  
 असणं ४ सुरं च जाव पसन्नं च आसाएमाणे ४ विहरइ जिमियमुत्ततरागए

ते पंच चोरसए विपुलेण धूवपुप्फगंधमल्लालंकारेणं सक्कारेइ सम्माणेइ २  
 एवं वयासी - एवं खलु देवाणुप्पिया ! रायगिहे नयरे धणे नामं सत्थवाहे  
 अट्ठे० । तस्स णं धूया भद्दाए अत्तया पंचण्हं पुत्ताणं अणुमग्गजाइया  
 सुंसुमा नामं दारिया होत्था अहीणा जाव सुरूवा । तं गच्छामो णं  
 देवाणुप्पिया ! धणस्स सत्थवाहस्स गिहं विलुंपामो । तुव्भं विपुले धण-  
 कणग जाव सिलप्पवाले ममं सुंसुमा दारिया । तए णं ते पंच चोरसया  
 चिलायस्स पडिसुणेंति । तए णं से चिलाए चोरसेणावई तेहिं पंचहिं  
 चोरसएहिं सद्धिं अल्लचम्मं दुरूहइ २ पच्चावरण्हकालसमयांसि पंचहिं  
 चोरसएहिं सद्धिं सन्नद्ध जाव गहियाउहपहरणा माइयगोमुहिफलएहिं  
 निकिट्ठाहिं असिलट्ठाहिं असंगएहिं तोणेहिं सज्जीवेहिं धणूहिं समुक्खित्तेहिं  
 सरेहिं समुल्लीलियाहिं दीर्हाहिं ओसारियाहिं उरुघंटियाहिं छिप्प-  
 तूरेहिं वज्जमाणेहिं महया २ उक्किट्ठीसीहनाय जाव समुदरवभूयं पिव  
 करेमाणां सीहगुहाओ चोरपल्लीओ पडिनिक्खमंति २ जेणेव रायगिहे  
 नयरे तेणेव उवागच्छंति २ रायगिहस्स अदूरसामंते एगं महं गंहणं  
 अणुप्पविसंति २ दिवसं खवेमाणा चिट्ठंति । तए णं से चिलाए चोर-  
 सेणावई अद्वरत्तकालसमयांसि निसंतपडिनिसंतंसि पंचहिं चोरसएहिं  
 सद्धिं माइयगोमुहिएहिं फलएहिं जाव मूइयाहिं उरुघंटियाहिं जेणेव  
 रायगिहे नयरे पुरत्थिमिल्ले दुवारे तेणेव उवागच्छइ उदगवत्थि परामुसइ  
 आयंते चोक्खे परमसुइभूए तालुंघाडणिविज्जं आवाहेइ २ रायगिहस्स  
 दुवारकवाडे उदएणं अच्छोडेइ २ कवाडं विहाडेइ २ रायगिहं अणु-  
 प्पविसइ २ महया २ सद्देणं उग्घोसेमाणे २ एवं वयासी - एवं खलु अहं  
 देवाणुप्पिया ! चिलाए नामं चोरसेणावई पंचहिं चोरसएहिं सद्धिं सीह-  
 गुहाओ चोरपल्लीओ इहं हव्वमागए धणस्स सत्थवाहस्स गिहं घाउकामे ।  
 तं जे णं नवियाए माउयाए दुद्धं पाउकामे से णं निगच्छउ त्तिकट्ठु जेणेव  
 धणस्स सत्थवाहस्स गिहे तेणेव उवागच्छइ २ धणस्स गिहं विहाडेइ ।  
 तए णं से धणे चिलाएणं चोरसेणावइणा पंचहिं चोरसएहिं सद्धिं गिहं  
 घाइज्जमाणं पासइ २ भीए तत्थे ४ पंचहिं पुत्तेहिं सद्धिं एगंतं अवक्कमइ ।

तएणं से चिलाए चोरसेणावई धणस्स सत्थवाहस्स गिहं घाएइ २ सुबहुं धणकणगं जाव सावएज्जं सुंसुमं च दारियं गेण्हइ २ रायगिहाओ पडिनिक्खमइ २ जेणेव सीहगुहा तेणेव पहारेत्थ गमणाए ।

(142) तए णं से धणे सत्थवाहे जेणेव सए गिहे तेणेव उवा-  
गच्छइ २ सुबहुं धणकणगं सुंसुमं च दारियं अवहारियं जाणित्ता महत्थं ३  
पाहुडं गहाय जेणेव नगरगुत्तिया तेणेव उवागच्छइ २ तं महत्थं पाहुडं  
उवणेइ २ एत्रं वयासी — एवं खलु देवाणुप्पिया ! चिलाए चोरसेणावई  
सीहगुहाओ चोरपल्लीओ इहं हव्वमागम्म पंचहिं चोरसएहिं सद्धिं मम  
गिहं घाएत्ता सुबहुं धणकणगं सुंसुमं च दारियं गहाय जाव पडिगए ।  
तं इच्छामि णं देवाणुप्पिया ! सुंसुमाए दारियाए कूवं गमित्तए । तुब्भं णं  
देवाणुप्पिया ! से विपुले धणकणगे ममं सुंसुमा दारिया । तए णं ते नगर-  
गुत्तिया धणस्स एयमट्ठं पडिसुणेंति २ सन्नद्ध जाव गहियाउहपहरणा महया  
२ उक्किट्ठ जाव समुद्हरवभूयं पिव करेमाणा रायगिहाओ निग्गच्छंति २  
जेणेव चिलाए चोरे तेणेव उवागच्छंति २ चिलाएणं चोरसेणावइणा सद्धिं  
संपलग्गा यावि होत्था । तए णं ते नगरगुत्तिया चिलायं चोरसेणावइं  
हयमहिय जाव पडिसेहेति । तए णं ते पंचचोरसया नगरगुत्तिएहिं  
हयमहिय जाव पडिसेहिया समाणा तं विपुलं धणकणगं विच्छड्डुमाणा  
य विप्पकिरमाणा य सव्वओ समंता विप्पलाइत्था । तए णं ते नगर-  
गुत्तिया तं विपुलं धणकणगं गेण्हंति २ जेणेव रायगिहे तेणेव उवा-  
गच्छंति । तए णं से चिलाए तं चोरसेन्नं तेहिं नगरगुत्तिएहिं हयमहिय०  
पवरभीए जाव तत्थे सुंसुमं दारियं गहाय एगं महं आगामियं दीहमट्ठं  
अडविं अणुप्पविट्ठे । तए णं धणे सत्थवाहे सुंसुमं दारियं चिलाएणं अडवी-  
मुहं अवहीरमाणं पासित्ताणं पंचहिं पुत्तेहिं सद्धिं अप्पछट्ठे सन्नद्धबद्ध०  
चिलायस्स पयमग्गविहिं अणुगच्छमाणे अभिगज्जंते हक्कारेमाणे पुक्कारे-  
माणे अभितज्जेमाणे अभित्तासेमाणे पिट्ठओ अणुगच्छइ । तए णं से  
चिलाए तं धणं सत्थवाहं पंचहिं पुत्तेहिं सद्धिं अप्पछट्ठं सन्नद्धबद्धं  
समणुगच्छमाणं पासइ २ अत्थामे ४ जाहे नो संचाएइ सुंसुमं दारियं

निव्वाहित्तए ताहे संते तंते परितंतं नीलुप्पलगवलं असिं परामुसइ २  
 सुंसुमाए दारियाए उत्तमंगं छिंदइ २ तं गहाय तं आगामियं अडविं  
 अणुप्पविट्ठे । तए णं से चिलाए तीसे अगामियाए अडवीए तण्हाए  
 छुहाए अभिभूए समाणे पम्हट्टदिसाभाए सीहगुहं चोरपाळिं असंपत्ते  
 अंतरा चेव कालगए । एवामेव समणाउसो ! जाव पव्वइए समाणे इमस्स  
 ओरालियसरीरस्स वंतासवस्स जाव विद्धंसणधम्मस्स वण्णहेउं वा जाव  
 आहारं आहारेइ से णं इहलोए चेव बहूणं समणाणं ४ हीलणिज्जे जाव  
 अणुपरियट्ठिस्सइ जहा व से चिलाए तक्करे । तए णं से धणे सत्थवाहे पंचहिं  
 पुत्तेहिं अप्पछट्ठे चिलायं तीसे अगामियाए सव्वओ समंता परिधाडे-  
 माणे २ संते तंते परितंतं नो संचाएइ चिलायं चोरसेणावइं साहत्थि  
 गिण्हत्तए । से णं तओ पडिनियत्तइ २ जेणेव सा सुंसुमा वालिया  
 चिलाएणं जीवियाओ ववरोविया तेणेव उवागच्छइ २ सुंसुमं दारियं  
 चिलाएणं जीवियाओ ववरोवियं पासइ २ पैरसुनियत्तेव्व चंपगपायवे० ।  
 तए णं से धणे सत्थवाहे अप्पछट्ठे आसत्थे कूवमाणे कंदमाणे विलवमाणे  
 महया २ सदेणं कुहुकुहुस्सं परुत्ते सुचिरकालं बाहप्पमोक्खं करेइ । तए  
 णं से धणे सत्थवाहे पंचहिं पुत्तेहिं अप्पछट्ठे चिलायं तीसे आगामियाए  
 सव्वओ समंता परिधाडेमाणे तण्हाए छुहाए य परवभंते समाणे तीसे  
 आगामियाए अडवीए सव्वओ समंता उदगस्स मग्गणगवेसणं करेइ २ संते  
 तंते परितंतं निव्विण्णे समाणे तीसे आगामियाए उदगं अणासाएमाणे  
 जेणेव सुंसुमा जीवियाओ ववरोविया तेणेव उवागच्छइ २ जेट्ठं पुत्तं  
 धणे सहावेइ २ एवं वयासी — एवं खलु पुत्ता ! सुंसुमाए दारियाए  
 अट्ठाए चिलायं तक्करं सव्वओ समंता परिधाडेमाणा तण्हाए छुहाए य  
 अभिभूया समाणा इमीसे आगामियाए अडवीए उदगस्स मग्गणगवेसणं  
 करेमाणा नो चेव णं उदगं आसादेमो । तए णं उदगं अणासाएमाणा  
 नो संचाएमो रायगिहं संपावित्तए । तण्णं तुव्वे ममं देवाणुप्पिया !  
 जीवियाओ ववरोवेह मम मंसं च सोणियं च आहारेह तेणं आहारेणं  
 अवर्थद्धा समाणा तओ पच्छा इमं आगामियं अडविं नित्थरिहिह

रायगिहं च संपाविहह मित्तनाइ० अभिसमागच्छिहह अत्थस्स य धम्मस्स य पुण्णस्स य आभागी भविस्सह । तए णं से जेठ्ठे पुत्ते धणेणं सत्थवाहेणं एवं वुत्ते समाणे धणं २ एवं वयासी-तुब्भे णं ताओ ! अम्हं पिया गुरुजणयदेवयभूया ठावका पइठ्ठवका संरक्खगा संगोवगा । तं कहण्णं अम्हे ताओ । तुब्भे जीवियाओ ववरोवेमो तुब्भं णं मंसं च सोणियं च आहारेमो ? तं तुब्भे णं ताओ ! ममं जीवियाओ ववरोवेह मंसं च सोणियं च आहारेह आगामियं अडाविं नित्थरहह तं चेव सव्वं भणइ जाव अत्थस्स जाव आभागी भविस्सह । तए णं धणं सत्थवाहं दोच्चे पुत्ते एवं वयासी - मा णं ताओ ! अम्हे जेठ्ठं भायरं गुरुदेवयं जीवियाओ ववरोवेमो । तुब्भे णं ताओ ! ममं जीवियाओ ववरोवेह जाव आभागी भविस्सह एवं जाव पंचमे पुत्ते । तए णं से धणे सत्थवाहे पंचपुत्ताणं हिय-इच्छियं जाणित्ता ते पंचपुत्ते एवं वयासी - मा णं अम्हे पुत्ता ! एगमवि जीवियाओ ववरोवेमो । एस णं सुंसुमाए दारियाए सरीरे निप्पाणे जाव जीवविप्पजडे । तं सेयं खलु पुत्ता ! अम्हं सुंसुमाए दारियाए मंसं च सोणियं च आहारेत्तए । तए णं अम्हे तेणं आहारेणं अवर्थद्धा समाणा रायगिहं संपाउणिस्सामो । तए णं ते पंचपुत्ता धणेणं सत्थवाहेणं एवं वुत्ता समाणा एयमट्ठं पडिसुणेंति । तए णं धणे सत्थवाहे पंचहिं पुत्तेहिं सद्धिं अराणिं करेइ २ सरगं करेइ २ सरएणं अराणिं महेइ २ अग्गिं पाडेइ २ अग्गिं संधुक्खेइ २ दारुयाइं पक्खिवइ २ अग्गिं पज्जालेइ २ सुंसुमाए दारियाए मंसं च सोणियं च आहारेइ । तेणं आहारेणं अवर्थद्धा समाणा रायगिहं नयरं संपत्ता मित्तनाइनियग० अभिसमन्नागया तस्स य विउलस्स धणकणगरयण जाव आभागी जाया । तए णं से धणे सत्थवाहे सुंसुमाए दारियाए बहूइं लोइयाइं मयकिच्चाइं जाव विगयसोए जाए यावि होत्था ।

(143) तेणं कालेणं २ समणे भगवं महावीरे गुणसिलए चेइए समोसडे । तए णं धणे सत्थवाहे सपुत्ते धम्मं सोच्चा पव्वइए एक्कारसंगवी मासियाए संलेहणाए सोहम्मो उववन्ने महाविदेहे वासे सिञ्झिहिइ ।



जहा वि य णं जंवू ! धणेणं सत्थवाहेणं नो वण्णहेउं वा नो रूवहेउं वा  
 नो वलहेउं वा नो विसयहेउं वा सुंसुमाए दारियाए मंससोणिए  
 आहारिए नन्नत्थ एगाए रायगिहं सपांवणट्ठयाए एवामेव समणाउसो !  
 जो अस्सं निगंगंथो वा निगंगंथी वा इमस्स ओरालियसरीरस्स वंतासवस्स  
 पित्तासवस्स सुक्कासवस्स सोणियासवस्स जाव अवस्सविप्पजहियव्वस्स नो  
 वण्णहेउं वा नो रूवहेउं वा नो वलहेउं वा नो विसयहेउं वा आहारं  
 आहारेइ नन्नत्थ एगाए सिद्धिगमणसंपावणट्ठयाए से णं इहभवे चेव बहूणं  
 समणाणं बहूणं समणीणं ब्रहूणं सावयाणं बहूणं सावियाणं अच्चणिज्जे जाव  
 वीईवइस्सइ ।

एवं खलु जंवू ! समणेणं भगवया महावीरेणं जाव संपत्तेणं  
 अट्टारसमस्स अयमट्ठे पन्नत्ते त्ति वेमि ।

॥ अट्टारसमं नायज्जयणं समत्तं ॥ १८॥

॥ एगूणवीसइमं अज्झयणं ॥

(144) जइ णं भंते । समणेणं० अट्टारसमस्स नायज्झयणस्स अयमट्ठे पन्नत्ते एगूणवीसइमस्स के अट्ठे पन्नत्ते ? एवं खलु जंबू ! तेणं कालेणं २ इहेव जंबुदीवे २ पुव्वविदेहे<sup>१</sup> सीयाए महानईए उत्तरिल्ले कूले नीलवंतस्स दाहिणेणं उत्तरिल्लस्स सीयामुहवणसंडस्स पच्चत्थिमेणं एगसेलगस्स वक्खार-पव्वयस्स पुरत्थिमेणं एत्थ णं पुक्खलावई नामं विजए पन्नत्ते । तत्थ णं पुंडरिगिणी नामं रायहाणी पन्नत्ता नवजोयणवित्थिण्णा दुवालसजोयणा-यामा जाव पच्चक्खं देवलोगभूया पासाईया दरसणीया अभिरूवा पडिरूवा । तीसे णं पुंडरिगिणीए नयरीए उत्तरपुरत्थिमे दिसीभाए नल्लिणवणे नामं उज्जाणे होत्था । तत्थ णं पुंडरिगिणीए रायहाणीए महापउमे नामं राया होत्था । तस्स णं पउमावई नामं देवी होत्था । तस्स णं महापउमस्स रज्जो पुत्ता पउमावईए देवीए अत्तया दुवे कुमारा होत्था तं जहा — पुंडरीए य कंडरीए य सुकुमालपाणिपाया० । पुंडरीए जुवराया । तेणं कालेणं २ थेरांगमणं महापउमे राया निग्गए धम्मं सोच्चा पुंडरीयं रज्जे ठवेत्ता पव्वइए पुंडरीए राया जाए कंडरीए जुवराया । महापउमे अणगारे चोइसपुव्वाइं अहिज्जइ । तए णं थेरा बहिया जणवयविहारं विहरंति । तए णं से महापउमे बहूणि वासाणि जाव सिद्धे ।

(145) तए णं थेरा अन्नया कयाइ पुणरवि पुंडरिगिणीए राय-हाणीए नल्लिणवणे उज्जाणे समोसढा । पुंडरीए राया निग्गए । कंडरीए महाजणसहं सोच्चा जहा महाबलो जाव पज्जुवासइ । थेरा धम्मं परिकहेति पुंडरीए समणोवासए जाए जाव पडिगए । तए णं कंडरीए उट्ठाए उट्ठेइ २ जाव से जहेयं तुव्वे वयह जं नवरं पुंडरीयं रायं आपुच्छामि तए णं जाव पव्वयामि । अहासुहं देवाणुप्पिया ! तए णं से कंडरीए जाव थेरे वंदइ नमंसइ २ थेराणं अंतियाओ पडिनिक्खमइ २ तमेव चाउग्घंटं आसरहं दुरुहइ जाव पच्चोरुहइ जेणेव पुंडरीए राया तेणेव उवागच्छइ करयल जाव पुंडरीयं रायं एवं वयासी — एवं खलु मए थेराणं अंतिए धम्मे निसंते से धम्मे अभिरुइए । तए णं जाव पव्वइत्तए । तए णं से

पुंडरीए कंडरीयं एवं वयासी — मा णं तुमं भाउया ! इयाणि मुंडे जाव पव्वयाहि । अहं णं तुमं महारायाभिसेएणं अभिसिंचामि । तए णं से कंडरीए पुंडरीयस्स रत्तो एयमट्ठं नो आढाइ जाव तुसिणीए संचिद्धइ । तए णं पुंडरीए राया कंडरीयं दोच्चंपि तच्चंपि एवं वयासी जाव तुसिणीए संचिद्धइ । तए णं पुंडरीए कंडरीयं कुमारं जाहे नो संचाएइ वहुहिं आघवणाहि य पन्नवणाहि य ४ ताहे अकामए चेव एयमट्ठं अणु-मन्नित्था जाव निक्खमणाभिसेएणं अभिसिंचइ जाव थेराणं सीसभिकखं दलयइ पव्वइए अणगारे जाए एक्कारसंगवी । तए णं थेरा भगवंतो अन्नया कयाइ पुंडरिगिणीओ नयरीओ नलिणिवणाओ उज्जाणाओ पडिनिक्खमंति २ वहिया जणवयविहारं विहरंति ।

(146) तए णं तस्स कंडरीयस्स अणगारस्स तेहिं अंतेहि य पंतेहि य जहा सेलगस्स जाव दाहवक्कंतीए यावि विहरइ । तए णं थेरा अन्नया कयाइ जेणेव पोंडरिगिणी तेणेव उवागच्छंति २ नलिणीवणे समोसढा । पुंडरीए निग्गए धम्मं सुणेइ । तए णं पुंडरीए राया धम्मं सोच्चा जेणेव कंडरीए अणगारे तेणेव उवागच्छइ २ कंडरीयं वंदइ नमंसइ २ कंडरीयस्स अणगास्स सरीरगं सव्वावाहं सैरोगं पासइ २ जेणेव थेरा भगवंतो तेणेव उवागच्छइ २ थेरे भगवंते वंदइ नमंसइ २ एवं वयासी—अहण्णं भंते ! कंडरीयस्स अणगारस्स अहापवत्तेहिं ओसहमेसज्जेहिं जाव तिगिच्छं आउंटांमि । तं तुब्भे णं भंते ! मम जाणसालासु समोसरह । तए णं थेरा भगवंतो पुंडरीयस्स पडिसुणेंति जाव उवसंपज्जित्ताणं विहरंति । तए णं पुंडरीए जहा मंडुए सेलगस्स जाव वलियसरीरे जाए । तए णं थेरा भगवंतो पुंडरीयं रायं आपुच्छंति २ वहिया जणवयविहारं विहरंति । तए णं से कंडरीए ताओ रोयायंकाओ विप्पमुंक्के समाणे तांसि मणुन्नंसि असणपाणखाइमसाइमंसि मुच्छिइ गिद्धे गढिए अज्झोववन्ने नो संचाएइ पुंडरीयं आपुच्छित्ता वहिया अवमुज्जएणं जाव विहरित्तए तत्थेव ओसन्ने जाए । तए णं से पुंडरीए इमीसे कहाए लद्धे समाने ण्हाए अंतेउर-परियालसंपरिवुडे जेणेव कंडरीए अणगारे तेणेव उवागच्छइ २

कंडरीयं तिक्खुत्तो आयाहिणपयाहिणं करेइ २ वंदइ नमंसइ २ एवं वयासी — धन्नेसि णं तुमं देवाणुप्पिया ! कयत्थे कयपुण्णे कयलक्खणे । सुलद्धे णं देवाणुप्पिया ! तव माणुस्सए जम्मजीवियफले जे णं तुमं रज्जं च जाव अंतेउरं च विछड्ढेत्ता विगोवइत्ता जाव पव्वइए । अहण्णं अहन्ने अपुण्णे अकयपुण्णे रज्जे य जाव अंतेउरे य माणुस्सएसु य कामभोगेसु मुच्छिए जाव अज्झोववन्ने नो संचाएमि जाव पव्वइत्तए । तं धन्नेसि णं तुमं देवाणुप्पिया जाव जीवियफले । तए णं से कंडरीए अणगारे पुंडरीयस्स एयमट्ठं नो आढाइ जाव संचिट्ठइ । तए णं से कंडरीए पोंडरीएणं दोच्चंपि तच्चंपि एवं वुत्ते समाणे अकामए अवसवसे लज्जाए गारवेण य पुंडरीयं आपुच्छइ २ थेरेहिं सद्धिं वहिया जणवयविहारं विहरइ । तए णं से कंडरीए थेरेहिं सद्धिं कंचि कालं उगंगुग्गेणं विहरित्ता तओ पच्छा समणत्तणपरितंते समणत्तणनिठ्विणे समणत्तणनिव्वभच्छिए समणगुणमुक्कजोगी थेराणं अंतियाओ सणियं २ पच्चोसकइ २ जेणेव पुंडरिगिणी तयरी जेणेव पुंडरीयस्स भवणे तेणेव उवागच्छइ २ असोगवणियाए असोगवरपायवस्स अहे पुढविसिलापट्ठगंसि निसीयइ २ ओह्यमणसंकप्पे जाव झियायमाणे संचिट्ठइ । तए णं तस्स पोंडरीयस्स अंवधाई जेणेव असोगवणिया तेणेव उवागच्छइ २ कंडरीयं अणगारं असोगवरपायवस्स अहे पुढविसिलापट्ठगंसि ओह्यमणसंकप्पं जाव झियायमाणं पासइ २ जेणेव पुंडरीए राया तेणेव उवागच्छइ २ पुंडरीयं रायं एवं वयासी — एवं खलु देवाणुप्पिया ! तव पियभाउए कंडरीए अणगारे असोगवणियाए असोगवरपायवस्स अहे पुढविसिलापट्ठे ओह्यमणसंकप्पे जाव झियायइ । तए णं से पुंडरीए अम्मधाईए एयमट्ठं सोच्चा निसम्म तहेव संभंते समाणे उट्ठाए उट्ठेइ २ अंतेउरपरियालसंपरिवुडे जेणेव असोगवणिया जाव कंडरीयं तिक्खुत्तो एवं वयासी — धन्नेसि णं तुमं देवाणुप्पिया जाव पव्वइए । अहं णं अधन्ने ३ जाव अपव्वइत्तए । तं धन्नेसि णं तुमं देवाणुप्पिया जाव जीवियफले । तए णं कंडरीए पुंडरीएणं एवं वुत्ते समाणे तुसिणीए संचिट्ठइ दोच्चंपि तच्चंपि जाव

चिट्ठइ । तए णं पुंडरीए कंडरीयं एवं वयासी - अट्ठो भंते ! भोगेहिं ? हंता ! अट्ठो । तए णं से पुंडरीए राया कोडुंवियपुरिसे सदावेइ २ एवं वयासी - खिप्पामेव भो देवाणुप्पिया ! कंडरीयस्स महत्थं जाव रायाभिसेयं उवट्ठवेह जाव रायाभिसेएणं अभिसिंचइ ।

(147) तए णं से पुंडरीए सयमेव पंचमुट्ठियं लोयं करेइ सयमेव चाउज्जामं धम्मं पडिवज्जइ २ कंडरीयस्स संतिंयं आयारभंडगं गेण्हइ २ इमं एयारूवं अभिग्गहं अभिगिण्हइ - कप्पइ मे थेरे वंदित्ता नमंसित्ता थेराणं अंतिए चाउज्जामं धम्मं उवसंपज्जित्ताणं तओ पच्छा आहारं आहारित्तए त्तिकट्ठु इमं एयारूवं अभिग्गहं अभिगिण्हित्ताणं पुंडरिगिणीओ पडिनिक्खमइ २ पुव्वाणुपुव्वि चरमाणे गामाणुगामं दूइज्जमाणे जेणेव थेरा भगवंतो तेणेव पहारेत्थ गमणाए ।

(148) तए णं तस्स कंडरीयस्स रत्तो तं पणीयं पाणभोयणं आहारियस्स समाणस्स अइजागरएण य अइभोयणप्पसंगेण य से आहारे नो सम्मं परिणए । तए णं तस्स कंडरीयस्स रत्तो तंसि आहारंसि अपरिणममाणंसि पुव्वरत्तावरत्तकालसमयंसि सरीरगंसि वेयणा पाउवभूया उज्जला विउला पगाढा जाव दुरहियासा पित्तज्जरपरिगयसरीरे दाहवक्कंतीए यावि विहरइ । तए णं से कंडरीए राया रज्जे य रट्ठे य अंतेउरे य जाव अज्झोववन्ने अट्ठदुहट्ठवसट्ठे अकामए अवसवसे कालमासे कालं किच्चा अहे सत्तमाए पुढवीए उक्कोसकालट्ठिइयंसि नरयंसि नेरइयत्ताए उववन्ने । एवामेव समणाउसो ! जाव पव्वइए समाणे पुणरवि माणुस्सए कामभोए आसाएइ जाव अणुपरियट्ठिस्सइ जहा व से कंडरीए राया ।

(149) तए णं से पुंडरीए अणगारे जेणेव थेरा भगवंतो तेणेव उवागच्छइ २ थेरे भगवंते वंदइ नमंसइ २ थेराणं अंतिए दोच्चं पि चाउज्जामं धम्मं पडिवज्जइ छट्ठक्खमणपारणगंसि पढमाए पोरिसीए सज्झायं करेइ २ जाव अडमाणे सीयलुक्खं पाणभोयणं पडिगाहेइ २ अहापज्जत्तमित्तिकट्ठु पडिनियत्तेइ जेणेव थेरा भगवंतो तेणेव उवा- गच्छइ २ भत्तपाणं पडिदंसेइ २ थेरेहिं भगवंतेहिं अब्भणुन्नाए समाणे

अमुच्छिए ४ बिलमिव पन्नगभूएणं अप्पाणेणं तं फासुएसणिज्जं असणं ४  
 सरीरकोट्टगंसि पक्खिवइ । तए णं तस्स पुंडरीयस्स अणगारस्स तं  
 कालाइकंतं अरसं विरसं सीयलुक्खं पाणभोयणं आहारियस्स समाणस्स  
 पुठवरत्तावरत्तकालसमयंसि धम्मजागरियं जागरमाणस्स से आहारे नो  
 सम्मं परिणमइ । तए णं तस्स पुंडरीयस्स अणगारस्स सरीरगंसि वेयणा  
 पाठभूया उज्जला जाव दुरहियासा पित्तज्जरपरिगयसरीरे दाहवकंतीए  
 विहरइ । तए णं से पुंडरीए अणगारे अत्थामे अबले अवीरिए  
 अपुरिसक्कारपरक्कमे करयल जाव एवं वयासी — नमोत्थु णं अरहंताणं  
 भगवंताणं जाव संपत्ताणं । नमोत्थु णं थेराणं भगवंताणं मम धम्मायरियाणं  
 धम्मोवएसयाणं । पुर्व्वि पि य णं मए थेराणं अंतिए सव्वे पाणाइवाए  
 पच्चक्खाए जाव मिच्छादंसणसल्ले पच्चक्खाए जाव आलोइयपडिक्कंते  
 कालमासे कालं किच्चा सव्वद्वसिद्धे उववन्ने । तओ अणंतरं उव्वट्टित्ता  
 महाविदेहे वासे सिज्झिहिइ जाव सव्वदुक्खाणमंतं काहिइ । एवामेव  
 समणाउसो ! जाव पठवइए समाणे साणुस्सएहिं कामभोगेहिं नो सज्जइ  
 नो रज्जइ जाव नो विपडिघायमावज्जइ से णं इहभवे चेव बहूणं  
 समणाणं बहूणं समणीणं बहूणं सावगाणं बहूणं सावियाणं अच्चणिज्जे  
 वंदणिज्जे पूयणिज्जे सक्कारणिज्जे सम्माणणिज्जे कल्लाणं रंगलं देवयं चेइयं  
 पज्जुवासणिज्जे त्तिकट्टु परलोए वि य णं नो आगच्छइ बहूणि दंडणाणि  
 य मुंडणाणि य तज्जणाणि य तालणाणि य जाव चाउरंतं संसारकंतारं  
 जाव वीईवइस्सइ जहा व से पुंडरीए अणगारे । एवं खलु जंबू ! समणेणं  
 आइगरेणं तित्थगरेणं सयंसंबुद्धेणं जाव सिद्धिगइनामधेज्जं ठाणं संपत्तेणं  
 एगूणवीसइमस्स नायज्झयणस्स अयमट्ठे पन्नत्ते । एवं खलु जंबू !  
 समणेणं भगवया महावीरेणं जाव सिद्धिगइनामधेज्जं ठाणं संपत्तेणं छट्ठस्स  
 अंगस्स पढमस्स सुयक्खंधस्स अयमट्ठे पन्नत्ते त्ति वेमि !

(150) तस्स णं सुयक्खंधस्स एगूणवीसं अज्झयणाणि एगासरगाणि  
 एगूणवीसाए दिवसेसु समप्पंति ।

॥ एगूणवीसइमं अज्झयणं समत्तं ॥

॥ नायाधम्मकहाणं पढमो सुयक्खंधो समत्तो ॥

॥ दोच्चे सुयक्खंधे ॥

॥ पढमं अज्झयण ॥

(151) तेणं कालेणं तेणं समएणं रायगिहे नामं नयरे होत्था वण्णओ । तस्स णं रायगिहस्स नयरस्स वहिया उत्तरपुरत्थिमे दिसीभाए तत्थ णं गुणसिलए नामं चेइए होत्था वण्णओ । तेणं कालेणं २ समणस्स भगवओ महावीरस्स अंतेवासी अज्जसुहम्ममा नामं थेरा भगवंतो जाइसंपन्ना कुलसंपन्ना जाव चोद्दसपुव्वी चउनाणोवगया पंचहिं अणगारसएहिं सद्धिं संपरिवुडा पुव्वानुपुव्वि चरमाणा गामाणुगामं दूइज्जमाणा सुहंसुहेणं विहरमाणा जेणेव रायगिहे नयरे जेणेव गुणसिलए चेइए जाव संजमेणं तवसा अप्पाणं भावेमाणा विहरंति । परिसा निग्गया धम्मो कहिओ परिसा जामेव दिसिं पाउव्वभूया तामेव दिसिं पडिगया । तेणं कालेणं २ अज्जसुहम्मस्स अंतेवासी अज्जजंवू नामं अणगारे जाव पज्जुवासमाणे एवं वयासी — जइ णं भंते ! समणेणं जाव संपत्तेणं छट्ठस्स अंगस्स पढमस्स सुयक्खंधस्स नायाणं अयमट्ठे पन्नत्ते दोच्चस्स णं भंते ! सुयक्खंधस्स धम्मकहाणं समणेणं० के अट्ठे पन्नत्ते ? एवं खलु जंवू ! समणेणं० धम्मकहाणं दस वग्गा पन्नत्ता तंजहा :—चमरस्स अग्गमहिंसीणं पढमे वग्गे । वलिस्स वइरोयणिंदस्स वइरोयणरत्तो अग्गमहिंसीणं वीए वग्गे । असुरिंदवज्जियाणं दाहिणिह्माणं इंदाणं अग्गमहिंसीणं तईए वग्गे । उत्तरिह्माणं असुरिंदवज्जियाणं भवणवासिइंदाणं अग्गमहिंसीणं चउत्थे वग्गे । दाहिणिह्माणं वाणमंतराणं इंदाणं अग्गमहिंसीणं पंचसे वग्गे । उत्तरिह्माणं वाणमंतराणं इंदाणं अग्गमहिंसीणं छट्ठे वग्गे । चंदस्स अग्गमहिंसीणं सत्तमे वग्गे । सूरस्स अग्गमहिंसीणं अट्ठमे वग्गे । सकस्स अग्गमहिंसीणं नवमे वग्गे । ईसाणस्स य अग्गमहिंसीणं दसमे वग्गे । जइ णं भंते ! समणेणं० धम्मकहाणं दस वग्गा पन्नत्ता पढमस्स णं भंते ! वग्गस्स समणेणं० के अट्ठे पन्नत्ते ? एवं खलु जंवू ! समणेणं० पढमस्स वग्गस्स पंच अज्झयणा पन्नत्ता तंजहा — काली रई रयणी विज्जू मेहा । जइ णं भंते ! समणेणं० पढमस्स वग्गस्स पंच अज्झयणा पन्नत्ता पढमस्स णं

भंते ! अज्झयणस्स समणेणं० के अट्ठे पन्नत्ते ? एवं खलु जंबू ! तेणं कालेणं २ रायगिहे नयरे गुणसिलए चेइए सेणिए राया चेह्णणा देवी सीमी समोसढे परिसा निग्गया जाव परिसा पज्जुवासइ । तेणं कालेणं २ काली देवी चमरचंचाए रायहाणीए कालवडेंसगंभवणे कालंसि सीहासणंसि चउहिं समाणियसाहस्सीहिं चउहिं मयहरियाहिं सपरिवाराहिं तिहिं परिसाहिं सत्तहिं अणिएहिं सत्तहिं अणियाहिवईहिं सोलसाहिं आयरक्खदेवसाहस्सीहिं अन्नेहि य बहूहिं कालवडेंसयभवणवासीहिं असुरकुमारेहिं देवेहि देवीहिं य साद्धिं संपरिवुडा महयाहय जाव विहरइ इमं च णं केवलकप्पं जंबुदीवं २ विउलेणं ओहिणा आभोएमाणी २ पासइ एत्थ समणं भगवं महावीरं जंबुदीवे दीवे भारहे वासे रायगिहे नयरे गुणसिलए चेइए अहापडिख्वं उगगहं ओगिण्हत्ता संजमेणं तवसा अप्पाणं भावेमाणं पासइ २ हट्ठतुट्ठचित्तमाणंदिया पीइमणा जाव हियया सीहासणाओ अब्भुट्ठेइ २ पायपीढाओ पच्चोरुहइ २ पाउया ओमुयइ २ तित्थगराभिमुही सत्तट्ठ पयाइं अणुगच्छइ २ वामं जाणुं अंचेइ २ दाहिणं जाणुं धराणियलंसि निहट्ठु तिक्खुत्तो मुद्धाणं धराणियलंसि निवेसेइ ईसिं पच्चुन्नमइ २ कडगतुडियथंभियाओ भुयाओ साहरइ २ करयल जाव कट्ठु एवं वयासी — नमोत्थु णं अरहंताणं जाव संपत्ताणं । नमोत्थु णं समणस्स भगवओ महावीरस्स जाव संपाविउकासस्स । वंदामि णं भगवंतं तत्थगयं इहगया पासउ मे समणे ३ तत्थगए इहगयं तिकट्ठु वंदइ नमंसइ २ सीहासणवरंसि पुरत्थाभिमुहा निसण्णा । तए णं तीसे कालीए देवीए इमेयारूवे जाव समुप्पज्जित्था तंजहा — सेयं खलु मे समणं ३ वंदित्ता जाव पज्जुवासित्तए तिकट्ठु एवं संपेहेइ २ आभिओगिया देवा सदावेइ २ एवं वयासी — एवं खलु देवाणुप्पिया ! समणे ३ एवं जहा सूरियाभो तहेव आणत्तियं देइ जाव दिव्वं सुरवराभिगमणजोग्गं करेह २ जाव पच्चप्पिणह । तेवि तहेव करेत्ता जाव पच्चप्पिणंति नवरं जोयणसहस्सवित्थिण्णं जाणं सेसं तहेव । तहेव नामगोयं साहेइ तहेव नट्टविहिं उवदंसेइ जाव पडिगया । भंते त्ति भगवं गोयमे समणं ३ वंदइ नमंसइ २ एवं वयासी — कालीए



णं भंते ! देवीए सा दिव्वा देविट्ठी ३ कहिं गया ? कूडागारसालादिट्ठंतो ।  
 अहो णं भंते ! काली देवी महिड्डिया ३ । कालीए णं भंते ! देवीए सा  
 दिव्वा देविट्ठी ३ किन्ना लद्धा किन्ना पत्ता किन्ना अभिसमन्नागया ?  
 एवं जहा सूरियाभस्स जाव एवं खलु गोयमा ! तेणं कालेणं २ इहेव जंबु-  
 द्वीवे २ भारहे वासे आमलकप्पा नामं नयरी होत्था वण्णओ । अंव-  
 सालवणे चेइए । जियसत्तू राया । तत्थ णं आमलकप्पाए नयरीए काले  
 नामं गाहावई होत्था अट्ठे जाव अपरिभूए । तस्स णं कालस्स गाहावइस्स  
 कालसिरी नामं भारिया होत्था सुकुमाल जाव सुरूवा । तस्स णं कालस्स  
 गाहावइस्स धूया कालसिरीए भारियाए अत्तया काली नामं दारिया होत्था  
 वट्ठा वट्ठुकुमारी जुण्णा जुण्णकुमारी पडियं पुयत्थणी निव्विण्णवरा वर-  
 परिवज्जिया वि होत्था । तेणं कालेणं २ पासे अरहा पुरिसादाणीए आइगरे  
 जहा वट्ठमाणसामी नवरं नवहत्थुस्सेहे सोलसहिं समणसाहस्सीहिं अट्ठ-  
 तीसाए अज्जियासाहस्सीहिं सट्ठिं संपरिवुडे जाव अंवसालवणे समोसठे ।  
 परिसा निग्गया जाव पज्जुवासइ । तए णं सा काली दारिया इमीसे  
 कहाए लद्धट्ठा समाणा हट्ठ जाव हियया जेणेव अम्मापियरो तेणेव उवा-  
 गच्छइ २ करयल जाव एवं वयासी — एवं खलु अम्मयाओ ! पासे  
 अरहा पुरिसादाणीए आइगरे जाव विहरइ । तं इच्छामि णं अम्मयाओ !  
 तुव्भेहिं अट्ठभणुन्नाया समाणी पासस्स णं अरहओ पुरिसादाणीयस्स  
 पायवंदियाँ गमित्तए । अहासुहं देवाणुप्पिया ! मा पडिवंधं करेहि । तए  
 णं सा काली दारिया अम्मापिईहिं अट्ठभणुन्नाया समाणी हट्ठ जाव हियया  
 ण्हाया कयवलिकम्मा कयकोउयमंगलपायच्छित्ता सुद्धप्पावेसाइं मंगल्लाइं  
 वत्थाइं पवरपरिहिया अप्पमहग्घाभरणालंकियसरीरा चेडियाचक्कवालपरि-  
 किण्णा साओ गिहाओ पडिनिक्खमइ २ जेणेव वाहिरिया उवट्ठाणसाला  
 जेणेव धम्मिए जाणप्पवरे तेणेव उवागच्छइ २ धम्मियं जाणपवरं  
 दुरूढा । तए णं सा काली दारिया धम्मियं जाणप्पवरं एवं जहा दोवई  
 तहा पज्जुवासइ । तए णं पासे अरहा पुरिसादाणीए कालीए दारियाए  
 तीसे य महइमहालियाए परिसाए धम्मं कहेइ । तए णं सा काली दारिया

पासस्स अरहओ पुरिसादाणीयस्स अंतिए धम्मं सोच्चा निसम्म हट्ठ जाव हियया पासं अरहं पुरिसादाणीयं तिक्खुत्तो वंदइ नमंसइ २ एवं वयासी—सहहामि णं भंते ! निग्गंथं पावयणं जाव से जहेयं तुब्भे वयह जं नवरं देवाणुप्पिया ! अम्मापियरो आपुच्छामि तए णं अहं देवाणुप्पियाणं अंतिए जाव पव्वयामि । अहामुंहं देवाणुप्पिए । तए णं सा काली दारिया पासेणं अरहया पुरिसादाणीएणं एवं वुत्ता समाणी हट्ठ जाव हियया पासं अरहं वंदइ नमंसइ २ तमेव धम्मियं जाणप्पवरं दुरुहइ २ पासस्स अरहओ पुरिसादाणीयस्स अंतियाओ अंवसालवणाओ चेइयाओ पडि-  
 निक्खमइ २ जेणेव आमलकप्पा नयरी तेणेव उवागच्छइ २ आमलकप्पं नयरिं मज्झंमज्झेणं जेणेव बाहिरिया उवट्ठाणसाला तेणेव उवागच्छइ २ धम्मियं जाणप्पवरं ठवेइ २ धम्मियाओ जाणप्पवराओ पच्चोरुहइ २ जेणेव अम्मापियरो तेणेव उवागच्छइ २ करयलपरिग्गहियं जाव एवं वयासी — एवं खलु अम्मयाओ ! मए पासस्स अरहओ अंतिए धम्मे निसंते । से वि य धम्मे इच्छिए पडिच्छिए अभिरुइए । तए णं अहं अम्म-  
 याओ ! संसारभउट्ठिग्गा भीया जम्मणंमरणं इच्छामि णं तुब्भेहिं अब्भणुत्ताया समाणी पासस्स अरहओ अंतिए मुंडा भवित्ता आगाराओ अणगारियं पव्वइत्तए । अहासुहं देवाणुप्पिए ! मा पडिवंधं करेहि । तए णं से काले गाहावई विउलं असणं ४ उवक्खडावेइ २ मित्तनाइनियगसयणसंबंधिपरियणं आमंतेइ २ तओ पच्छा ण्हाए जाव विपुलेणं पुप्फवत्थंगंधमल्लालंकारेणं सक्कारेइ सम्माणेइ २ तस्सेव मित्त-  
 नाइनियगसयणसंबंधिपरियणस्स पुरओ कालियं दारियं सेयापीएहिं कलसेहिं ण्हावेइ २ सव्वालंकारविभूसियं करेइ २ पुरिससहस्सवाहिणिं सीयं दुरुहेइ २ मित्तनाइनियगसयणसंबंधिपरियणेणं साद्धिं संपरिवुडे सत्विट्ठीए जाव रवेणं आमलकप्पं नयरिं मज्झंमज्झेणं निग्गच्छइ २ जेणेव अंवसालवणे चेइए तेणेव उवागच्छइ २ छत्ताइए तित्थगरांइए पासइ २ सीयं ठावेइ २ कालियं दारियं सीयाओ पच्चोरुहइ । तए णं तं कालियं  
 रियं अम्मापियरो पुरओ काउं जेणेव पासे अरहा पुरिसादाणीए

तेणेव उवागच्छंति २ वंदंति नमंसंति २ एवं वयासी — एवं खलु देवाणुप्पिया ! काली दारिया अम्हं धूया इट्ठा कंता जाव किमंग पुण पासण्याए ? एस णं देवाणुप्पिया ! संसारभउव्विग्गा इच्छइ देवाणुप्पियाणं अंतिए मुंडा भवित्ता जाव पव्वइत्तए । तं एयं णं देवाणुप्पियाणं सिस्सिणिभिक्ष्वं दलयामो । पडिच्छंतु णं देवाणुप्पिया ! सिस्सिणिभिक्ष्वं । अहासुहं देवाणुप्पिया ! मा पडिवंधं । तए णं सा काली कुमारी पासं अरहं वंदइ नमंसइ २ उत्तरपुरत्थिमं दिसीभागं अवक्कमइ २ सयमेव आभरणमल्लालंकारं ओमुयइ २ सयमेव लोयं करेइ २ जेणेव पासे अरहा पुरिसादाणीए तेणेव उवागच्छइ २ पासं अरहं तिव्वुत्तो वंदइ नमंसइ २ एवं वयासी — आलित्ते णं भंते ! लोए एवं जहा देवाणंदा जाव सयमेव पव्वावेउं । तए णं पासे अरहा पुरिसादाणीए कालियं सयमेव पुप्फचूलाए अज्जाए सिस्सिणियत्ताए दलयइ । तए णं सा पुप्फचूला अज्जा कालिं कुमारीं सयमेव पव्वावेइ जाव उव-संपज्जित्ताणं विहरइ । तए णं सा काली अज्जा जाया इरियासमिया जाव गुत्तवंभयारिणी । तए णं काली अज्जा पुप्फचूलाए अज्जाए अंतिए सामाइयमाइयाइं एकारस अंगाइं अहिज्जइ बहूहिं चउत्थ जाव विहरइ । तए णं सा काली अज्जा अन्नया कयाइ सरीरवाउसिया जायावि होत्था । अभिक्खणं २ हत्थे धोवेइ पाए धोवेइ सीसं धोवेइ मुहं धोवेइ थणं-तराणि धोवेइ कक्खंताराणि धोवेइ गुज्झंताराणि धोवेइ जत्थ जत्थ वि य णं ठाणं वा सेज्जं वा निसीहियं वा चेएइ तं पुव्वामेव अब्भुक्खित्ता तओ पच्छा आसयइ वा सयइ वा । तए णं सा पुप्फचूला अज्जा कालियं अज्जं एवं वयासी — नो खलु कप्पइ देवाणुप्पिए ! समणीणं निग्गंथीणं सरीरवाउसियाणं होत्तए । तुमं च णं देवाणुप्पिए ! सरीरवाउसिया जाया अभिक्खणं २ हत्थे धोवसि जाव आसयाहि वा सयाहि वा । तं तुमं देवाणुप्पिए ! एयस्स ठाणस्स आलोएहि जाव पायच्छित्तं पडिवज्जाहि । तए णं सा काली अज्जा पुप्फचूलाए अज्जाए एयमट्ठं नो आढाइ जाव तुसिणीया संचिट्ठइ । तए णं ताओ पुप्फचूलाओ अज्जाओ कालिं अज्जं

अभिकखणं २ हीलेंति निंदंति खिंसेंति गरहंति अवमन्नंति अभिकखणं २  
 एयमट्ठं निवारेंति । तए णं तीसे कालीए अज्जाए समणीहिं निगंथीहिं  
 अभिकखणं २ हीलिज्जमाणीए जाव वारिज्जमाणीए इमेयारूवे अज्झत्थिए  
 जाव समुप्पज्जित्था । जया णं अहं अगारवासमज्झे वसिंत्था तथा णं अहं  
 सयंवसा । जप्पभिइं च णं अहं मुंडा भवित्ता अगाराओ अणगारियं  
 पव्वइया तप्पभिइं च णं अहं परवसा जाया । तं सेयं खलु मम कल्लं  
 पाउप्पभायाए रयणीए जाव जलंते पाडिक्कयं उवस्सयं उवसंपज्जित्ताणं  
 विहरित्तए त्तिकट्ठु एवं संपेहेइ २ कल्लं जाव जलंते पाडिक्कं उवस्सयं  
 गेण्हइ तत्थ णं अणिवारिया अणोहट्ठिया सच्छंदमई अभिकखणं २ हत्थे  
 धोवेइ जाव आसयइ वा सयइ वा । तए णं सा काली अज्जा पासत्था  
 पासत्थविहारी ओसन्ना ओसन्नविहारी कुसीला कुसीलविहारी अहाछंदा  
 अहाछंदविहारी संसत्ता संसत्तविहारी बहूणि वासाणि सामण्णपरियागं  
 पाउणइ २ अद्धमासियाए संलेहणाए अप्पाणं झूसेइ २ तीसं भत्ताइं  
 अणसणाए छेएइ २ तस्स ठाणस्स अणालोइयअपडिक्कंता कालमासे  
 कालं किच्चा चमरचंचाए रायहाणीए कालवडिंसए भवणे उववायसभाए  
 देवसयणिज्जांसि देवदूसंतरिया अंगुलस्स असंखेज्जभागमेत्ताए ओगाह-  
 णाए कालीदेवित्ताए उववन्ना । तए णं सा काली देवी अहुणोववन्ना  
 समाणी पंचविहाए पज्जत्तीए जहा सूरियाओ जाव भासामणपज्जत्तीए ।  
 तए णं सा काली देवी चउण्हं सामाणियसाहस्सीणं जाव अन्नेसिं च  
 बहूणं कालवडेंसगभवणवासीणं असुरकुमाराणं देवाण य देवीण य आहेवचं  
 जाव विहरइ । एवं खलु गोयमा ! कालीए देवीए सा दिव्वा देविड्डी ३  
 लद्धा पत्ता अभिसमन्नागया । कालीए णं भंते ! देवीए केवइयं कालं  
 ठिई पन्नत्ता ? गोयमा ! अट्ठाइज्जाइं पलिओवमाइं ठिई पन्नत्ता । काली  
 णं भंते ! देवी ताओ देवलोगाओ अणंतरं उवट्ठित्ता कहिं गच्छिहिइ कहिं  
 उववज्जिहिइ ? गोयमा ! महाविदेहे वासे सिज्झिहिइ जाव अंतं काहिइ ।  
 एवं खलु जंबू ! समणेणं जाव संपत्तेणं पढमस्स वग्गस्स पढमज्झयणस्स  
 अयमट्ठे पन्नत्ते त्तियेमि ।

(152) (i) जइ णं भंते ! समणेणं० धम्मकहाणं पढमस्स वग्गस्स पढमज्झयणस्स अयमट्ठे पन्नत्ते विइयस्स णं भंते ! अज्झयणस्स समणेणं जाव संपत्तेणं के अट्ठे पन्नत्ते ? एवं खलु जंवू ! तेणं कालेणं २ रायगिहे नयरे गुणसिलए चेइए सामी समोसढे परिसा निग्गया जाव पज्जुवासइ । तेणं कालेणं २ राई देवी चमरचंचाए रायहाणीए एवं जहा काली तहेव आगया नट्टविहिं उवदंसित्ता पडिगया । भंतोत्ति भगवं गोयमे पुव्वभवपुच्छा । एवं खलु गोयमा ! तेणं कालेणं २ आमलकप्पा नयरी अंवसालवणे चेइए जियसत्तू राया राई गाहावई राइसिरी भारिया राई दारिया पासस्स समोसरणं राई दारिया जहेव काली तहेव निक्खंता तहेव सरीरवाउसिया तं चेव सव्वं जाव अंतं काहिइ । एवं खलु जंवू ! विइयज्झयणस्स निक्खेवओ ॥ जइ णं भंते तइयज्झयणस्स उक्खेवओ । एवं खलु जंवू ! रायगिहे नयरे गुणसिलए चेइए एवं जहेव राई तहेव रयणी वि नवरं आमलकप्पा नयरी रयणे गाहावई रयणसिरी भारिया रयणी दारिया सेसं तहेव जाव अंतं काहिइ । एवं विज्जू वि आमलकप्पा नयरी विज्जू गाहावई विज्जुसिरी भारिया विज्जू दारिया सेसं तहेव । एवं मेहा वि आमलकप्पाए नयरीए मेहे गाहावई मेहसिरी भारिया मेहा दारिया सेसं तहेव । एवं खलु जंवू समणेणं जाव संपत्तेणं धम्मकहाणं पढमस्स वग्गस्स अयमट्ठे पन्नत्ते ।

(153) (ii) जइ णं भंते ! समणेणं० दोच्चस्स वग्गस्स उक्खेवओ । एवं खलु जंवू ! समणेणं० दोच्चस्स वग्गस्स पंच अज्झयणा पन्नत्ता तंजहा—सुंभा निसुंभा रंभा निरंभा मयणा । जइ णं भंते ! समणेणं० धम्मकहाणं दोच्चस्स वग्गस्स पंच अज्झयणा पन्नत्ता दोच्चस्स णं भंते ! वग्गस्स पढमज्झयणस्स के अट्ठे पन्नत्ते ? एवं खलु जंवू ! तेणं कालेणं २ रायगिहे नयरे गुणसिलए चेइए सामी समोसढे परिसा निग्गया जाव पज्जुवासइ । तेणं कालेणं २ सुंभा देवी वलिचंचाए रायहाणीए सुंभवडेंसए भवणे सुंभांसि सीहासणंसि कालीगमणं जाव नट्टविहिं उवदसेत्ता जाव पडिगया । पुव्वभवपुच्छा । सावत्थी नयरी कोट्टए चेइए जियसत्तू

राया सुंभे गाहावई सुंभसिरी भारिया सुंभा दारिया सेसं जहा कालीए नवरं अद्धुद्धाई पलिओवमाई ठिई । एवं खलु जंबू ! निक्खेवओ अज्झयणस्स । एवं सेसावि चत्तारि अज्झयणा सावस्थीए नवरं । माया पिंया सरिसनामया । एवं खलु जंबू ! निक्खेवओ विइयवग्गस्स ।

(154) (iii) उक्खेवो तइयवग्गस्स । एवं खलु जंबू ! समणेणं० तइयवग्गस्स चउपन्नं अज्झयणा पन्नत्ता तंजहा — पढमे अज्झयणे जाव चउपन्नत्तिमे अज्झयणे । जइ णं भंते ! समणेणं० धम्मकहाणं तइयवग्गस्स चउपन्नं अज्झयणा पन्नत्ता पढमस्स णं भंते ! अज्झयणस्स समणेणं के अट्ठे पन्नत्ते ? एवं खलु जंबू ! तेणं कालेणं तेणं समएणं रायगिहे नयरे गुणासिलए चेइए सामी समोसठे परिसा निग्गया जाव पज्जुवासइ । तेणं कालेणं २ अलं देवी धरणाए रायहाणीए अलावडेंसए भवणे अलंसि सीहासणंसि एवं कालीगमएणं जाव नट्टविहिं उवदंसेत्ता पडिगया । पुव्वभवपुच्छा । वाणारसीए नयरीए काममहावणे चेइए अले गाहावई अलसिरी भारिया ईला दारिया सेसं जहा कालीए नवरं धरणअग्गमहिसित्ताए उववाओ साइरेगं अद्धपलिओवमं ठिई सेसं तहेव । एवं खलु निक्खेवओ पढमज्झयणस्स । एवं कमसोतरा सोयामणी इंदा घणया विज्जुया वि । सव्वाओ एयाओ धरणस्स अग्गमहिसीओ । एए छ अज्झयणा वेणुदेवस्स वि अविसेसिया भाणियव्वा । एवं जाव घोसस्स वि एए चेव छ अज्झयणा । एवमेते दाहिणिह्लाणं इंदाणं चउपन्नं अज्झयणा भवंति सव्वाओ वि वाणारसीए काममहावणे चेइए । तइयवग्गस्स निक्खेवगो ।

(155) (iv) चउत्थस्स उक्खेवगो । एवं खलु जंबू ! समणेणं० धम्मकहाणं चउत्थवग्गस्स चउपन्नं अज्झयणा पन्नत्ता तंजहा — पढमे अज्झयणे जाव चउपन्नइमे अज्झयणे । पढमस्स अज्झयणस्स उक्खेवगो । एवं खलु जंबू ! तेणं कालेणं २ रायगिहे समोसरणं जाव परिसा पज्जुवासइ । तेणं कालेणं २ रूया देवी रूयाणंदा रायहाणी रूयगवडेंसए भवणे रूयगंसि सीहासणंसि जहा कालीए तहा नवरं पुव्वभवे चंपाए पुण्णभदे चेइए रूयगगाहावई रूयगसिरी भारिया रूया दारिया सेसं तहेव

नवरं भूयाणंदा अग्गमहिसित्ताए उववाओ देसूणं पलिओवमं ठिई ।  
 निक्खेवओ । एवं खलु सुरूया वि रूयंसा वि रूयगावई वि रूयकंता वि  
 रूयप्पभा वि । एयाओ चेव उत्तरिल्लाणं इंदाणं भाणियव्वाओ जाव  
 महाघोसस्स । निक्खेवओ चउत्थवग्गस्स ।

(156) (v) पंचमवग्गस्स उक्खेवओ । एवं खलु जंवू ! जाव वत्तीसं  
 अज्झयणा पन्नत्ता तंजहा — कमला कमलप्पभा चेव उप्पला य सुदंसणा ।  
 रुववई बहुरूवा सुरूवा सुभगा वि<sup>१</sup> य ॥१॥ पुण्णा वहुपुत्तिया चेव  
 उत्तमां भारिया वि य । पउमा वसुमई चेव कणगा कणगप्पभा ॥२॥  
 वडेंसा केऊमई चेव वइरसेणा रइप्पिया । रोहिणी नवमिया चेव हिरी  
 पुप्फवई वि य ॥३॥ भुयगा भुयगवई चेव महाकच्छा पैराइया । सुघोसा  
 विमला चेव सुस्सरा य सरस्सई ॥४॥ उक्खेवओ पढमज्झयणस्स । एवं खलु  
 जंवू ! तेणं कालेणं २ रायगिहे समोसरणं जाव परिस्ता पज्जुवासइ ।  
 तेणं कालेणं २ कमला देवी कमलाए रायहाणीए कमलवडेंसए भवणे  
 कमलंसि सीहासणंसि सेसं जहा कालीए तद्देव नवरं पुव्वभवे नागपुरे  
 नयरे सहसंववणे उज्जाणे कमलस्स गाहावइस्स कमलासिरीए भारियाए  
 कमला दारिया पासस्स अंतिए निक्खंता कालस्स पिसायकुमारिंदस्स  
 अग्गमहिंसी अद्धपलिओवमं ठिई । एवं सेसा वि अज्झयणा दाहिणिह्हाणं  
 वाणमंतरिंदाणं भाणियव्वाओ नागपुरे सहसंववणे उज्जाणे मायापियरो धूया सरिस-  
 नामया ठिई अद्धपलिओवमं । पंचमो वग्गो समत्तो ।

(157) (vi) छट्ठो वि वग्गो पंचमवग्गसरिसो नवरं महाकार्याईणं  
 उत्तरिल्लाणं इंदाणं अग्गमहिंसीओ । पुव्वभवे सागेए नयरे उत्तरकुरुउज्जाणे  
 मायापियरो धूया सरिसनामया । सेसं तं चेव । छट्ठो वग्गो समत्तो ।

(158) (vii) सत्तमस्स वग्गस्स उक्खेवओ । एवं खलु जंवू ! जाव  
 चत्तारि अज्झयणा पन्नत्ता तंजहा — सूरप्पभा आयवा अच्चिमाली पभं-  
 करा । पढमज्झयणस्स उक्खेवओ । एवं खलु जंवू ! तेणं कालेणं तेणं समएणं  
 रायगिहे समोसरणं जाव परिस्ता पज्जुवासइ । तेणं कालेणं २ सूरप्पभा  
 देवी सूरंसि विमाणंसि सूरप्पभंसि सीहासणंसि सेसं जहा कालीए तद्देव

नवरं पुव्वभवो अरक्खुरीए नयरीए सूरप्पभस्स गाहावइस्स सूरसिरीए भारियाए सूरप्पभा दारिया सूरस्स अग्गमहिंसी ठिई अद्धपलिओवमं पंचहिं वाससएहिं अब्भहियं सेसं जहा कालीए । एवं सेसाओ वि सव्वाओ अरक्खुरीए नयरीए । सत्तमो वग्गो समत्तो ।

(159) (viii) अट्ठमस्स उक्खेवओ । एवं खलु जंबू ! जाव चत्तारि अज्झयणा पन्नत्ता तंजहा — चंदप्पभा दोसिनाभा अच्चिमाली पभंकरा । पढमज्झयणस्स उक्खेवओ । एवं खलु जंबू ! तेणं कालेणं तेणं समएणं रायगिहे समोसरणं जाव परिसा पज्जुवासइ । तेणं कालेणं २ चंदप्पभा देवी चंदप्पभंसि विमाणंसि चंदप्पभंसि सीहासणंसि सेसं जहा कालीए नवरं पुव्वभवो महुराए नयरीए भंडिवडेंसए उज्जाणे चंदप्पभे गाहावई चंदसिरी भारिया चंदप्पभा दारिया चंदस्स अग्गमहिंसी ठिई अद्धपलि-ओवमं पन्नासवाससहस्सेहिं अब्भहियं । सेसं जहा कालीए । एवं सेसाओ वि महुराए नयरीए मायापियरो धूया सारिसनामा । अट्ठमो वग्गो समत्तो ।

(160) (ix) नवमस्स उक्खेवओ । एवं खलु जंबू ! जाव अट्ठ अज्झयणा पन्नत्ता तंजहा — पउमा सिवा सई अंजू रोहिणी नमिया इ य । अयला अच्छरा ॥ पढमज्झयणस्स उक्खेवओ । एवं खलु जंबू ! तेणं कालेणं २ रायगिहे समोसरणं जाव परिसा पज्जुवासइ । तेणं कालेणं २ पउमावई देवी सोहम्मे कप्पे पउमवडेंसए विमाणे सभाए सुहम्माए पउमंसि सीहासणंसि जहा कालीए एवं अट्ठ वि अज्झयणा कालीगमएणं नायव्वा नवरं सावत्थीए दोजणीओ हत्थिणाउरे दोजणीओ कंपिल्लपुरे दोजणीओ साएए दोजणीओ पउमे पियरो विजया मायराओ सव्वाओ वि पासस्स अंतियं पव्वइयाओ सक्कस्स अग्गमहिंसीओ ठिई सत्त पलिओवमाइं महाविदेहे वासे अंतं काहिंति । नवमो वग्गो समत्तो ।

(161) (x) दसमस्स उक्खेवओ । एवं खलु जंबू ! जाव अट्ठ अज्झ-यणा पन्नत्ता तंजहा — कण्हा य कण्हराई रामा तह रामरक्खिया वसू या । वसुगुत्ता वसुमित्ता वसुंधरा चेव ईसाणे ॥१॥ पढमज्झयणस्स उक्खेवओ । एवं खलु जंबू ! तेणं कालेणं तेणं समएणं रायगिहे समोसरणं जाव



परिसा पज्जुवासइ । तेणं कालेणं २ कण्हा देवी ईसाणे कप्पे कण्हवडेंसए  
 विमाणे सभाए सुहम्माए कण्हंसि सीहासणंसि सेसं जहा कालीए एवं  
 अट्ठ वि अज्झयणा कालीगमणं नायव्वा नवरं पुण्वभवो वाणारसीए नयरीए  
 दोजणीओ रायगिहे नयरे दोजणीओ सावत्थीनयरीए दोजणीओ कोसंवीए  
 नयरीए दोजणीओ रामे पिया धम्मा माया सव्वाओ वि पासस्स  
 अरहओ अंतिए पण्वइयाओ पुप्फचूलाए अज्जाए सिस्सिणियत्ताए  
 ईसाणस्स अग्गमहिसीओ ठिई नवपलिओवसाइं महाविदेहे वासे  
 सिज्झिंहिति बुज्झिंहिति मुच्चिंहिति सव्वदुक्खाणं अंतं काहिति । एवं  
 खलु जंवू ! निक्खेवगो दसमवग्गस्स । दसमो वग्गो समत्तो ।

(162) एवं खलु जंवू ! समणेणं भगवया महावीरेणं आइगरेणं  
 तित्थगरेणं सयंसंबुद्धेणं पुरिसोत्तमेणं पुरिसीहेणं जाव संपत्तेणं  
 धम्मकहाणं अयमट्ठे पन्नत्ते । धम्मकहा सुयक्खंधो सम्मत्तो । दसहिं  
 वग्गेहिं नायाधम्मकहाओ सम्मत्ताओ ॥

॥ वीओ सुयक्खंधो समत्तो ॥

॥ नायाधम्मकहाओ सम्मत्ताओ ॥

# VARIANT READINGS

[A. B. C. E. are the MSS. collated, P. stands for the Āgamodaya Samiti Edition, Com.—commentary.]

[Page 1] 1. C. चेईए. 2. C. वलसंपन्ने रुवसंपन्ने विणयनाणसंपन्ने दंसण... संपन्ने. 3. C. °लोभे. 4. C. °वमचरेवय° and omits नय. 5. C. B. °चरित्त only. 6. B. नगरो. 7. C. °चेईए°. [Page 2] 1. C. आय°. 2. C. omits पुरिसुत्तमेणं...लोयुत्तमेणं. 3 & 4. C. omits. 5. C. जिणएणं. 6. C. B. A. °खं°. 7-8. C. omits. 9. A. B. माई°. 10. C. मंडुए. 11. C. संस°. B. सुसु°. 12. C. omits. [Page 3] 1. C. इ. 2. C. has throughout °गेहे. 3. B. A. नग°. 4. C. सुय° A. सुमा°. 5. C. कम्म°; B. कम्मइया°. 6. C. चुवि; B. चव्वि°. 7. C. B. कुटं. 8. C. वियन्न°. 9. C. °क°. 10. C. °भत्त°. 11. C. °छहाऊ°; A. °धाऊधवल°. 12. B. A. °सत्थ°. 13. C. पुम°. 14. P. वंदन°; Com. notes the V. L. चंदन°. [Page 4] 1. C. B. A. °गंध°. 2. A. changes °किरण° to °रयण°. 3. C. °ट्टी°. 4. C. °य°. 5. C. उव°. 6. C. °भं. 7. C. °कारं. 8. C. B. °सिया. 9. C. °यंव°. 10. C. समूस्सिय°; A. B. समूसविय°. 11. A. B. °रुभ°. 12. C. omits °गंभीर°; A. B. omit °रिभिय°. 13. C. °ट्टी°. 14. A. B. सि°. 15. C. के सि धम्मं जाव; B. केसिमं जाव. 16. A. B. Generally read सिमिण for सुमिण. [Page 5] 1. B. अणुपवि°. 2. B. E. मिउ°; C. E. omit °रिभिय°. 3. C. E. उराला. 4. C. तुम्भे. 5. A. B. E. omit. 6. A. B. E. देवी. 7. B. E. °कारगा. 8. C. देवानुप्पिए. 9. C. splits the Cpd. and has different sentences. 10. C. राय°. 11. C. °वडें°. 12. C. A. omit. E. °तिलग. 13. A. B. विन्नय°. 14. E. °विउल°. 15. E. देवानुप्पिया after each word. 16. C. वद°. 17. C. हमिहोति त्ति. [Page 6] 1. C. कोटंविय°; E. कोडं°. 2. C. °गुरु°. 3. C. E. °गंध°. 4. C. E. एव°; B. एवम्मा°. 5. C. °पंडरे; B. E. अहपंडरे. 6. P. गुंजद्धराग°. 7. P. °जासुयण°; Com. reads °जासुमिण°. 8. B. °गरे. 9. E. दिणकरपरंपरोयार°; B. दिणकरपरंपरायारपरुद्धंमि; C. दिणकरकरपरसपरोवयार°. 10. C. खचि°; E. खइए°. 11. C. °णुपगासविक°. 12. E. °यर; C. °कर. 13. B. °जुज्झ°. 14. C. °माई°; B. °मादि°. 15. E. मद्°; B. मद्°. 16. C. वय°; E. omits. 17. C. अविंभगे°. 18. C. अविंभ°. 19. C. पि°. 20. C. E. अविंभ°. 21. E. °निम्मलगुणेहिं for निम्माएहिं. 22. C. चुवि°. 23. C. B. अवट्ट°. [Page 7] 1. E. °जालाकुलाभि°; B. समुत्त°.

2. E. omits. 3. C. generally reads सुकमाल. 4. E.B. °कासाइलू°. 5. E. पिण°. 6. C. सुड; cf. चुविह supra. 7. C.E. omit विमल. 8. C. °सैत°; B.A.सित°. 9. B. °रैट°. 10. E. reads उभओ before this. 11. C. E. °कोड°. 12. C. °पाल°; 13. E. विविह for विव and joins it to the next word. 14. E. नरिन्दे after this. 15. B. E. °भागे. 16. E. °मणिकणगरयण°. 17. C.B. omit मउअ. [Page 8] 1. E. सुत्तत्थधारए पारए. 2. E. सुमिणलक्खण°. 3. E. सुविणलक्खण°. 4. E. सुविणलक्खण°; C. सुमिणलक्खण°. 5. E. सएहिंते. 6. E. मिल°. 7. E. सुविण°. 8. E. स्मिणलक्खण°. 9. E. संलवेति B. संलवेति [Page 9] 1. C. omits. 2. B. A. °उसह°. 3. E. °भुवन°. 4. C. सिंहिं. 5. C. E. चत्तारि. 6. C. एगं. 7. E. सामी after this. 8. C. पयाहि; E. पयाहिसि. 9. E. °मेत्ते. 10. C. वियक्केंते. 11. B. C. °विपुल°. 12. C. वदह. [Page 10] 1. C. वइ°. 2. E. तई°. 3. C. दोहद°. 4. B. E. डोहले. 5. E. मेहे. 6. E. omits. 7. E. °ज्जाए; B. °ज्जा°. 8. E. °त्राए. 9. C. °पुम°. 10. C. °कंसूय°; B. °कंसूय°. 11. C. °हिंगलोय° B. °हिंगलुय°. 12. E. °गुलिय°. 13. C. °सुय°. 14. B. °सामग°; E. °साम°. 15. E. °गण°. 16. E. °संस°; C. °सिक्कि°. 17. E. omits one उवरि. 18. E. °वियमेइणि°. 19. C. वेळि°; E. वेळिय. 20. E. °पन्वय°. 21. E. °कूडग°. 22. E. °निम्मकडुय°. 23. E. °कुडयकडय°. 24. C. E. °रय°. [Page 11] 1. E. B. ओणय°. 2. Com. °भामिय°. 3. E. °तारगणपेइसु; B. °तारगण°. 4. C. °बंध°. 5. E. ओइन्नवलाहग°. 6. C. पाव°. 7. E. किन्नो for किंते. 8. E. °त्तिउयओविय°; Com. °उच्चिय°. 9. C. B. °खडुय°. 10. E. °गु°; E. B. omit पवर. 11. E. B. °वइर°. 12. E. सद्धि after this. 13. C. °चुसुइ°. 14. C. आसिय°. [Page 12] 1. E. reads अवलंविं after this. [Page 13] 1. C. तो. 2. C. चुविहाए; E. चउव्विहाए. 3. C. E. दुद्धीए. [Page 14] 1. E. मणामाहिं instead. 2. E. उरालाहिं कळाणाहि. [Page 15] 1. C. पडिला-मिए instead. 2. MSS. generally write उमुक्क°. 3. C. उप्पज्जेसु; E. समुप्पज्जेसु. 4. E. reads जत्थ णं after this. [Page 16] 1. C. B. °सोहे; E. °सोक्खे. 2. C. B. °गमणुगुणजणिय°; E. °गमणुठाण°. 3. B. °हासे. 4. E. °गम्भ° for °मज्झ°. 5. C. उडु°. 6. C. °सम्मत्त°; E. °संसत्त°. 7. C. E. B. गंध°. 8. E. विगुवित्त°; B. विगुवित्त°. 9. E. °धंतो. 10. B. °लोगं. 11. E. णयरं instead. 12. B. reads 'य तत्स' after this. 13. E. B. संगि°. 14. E. हियं इच्छिय. [Page 17] 1. MSS. write दोहल as well as डोहल. 2. C. always °माऊयाए. 3. B. °सि°. 4. C. गज्जइ; E. गच्छइ. 5. C. पावत्त°. 6. C. °ऊ. 7. C. °माऊयाए. 8. C. B. धारिणीए देवीए. 8. C. कोदं°; E. कोडं°; B. कोट्ट°. I have retained कोडुंविं throughout. 9. C. एव°.

- [Page 18] 1. E. सेयवरचामर°. 2. C. °द्विया. 3. C नगर°. 4. C. चेढीसु य जूएसु य etc; E. चोण्हीसु; B. चेण्हीसु. 5. C. B. E. विय°. 6. E. °भोए°. [Page 19] 1. C. generally सुकमाल. [Page 20] 1. C. एव°. 2. C. after this adds उकिट्ठं अमेज्जं अदेज्जं. 3. E. B. अव्वाय°. 4. E. B. सुइ°. 5. E. गम्भगयस्स. [Page 21] 1. E. छावणि°; B. वावणि°. 2. C. °द्वडि°. 3. B. °अक्कणि°. 4. C. हत्थि. 5. E. गहिज्ज°. 6. C. परिगिज्ज°; E. °गिज्ज°; B. परंगिज्ज°. 7. C. बालावणयं. [Page 22] 1. C. वत्थ°. 2. E. कट्ठ°. 3. C. °रुव°. 4. C. रुव. 5. E. B. omit वत्थ. 6. B. °विह°. 7. C. °पवर° for °वयर°. [Page 23] 1. E. B. आणियाळि°. 2. C. °उववयाण°. 3. C. °भोए°. 4. C. E. उवलोए°. [Page 24] 1. C. °सइहे. 2. C. वु°: E. वु°. [Page 25] 1. E. °लक्खणओ ओलग°; 2. E. चेयगमइ°; 3. E. फरसु°. 4. B. °महिमव° [Page 26] 1. E. संफु°; 2. C. omits; 3. E. कामभोए for भवे; 4. C. अनित्तिए; 5. C. केस; 6. C. सरिसवयाओ; 7. E. आणिल्लि°. [Page 27] 1. C. E. have the whole Sentence के णं जाणड के पुब्बि etc; 2. C. B. omit सार; 3. E. B. जाव after this; 4. E. omits तं; 5. C. संवुद्धे. [Page 28] 1. C. एव; 2. C. B. omit 'चं'; 3. E. असिधारासंचरणवयं; 4. C. B. E. °वु°; 5. C. E. वीर° [Page 29] 1. C. E. कुमार; 2. E. B. °वेउं [Page 30] 1. C. E. तुम्हे; 2. C. E. चउप्पला°; 3. E. सेयपीयएहि°; 4. C. रयणमउडं; 5. C. B. ददुर [Page 31] 1. C. सालि°; 2. C. अम्म°; 3. C. ओधा°; 4. B. दुवे उ; 5. B. पासे; E. पासि°; 6. E. ओहीर°. [Page 32] 1. B. °किइ°; 2. C. सरिस-वयाणं; 3. C. °णीयं; 4. C. वुत्ता समाणा; 5. B. supplies the whole passage indicated by जाव, but again reads as in the text; 6. C. °धणियवलि-यवद्ध°; 7. C. भगवओ. [Page 33] 1. B. जम्मणजरमरणणं; 2. E. एवमग्गे; B. एमेव मग्गे; 3. C. Very often writes अम्हा°; 4. Com. अप्सारे; 5. B. °गुरु°; 6. E. B. ख°; [Page 34] 1. C. आयार°; 2. E. ममे after this; B. also मम above the line; 3. E. अणगारं instead; 4. E. एवमेव; 5. E. अणगारे; 6. E. पडिच्छइ; 7. E. From now on substitutes अणगार for कुमार after मेह; 8. C. वार°; E. पाय°; 9. C. सीसेहि°; 10. C. पिट्ठेहि°. [Page 35] 1. E. adds after this:—'संधाराओ आययंति', and omits राओ; 2. C. आगारवास°; 3. C. °रुवयं; E. °संतियं; 4. B. तं रयणि°; 5. C. B. E. °मज्झा; 6. E. पव्वइए; C. B. omit; 7. C. निव्वइय°; 8. E. B. संखउल°; P. संखद-लउज्जल°; 9. C. समए; 10. C. °गत्तवरे. [Page 36] 1. C. पागट्टी (·ट्टी?); 2. C. पट्टवहए; 3. C. जूहाहिर्वइ; 4. C. परिवट्ठिए; Com. °वड्डिए; 5. C. °रुई; 6. C. °डे°; 7. E. कुं. 8. C. °यरेसु य; 9. C. पावस°; 10. C. omits मय; 11. E. and Com. °किमिव°; Com. °किमिण°; 12. C. °वाइय°; 13. C. °पायपडिय°; B. °पायडिय°; 14. C. वसंतेसु; 15. B. गिम्हम्हउण्ह°; Com. गिम्हउम्हउण्ह°; 16. B. संवट्टइएसु; 17. C. E. B. सीयर°. [Page 37] 1. E. B. °ल्ला°; 2. C. E. विणिट्ठरहे°; 3. E. पाए; 4. E. लेड°; B. लंड°. 5. E. झुंझिए; B. Com. जुंजिए. They are Synonymous. 6. C. °सू°; 7. C. °पलिद्धे; 8. C. omits the words च णं महं; 9. C. B. °त्थेणं; 10. C. पाविए; 11. E. थिर°; 12. B. सु°; 13. C.

उट्ठमं; E. B. उट्ठु; 14. B. adds तिउणा after this; Com. and P. तिउला; 15. B. होत्था; 16. E. वीसं; 17. C. omits; 18. C. गयवरजुवां  
 19. C. omits गय; 20. E. तुमे महागम्भं etc. omits मेहा. [Page 38]  
 1. C. रत्तुप्पलसूमां; E. उप्पलरत्तं; 2. C. B. 'मणं; 3. C. 'पालियातं; B.  
 'पालियत्तयं; 4. C. 'कणेरुहत्थी; E. गणियायारं; 5. B. Com. 'संताणं; 6. C. 'काइंशि.  
 [Page 39] 1. B. खुवे; 2. P. and Com. विवहणं; Dict. notes विहवण= विनाश;  
 3. B. 'उद्धतं; 4. C. 'कइं; B. 'पसुघाओ; P. 'पंसु Com. notes this;  
 5. B. कुसुमकयचामरं; Com. notes the V. L. 'उउयकुसुम,' his reading drops उउय;  
 6. B. 'समयं; E. उउयसमयं; 7. E. B. Com. 'सिहरं; Com. reads सिरिहर and notes the V. L.; C. 'भीमंतरं;  
 8. Com. reads आयवाल्महंतं and notes आयवालेय as V. L. [Page 40]  
 1. C. पादपवंसं; 2. B. दसोदिसिं; 3. C. adds चिल्ला after this, retaining चिल्ला also;  
 4. E. B. 'भयविहुया; 5. E. B. अणुखित्ते; 6. C. generally रायंदियं; 7. E. 'वलिततियं; 8. C. झंझिए;  
 E. झुझिए; Cp. supra page 37; 9. P. Com. add अचंकमणो वा; 10. B. 'कडे;  
 P. Com. ठाणुखंडे; 11. E. B. रयंतं probably wrong for रयत; Com. रययां;  
 P. रयतं. [Page 41] 1. E. 'दातं (for 'पत्तं) bad writing for 'दंतं which is the Com.'s reading;  
 2. P. 'जाईसंभरणे; Com. notes 'पुव्वभवे, and reads as in the text;  
 3. C. आणंदसंपुन्नमेहे; E. आणंदसंपुन्नं; 4. E. समूसवियं;  
 5. C. B. 'मायाउत्तिथं; 6. E. 'क्खह; 7. C. B. 'उत्तिथं; 8. E. B. पडिच्छइ.  
 [Page 42] 1. C. एगारस; 2. E. सोहेइ; 3. C. दोचाए; 4. C. तच्चाए;  
 5. C. 'कड्डए; E. 'कडए. [Page 43] 1. C. एगां; 2. E. B. पंचदसमे;  
 3. C. उदयग्गेणं; 4. C. कडिकडिं; 5. C. B. तिलंडासगडिया; E. तिलदडां;  
 6. E. भासभस्तरासिं. [Page 44] 1. E. B. आरुं; 2. C. कडाहीएहिं;  
 B. कडावेहिं; 3. E. मासीसेलेहणाद्धसियस्स; 4. P. अहं; 5. C. कडाइएहिं.  
 [Page 45] 1. C. Omits कट्टु; 2. E. B. एवं; 3. E. पाओव-गमणकालं;  
 4. C. वासाइं; 5. E. B. अणु. [Page 46] 1. C. एयस्स; 2. E. 'न्वयाइं;  
 3. C. 'पाणयअच्चुए; E. 'पाणच्चुए; 4. C. omits महा; 5. C. अप्पोपं.  
 [Page 47] 1. B. वितयं; C. वियस्स; 2. C. Throughout 'थेहे as in chapter I;  
 3. B. तस्स; 4. E. पडिं; 5. C. B. E. जिणुं; 6. E. किण्हां; 7. P. धण्णे throughout;  
 8. C. सुकं. [Page 48] 1. C. 'खुइं; 2. C. आरसियं and omits 'रत्तं;  
 3. C. E. 'फरस्; 4. C. 'पयत्तं for 'पइण्णं; 5. C. पभित्तए;  
 B. पभइए; 6. E. सव्वोगाही; Com. सव्वगाही; 7. C. उवट्टिए;  
 E. उव्वहिए; 8. E. अभिं; 9. B. जूवं; 10. E. 'सरपंतियासु य सरसरपंतियासु य.  
 [Page 49] 1. E. पसुयामि; P. पयायामि; 2. E. 'मूले; B. 'मूलकक्खं;  
 3. C. B. अइसरं; 4. E. B. निवेसियाणं; C. निवेसेइ; 2 वेसियाणं; 5. E. C. धन्ने णं;  
 The Mss. sometimes spell it thus, but usually it is 'धण,' and so for the sake of uniformity, I have retained single 'ण' throughout;  
 6. P. पुप्फक्खं; 7. C. सद्धं; 8. C. Invariably writes

°गे° for °गि°; for गिह also, it writes गेह; 9. C. महा°; 10. E. जाणु°; 11. C. पयामि; 12. C. उवायं; 13. E. B. उववा°; C. उवायत्तए; 14. C. वहुय (Usually C. writes वहुय for वहुई); 15. C. उवायं; 16. P. °गंधवत्थ°. [Page 50] 1. C. °साडगा; E. पडगसाडिया; 2. B. तत्थेव; 3. P. reads ताई after this; 4. E. omits °वत्थ°; 5. E. B. omit; 6. C. महा°; 7. B. °गच्छइ; 8. C. जक्खा instead; 9. B. उववा°; 10. P. पुप्फवत्थ°; 11. E. B. परि° [Page 51] 1. C. उवणेत्ति; E. विणयंत्ति; 2. C. ते; 3. E. नागर-महिलाए; 4. C. generally रायंदि°; 5. E. उवाय°; 6. C. होऊ. [Page 52] 1. C. °कारेणं; E. °कारे संमु°; 2. E. °द्वा°; 3. E. जीविय°; 4. C. तहेव; 5. C. E. सुयं; 6. C. पवित्ति; 7. C. निवाए; E. omits; P. हते; The com., however, reads °नीए°; हते is obviously wrong. None of the five Mss. read हते; 8. E. अवखित्ते. [Page 53] 1. C. चंपगलया य; but it is obviously wrong; 2. C. generally writes महुत्त°; Dict. notes this Spelling also, but I have retained मुहुत्त° throughout; 3. C. °थं; 4. P. Com. °वद्धवम्मियकवया; 5. E. जीविय°; 6. C. °मगगणम°; 7. E. निवाए°. [Page 54] 1. C. उक्खिरिएमाणा—but the Dict. does not note this word; E. पक्खिवमाणे; B. पकेर°; 2. B. राया°; E. अमच्चे; 3. P. एत्थद्दे instead; Com. नन्नत्थ; 4. E. विणिवा°; 5. B. °नियगसयण°; 6. C. °दा°; 7. C. वहु. य; 8. C. लहूयंसि; 9. D. संपलगे; 10. E. चारगसाला; 11. E. चारगसालं; 12. E. °डावेइ°; 13. B. भायणाइ; 14. B. गच्छण्हं—probably a formation from गच्छह + णं; 15. C. °पिंडं; 16. C. °ल्लि°; 17. B. भायणाइ; E. omits this and the next word; 18. E. एत्तो. [Page 55] 1. C. °कर°; 2. C. पड°; 3. C. एयं instead; E. omits; 4. C. °पिंडं; E. °पिंडगं; 5. E. B. °ब्भमाण°; 6. C. °ट्ठवावेहि; 7. C. म°; 8. A. धेणे विजएणं [Page 56] 1. E. B. °पिंडयं; C. °पिंडं; 2. C. कारा°; 3. C. अदायमट्ठियं; 4. E. B. सरीरकुसलं पुच्छंति; 5. C. पुरिसा; 6. C. भवंति; 7. E. B. भइगा; C. भायया; 8. C. भाणेजा; 9. E. वाप्फमोचणं. [Page 57] 1. C. रज्ज°; 2. C. सोयवेत्ति; 3. B. संघाडियए; E. घोडियए; 4. B. E. परब्भमाणे; 5. C. उववाट्ठिता; 6. P. reads after this—दाहमद्धं; 7. C. बुज्झंति instead; 8. P. °धम्मघोसा नामं' before this: But none of the five Mss. give it; 9. E. अब्भ°. [Page 58] 1. C. सरीरचिंता; 2. E. B. omit °वल°; 3. E. वूहणयाए; P. वहणयाए; 4. C. °प्पयाणाणि; P. °प्पाड°; 5. C. अणायं. [Page 59] 1. Com. सव्वोउए and notes सव्वोउय°; 2. P. वर° for वण°; 3. C. परियाणए; 4. C. पिट्ठंडी°; E. पिट्ठुंडी-पंडरे; 5. E. B. किच्चाइ; 6. C. पव्वया; 7. Com. notes संहिच्च; 8. C. चुसट्ठि°. This is a peculiarity of MS. 'C' to form such samdhis; 9. C. omits चउसट्ठि. [Page 60] 1. E. B. पुव्वावरण्ह°; 2. B. पाउब्भूए; 3. E. B. °क्खडेह; 4. C. °कलया°; (कलय = अर्जुनवृक्ष); 5. E. C. से; 6. E. मे after this. [Page 61] 1. C. जाणु; 2. E. ण्हायाए; 3. B. पच्चावरण्ह°; 4. C. हत्थअंगुलीए; 5. E. B. देह°; 6. E. B. पक्ख°. [Page 62] 1. B. गच्छण्हं

Cp. Supra; 2. B. सत्थाह°; 3. C. उववत्तेति; E. उच्छत्तेति; 4. C. उववट्टिज्ज°; E. उवट्टिज्ज°; 5. E. एव; 6. C. परा°. [Page 63] 1. C. उववट्टे°; 2. C. नट्टल्लंगं; B. नट्टल्लंगं; E. णट्टल्लंगं; 3. C. E. B. से; 4. E. अवयारियपइन्न°; 5. C. °न्नदपखीयाकइय°. [Page 65] 1. E. पडि°; 2. E. °सयवत्त°; 3. C. वरमाल्लया°; 4. C. reads खुदा after this; 5. E. दिवा; 6. E. पच्छन्ना; 7. C. °दहाओ; 8. C. B. उवि°. [Page 66] 1. E. वि विलुंप्पति after this; 2. E. उवट्टेति; C. उवत्तेति; 3. E. नियंगं; or probably wrong for नियंगं?; 4. E. जविणं; 5. E. निखुड्डे; C. नखडावेत्ति; B. निक्खुडेति. [Page 67] 1. C. °नाय°; 2. E. B. से instead; 3. C. B. from से to °परियट्टइ—dropped and जाव instead. [Page 68] 1. E. B. °पाडी°; 2. C. अनेकतडग°; 3. C. °पुरे for पउरे; Cp. चुविह for चउव्विह etc.; 4. B. सव्वोउय°; 5. E. णीपा°; 6. B. सत्थाह°; 7. B. सायरपरिपेरे°; 8. C. °वयणी° throughout. [Page 69] 1. C. very often °कुसम° for °कुसुम°; 2. C. E. वयासी instead; 3. C. °तहावार°; 4. E. °संकुलसदं; 5. C. E. °माणा. [Page 70] 1. C. °किण्ह°; 2. P. after this: नवरं निक्खमणाभिसेयं पासामो । तए णं से थावच्चापुत्ते तुसिणीए संविट्टइ । 3. C. पडिहारादेसेणं; 4. E. गंधहत्थि°. [Page 71] 1. E. जीवियं निस्सए instead; 2. E. °पडि°; 3. C. उपाइत्तए; E. उप्पाइए; 4. E. अन्नत्थ; 5. E. कम्माणं खओवसमेणं; 6. E. जम्मणजरा°. [Page 72] 1. C. B. दुरूडा; 2. C. समाणा; 3. C. °धुडा; 4. C. सीया°; 5. E. B. अरिहा; 6. C. सत्थवाही instead; 7. C. पुमावईए; 8. C. देवीए. [Page 73] 1. C. B. °सट्टे; 2. C. °धिला; 3. C. सूए throughout; 4. E. जजु°; B. जजुर°; 5. E. °जम°; 6. P. °छत्तछल्ल (करोडियल्लणाल) यंकुस°; 7. C. पत्तेहि. [Page 74] 1. E. B. परिब्बायए instead; 2. B. णीइ; 3. P. °कम्मगंठीओ; 4. C. °पय°; 5. C. B. °य°; 6. C. तए णं (Probably for तवए णं?). [Page 75] 1. C. °लिंपतस्स य; 2. C. सोए; 3. P. वीयस्स; 4. C. सभंड°; 5. C. पज्जुवासेइ. [Page 76] 1. C. °प्पि°; 2. MSS. often write as सिद्धि; 3. C. जे; 4. C. °सवा; generally other MSS. not consistent; [Page 77] 1. E. B. हिरण्णमासा. [Page 78] 1. C. सव्वं before this; 2. E. दलयइ; 3. E. B. पुव्वे instead. (Page 79) 1. E. B. किमने; 2. E. °हारे; 3. C. E. समणा°; 4. C. पुमा°; 5. C. तरसे य (for तारिसेहि?); 6. C. वलेहि instead. [Page 80] 1. C. Always writes फासू°; 2. C. °दसेति; 3. E. B. गल्ल (Probably wrong for मल्ल read in P.); 4. C. writes पासत्थविहारी instead of 2; E. पमत्तविहारी etc.; 5. C. omits उउ. [Page 81] 1. E. °खेलमत्तओसह° etc. 2. C. °वडियस्सयं; 3. C. °रए; 4. C. पीएति; 5. C. पडिक्कमेयं खामेमि णं. [Page 82] 1. C. B. ते सेलगपामोक्खा पंच etc. 2. E. has separate sentences for each; 3. E. अंतेवासी after this; [Page 83] 1. E. B. गुरु°; 2. E. विट्ठे; 3. E. B. अंतरा instead; 4. E. B. गुर्यभारियाए after this; 5. E. B. गुर्यभारियाए instead; 6. E. °गह° (for °तल°); C. always °पयट्ठाणा; 7. B. अह; 8. C. तेसिं; 9. C. पढमं लुगंसे;

10. C. धरणीतलआयवत्ताओ; 11. C. सलिलपय°. [Page 84] 1. B. धण्णे throughout; 2. E. B. विदेसत्थांसि. [Page 85] 1. E. °निसण्णे for °वरगए; 2. C. E. °मिता; 3. C. पल्लगाओ; 4. C. चुत्थं. [Page 86] 1. C. उक्कय°; E. B. °निक्खए; 2. C. हरियफेरंडा; E. हरियफेरंडा; 3. E. पुणरवि instead; 4. B. सु°; P. सूयाणं; 5. E. °भूयाणं (for पूयाणं); 6. C. °दिसिसि; E. °देसं संठवेति; 7. E. वप्पंति; B. वुप्पंति; 8. E. B. उक्खणियहए; 9. E. लवण (?) तलकरयल्लमलिए; 10. E. पुणरवि; 11. C. कडवा; E. कुडुवा; B. मुरजा instead; Com. मुरला; 12. E. B. पल्लंति; P. पक्खिवंति; [Page 87] 1. C. omits; B. reads after this—तव हत्थांसि दलयामि again; 2. B. °एहि. [Page 88] 1. B. and Com. समुच्छियं; 2. E. B. °ज्झियं; 3. B. फालि°; 4. E. सुण्हं after this. [Page 89] 1. E. B. दलाति; 2. B. वट्ठा°; C. ठावियं. [Page 90] 1. E. B. °क्खा; 2. C. सहवल throughout; MS. E. gives the whole description about the arrival of the monk; throughout the chapter MS. E. supplies the वर्णकs which are merely referred to or omitted in other MSS.; 4. E. B. ठावेमि; 5. E. संहिचा (The passage is reproduced in Ch. III where it is समेच). [Page 91] 1. E. तओ अम्हाणं; 2. E. छप्पियवालवयंसे सह before this; 3. E. भंते instead; 4. E. B. तए णं; 5. C. B. वीसाएणं; E. वीसाहिं; 6. E. B. °द्धि°; 7. E. B. पभा°; 8. P. जीवो for सो उ; Com. notes 'एसो'; 9. C. B. उ and E. उवसंते after this. [Page 92] 1. E. B. °सुत्ता; 2. E. B. विगइ°; 3. E. थेरा भगवंतो; 4. E. B. °त्तए. [Page 93] 1. E. विञ्छद्ध°; 2. E. पंचालराया; C. °रायाहिवई; 3. P. °ट्ठाणट्ठिएसु; 4. C. सवसउणेसु (probably for सव्व°); 5. C. सुगालंसि; 6. B. P. (and Com.). 'हेमंताणं चउत्थे मासे अट्ठमे पक्खे फग्गुणसुद्धे तस्स णं फग्गुणसुद्धस्स चउत्थि पक्खेणं; Com. notes the reading in the text; 7. E. महाविमा°; 8. E. °वु°; Com. notes this V. L.; 9. C. °द्धु°; 10. C. दो°. [Page 94] 1. B. अहो°. [Page 95] 1. C. °गा°; 2. P. °सु°; 3. E. B. °ग°; 4. C. °डंड; E. चउहिं बुद्धी उववेओ for सामदंड°; 5. C. °चक्काय°; 6. C. B. °द्धु°; 7. C. तुलएह; E. B. ओलएह. [Page 96] 1. E. B. निग्गच्छइ; 2. E. °फलग° for °पडलग°; 3. E. °कडुच्छय°; 4. E. adds this sentence from तए णं at the bottom and reads 'गंडं वत्थं भरियमेहवन्नं सुप्पणसंडगं सुइरं कालं etc. [Page 97] 1. C. अंतियं; 2. MSS. read here महिलं, but not regularly and consistently; 3. C. पहा°; 4. C. संसुत्ता°; 5. E. तत्थ; 6. B. °कहाहिं संलावे; 7. C. पा. रेज्जं (°च्छे being dropped). [Page 98] 1. E. °त्विह; 2. E. पयस्सय after this; 3. P. तारिसेहिं instead; 4. C. °नंदयंता; 5. E. °संयुगंता; C. अमिथुण°; 6. C. विप्फयाहिं; E. omits; 7. E. सम्मा°; 8. C. अभिनिक्खित्तोसि; 9. E. °वाइसुत्तंतरेसु जयंतेसु; 10. E. वक्कं समुदाह; 11. C. B. °सामवि; 12. C. °नाणा° (for °नावा°); 13. E. वाव°; B. °रि°; Com. °वरि°; 14. °ण्ण°; 15. E. B. °णेहिं; 16. B. विप्पमु°; 17. E. B. °पक्खा; 18. C. संणुम्भ°; E. संछु°; B. °छू°; 19. C. E. B.



मं. [Page 99] 1. B. °लंगं; 2. C. आमू; E. B. आउ; 3. E. °चिपट्ट°  
 (for °चिमिड°); Com. °चिपिड°. 4. E. °भमुयं; 5. C. °दंत°; 6. C. °वगंतं; 7.  
 E. °मायच्छमाणं; 8. B. °कालंगं; 9. E. B. °चंचल°; 10. Com. अवाच्छियं;  
 11. E. °लाला°; 12. Com. notes आमूसियं; 13. C. °चम्मेट्टे°; B. °चम्मउट्ट°;  
 Com. notes this; 14. E. °चिमिट्ट°; Com. °चिवड°; 15. E. घाडम्मड°;  
 B. घाडम्मड°; P. Com. घाडुम्म°; 16. C. °चंचलीय°; 17. C. °लोयणगं; 18.  
 E. °निलाडं; 19. E. °चिद्धं; C. °विवं instead; 20. B. °क्कर°; 21. C. °वूध्वंतं;  
 E. °घुरघुवंतं; 22. E. °तुंमल°; B. °कुंमल°; Dict. does not note these  
 words; 23. E. °दिक्क°; 24., C. °भुक्ख° for °नह°; 25. P. °णिवसणं; 26. C.  
 B. °विततं; 27. C. आणेद्ध°. [Page 100] 1. C. E. उवातिणमाणा; B. उवातिमं;  
 2. B. °क्खाए तिकट्टु; 3. B. °ताल°; 4. C. विहासं; 5. B. °व्व°; 6. Com. P. जेणं.  
 [Page 101] 1. B. °तालाइं; 2. B. ताहे; 3. E. चेव after this; 4. E. B. °यिमे  
 दिसीभाए; 5. E. °प्पियाणं; 6. C. दिट्ठी; 7. B. खमेसु; C. खामेसु; 8. E. मरि°.  
 [Page 102] 1. P. पोयपट्टणे; 2. C. B. °जु°; C. many times °जु° but not  
 always; 3. E. चंपा नयरी पोयपट्टणे; B. चंपाए पोयपट्टणे. [Page 103] 1. E.  
 दिट्ठपुण्वे; 2. C. °मां; 3. P. चउक्कंसि instead; 4. E. B. ओलयंति; 5. E. °खंधे  
 दुरुडे; 6. B. सीयां; 7. E. B. °वंदिउ. [Page 104] 1. B. Locative for  
 Instrumental; 2. E. एरिसिए; 3. C. एत्थ; 4. E. इमीसे; 5. C. से; 6. E.  
 एयमाणं. [Page 105] 1. E. °सिं; 2. B. सयाइं; 3. E. निग्गच्छंति. [Page  
 106] 1. C. पमोदं; E. पउम° 2. MSS. use plural; 3. E. °णुभूयं; 4. E.  
 निव्व°; 5. E. B. °गरदारए; 6. E. B. एय°; 7. MSS. have plural; 8. E.  
 °रूवे; B. °रूवरूवे. [Page 107] 1. B. विअडे; 2. E. विलिए; 3. B. विअडे;  
 4. E. भइं; 5. E. B. चित्तसमं; 6. E. °णुरुयं रूवे; 7. E. जोव्वणनिव्वत्तिए; 8.  
 E. °गार°; 9. C. छोदां; 10. C. B. °ण°. [Page 108] 1. B. °पडि°; 2. B.  
 °गार°; 3. C. छोदां; 4. B. रूवे after this; 5. C. °यरे; E. °भावमंडोवयारे;  
 6. E. °दिसं; 7. E. °इयावसहीओ; 8. C. कन्नाअंते°; 9. B. °फा°. [Page 109]  
 1. B. तुल्लं; 2. C. E. अम्हे; B. अह; 3. E. पण्णवेमि; 4. C. E. धोव°; 5. C.  
 इणमट्टे; 6. E. तुल्लं पि; 7. MSS. धोव°; 8. C. कन्नाअंते°; 9. C. अंतोअंते°; 10. E.  
 usually °उडे. [Page 110] 1. B. अडहि; 2. C. °सां; 3. E. मह; 4. C.  
 किं; B. के; 5. E. संवुट्टे; B. वुट्टे; 6. C. तडागं; 7. E. °पस्स°; 8. E. B. तुमे; 9. E.  
 usually उवरोहे. [Page 111] 1. E. अंतिए after this; 2. E. °द्वां; 3. B. अम्हं  
 after this; 4. C. सव्व°; 5. C. चेव instead. [Page 112] 1. E. निग्गच्छइ; 2. E.  
 देसमगं; B. देसगंतं; 3. E. B. °निवाडिय°; 4. B. मिथिलं; 5. C. E. °सेजे (or रोहासजे?)  
 B. रोहोसजे; 6. E. णयरिं instead; 7. E. ओरुद्धं; B. ओरद्धं; 8. E. विरहाणि य after  
 this; 9. E. °णम°. [Page 113] 1. E. B. °स्सियं; 2. B. °पवे°; 3. C. B. रोहासजे  
 or रोहोसजे? Cp. Supra; 4. E. तं before this; 5. E. Instru.  
 for Loc.; B. also except in लावण्णे; 6. E. देहं; 7. E. °वइ; 8. E.  
 एवं खलु instead. [Page 114] 1. B. दुखं; 2. C. E. °ज्ज°; 3. B. तुम्हे  
 before this; 4. E. इमाओ; 5. E. अणगारा after this; 6. C. निव°;

7. B. चोत्थं; 8. E. B. तए; 9. E. वत्तीसं; 10. B. सयाई; 11. E. पयाया; 12. B. थ instead; 13. E. तुमं; 14. B. °म्ह°; C. °म्म°; 15. C. च; B. Omits; 16. E. विहाडवेइ; 17. E. छपि य रायाणो वालवयंसा; 18. E. पवाह. [Page 115] 1. C. अम्हे; 2. E. जम्मणजरमरणानं; 3. P. °याणं; 4. E. पवाह; 5. E. माणसे; 6. B. जिय°; 7. C. °यत्तिट्ठए; 8. C. असीयं; E. असियं; 9. C. दलयइत्तए. [Page 116] 1. E. Loc. for Accu.; 2. E. B. कारो°; Com. notes कायकोडियाणं; 3. E. B. °विहायं. [Page 117] 1. E. generally °दाणं; 2. E. च after this; 3. C. E. °हि. [Page 118] 1. E. B. Singular; 2. E. दाहिणि°; 3. E. देविंदे देवराया after this; 4. B. साहट्टु; 5. E. °पुव्वीए संपट्ठिया; 6. E. तयाणंतरं. [Page 119] 1. E. पक्खिवइ; B. पक्खिवसति; 2. E. °निणाए; 3. E. माणसगाओ गिहत्थवम्माओ and omits उत्तरिए; 4. P. राय°; 5. E. अरहस्स; 6. E. पच्चाव°; 7. E. राजानो; 8. C. सव्व°. [Page 120] 1. E. केवलं उपपज्जइत्ता; 2. E. किंसुक°; B. भिसग्ग°; 3. E. B. omit अट्टु; 4. E. अज्जियासंपया होत्था; 5. C. omits the Cpd.; E. some confusion; 6. C. चुरासी य; 7. E. °स्साई; 8. E. B. omit the Cpd.; 9. E. B. छस्सया; 10. B. पणवीसं; 11. C. °कड; E. °कर; 12. C. जुगंते कड°; 13. B. दुवास°; Com. also; 14. C. पाओगमणुव°; 15. C. B. केवल°; 16. E. पक्खेणं after this; 17. E. बुद्धे अंतगडे परिनिव्वुद्धे after this. [Page 121] 1. E. मागंदी; B. मायंदा; 2. C. °पालए; 3. C. B. °लसं पि; 4. E. Generally वयासि; 5. C. भो; 6. E. ते; C. भो; 7. E. B. मागंदिय° Throughout; 8. E. अणुजाणित्ता. [Page 122] 1. B. अयाले; 2. C. समुच्छिए; E. °च्छिए; 3. B. अतिअट्ठि°; E. अणियट्ठि°; 4. E. °जणि°; 5. E. भंज°; 6. E. घुणा°; 7. B. गलियगवंधणा लंवणा; 8. C. सोय°; 9. MSS. and P. °घोर°; 10. P. °छोम°; Dict. does not note छोमण; But all MSS. write छोमण; 11. C. °भट्ट°; 12. E. °धाविय°; 13. E. °गार°; B. °कार°; 14. E. B. करकरस्स; 15. E. °परणियभंड°; P. °पडियं भंड° etc.; 16. C. B. निवज्जा; E. णिवेज्जा. [Page 123] 1. B. फलगमखंडं; 2. B. संवू°; 3. E. B. आससति; 4. E. B. नालिएरा°; 5. E. गत्ताई; 6. E. B. सत्तट्ठ°; 7. B. °ताल°; 8. E. हो. [Page 124] 1. E. गंडरत्त°; 2. E. माउयाई; 3. E. पाडेमि; 4. B. एतेहिं; E. तेएहिं; 5. E. पूहयं; B. पुहयं; 6. E. पाडे°; 7. C. B. उवि°; Com. उप्पिच्छौ; 8. B. उद्दु; 9. E. °दाणेण; 10. C. ददुर°; 11. C. B. °उव्वर(?); but उव्व & उव्व are very similar; 12. E. °विंद°; 13. C. उविग्गा generally; 14. B. उद्दु. [Page 125] 1. B. °वेल्लो; 2. E. B. °मयर°; 3. C. तएणं; 4. C. °फुडा°; 5. E. संमुहं; B. सुमुहि; Com. समुहिं; 6. E. वयासि; 7. C. महुत्तं°; 8. C. B. सयं; 9. C. रयं; 10. C. धियं. [Page 126] 1. B. °विए; 2. C. कस्ताघायणे; Dict. does not give आघायण; 3. E. आवइं; B. °वर्ति; 4. C. B. ते; many times, MSS. write ते for से; (i. e. Plural for Sing.). Cp. also the Verbal forms: C. very often writes Plural for Sing.). 5. C. B. E. °उवु°; 6. P. ओहिणा after this. [Page 127] 1. C. °लहुगंसि; 2. E. वयासि; 3.

E. जक्ख° instead; 4. P. भे; 5. E. B. भे; 6. P. चेइयं: But the MSS. write च and च alike; चेइयं makes no sense; 7. E. जक्ख° instead. [Page 128] 1. C. E. सिद्धि; This word is often thus wrongly spelt by MSS.; 2. B. पडि°; 3. B. पुट्ठातो; 4. E. विष्णुणामि; 5. E. °णाह; 6. C. B. वत्तंति; 7. E. तच्चंपि after this; 8. B. पट्टंसि; 9. E. पट्टि; 10. C. सत्तअट्ट°; 11. E. B. °तल°; 12. C. उवागए; 13. C. सुयं. [Page 129] 1. C. B. °खडगं; 2. C. सत्तअट्ट; 3. E. B. अप्प°; 4. E. प्पाडेमि; B. पडेमि; 5. C. अणाडेमाणा; E. °णाढामाणा; 6. E. लोमेहि य before this; 7. E. जमिणं; 8. E. °दीवदेवया; 9. P. उ after this; 10. E. वह°; 11. & 12. B. सललियं; C. सलिलियं; Com. सलीलयं. [Page 130] 1. C. निव्वुय°; 2. B. सव्व°; 3. E. B. सकलुसा; 4. C. णिकळक; E. णिच्चक; 5. E. विण्णण (?); Com. छिण्ण—and explains as स्यान which is from थिण्ण; 6. C. °किय; E. णिक्खिव; 7. E. °हन्नं; 8. B. तुमे; 9. E. omits; 10. E. °रिस°; 11. E. °विविह°; 12. E. B. °सयाउल°; 13. E. B. एका°; 14. B. °विउल° (for विमल); 15. E. °लागारं; 16. B. सरिसनयणवयणं; 17. C. सद्धामि; 18. C. पि°; 19. C. जाए (for जा ते); E. जाओ; 20. C. B. °राहिं; 21. E. B. omit °अणु°; 22. E. °लायण°; 23. C. Some confusion in this and the next Cpd.; 24. C. गलहत्थणोल्लियमई; E. °गलणोल्लि°; B. °गलत्थणो°; 25. E. B. °सट्ठे; Com. °सत्थं; 26. E. B. °प°; 27. E. °प्प°; 28. E. आसुरत्तं. [Page 131] 1. B. सरिस°; E. पुरिस°; 2. B. पहि°; 3. C. °रिथ°; 4. C. °लिए; P. °लओ; 5. B. निरवेक्खो; 6. B. निरवेक्खेण; 7. B. °महुर° (for मउय); 8. C. सिद्धि; 9. C. वहूय; 10. E. B. °त्तारं; 11. E. °समुच्छलणं; 12. B. °गेहणं; 13. E. omits; C. °विधूयं; B. भोगभोगाई भूजमाणा. [Page 132] 1. E. अप्पाहरणं; 2. E. °विऊ; 3. E. writes the Sentence in full. [Page 133] 1. E. though-out writes different sentences: नामं नयरे होत्था । तस्स णं etc.; 2. E. हीयंति; 3. B. पणि°; 4. E. दियाए. [Page 134] 1. E. B. कह; 2. E. °पत्ता मुत्तपुप्फफला; 3. C. °क्खाओ; 4. C. देसआरा°; 5. C. B. स°. [Page 135] 1. E. writes full sentences; 2. C. महासमणो°; 3. C. °जालाकुले; 4. B. इणमट्ठे; 5. E. निसत्थे (for वरगए). [Page 136] 1. E. विस्सा°; 2. E. मद्दिणज्जे; 3. C. वयणिज्जे; 4. E. B. throughout सुत्थि and दुत्थि for सुरभि and दुरभि; 5. E. पाओग°; 6. E. B. °णा°; 7. E. °वाहि°. [Page 137] 1. E. उवाइणा°; 2. E. कार°; B. करा°; 3. B. संवासेति; E. संवासावेइ; 4. B. ग°; E. गं°; 5. E. संवसा°. [Page 138] 1. E. पाणिज्ज°; 2. C. °भत्तु°; 3. C. E. तुम्भे; 4. E. तुम्हे तइया. [Page 139] 1. E. वयासि; 2. C. जाणिया; 3. C. तुम्भे; E. तुमं; 4. E. Reads तं before this; 5. C. वु°; E. वु°; 6. B. °च्छंति. [Page 140] 1. C. Always writes उविग्गे (single व); 2. C. B. एगओ; E. पच्छागए (for पच्छा एगयओ); 3. C. तुम्भे. [Page 141] 1. E. reads after this:—तस्स णं रायणिहे स्सेणिए णामं राया होत्था । तेणं कालेणं २ समणे भगवं etc. ....; 2. C. Throughout ददुर°; 3. E. °सपरिवाराहिं; B. सरिसाहिं; 4. C. °क्खमंते; 5. C. B.

अन्नयाइ. [Page 142] 1. E. B. °रोवि°; E. °पाड्य°; 2. C. E. °रिणिं; B. °रणि; 3. C. E. B. जाए; 4. C. °कोणा (Single क throughout); 5. E. °वत्त° (for पत्त); 6. B. °मत्थ°; E. °मत्थ or (च्छ°); P. °मच्छ°; 7. B. °सदुन°; P. °सदुत्त°; 8. C. पुरि°; 9. B. कार°; 10. C. E. B. °त्तिम; 11. C. E. °माणा; 12. C. E. °भय°; B. omits; 13. C. °न°. [Page 143] 1. E. सुयमणो; C. सुणमणो; 2. E. कार°; 3. E. °किविण°; 4. E. B. एत्थ; 5. There is some confusion here. E. करोडिया य वायतणहारा; C. B. करोडिकारवा; P. करोडिया कारिया° तणहारा° etc; 6. C. B. °मल्ल°; 7. C. B. °कुसम°; 8. B. साहमणो; E. सोवमाणे; In line 1 on this page, MSS. write सोहेमाणे; Com. साहे°. [Page 144] 1. E. B. °कलंबकं; 2. E. समूससिय°; 3. E. B. खासे; 4. C. अरसा; 5. E. कंइ य उदरे° कोट्टे; B. कंइ उदरे कोट्टे; 6. E. उव्वे°; B. उव्वेवणेहि; C. उव्वलणाहि; 7. C. अवद्वावणेहि; B. °द्वावणाहि. [Page 145] 1. E. °णेहि; 2. C. निरुवेहि; B. निरुवेहि; 3. E. सज्जेपुड°; 4. C. गो°; 5. E. reads after this : आइज्जेहि य; B. वेल्लीहि य; 6. MSS. मणियारे after this; 7. E. B. विणिमुक्के; 8. C. पीयपाणियं; E. पियपाणियं; 9. C. एस; E. सो; . [Page 146] 1. E. सालाओ; 2. P. °इणो°; 3. B. पा°; 4. E. सिरसावत्तं मत्थए अंजलिं कट्टु for जाव. [Page 147] 1. E. जावज्जीवाए after this; 2. E. °पुरे; B. °लीपुरे; 3. E. णयरे होत्था; B. णगरे होत्था; 4. E. writes complete sentences; 5. C. कलायरस्स; 6. B. अत्तिया; 7. C. usually पोटिला and sometimes पोटिल्ला. [Page 148] 1. C. always कलायरस्स; E. कालायस्स; B. कलादस्स; 2. C. E. B. generally omit दारग; 3. C. E. B. °माणि; 4. E. B. रुवेण; 5. C. °वाहि°; 6. C. Always writes कलायरस्स, B. sometimes; E. कलायस्स or °दस्स°; but all MSS. also write कलाए. Thus there is no uniformity regarding the spelling of this word; 7. C. सत्तअट्ठ°; 8. C. omits; E. B. वा instead; 9. E. सुंकं; 9. E. सुंके. [Page 149] 1. C. हत्थअंगु°; E. °लियाए; 2. C. हत्थअंगु°; 3. C. पायअंगु°; 4. B. °सकुलीओ; 5. E. अंगमंगाई; B. अंगमंगायं; 6. E. B. पयायामि; E. reads तं after this; 7. C. E. B. °सि°; 8. C. अन्नसुहदायणे; 9. P. सयमेव; 10. E. °वडुंति. [Page 150] 1. B. °हाय°; 2. C. तुब्भं; 3. E. अंवो; P. तेयलिग्गिहे after this; 4. E. B. °स्सियं; 5. E. B. °द्वा°; 6. C. पेहेइ; 7. E. B. तं णं; 8. C. निक्खवेत्ति; 9. C. E. °लाओ; 10. C. E. पेहेहि. [Page 151] 1. E. मय°; B. मल्लियं; 2. C. लोगहियाई; E. लोगियाई; 3. C. B. जाया; 4. E. °गोयस्स वि; 5. E. दरिसणं; 6. E. नाव; 7. E. °रासि; 8. C. °कल्लं; 9. C. B. बहूसुया°. [Page 152] 1. C. हियसुडावणे; 2. C. E. भूय°; 3. C. गोलिया; 4. C. जाणाहि instead; 5. E. हत्थे before this; 6. E. छाएति instead; 7. E. B. °यारं; 8. B. उव्वे°; 9. P. पडि° (for परि°); 10. C. कुटंव°. [Page 153] 1. C. तुब्भं; B. तुमे; 2. E. अन्नयरेसु; B. अणुत्तरेसु; 3. E. बोधे°; 4. C. अन्नतरेसु for अन्नतरेसु; E. अणुत्तरेसु; 5. B. संपत्ते. [Page 154] 1. C. विथंगे होत्था; E. विगिंत्था; 2. P. °वद्वावए; 3. E. तए णं; 4. E. जा णं; B. जो णं; 5. C. °रहे;

6. Com. से; 7. P. पसासेमाणे; 8. E. कुमारं; 9. C. तं; B. omits; E. इयं. [Page 155] 1. B. से वहुति; 2. E. B. मम after this; 3. C. °ज्झयं; 4. C. °ज्झयं रायं; B. °ज्झयं; E. °ज्झयं णं; 5. E. पट्ठओ. [Page 156] 1. E. सए before this; 2. C. ओइल्ला; E. ( at the bottom in Com. )—ओइल्ला; 3. E. °ल्लियाए सिलए गीवं; 4. E. ज्झामिए; 5. E. omits this sentence: and after this some words are not distinctly legible as the folios have stuck together; 6. E. omits; C. पोसेहिं; 7. E. तेयलिपुत्तेणं before this; E. B. तालउडगे; 8. E. B. अप्पा; and E. सुक्खे; 9. C. °पुत्तं. [Page 157] 1. E. वरसंति; B. वरिसंति; 2. E. अरत्ते; 3. E. B. omit; 4. E. तरिउं; 5. E. B. पवहणं; 6. B. °णा; 7. E. वयासी; 8. E. सुभेणं अज्झवसाणेणं after this; 9. MSS. omit °पुत्तं; 10. E. पंचमहं; 11. E. °वट्ठं. [Page 158] 1. B. धण्णे throughout. [Page 159] 1. MSS. वयासी; 2. Com. पंडुरगे; 3. Com. गिहिधम्मो वा धम्मचित्ते वा; 4. C. अहिच्छं. [Page 160] 1. B. नाइविगिट्ठेहिं; 2. E. पयाणेहिं instead; 3. E. B. देसग्गते; 4. C. ससिरीया instead; 5. E. केवि; 6. E. After this 'ठिच्चा तत्थ ( for सत्थ ). [Page 161] 1. E. नो रज्जेइ after this. [Page 162] 1. C. E. °भूए; 2. E. C. °वाराए; 3. E. B. °क्खडेइ; 4. E. °क्खडेइ; 5. P. अमोज्जं after this; 6. E. B. अहं; 7. E. B. °ल्लिवो; 8. E. B. omit ताव; 9. E. B. तित्ता. [Page 163] 1. E. B. °रा; 2. E. सुहंसुहेणं विहरमाणा after this; 3. E. उवगा; 4. C. °रुत्तं; 5. P. निसिरणट्ठयाए; 6. C. B. °ग्गहणे; 7. E. °सिं; B. °स्सं; 8. E. ताओ; 9. E. B. तित्तगं. [Page 164] 1. C. °ल्लयं; 2. E. यं; 3. E. °वायं अचित्तं थंडिलंसि एगंते; 4. C. °सू; 5. C. मम तं; E. ममं तं. [Page 165] 1. B. °वदेसं; 2. E. B. अंतियं; 3. C. B. °इयं; 4. E. पुव्वा; 5. C. सा नागसिरी माहणी जाव निसिरइत्ति after this; 6. E. °विट्ठे. [Page 166] 1. B. अहं; 2. E. विगयसिरी after this; 3. P. जाए instead; 4. C. °याइं; 5. C. °णाइं; 6. B. बहिज्जमाणी before this; 7. C. E. वु; [Page 167] 1. C. B. देहं; E. देहिंवल्लियाए; 2. E. B. नरएसु; 3. E. उक्कोसं तेत्तीससागरो; 4. C. उववट्ठेत्ता; 5. E. नरएसु; B. नरए; 6. C. B. omit; 7. B. पयाया; 8. C. सुकं; 9. C. अम्हा; 10. and 11. E. सुकुमा; [Page 168] 1. C. generally उमुक; 2. C. °किं; 3. P. गिहस्स instead; 4. E. रुत्तेण; 5. E. °धेज्जा; 6. E. omits; C. B. सि instead; 7. C. भण after this; 8. B. मम after this. [Page 169] 1. C. °ऊए; 2. E. B. जाव instead; 3. E. B. पट्ठयं; 4. C. E. B. सी; 5. E. B. omit अग्गि; 6. B. पडिसं; 7. C. तिलगं; B. तल्लिगं. [Page 170] 1. C. always महुत्तं; 2. B. सयणिज्जंसि; 3. E. अपासं; 4. C. तलगाओ; B. तल्लिगा; 5. E. अणु; B. °जे; 6. C. °गणइ; B. अवंगणइ; P. °गुण्डइ. [Page 171] 1. E. B. °दोसं only; 2. C. तुम्भे; B. तुमं; 3. C. तए णं before this; B. तेणं; 4. C. सरप्पं; 5. E. °प्पवेसं; B. जलप्पवेसं वा in addition to °प्पवायं वा; 6. B. वे; 7. C. कुंडं; B. कुंडतरिए; E. °तरिए; 8. C. बल्लिए;

- E. विलए; B. विलजिए; 9. E. मणोरसा; 10. C. E. दंड°; 11. E. °प्पवे°.  
 [Page 172] 1. C. E. क°; 2. C. उवलेहेति; 3. B. अन्म°; 4. E. गंधुव°;  
 B. गंधु°; 5. E. °लए; B. °लाए; 6. C. तलगंसि; B. तिलगंसि. [Page 174]  
 1. B. वसि°; 2. B. °वतियाए; 3. C. E. रोवेइ; B. रोयइ; 4. E. B. °विगारा;  
 5. E. °मीओ; 6. E. °रुहइ; 7. E. °वाजसिया; B. °पाउसा; 8. E. उदयतिएण.  
 [Page 175] 1. C. अणा°; 2. C. दुपए; B. दूवए; 3. B. धदुज्जणे. [Page 176]  
 1. E. B. होउ; 2. B. °हीया; 3. MSS. Sometimes °व° and sometimes  
 °व°; I have henceforth retained °व° throughout; 4. °2° after  
 दोवई stands for the word 'रायवरकना'; 5. E. B. Instr. for Loc.;  
 6. E. B. °डाहे; 7. Some confusion here; C. अज्जोया (or पा?) ए;  
 E. अज्जोया (or पा?) ए णं; B. अज्जोया (or पा?) एण; 8. E. B. वरयामि; 9. E. B.  
 °द्ध°; 10. E. मह°. [Page 177] 1. E. °दाणियं; 2. E. °दाणि°; 3. E. मह°. [Page 178]  
 1. B. खिपासेव भो instead; 2. E. किंव; 3. C. अजुन्नं; 4. E.  
 सेल्लं; 5. E. °घोष°; 6. E. °सिंधु°; 7. E. B. भेसग°; 8. E. B. विराडं; 9. E.  
 कियंगं; B. कीयगं. [Page 179] 1. B. आगमं; 2. E. Singular; 3. E.  
 संतुट्ठा. [Page 180] 1. C. °भत्तु°; 2. E. B. पञ्चावर°; 3. B. धदुज्ज°; 4. B.  
 नामकएसु; 5. C. विहरह; 6. C. °किए°; 7. C. कलहं. [Page 181] 1. E. णिसेइ;  
 2. C. निसेइ; E. omits; 3. E. °मयह°; 4. C. B. किडा°; 5. E. °रुहइ;  
 6. C. °द्धुणि; 7. C. B. दर°. [Page 182] 1. C. °समत्थ°; 2. E. °विकंत°;  
 3. E. B. omit दस; 4. E. °पुरिसाणं तेलोक्क° etc.; 5. E. B. पुणो; 6. E.  
 omits; B. लोति and omits होइ; 7. E. वयइ; 8. B. धदुज्जण° always;  
 9. MSS. °हइ; 10. E. करेइ; B. कारवेइ; 11. E. °कारी; B. °कारे. [Page 183]  
 1. E. B. °खंभ°; 2. E. B. सए आवासे; 3. E. से°; 4. E. ण्हाणेइ; 5. B.  
 °कारं. [Page 184] 1. E. B. °त्थोवत्थिए; 2. C. B. स°; 3. C. E.  
 डंडकमंडल°; 4. B. कच्छवीए; 5. E. B. °सेल°; 6. B. °अभि°; 7. B. °भ°; 8. C.  
 °कोऊहल°; 9. P. and Com. एकमणिं-obviously wrong for पक्कमणिं;  
 10. E. गगण मँहि°; 11. Com. थिमियमेइणीयं णिब्भरजनपदं; 12. E. ओलोइयरम्मं;  
 B. ओलोयंते; 13. E. समावयइ; 14. E. B. °पच्च°. [Page 185] 1. There  
 is hesitation among MSS. re. अमर° or अवर°; 2. B. सतिमं (omits पि).  
 [Page 186] 1. E. तं instead; B. एयं; 2. C. ति वा; 3. E. पियत्ताए;  
 4. E. °द्विले°; 5. C. उवसो°; 6. C. महु°; 7. E. इमे; 8. E. सओ पासाओ.  
 [Page 187] 1. C. जुहु°; 2. C. महु°; 3. B. कयं; 4. C. वहिया; 5. E.  
 उक्खित्ता. [Page 188] 1. C. एव°; 2. E. जाव instead; 3. E. उक्खित्ता;  
 4. C. करेइ; E. करंति. [Page 189] 1. B. °उरवरणए; 2. C. एवं; 3. E. B.  
 omit. [Page 190] 1. B. ताडेह; 2. C. B. सद्धं; 3. Not in MSS.; 4. P.  
 साहरिया; 5. C. सए; 6. E. °समुद्दमज्जे; 7. E. जेण; B. जो णं; 8.  
 C. सद्धं. [Page 191] 1. E. B. अक्क°; 2. E. °नाहा; B.  
 °णाहा; 3. B. °धी° for धिइ; 4. E. आणमाणे; 5. C. दारए; 6. E.

आक°; B. अणक°; 7. B. अवद्°; 8. E. B. निच्छ°; 9. E. B. अभि°;  
 10. C. B. °उवदेस्°; 11. E. °विकप्पणाविकप्पेहं. [Page 192] 1. B. जुज्झह;  
 E. जुज्झहिह; 2. B. पिच्छेह; E. पेच्छिहिह; 3. E. °द्वयपडागा; B. °पडागा;  
 4. C. पुम°; 5. E. तण°; 6. C. °यन्नं; B. °वन्नं; P. °वण्णं. [Page 193]  
 1. C. B. रोहासजे Cp. Supra; 2. C. करेणं; 3. E. न याणसि; 4. E. उत्तम-  
 पुरिसाणं after this; 5. E. मं for णं; 6. C. °माणेमाणं; E. B. हव्वमाणे only;  
 7. E. भयमथ. [Page 194] 1. C. B. किमन्ने; 2. There seem to be  
 some confusion here; E. सद्दह; B. सद्दह सुणेइ (instead of  
 भद्द); P. also; 3. MSS. किमन्ने. [Page 195] 1. B. एयं; 2. E. B.  
 वेलाउले; 3. E. पंचजन्नं; 4. C. आगयस्स; 5. E. न जाणसि. [Page 196]  
 1. E. द्विया णावं; 2. E. सुयंति instead; 3. E. °भागं; 4. C. महु°; 5. E.  
 उस्सेमो (?); 6. C. सुसमूरेइ; E. सुमसूरेइ; P. चूरेइ instead. [Page 197]  
 1. E. कोट्टे; B. कोट्टि; 2. C. वीइवयइत्ता; E. B. °वइत्ता; 3. E. चुच्चाइ; P.  
 notes जुज्झइ; 4. E. अव्वमइवयणा; B. अपूर्इ°. [Page 199] 1. C. B. °ट्ट°;  
 2. B. सुरद्धा instead; 3. E. वंदए; 4. C. हत्थि°. [Page 200] 1. P.  
 एयमट्ठं after this; 2. B. पत्तुविकवन्ति; 3. B. °गतियं; 4. MSS. सेत्तुज्जं; 5. B.  
 अणवकंख°; 6. MSS. °ज्जे; 7. E. Throughout-जुहिट्ठिल; 8. C. दुवइस्स;  
 B. दुवतीस्स. [Page 201] 1. E. B. संजत्ता°; 2. E. संज°; 3. E. B. उप्पाइय°;  
 4. E. ससुत्थिए; 5. E. आधु(or पु?)निय°; 6. C. °सुईइ; 7. E. गव्वेज्जगए;  
 C. B. गभेज्जगा; 8. C. म°; 9. E. संवूढा; B. °वू°; 10. C. °कइ. [Page 202]  
 1. E. °याए; 2. C. तए; 3. E. °न्नगारा; above also; 4. B. °पोयवहणपट्ठे;  
 5. E. एगमग्गद्वियाहिं; 6. E. इव instead; 7. B. भो; 8. E. कहिं; 9. E.  
 पुव्वदिट्ठे; 10. E. B. संवूढा; 11. E. °णगारा throughout. [Page 203]  
 1. E. सोइंदिय°; 2. B. Supplies the passage; 3. B. पोयवहणट्ठुणे; 4. E.  
 उ(तु?)ट्ठंति. [Page 204] 1. E. B. सोइं°; 2. E. तुइंति; 3. C. निकरे; 4. C. B.  
 पोर्°; E. पोराणगस्स; 5. C. B. फासिंदिय only; E. फासिंदियाइं; 6. C. B.  
 °गोउरा. [Page 205] 1. E. चाणंति; 2. C. पोयवहणे; 3. E. संज°; 4. C. B.  
 अविलणेहि; 5. P. वेल्प्पहारेहि य after this; 6. P. चित्त° (Probably wrong  
 for वित्त°); 7. E. B. छिव्वण°; 8. E. B. °ट्ठिस्सइ; 9. E. °ककुहाहिरामे°; C. कवुहा°.  
 [Page 206] 1. P. कसायंमहुरं; B. omits अंविरं; 2. MSS.  
 °ज्जे°; 3. C. विरिद्धिरो; 4. Com. °सुहेसु; 5. Com. °करेसु. [Page 207]  
 1. C. संसमा; B. सुसमा; E. सुंसमा; I have retained सुंसमा  
 throughout; 2. C. आडेलियाओ; E. आलोडिइयाओ; 3. C. पोतुल्लए; E. पोत्तलए;  
 4. E. साडुलए; C. लंगोटा instead; 5. E. सिज्जणाहि; 6. E. B.  
 उवलंभाणियाहि; 7. MSS. omit. [Page 208] 1. E. निव्वं°; B. निव्वंच्छेइ;  
 2. E. चिट्ठइ instead; 3. C. अणा°; E. °हट्ठि°; 4. E. चोर°; 5. E. °कोडंव°  
 6. E. °प्पवेसफारिसो व°; 7. B. कूवियजणस्स; 8. B. तक्करसेणा°; P. चोरसेणा°;  
 9. C. कुंडंयेयाणं वि; B. कुंडंये; 10. E. निष्पाणं; 11. E. °व्भामाणे; B. °व्भमाणे.  
 [Page 209] 1. E. °णाहिवइं 2. B. पि हु; 3. C. B. तस्स; 4. C. सद्धं.

[ Page 210 ] 1. C. E. असणेणं ४; 2. C. संसमा; E. संसमा; 3. C. पुन्वाव°; 4. E. णिक°; B. णिक°; 5. E. अंसा°; 6. Com. ह्यासियाहिं; 7. C. दावा°; E. B. दावा°; 8. C. छिप्पंतरे; E. B. छिप्पत्तरेहि; 9. C. पञ्चावरण्हकालसमयांसि after this; 10. C. गेहं; E. गह्वनं णं; 11. C. मुइ°; 12. C. तालउग्घा°; E. तालालु°; B. तालुग्घाणि°; 13. B. जो. [ Page 211 ] 1. E. B. °ह°; 2. C. °तयासे°. [ Page 212 ] 1. E. अगा°; 2. E. पम्हु°; 3. E. °वियल्लिया; B. °वियेयल्लिया; 4. E. फर°; 5. E. पंचहिं पुत्तेहि; 6. C. कुहस्स 2; 7. C. परममंते; P. notes the V. L. परदंते; 8. C. तए णं; 9. B. अवद्धा; P. अवहिद्धा (?). [ Page 213 ] 1. E. °हिह; 2. C. E. दुव°; B. ठा°; 3. B. E. णित्थरेह; 4. E. अवत्थडा; B. अवद्धा; 5. E. B. °धुक्के°. [ Page 215 ] 1. E. वासं after this; 2. E. वहिया after this; 3. C. कुंड°—but not consistent; 4. E. gives the whole sentence 'धम्मघोसा नामं etc. [ Page 216 ] 1. B. महया २; 2. C. °री°; 3. E. सकंपं; 4. E. B. तेइच्छं; 5. C. रोगातंकाओ; 6. संमु°. [ Page 217 ] 1. E. °डुइत्ता; 2. E. B. विग्गो°; 3. E. °वट°; 4. E. B. अम्म°. [ Page 218 ] 1. C. °देइ; B. आसाइए. [ Page 219 ] 1. B. विणिघाय°; 2. E. B. एक्का°; P. एक्क°; (E. एक्कासराणि). [ Page 220 ] 1. C. B. omits. [ Page 221 ] 1. E. समणे भगवं महावीरे instead; 2. E. °वडिसए विमाणे; 3. E. जत्थ; B. गत्थ; 4. C. E. निसेइ; B. निमेइ; 5. C. आभोगियं. [ Page 222 ] 1. C. °पुत्थणी; B. पडिपुच्छ (त्थ ?) णी; E. पडियत्थणी; 2. C. B. नवुस्सेहे; 3. E. °दियं; 4. E. °परिविखत्ता. [ Page 223 ] 1. C. °सुहेणं; 2. C. जरमर°; 3. C. छत्ताए; E. छत्ताहिइए; 4. B. °रईसए. [ Page 224 ] 1. E. कालिसिसिणि; 2. E. सिसिणि; 3. C. चेइए; B. वे (or चे ?) तेइ; 4. E. °अज्जियं; 5. E. B. °पाउ°; 6. C. E. B. °पाउ°. [ Page 225 ] 1. E. अन्नमन्नं instead; 2. C. B. वसित्ता; 3. B. पडिकं; C. पाडियकं; 4. C. छेदेइ; 5. E. अवतरिया only; 6. E. °जइभाग°; B. °जाएभाग° 7. E. उव्व°. [ Page 226 ] 1. B. निहं; 2. E. विमाणे instead. [ Page 227 ] 1. E. धूया after this; B. धूय; 2. E. °तिमे; B. °इमे; 3. E. इला; 4. E. इला°; 5. C. अयले; 6. C. अइला Probably confusion of the two spellings; B. अला; 7. E. °सोतरया; P. आसतेरा ?; 8. C. °देवस्स विसेसा. [ Page 228 ] 1. C. विळ य पुन्ना (त्ता ?) ए. बहुपुण्णिथा; 3. B. उत्तरमायाया वि य; 4. C. तारया; E. भरिया वि य; 5. फडाइया; B. फलाइया; B. कच्छकच्छावईफडाइय; 6. E. °कालिंदाणं; 7. इखुराए; B. अरक्खए; 8. C. अइखुराए; B. °क्ख°. [ Page 229 ] 1. E. °भंडी; B. भंडी; C. omits भंडी; 2. C. सुई; B. सुती; 3. C. B. नवमिया.





